

Suttantapiṭake Saṃyuttanikāye

Sagāthāvaggapāḷiyā saṃvaṇṇanābhūtā

Bhadantamahābuddhaghosattherena katā

Sāratthappakāsinī nāma

SĀMYUTTATṬHAKATHĀ

(Paṭhamo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1970

© Buddhasāsana Society

Aṭṭhakathā Series 14

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၎ ṁ

VOWELS IN COMBINATION

-၁ ဃ = ā ဝ = i ဝ = ī ၎ ၎ = u ၎ ၎ = ū - = e -၁ ဃ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သhya	ဠ pla	ဣ lla
ကွ kka	ဠ cca	ဏ န္ဓha	ဠ dhva	ဠ pba	လျ lya
ကျ kya	ဠ ccha	ဏ န္ဓha	ဠ nta	ဠ bbha	လှ lha
ကြ kri	ဠ jja	ဏ န္ဓha	ဠ ntva	ဠ bya	ဝှ vha
ကလ kla	ဠ jjha	တ္တ tta	ဠ ntha	ဠ bra	တ္တ sta
ကွ kva	ည ṅṅha	တ္တ ttha	ဠ nda	ဠ mpa	တ္တ strā
ချ khya	ည ṅṅha	တွ tva	ဠ ndra	ဠ mpha	သွ sna
ခွ khva	ည ṅṅca	ကျ tya	ဠ ndha	ဠ mba	သျ sya
ဂွ gga	ည ṅṅcha	တြ tra	ဠ nna	ဠ mbha	သသ ssa
ဠ ggha	ည ṅṅja	ဠ dda	ဠ nya	ဠ mma	သွ sma
ဂျ gya	ည ṅṅjha	ဠ ddha	ဠ nha	ဠ mya	သွ sva
ဂြ gra	ဠ ṭta	ဠ dya	ဠ ppa	ဠ mha	တွ hma
ကံ ṅka	ဠ ṭtha	ဠ dra	ဠ ppha	လျ yya	တွ hva
ခံ ṅkha	ည ḍḍa	ဠ dva	ဠ pya	လျ yha	ဠ ḷha
ဝံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Nidānakathā

Sirimatā amhākaṃ Buddhena Bhagavatā Arahatā Sammāsambuddhena sakalalokapatthaṭamahākaruṇāsinehasiniddhahadayena sabbattha appaṭihatasabbaññutānāvarenaḍiñāḇobhāsasamujjalitena sanarāmaralokagurunā sadevakassa lokassa atthāya hitāya sukhāya dhammo ca vinayo ca desito pañṇatto, so pariyattipaṭipattipaṭivedhavasena vibhatesu tīsu saddhammesu pariyattisaddhammo nāma, tadeva ca sāsanatṭhitiyā pamāṇaṃ, satiyeva hi tasmīṃ itare uppajjanti, nāsati, vuttañhetam **Aṅguttaraṭṭhakathāyaṃ**— (Am-Ṭṭha 1. 72 piṭṭhe)

“Suttantesu asantesu, pamuṭṭhe vinayamhi ca.
Tamo bhavissati loko, sūriye atthaṅgate yathā.

Suttante rakkhite sante, paṭipatti hoti rakkhitā.
Paṭipattiyam ṭhito dhīro, yogakkhemā na dhamasati”ti.

Teneva ca saddhammaciraṭṭhitikāmino theravarā Mahākassapādayo pariyattisaddhammasaṅkhātāṃ Tepiṭakāṃ Buddhavacanaṃ saṅgītimāropetvā Buddhasāsanāṃ samrakkhimsu, taṃkālikā ca rājāno saddhammābhivuddhikāmā tesāṃ saṅgītikārānāmanubalappadānena sahāyattamupāgamuṃ.

Tathā hi catūhādhikatimāsaparinibbute Bhagavati Mahākassapattherappamukhehi pañcahi arahantasatehi Rājagahe **paṭhamā dhammasaṅgīti** katā rañño Māgadhasa Ajātasattuno visesānuggahamādāya.

Vassasataparinibbute ca Bhagavati Mahāyasattherappamukhehi sattahi arahantasatehi Vesāliyam **dutiyā dhammasaṅgīti** katā, tadā ca Kālāsoko mahīpati tesāṃ sahāyattamupāgato.

Tathāgataparinibbānato pana dvinnāṃ vassasatānamupari pañcattimsatime vasse Mahāmoggaliputtatissattherappamukhehi arahantasahashehi Pāṭaliputte **tatiyā dhammasaṅgīti** katā sakalalokapatthaṭayasassa Dhammāsokassa bhūpatino niratisayānuggaham laddhāna.

Sammāsambuddhapariniibbutito pana catunnaṃ vassasatānamupari paṇṇāse vasse Laṅkādiṭṭe Vaṭṭagāmaṇirājino kāle Mātulajanapade Ālokalene **catutthī dhammasaṅgīti** katā pañcahi arahantasatehi Mahādhammarakkhitattherappamukhehi, yā loke “pothakāropanasaṅgīti”ti pākaṭā.

Buddhavasase pana catussatādhikadvisahassānamupari pannarasamasāṅkhyāṃ sampatte imasmimpi Marammaraṭṭhe **Mindonnā**massa mahādhammarājino kāle Mandalay itipākaṭe Ratanāpuñjanagare **pañcamī dhammasaṅgīti** katā catussatādhikadvisahassattherehi Dakkhiṇārāmaṃvāsītipiṭakadharabhadantaṭṭhagarattherappamukhehi tasseva rañño anavasesānuggahamādāya, yā loke “selakkharāropanasaṅgīti”ti vuccati.

Itthaṃ sudamā Buddhassa Bhagavato sāsanaṃ iddhañceva hoti phītañca vitthārikamā bhūjaññaṃ puthubhūtaṃ yāvajjatanā.

Cirakālato panetaṃ Buddhavacanaṃ lekhaṇaparamparāya ceva muddaṇaparamparāya ca anekakkhattuṃ parivattiyābhataṃ na sakkā dāni vattuṃ “paṭhamadutiyaṭṭhādisaṅgītimāropitākāreṇeva sabbaso parisuddhaṃ”ti, aññadatthu paṇādhunikapotthakesu saṃvijjamānehi kehici paṇādalekhādisaṅgīṭakhalitādhikaparibhaṭṭhapāṭhehi malīnamevetamā, tathā hi nāñadesiyapotthakesu aññamaññaṃ saṃsandiyamānesu anekā visadisapāṭhā dissanti.

Tatoyeva ca Buddhavacanassa suparisuddhabhāvakāmīno mahātherā sasatthantarapīṭakattayakovidā dhammavinayaṃ vācentāyeva te khalitādhikaparibhaṭṭhapāṭhe disvā evaṃ samacintesuṃ kathesuṃ ca—

“Advayavādīno suparisuddhavacanassa tassa Bhagavato pāvācanaṃ advayaṃ suparisuddhaṃ nimmalamevassa, imesu pana pāvācanapotthakesu aññamaññaṃ visadisā ceva aparisuddhā ca pāṭhā dissanti, nissamsayaṃ kho ayameva mūlapāṭho, yo nesamā yuttisampanno, tadañño pana paṇādalekhaṇapāṭhoyeva, tādisā ca dissanti ādhunikapāvācanapotthakesu kismiñci kismiñci ṭhāne.

Kāmañcetedāni na tāva bahutarā, yāva yathābhūtaṃ pāṭhiyā atthaṃ paṭisedheyyuṃ, etarahi pana asodhiyamānā te gacchante gacchante

kāle bahutarā bahutarā jāyeyyūṃ, taṃkālikā ca pacchimā janā te sodhetuṃ asamatthā yathādhippetāṃ pāḷiyā atthaṃ na sammā jāneyyūṃ, evamete saddhammassa sammosāya antaradhānāya saṃvatteyyūṃ.

Vuttaṃ hetāṃ **Aṅguttaranikāye**— (Am 1. 60 piṭṭhe)

‘Dveme bhikkhave dhammā saddhammassa sammosāya antaradhānāya saṃvattanti, katame dve, dunnikkhittaṃ ca padabyañjanaṃ attho ca dunnīto, dunnikkhittassa bhikkhave padabyañjanassa atthopi dunnayo hoti, ime kho bhikkhave dve dhammā saddhammassa sammosāya antaradhānāya saṃvattanti’ ti.

Yaṃnūna mayāṃ te sodhetvā nimmalaṃ parisuddhaṃ Buddhavacanaṃ sampatiṭṭhāpeyyāma, tadassa saddhammaciraṭṭhitiyā bahujanahitāya bahujanasukhāya ca, taṃ pana na sukaraṃ sampādetuṃ aññatra dhammikaṛājūnāmanuggahenā” ti.

Sā paṇāyaṃ kathā patthaṭā sādhujanaparamparāya, sutā ca **U Nu** nāmadheyyaggamahāmacappamukhehi Marammaratṭhissarehi, sutvāna te evaṃ samacintesuṃ sammantayīṃsu ca “na kho panetaṃ amhākaṃ patirūpaṃ, ye mayāṃ pubbakehi dhammikehi dhammarājūhi samanuggahitassa Buddhasāsanassa parihānikāraṇaṃ passamānāyeva ajjupekkhitvā appossukkā vihareyyāma, yaṃnūna mayāṃ sāsānopakārupāye sampādetvā visesato ca ādhunikapāvācanapotthakesu dissamāne saṃsayaṭṭhāniye pamādalekhapāṭhe saṃsodhetukāmānaṃ mahātherānaṃ ajjhāsayaṃ paripūretvā Buddhasāsanāṃ anuggaṇheyyāma” ti, atha te sabbepi sāsānānuggahāya katasanniṭṭhānā ahesuṃ.

Anuggahitukāmehipi ca tehi na sakkā āṇāya kātuṃ vinā mahājanacchandasañjātopadesena, mahājanappatinidhibhūtā hi etarahi Marammikā rājāno, upadeso ca santhāgārasamitiyaṃ mahājanappatinidhibhūtānaṃ matisajīvānaṃ chandeneva samuppajjati, tasmā Buddhasāsanānuggahāya santhāgārasamitiyaṃ ekaṃ dhammupadesaṃ paññāpetvā **Buddhasāsanāsamiti** nāma mahāsamiti samuṭṭhāpitā. Tassā kho pana samitiyā sabhāpati hoti *Thadosirīsudhammopādhidhārī* **Sīr U Thwin**vhayo mahāseṭṭhi, upasabhāpati pana *Thadosirīsudhammopādhidhārī*eva **U Thein Maung**vhayo padhānaḍḍavinicchayamandiramhi mahākkhadassādhipati, sabbakammavidhāyako pana

hitadharo *Thadomahāsa*resīthūpādhiko **U Chan Htun**vhayo upadesikādhīpatipadhānanīvedimahāmantī. Bhaṇḍuppādako pana raṭṭhissarānaṃ patinidhibhūto **U Win** nāmadheyyo sāsanaṭṭhānikamahāmatto.

Atha te Buddhasāsanasamitikā “yāyeva kho panatthāya samuṭṭhāpitāyaṃ samiti, tadatthamidāni visesato kāhāmā”ti Marammaraṭṭhebhīpākaṭaḡaḡasamudayasamudite tattha tattha padhānanāyakabhūte paropaṇṇāsamahāthere dīghadassino nimantiya evamārocesuṃ “ayaṃ bhante amhākaṃ Buddhasāsanamahāsamiti Buddhasāsanānuggahatthāyeva raṭṭhissarānaṃ dhammupadesena samuṭṭhāpitā, sacedāni bhante pubbe viya dhammasaṅgītiṃ katvā sāsanaṃ paggaṇhituṃ yujjeyya, mahātherā ca tathā kātumiccheyyūṃ, vissatthāva bhante karontu, mayaṃ tattha kāyañāṇapaccayabalehi niravasesaṃ byāvaṭā bhavissāmā”ti.

Atha kho te mahātherā “dhammasaṅgītiṃ karissāmā”ti katasanniṭṭhānā evaṃ pativedesuṃ “kattabbāyevesā dhammasaṅgīti, nesā na kattabbā, tasmā mayaṃ dāni piṭakapotthakāni pañcamasaṅgītisilālekhāya samānetvā tāniyeva sarīraṃ katvā pāḷisaṃsodhanapubbaṅgamaṃ dhammasaṅgītiṃ kassāma, yāya ādhunikapotthakesu paramparāparivattanavasena sañjātā pamādalekhaṇā ca nirākarīyissanti, visodhitaṅca suparisuddhaṃ pāvacaṇamūlaṃ labhitvā taṃ muddāpetvā sakalaloke nānāraṭṭhesu nānādesesu byāpanavasena Buddhasāsanassa ciraṭṭhiti ca sādhiyissati, sabbe ca Theravādīkā raṭṭhā Marammaraṭṭhasahitā ekato hutvā Buddhasāsanāṃ abhūtapubbapaggaḡhena paggaṇhituṃ labhissanti, sā ca purimikā pañca saṅgītiyo upanidhāya **chaṭṭhasaṅgīti** nāma bhavissati, taṅca sabbaṃ bhavissati bahujaṇahitāya bahujaṇasukhāya atthāya hitāya sukhāya devamanussānaṃ, bahūni panettha āvassakakiccāni paṭikacceva samādapetabbāni tumhākamāyattāni, tasmā saṅgītikālavavattānādīkiccaṃ tumhākaṃyeva bhāro hotū”ti.

Atha te Buddhasāsanasamitikā sāsanaṇālakānaṃ mahātherānaṃ chandaṅca ruciṅca samādāya ovādaṅca sirasā sampaṭicchitvā therānaṃ ceva attano ca kattabbakiccānaṃ pariniṭṭhānasamayaṃ sallakkhetvā “ayaṃ chaṭṭhasaṅgīti Sammāsambuddhapariniṇbānato catussatādhīkānaṃ dvinnaṃ vassasahassānamupari

aṭṭhanavutime vasse vesākhapuṇṇamito paṭṭhāya ārabhitabbā, dve ca vassāni kattabbā, pañcannaṃ ca sāsana-vassasahassānamupaḍḍhavassee vesākhapuṇṇamiyaṃyeva pariniṭṭhāpetabbā”ti saṅgītikālaṃ vavatthapesuṃ.

Tato paṭṭhāya ca te punappunaṃ sannipatitvā sammantayitvā saṅgītiyā pubbakiccesu nirantaraṃ byāvaṭṭaṃ honti, “mahantaṃ kho Jinasāsanaṃ mahatiyāyevetaṃ pūjāya pūjanīyaṃ”ti mantvā tehi kārapitāni mahantamahantāni sāsana-mandiraṃ, tattha saṅgītiṃ kurumānassa bhikkhusaṅghassa sukhasannisa-jjattaṃ sannipātaṭṭhānabhūtaṃ mahantaṃ saṅgīti-mandiraṃ Yangon nāma rājadhāniyaṃ **Sirīmaṅgalatthale Kaba Aye** (Lokasāma) nāmakassa cetiyassa āsanne selapabbataguhāvesena kārapitaṃ tibhūmakāṃ pāyaso silā-iṭṭhakāyomaṃ, evaṃ mahantampetaṃ ekasaṃvacchareneva pariniṭṭhāpitaṃ iddhiyā maññe nimmitaṃ, taṅca bahi ṭhatvā apekkhattaṃ sayama-jātaselapabbato viya dissati, anto pavisitvā olokayataṃ pana olokitolokitaṭṭhānato dassanīyaṃ pāsādikaṃ ramaṇīyaṃ atittikameva hutvā devavimāna-miva khāyati. Tassa panāvidūre aḍḍhateyyānaṃ saṅgītikārabhikkhusahassānaṃ nivāsappahonakā cattāro iṭṭhakamayā mahāpāsādā ceva iṭṭhakamayāyeva bhojana-mahāsālā ca mahāsīmāpāsādādayo ca muddaṇayanta-sālā ca tatheva kārapitā.

Mahātherāpi ca “saṅgītikiccaṃ nāma therādheyyaṃ, therānaṃ ovādeneva kattabbaṃ, na vinā tena, tasmā bhikkhusaṅghassa ceva upāsakānaṅca sabbampi saṅgītipaṭibaddhamovādaṃ dātuṃ bhavitabbamettha ovādadāyaka-saṅghasabhāyapī”ti Marammaraṭṭhadhajūpame aggamahāpaṇḍitopādhi-dhārino ca raṭṭhovādācariya-sammate ca raṭṭhavinaya-dharasammate ca aññe cābhipākaṭa-garubhāvaṇīyādiguṇagaṇasamaṅginoti parosataṃ nāyakamahāthere uccinitvā “chaṭṭhasaṅgīti-ovādācariya-saṅgha-nāyaka-sabhaṃ” nāmekāṃ padhāna-mahāsaṅghasabhaṃ patiṭṭhāpesuṃ, te ca nāyakamahātherā Sambuddha-vacana-ratanākarapāra-ge vividhasatthanta-ragahaṇāsaṅgacārīne therānuthere pañcavīsati-matte samuccinitvā “chaṭṭhasaṅgīti-dhurandharasabhā”ti ca sammantitvā tassā sabhāya bhāraṃ niyyātesuṃ sabbāni saṅgītipaṭibaddhakiccāni saṃvidahituṃ. Te ca saṅgīti-dhurandharasabhikā therā sakalamarammaraṭṭhe **Nyaung Yan Sayadaw**ti abhipākaṭaṃ “Aggamahāpaṇḍito” pādhiṇā ceva “Abhidhajama-hāraṭṭhagurū” pādhiṇā cāti

dvīhi Marammaraṭṭhissarasamappitopādhīhi virājitam jātiyā āsītivassikam upasampadāya saṭṭhivassam “Bhadantarevatam” nāma mahātheravaram sabhāpatim katvā Tepiṭake Buddhavacane ceva nānāsatthesu ca kovide dhammācariyakavipadappatte bhikkhū uccinitvā aṭṭhadasādivaggavasena parosatam pāḷivisodhakavagge ceva sambahule ca paṭivisodhakavagge bandhāpetvā visodhanappaṭivisodhanehi Buddhavacanam suparisuddhattam paṭipāpetvā dhammasaṅgītimakamsu yathā tam porāṇakasāṅgītikārā.

Evam saṅgītimāropitassa Tepiṭakassa Buddhavacanassa atthasaṁvaṇṇanābhūtā Aṭṭhakathāyo ca saṁvijjanti manoramāya tantinayānucchavikāya bhāsāya Ācariyabuddhaghosādīhi theravarehi katā.

Tāsampi Aṭṭhakathānam sadesīyamūlehi ceva videsīyamūlehi ca saṁsanditvā Tepiṭakassa viya Buddhavacanassa visodhanappaṭivisodhanavasena mahātherā pāvacanadassino saṁvaṇṇanākovidā pāṭhasodhanamakamsu.

Icevamaṭṭhakathāyo ca pamādakhalitādhika paribhaṭṭhapāṭhānam nirākaraṇavasena visodhitā ceva paṭivisodhitā ca hutvā Buddhasāsanamuddaṇayantālaye samappitā suṭṭhu muddāpaṇāya.

Muddāpaṇakāle ca Piṭakattayamuddāpaṇe viya mahātheravarā mūlasodheyypattapāṭhakehi gahaṭṭhapaṇḍitehi ceva dhammācariyabhikkhupaṇḍitehi ca anekavāram parisodhitam osānasodheyypattam paṭivisodhitamūlapotthakena ceva aññehi sadesa desantarika Aṭṭhakathāpotthakehi ca vividhabyākaraṇādisatthehi ca punappunam saṁsandetvā suvisada paribyattakaṇḍavāra vākyaccheda saṅketatañca sampāpetvā mahatā parissamena osānasodhanamakamsu.

Evametāsampi ca suvisodhitānam Aṭṭhakathānam saṅgītibhāranitthārakā mahātherā nikhilamarammaraṭṭhe **Maso Yein Sayadawti** abhipākaṭam “Aggamahāpaṇḍito” pādhinā ceva “Abhidhajamahāraṭṭhagurū” pādhinā cāti dvīhi Marammaraṭṭhissarasamappitopādhīhi virājitam jātiyā chasattativassikam upasampadāya chappaññāsavassam “Bhadantasūriyābhivaṁsam” nāma mahātheravaram sabhāpatim katvā chaṭṭhasaṅgītikārapariyāpannehi therānutherehi saṅgamma paṭhanatthāya samārabhimsu yathā tam chaṭṭhasaṅgītidhammasaṅgāyanākāle.

Evametāsaṃ Aṭṭhakathānaṃ saṃsodhana-muddāpaṇa-sampañhanesu
karīyamānesu raṭṭhissaragaṇe aggamahāmacco **U Nu** nāmadheyyo mahāsayo
ceva Buddhasāsanasamitiyaṃ sampati bhaṇḍupādako raṭṭhissarānaṃ
patinidhibhūto **U Basaw** nāmadheyyo sāsanaṭṭhānikamahāmatto cāti-imepi
taṃkiccasampādanāya pāḷisaṅgītikāle viya mahussāhena byāvaṭā honti.

Icevemetāpi Aṭṭhakathāyo theravādīnekāyikavibudhappamukhānaṃ
sathāgamaratanālayasāragāhīnaṃ veyyākaraṇakesarīnaṃ
accantanimmalañāṇavārīnaṃ paridhovitā saṅgamma ca paṭhitā, tā
vibudhappavarekagocarā vimuttirasassādādāyiniyo Piṭakattayassatthaṃ
paribyattaṃ pakāsentīyo ciraṃ vilasantiyo lokatthasiddhiṃ sādhayantūti.

Tenetaṃ vuccati—

1. **Mūlakam** pariyattīva, sāsanaṃ Mahesino.
Pariyattippamāṇā hi, ciraṃ saddhammasaṅgīhiti.
2. Tasmā taṃ rakkhituṃ therā, dhammasaṅgāhakā purā.
Rājāno upanissāya, akaṃsu dhammasaṅgahe.
3. **Paṭhamam** dhammasaṅgītiṃ, **Ajātasatturājino**.
Anuggahena katvāna, pālayuṃ Jinasāsanam.
4. **Dutiyam** tu tathā katvā, **Kālāsokassa** rājino.
Kāle tamupanissāya, pālayuṃ Jinasāsanam.
5. **Tatiyampica** katvāna, **Dhammāsokassa** rājino.
Anuggahena Buddhassa, sāsanaṃ abhipālayuṃ.
6. **Catutthim** pana Laṅkāyam, **Vaṭṭagāmaṇirājino**.
Kālamhi potthakāruḷham, katvāna pālayuṃ tathā.
7. Imasmiṃ Marammaraṭṭhepi, **Mindonnāma** narādhipam.
Rajjam samanussāntam, ratanattayamāmakam.
8. Sannissāya mahātherā, thirasilā guṇākarā.
Pañcamim dhammasaṅgītiṃ, karontā sāsanaṭṭhitim.

9. Patthayantā likhāpetvā, silāpaṭṭesu peṭakaṃ.
Vāyāmena mahantena, pālayuṃ Jinasāsanāṃ.
10. Itthaṃ purā mahātherā, rājāno cāpi dhammikā.
Sāsanāṃ paripālesuṃ, jīvitāṃ viya attano.
11. Tathāpi khalitādāni, dissanti Piṭakattaye.
Paramparāya lekhāya, sañjātā muddaṇena ca.
12. Disvāna te mahātherā, vācentāva Tipeṭakaṃ.
Vuccamānanayenevaṃ, cintesuṃ mantayimsu ca.
13. “Katvāna sādhukaṃ gantha-suddhikaṃ sāsānāyukaṃ.
Yaṃnūna dhammasaṅgītiṃ, kareyyāma mayāṃ” iti.
14. Etamatthaṃ suṇitvāna, **U Nu** nāma mahāsayo.
Marammavisaye **agga-mahāmaccadhurandharo**.
15. “Sāsānāyattakiccāni, sampādentā visesato.
Saṅgītiyaṅca therānaṃ, sampūrentā manorathaṃ.
16. Yathā rakkhimsu porāṇā, surājāno tathā mayāṃ.
Saṃrakkheyyāma Sambuddha-sāsānaṃ” iti cintiya.
17. Mahāmaccehi aññehi, saṅgamehi ca mantiya.
Suppatiṭṭhāpayitvāna, **Buddhasāsana**saṅgamaṃ.
18. Mahātherānamādāya, chandaṃ idha nivāsinaṃ.
Aññesu Sīhaḷādīsu, videsesu ca vāsinaṃ.
19. Kāretvā dhammasaṅgītiṃ, sodhetvā Satthusāsanaṃ.
Saddhammānuggahatthāya, karaṃ daḷhaparakkamaṃ.
20. **Sirīmaṅgalavikhyāte**, thalasmim pavare subhe.
Cetiyaśāvidūramhi, **Kaba Aye** itisaññino.
21. Guhāvesena kāretvā, mahāsaṅgītimandiraṃ.
Āvāsādiṅca bhikkhūnaṃ, kāresi muddaṇālayaṃ.
22. Ganthasaṃsodhanaṃ dhamma-saṅgītiyā tu paṇḍitā.
Mahātheravarākaṃsu, satimantā punappunaṃ.

23. Muddāpente ca passivā, mahātherehi pañcahi.
Sodheyypattamosānam, nimmalattam supāpitam.
24. Katvā suvisadam Buddha-bhāsitam Piṭakattayam.
Yathā muddāpitam āsi, sāsanattham Mahesino.
25. Tathā Aṭṭhakathāyo ca, samsodhetvā punappunam.
Suṭṭhu muddāpitā honti, sabbalokatthasiddhiyāti.

Sagāthāvaggasamyuttaṭṭhakathā

Mātikā Piṭṭhaṅka

Ganthārambhakathā 1

1. Devatāsamyutta

1. Naḷavagga

1. Oghatarāṇasuttavaṇṇanā	3
2. Nimokkhasuttavaṇṇanā	19
3. Upanīyasuttavaṇṇanā	20
4. Accentisuttavaṇṇanā	22
5. Katichindasuttavaṇṇanā	23
6. Jāgarasuttavaṇṇanā	23
7. Appaṭivīditasuttavaṇṇanā	24
8. Susammuṭṭhasuttavaṇṇanā	25
9. Mānakāmasuttavaṇṇanā	25
10. Araññasuttavaṇṇanā	26

2. Nandanavagga

1. Nandanasuttavaṇṇanā	28
2. Nandatisuttavaṇṇanā	30
3. Natthiputtasamasuttavaṇṇanā	31
4. Khattiyasuttavaṇṇanā	32
5. Saṇamānasuttavaṇṇanā	33
6. Niddātandīsuttavaṇṇanā	34

Mātikā	Piṭṭhaṅka
7. Dukkarasuttavaṇṇanā	35
8. Hirīsuttavaṇṇanā	36
9. Kuṭikāsuttavaṇṇanā	36
10. Samiddhisuttavaṇṇanā	37

3. Sattivagga

1. Sattisuttavaṇṇanā	46
2. Phusatisuttavaṇṇanā	47
3. Jaṭāsuttavaṇṇanā	48
4. Manonivāraṇasuttavaṇṇanā	49
5. Arahantasuttavaṇṇanā	50
6. Pajjotasuttavaṇṇanā	50
7. Sarasuttavaṇṇanā	51
8. Mahaddhanasuttavaṇṇanā	51
9. Catucakkasuttavaṇṇanā	51
10. Eṇijaṅghasuttavaṇṇanā	52

4. Satullapakāyikavagga

1. Sabbhisuttavaṇṇanā	52
2. Maccharisuttavaṇṇanā	56
3. Sādhusuttavaṇṇanā	58
4. Nasantisuttavaṇṇanā	60
5. Ujjhānasaññisuttavaṇṇanā	61
6. Saddhāsuttavaṇṇanā	64
7. Samayasuttavaṇṇanā	64
8. Sakalikasuttavaṇṇanā	73
9. Paṭhamapajjunnadhītusuttavaṇṇanā	76
10. Dutiyapajjunnadhītusuttavaṇṇanā	77

Mātikā

Piṭṭhaṅka

5. Ādittavagga

1. Ādittasuttavaṇṇanā	77
2. Kimdadasuttavaṇṇanā	78
3. Annasuttavaṇṇanā	79
4. Ekamūlasuttavaṇṇanā	79
5. Anomasuttavaṇṇanā	80
6. Accharāsuttavaṇṇanā	80
7. Vanaropasuttavaṇṇanā	83
8. Jetavanasuttavaṇṇanā	84
9. Maccharisuttavaṇṇanā	84
10. Ghaṭṭikārasuttavaṇṇanā	86

6. Jarāvagga

1. Jarāsuttavaṇṇanā	86
2. Ajarasāsuttavaṇṇanā	87
3. Mittasuttavaṇṇanā	87
4. Vatthusuttavaṇṇanā	88
5-7. Paṭhamajanasuttādivaṇṇanā	88
8. Uppathasuttavaṇṇanā	88
9. Dutiyasuttavaṇṇanā	88
10. Kavisuttavaṇṇanā	88

7. Addhavagga

1. Nāmasuttavaṇṇanā	89
2-3. Cittasuttādivaṇṇanā	89
4-5. Saṃyojanasuttādivaṇṇanā	89
6. Attahatasuttavaṇṇanā	89
7-9. Udditasuttādivaṇṇanā	90
10. Lokasuttavaṇṇanā	90

Mātikā

Piṭṭhaṅka

8. Chetvāvagga

1. Chetvāsuttavaṇṇanā	90
2. Rathasuttavaṇṇanā	91
3. Vittasuttavaṇṇanā.	91
4. Vuṭṭhisuttavaṇṇanā	92
5. Bhītāsuttavaṇṇanā	92
6. Najīratisuttavaṇṇanā	93
7. Issariyasuttavaṇṇanā	94
8. Kāmasuttavaṇṇanā	94
9. Pātheyyasuttavaṇṇanā	94
10. Pajjotasuttavaṇṇanā	94
11. Araṇasuttavaṇṇanā	95

2. Devaputtasamyutta**1. Paṭhamavagga**

1. Paṭhamakassapasuttavaṇṇanā	96
2. Dutiyakassapasuttavaṇṇanā	97
3-4. Māghasuttādivaṇṇanā	97
5. Dāmalisuttavaṇṇanā	97
6. Kāmadassuttavaṇṇanā	98
7. Pañcālacaṇḍasuttavaṇṇanā	99
8. Tāyanasuttavaṇṇanā	99
9. Candimasuttavaṇṇanā	100
10. Sūriyasuttavaṇṇanā	100

2. Anāthapiṇḍikavagga

1. Candimasasuttavaṇṇanā	101
2. Veṇḍusuttavaṇṇanā	102
3. Dīghalaṭṭhisuttavaṇṇanā	102
4. Nandanasuttavaṇṇanā	102

Mātikā	...	Piṭṭhaṅka	
5-6. Candanasuttādivaṅṅanā	102
7. Subrahmasuttavaṅṅanā	103
8-10. Kakudhasuttādivaṅṅanā	104

3. Nānātitthiyavagga

1-2. Sivasuttādivaṅṅanā	105
3-4. Serīsuttādivaṅṅanā	105
5. Jantusuttavaṅṅanā	106
6. Rohitassasuttavaṅṅanā	108
9. Susimasuttavaṅṅanā	109
10. Nānātitthiyasāvakaṣuttavaṅṅanā	116

3. Kosalasaṃyutta

1. Paṭhamavagga

1. Daharasuttavaṅṅanā	119
2. Purisasuttavaṅṅanā	126
3. Jarāmaṇasuttavaṅṅanā	126
4. Piyasuttavaṅṅanā	128
5. Attarakkhitasuttavaṅṅanā	128
6. Appakasuttavaṅṅanā	128
7. Aḍḍakaraṇasuttavaṅṅanā	128
8. Mallikāsuttavaṅṅanā	129
9. Yaññasuttavaṅṅanā	130
10. Bandhanasuttavaṅṅanā	134

2. Dutiyavagga

1. Sattajaṭṭilasuttavaṅṅanā	136
2. Pañcarājasuttavaṅṅanā	138
3. Doṇapākasuttavaṅṅanā	140
4. Paṭhamasaṅgāmasuttavaṅṅanā	141

Mātikā		Piṭṭhaṅka
5. Dutiyasaṅgāmasuttavaṇṇanā	...	142
6. Mallikāsuttavaṇṇanā	...	142
7. Appamādasuttavaṇṇanā	...	142
8. Kalyāṇamittasuttavaṇṇanā	...	143
9. Paṭhama-aputtakasuttavaṇṇanā	...	146
10. Dutīya-aputtakasuttavaṇṇanā	...	147

3. Tatiyavagga

1. Puṅgalasuttavaṇṇanā	...	149
2. Ayyikāsuttavaṇṇanā	...	150
4. Issattasuttavaṇṇanā	...	150
5. Pabbatūpamasuttavaṇṇanā	...	153

4. Mārasamīyutta

1. Paṭhamavagga

1. Tapokammasuttavaṇṇanā	...	155
2. Hatthirājavaṇṇasuttavaṇṇanā	...	156
3. Subhasuttavaṇṇanā	...	157
4. Paṭhamamārapāsasuttavaṇṇanā	...	157
5. Dutiyamārapāsasuttavaṇṇanā	...	157
6. Sappasuttavaṇṇanā	...	158
7. Supatisuttavaṇṇanā	...	160
8. Nandatisuttavaṇṇanā	...	160
9. Paṭhama-āyusuttavaṇṇanā	...	161
10. Dutīya-āyusuttavaṇṇanā	...	161

2. Dutiyavagga

1. Pāsānasuttavaṇṇanā	...	161
2. Kinnusīhasuttavaṇṇanā	...	161
3. Sakalīkasuttavaṇṇanā	...	162

Mātikā		Piṭṭhaṅka
4. Patirūpasuttavaṇṇanā	162
5. Mānasasuttavaṇṇanā	163
6. Pattasuttavaṇṇanā	163
7. Chaphassāyatanaṣuttavaṇṇanā	163
8. Piṇḍasuttavaṇṇanā	164
9. Kassakasuttavaṇṇanā	165
10. Rajjasuttavaṇṇanā	166

3. Tatiyavagga

1. Sambahulasuttavaṇṇanā	166
2. Samiddhisuttavaṇṇanā	167
3. Godhikasuttavaṇṇanā	168
4. Sattavassānubandhasuttavaṇṇanā	170
5. Māradhītusuttavaṇṇanā	171

5. Bhikkhunīsaṃyutta

1. Āḷavikāsuttavaṇṇanā	174
2. Somāsuttavaṇṇanā	174
3. Kisāgotamīṣuttavaṇṇanā	174
4. Vijayāsuttavaṇṇanā	176
5. Uppalavaṇṇāsuttavaṇṇanā	176
6. Cālāsuttavaṇṇanā	176
7. Upacālāsuttavaṇṇanā	177
8. Sīsupacālāsuttavaṇṇanā	177
9. Selāsuttavaṇṇanā	177
10. Vajirāsuttavaṇṇanā	178

Mātikā

Piṭṭhaṅka

6. Brahmaṣaṃyutta**1. Paṭhamavagga**

1. Brahmāyācanasuttavaṇṇanā	179
2. Gārahasuttavaṇṇanā	186
3. Brahmadevasuttavaṇṇanā	187
4. Bakabrahmasuttavaṇṇanā	190
5. Aññatarabrahmasuttavaṇṇanā	194
6. Brahmālokaṣuttavaṇṇanā	196
7. Kokālikasuttavaṇṇanā	196
8. Katamodakatissasuttavaṇṇanā	197
9. Turūbrahmasuttavaṇṇanā	197
10. Kokālikasuttavaṇṇanā	198

2. Dutiyavagga

1. Sanaṅkumārasuttavaṇṇanā	201
2. Devadattasuttavaṇṇanā	201
3. Andhakavindasuttavaṇṇanā	202
4. Aruṇavafīsuttavaṇṇanā	203
5. Parinibbānasuttavaṇṇanā	204

7. Brāhmaṇasaṃyutta**1. Arahantavagga**

1. Dhanañjānīsuttavaṇṇanā	207
2. Akkosasuttavaṇṇanā	209
3. Asurindakasuttavaṇṇanā	210
4. Bilaṅgikasuttavaṇṇanā	211
5. Ahimsakasuttavaṇṇanā	211
6. Jaṭāsuttavaṇṇanā	211

Mātikā		Piṭṭhaṅka
7. Suddhikasuttavaṇṇanā	...	211
8. Aggikasuttavaṇṇanā	...	212
9. Sundarikasuttavaṇṇanā	...	213
10. Bahudhītarasuttavaṇṇanā	...	218

2. Upāsakavagga

1. Kasibhāradvājasuttavaṇṇanā	...	222
2. Udayasuttavaṇṇanā	...	235
3. Devahitasuttavaṇṇanā	...	237
4. Mahāsālasuttavaṇṇanā	...	238
5. Mānatthaddhasuttavaṇṇanā	...	242
6. Paccanīkasuttavaṇṇanā	...	242
7. Navakammikasuttavaṇṇanā	...	243
8. Kaṭṭhahārasuttavaṇṇanā	...	243
9. Mātuposakasuttavaṇṇanā	...	244
10. Bhikkhakasuttavaṇṇanā	...	244
11. Saṅgāravasuttavaṇṇanā	...	244
12. Khomadussasuttavaṇṇanā	...	245

8. Vaṅgīsaṃyutta

1. Nikkhantasuttavaṇṇanā	...	246
2. Araṭīsuttavaṇṇanā	...	247
3. Pesalasuttavaṇṇanā	...	248
4. Ānandasuttavaṇṇanā	...	248
5. Subhāsitasuttavaṇṇanā	...	249
6. Sāriputtasuttavaṇṇanā	...	252
7. Pavāraṇāsuttavaṇṇanā	...	253
8. Parosahassasuttavaṇṇanā	...	255
9. Koṇḍaññasuttavaṇṇanā	...	256

Mātikā	Piṭṭhaṅka
10. Moggallānasuttavaṇṇanā	260
11. Gaggarāsuttavaṇṇanā	260
12. Vaṅgīsasuttavaṇṇanā	260

9. Vanasamīyutta

1. Vivekasuttavaṇṇanā	263
2. Upaṭṭhānasuttavaṇṇanā	263
3. Kassapagottasuttavaṇṇanā	264
4. Sambahulasuttavaṇṇanā	265
5. Ānandasuttavaṇṇanā	266
6. Anuruddhasuttavaṇṇanā	267
7. Nāgadattasuttavaṇṇanā	268
8. Kulagharaṇīsuttavaṇṇanā	269
9. Vajjiputtasuttavaṇṇanā	269
10. Sajjhāyasuttavaṇṇanā	270
11. Akusalavitakkasuttavaṇṇanā	271
12. Majjhanhikasuttavaṇṇanā	271
13. Pākatindriyasuttavaṇṇanā	271
14. Gandhatthenasuttavaṇṇanā	272

10. Yakkhasamīyutta

1. Indakasuttavaṇṇanā	274
2. Sakkanāmasuttavaṇṇanā	276
3. Sūcilomasuttavaṇṇanā	276
4. Maṇibhaddasuttavaṇṇanā	279
5. Sānusuttavaṇṇanā	279
6. Piyaṅkarasuttavaṇṇanā	282
7. Punabbasusuttavaṇṇanā	283

Mātikā	Piṭṭhaṅka
8. Sudattasuttavaṇṇanā	285
9. Paṭhamasukkāsaṭṭavaṇṇanā	289
10-11. Dutiyasukkāsaṭṭādivaṇṇanā	289
12. Āḷavakasuttavaṇṇanā	289

11. Sakkasamyutta

1. Paṭhamavagga

1. Suvīrasuttavaṇṇanā	309
2. Susīmasuttavaṇṇanā	311
3. Dhajaggasuttavaṇṇanā	311
4. Vepacittisuttavaṇṇanā	313
5. Subhāsitaḷayasuttavaṇṇanā	314
6. Kulāvakasuttavaṇṇanā	314
7. Nadubbhiyasuttavaṇṇanā	315
8. Verocana-asurindasuttavaṇṇanā	315
9. Araññāyatana-isisuttavaṇṇanā	316
10. Samuddakasuttavaṇṇanā	316

2. Dutiyavagga

1. Vatapadasuttavaṇṇanā	317
2. Sakkānāmasuttavaṇṇanā	318
3. Mahālisuttavaṇṇanā	318
4. Daliddasuttavaṇṇanā	319
5. Rāmaṇeyyakasuttavaṇṇanā	320
6. Yajamānasuttavaṇṇanā	321
7. Buddhavandanāsuttavaṇṇanā	321
8. Gahaṭṭhavandanāsuttavaṇṇanā	322
9. Satthāravandanāsuttavaṇṇanā	322
10. Saṃghavandanāsuttavaṇṇanā	322

Mātikā

Piṭṭhaṅka

3. Tatiyavagga

1. Chetvāsuttavaṇṇanā	323
2. Dubbaṇṇiyasuttavaṇṇanā	323
3. Sambarimāyāsuttavaṇṇanā	324
4. Accayasuttavaṇṇanā	324
5. Akkodhasuttavaṇṇanā	325

Sagāthāvaggasamyuttaṭṭhakathāya mātikā niṭṭhitā.

Sagāthāvagga

Samyuttaṭṭhakathā

Namo tassa Bhagavato Arahato Sammāsambuddhassa.

Ganthārambhakathā

Karuṇāsītalahadayam, paññāpajjotavihatamohatamam,
Sanarāmaralokagarum, vande **Sugataṃ** gativimuttam.

Buddhopi Buddhabhāvam, bhāvetvā c'eva sacchikatvā ca,
Yam upagato gatamalam, vande tamanuttaram **dhammam**.

Sugatassa orasānam, puttānam mārasenamathanānam,
Aṭṭhannampi samūham, sirasā vande **ariyasamgham**.

Iti me pasannamatino, ratanattayavandanāmayam puññam,
Yam suvihatantarāyo, hutvā tass'ānubhāvena.

Samyuttavaggapaṭima-ṇḍhitassa **Samyutta-āgamavarassa**,
Buddhānubuddhasamva-ṇṇitassa ñāṇappahedajananassa,
Athhappakāsanattham, **Aṭṭhakathā** ādito vasisatehi¹,
Pañcahi yā saṅgītā, anusaṅgītā ca pacchāpi.

Sīhaḷadīpaṃ pana ā-bhatātha vasinā Mahāmahindena,
Ṭhapitā Sīhaḷabhāsāya, dīpavāsīnamatthāya,

1. Vasīsatehi (Syā)

Apanetvāna tato'haṃ, Sīhaḷabhāsaṃ manoramāṃ bhāsaṃ.
Tantīnayānucchavikaṃ, āropento vigatadosaṃ.

Samayaṃ avilomento, therānaṃ theravaṃsadīpānaṃ¹.
Sunīpuṇavinicchayānaṃ, Mahāvihāre nivāsīnaṃ².

Hitvā punappunāgata-matthaṃ atthaṃ pakāsayissāmi.
Sujanassa ca tuṭṭhatthaṃ, ciraṭṭhatatthaṃca dhammassa.

Sāvatthipabhūtīnaṃ, nagarānaṃ vaṇṇanā katā heṭṭhā.
Saṅgītīnaṃ dvīnaṃ, yā me atthaṃ vadantena.

Vitthāravasena sudāṃ, vatthūni ca yāni tattha vuttāni.
Tesampi na idha bhīyyo, vitthārakathaṃ karissāmi.

Suttānaṃ pana atthā, na vinā vatthūhi ye pakāsanti³.
Tesaṃ pakāsanatthaṃ, vatthūnīpi dassayissāmi.

Sīlakathā dhutadhammā, kammaṭṭhānāni c'eva sabbāni.
Cariyāvidhānasahito, jhānasamāpattivitthāro.

Sabbā ca abhiññāyo, paññāsaṅkalananicchayo⁴ c'eva.
Khandhādhatāyatani-ndriyāni ariyāni c'eva cattāri.

Saccāni paccayākā-radesanā supārisuddhanīpuṇanayā.
Avimuttatantimaggā, vipassanābhāvanā c'eva.

Iti pana sabbāṃ yasmā, **Visuddhimagge** mayā supārisuddhaṃ.
Vuttaṃ tasmā bhīyyo, na taṃ idha vicārayissāmi.

“Majjhe **Visuddhimaggo**, esa catunnampi āgamānaṃhi.
Ṭhatvā pakāsayissati, tattha yathābhāsītamatthaṃ”.

Iceva kato tasmā, tampi gahetvāna saddhīmetāya.
Aṭṭhakathāya vijānatha, Saṃyuttavinissitaṃ atthanti.

1. Theravaṃsappadīpānaṃ (Syā), theravaṃsapadīpānaṃ (Ka)

2. Mahāvihārādhivāsīnaṃ (Sī, Syā)

3. Pakāsenti (Syā, Ka)

4. Paññāsaṅkalananicchayo (Syā), paññāsaṅgahavinicchayo (Ka)

1. Devatāsaṃyutta

1. Naḷavagga

1. Oghatarāṇasuttavaṇṇanā

Tattha **Samyuttāgamo** nāma Sagāthāvaggo Nidānavaggo
Khandhakavaggo Saḷāyatanavaggo Mahāvaggoti pañcavaggo hoti, suddato—

Satta suddasahassāni, satta suddasatāni ca.

Dvāsaṭṭhi ceva suddāni, eso Samyuttasaṅgaho.

Bhāṇavārato bhāṇavārasataṃ hoti. Tassa vaggesu **Sagāthāvaggo** ādi, suddesu **Oghatarāṇasuttaṃ**. Tassāpi “evaṃ me sutan”ti-ādikaṃ āyasmataḥ Ānandena paṭhamamahāsaṅgītikāle vuttaṃ nidānamādi. Sā panesā paṭhamamahāsaṅgīti Sumaṅgalavilāsiniyā Dīghanikāyaṭṭhakathāya ādimhi vitthāritā, tasmā sā tattha vitthāritanayeneva vedittabbā.

1. Yaṃ panetaṃ “evaṃ me sutan”ti-ādikaṃ nidānaṃ, tattha **evanti** nipātapadaṃ. **Meti**-ādīni nāmapadāni. **Sāvattiyaṃ vīharatīti** ettha **vīti** upasaggapadaṃ, **haratīti** ākhyātapadanti iminā tāva nayena padavibhāgo vedittabbo.

Atthatto pana **evamsaddo** tāva upamūpadesasampahaṃ sanagaraṇavacanasampañiggahākāranidassanāvadhāraṇādi-
anekathappabhedo. Tathā hesa “evaṃ jātena maccena, kattabbaṃ kusalam bahun”ti evamādīsu¹ upamāyaṃ āgato. “Evaṃ te abhikkamitabbaṃ, evaṃ te paṭikkamitabban”ti-ādīsu² upadese. “Evametaṃ Bhagavā, evametaṃ Sugatā”ti-ādīsu³ sampahaṃsane. “Evamevaṃ⁴ panāyaṃ vasalī yasmim vā tasmim vā tassa muṇḍakassa samaṇakassa vaṇṇaṃ bhāsati”ti-ādīsu⁵ garaṇe. “Evaṃ bhanteti kho te bhikkhū Bhagavato paccassosun”ti-ādīsu⁶ vacanasampañiggahahe. “Evaṃ byā kho ahaṃ bhante Bhagavatā dhammaṃ desitaṃ ājānāmī”ti-ādīsu⁷

1. Khu 1. 21 piṭṭhe.

4. Evameva (Ka)

7. Ma 1. 325 piṭṭhe.

2. Am 1. 439 piṭṭhe.

5. Sam 1. 162 piṭṭhe.

3. Am 1. 193 piṭṭhe.

6. Ma 1. 1 piṭṭhe.

ākāre. “Ehi taṃ māṇavaka, yena samaṇo Ānando tenupasaṅkama, upasaṅkamitvā mama vacanena samaṇaṃ Ānandaṃ appābādhaṃ appātaṅkaṃ lahuṭṭhānaṃ balaṃ phāsuvihāraṃ puccha ‘Subho māṇavo Todeyyaputto bhavantaṃ Ānandaṃ appābādhaṃ appātaṅkaṃ lahuṭṭhānaṃ balaṃ phāsuvihāraṃ pucchati’ti, evañca vadehi ‘sādhu kira bhavaṃ Ānando yena Subhassa māṇavassa Todeyyaputtassa nivesanaṃ, tenupasaṅkamatu anukampaṃ upādāyā’ti”ādīsu¹ nidassane. “Taṃ kiṃ maññatha kālāmā, ime dhammā kusalā vā akusalā vāti. Akusalā bhante. Sāvajjā vā anavajjā vāti. Sāvajjā bhante. Viññugarahitā vā viññuppasatthā vāti. Viññugarahitā bhante. Samattā samādinnā ahitāya dukkhāya saṃvattanti vā no vā, kathaṃ vo ettha hotīti. Samattā bhante samādinnā ahitāya dukkhāya saṃvattanti, evaṃ no ettha hotī”ti-ādīsu² avadhāraṇe. Svāyamidha ākāranidassanāvadhāraṇesu daṭṭhabbo.

Tattha ākāratthena **evaṃ**saddena etamatthaṃ dīpeti—nānāyanipuṇaṃ anekajjhāsayasamuṭṭhānaṃ atthabyañjanasampannaṃ vividhapāṭihāriyaṃ dhammatthadesanāpaṭivedhagambhīraṃ sabbasattānaṃ sakasakabhasānrrūpato sotapathamāgacchantaṃ tassa Bhagavato vacanaṃ sabbappakārena ko samattho viññātuṃ, sabbathāmena pana sotukāmataṃ janetvāpi evaṃ me sutāṃ, mayāpi ekenākārena sutanti.

Nidassanatthena “nāhaṃ sayambhū, na mayā idaṃ sacchikatan”ti attānaṃ parimocento “evaṃ me sutāṃ, mayāpi evaṃ sutan”ti idāni vattabbaṃ sakalasuttaṃ nidasseti.

Avadhāraṇatthena “etadaggaṃ bhikkhave mama sāvakānaṃ bhikkhūnaṃ bahussutānaṃ yadidaṃ Ānando, gatimantānaṃ, satimantānaṃ, dhitimantānaṃ, upaṭṭhākānaṃ yadidaṃ Ānando”ti³ evaṃ Bhagavatā, “āyasmā Ānando atthakusalo dhammakusalo byañjanakusalo niruttikusalo pubbāparakusalo”ti⁴ evaṃ Dhammasenāpatinā ca pasatthabhāvānrrūpaṃ attano dhāraṇabalaṃ dassento sattānaṃ sotukāmataṃ janeti “evaṃ me sutāṃ, tañca kho atthato vā byañjanato vā anūnāmanadhikaṃ, evameva na aññathā daṭṭhabban”ti.

1. Di 1. 188 piṭṭhe.

3. Aṃ 1. 25 piṭṭhe.

2. Aṃ 1. 190 piṭṭhe.

4. Aṃ 2. 177 piṭṭhe.

Mesaddo tīsu atthesu dissati. Tathā hissa “gāthābhigītaṃ me abhojaneyyan”ti-ādīsu¹ mayāti attho. “Sādhu me bhante Bhagavā saṅkhittena dhammaṃ desetū”ti-ādīsu² mayhanti attho. “Dhammadāyādā me bhikkhave bhavathā”ti-ādīsu³ mamāti attho. Idha pana “mayā sutan”ti ca “mama sutan”ti ca atthadvaye yujjati.

Sutanti ayam **sutasaddo** sa-upasaggo anupasaggo ca gamanavissutakilinna-upacitā-nuyogasotaviññeyyasotadvārānusāraviññātādi-anekathappabhedo. Tathā hissa “senāya pasuto”ti-ādīsu gacchantoti attho. “Sutadhammassa passato”ti-ādīsu⁴ vīssutadhammassāti attho. “Avassutā avassutassā”ti-ādīsu⁵ kilinnākilinnassāti attho. “Tumhehi puññaṃ pasutaṃ anappakan”ti-ādīsu⁶ upacitanti attho. “Ye jhānapasutā dhīrā”ti-ādīsu⁷ jhānanuyuttāti attho. “Diṭṭhaṃ sutam mutan”ti-ādīsu⁸ sotaviññeyyanti attho. “Sutadharo sutasannicayo”ti-ādīsu⁹ sotadvārānusāraviññātadharoti attho. Idha panassa sotadvārānusārena upadhāritanti vā upadhāraṇanti vā attho. Mesaddassa hi mayāti atthe sati “evaṃ mayā sutam, sotadvārānusārena upadhāritan”ti yujjati. Mamāti atthe sati “evaṃ mama sutam, sotadvārānusārena upadhāraṇan”ti yujjati.

Evametesu tīsu padesu **evanti** sotaviññāḍaḍivīññāḍakiccanidassanaṃ. **Meti** vuttāviññāḍasamaṅgipuggalanidassanaṃ. **Sutanti** assavanabhavapaṭikkhepato anūnādhikāvīparītaggaḥaṇanidassanaṃ. Tathā **evanti** tassā sotadvārānusārena pavattāya viññāḍavīthiyā nānappakārena ārammaṇe pavattibhāvappakāsaṇaṃ. **Meti** attappakāsaṇaṃ. **Sutanti** dhammappakāsaṇaṃ. Ayañhettha saṅkhepo “nānappakārena ārammaṇe pavattāya viññāḍavīthiyā mayā na aññaṃ kataṃ, idaṃ pana kataṃ, ayam dhammo suto”ti.

1. Khu 1. 292 piṭṭhe.

2. Saṃ 2. 285 piṭṭhe.

3. Ma 1. 15 piṭṭhe.

4. Khu 1. 88 piṭṭhe.

5. Vī 2. 276 piṭṭhe.

6. Khu 1. 9 piṭṭhe.

7. Khu 1. 40 Dhammapade.

8. Ma 1. 189 piṭṭhe.

9. Ma 1. 277 piṭṭhe.

Tathā **evanti** niddisitabbappakāsanam. **Meti** puggalappakāsanam. **Sutanti** puggalakiccappakāsanam. Idam vuttam hoti—yam suttam niddissāmi, tam mayā evam sutanti.

Tathā **evanti** yassa cittasantānassa nānākārappavattiyā nānatthabyañcanagahaṇam hoti, tassa nānākāraniddeso. **Evanti** hi yam ākārapaññatti. **Meti** katthuniddeso. **Sutanti** visayaniddeso. Ettāvata nānākārappavattena cittasantānena taṃsamaṅgino kattuvisaye gahaṇasanniṭṭhānam¹ kataṃ hoti.

Atha vā **evanti** puggalakiccaniddeso. **Sutanti** viññāṇakiccaniddeso. **Meti** ubhayakiccayuttapuggalaniddeso. Ayam panettha saṅkhepo—mayā savanakiccaviññāṇasamaṅginā puggalena viññāṇavasena laddhasavanakiccavohārena sutanti.

Tattha **evanti** ca **meti** ca saccikaṭṭhaparamatthavasena avijjamānapaññatti. kiñhettha tam paramatthato atthi, yam evanti vā meti vā niddesaṃ labhetha. **Sutanti** vijjamānapaññatti. Yañhi tam ettha sotena upaladdham, tam paramatthato vijjamānanti. Tathā **evanti** ca **meti** ca tam tam upadāya vattabbato upādāpaññatti. **Sutanti** diṭṭhādīni upanidhāya vattabbato upanidhāpaññatti.

Ettha ca **evantivacanena** asammoḥam dīpeti. Na hi sammūlho nānappakārapaṭivedhasamattho hoti. **Sutanti** vacanena sutassa asammosam dīpeti. Yassa hi sutam sammuṭṭham² hoti, na so kālantarena mayā sutanti paṭijānāti. Iccassa asammoḥena paññāsiddhi, asammosena pana satisiddhi. Tattha paññāpubbaṅgamāya satiyā byañjanāvadhāraṇasamatthatā, satipubbaṅgamāya paññāya atthapaṭivedhasamatthatā. Tadubhayasamatthatāyogena atthabyañjanasampannassa dhammakosassa anupālanasamatthato dhammabhaṇḍhāgārikattasiddhi.

Aparo nayo—**evanti** vacanena yoniso manasikāram dīpeti ayoniso manasikaroto hi nānappakārapaṭivedhābhāvato. **Sutanti** vacanena avikkhepaṃ dīpeti vikkhittacittassa savanābhāvato. Tathā hi vikkhittacitto puggalo sabbasampattiyā vuccamānopi “na mayā sutam,

1. Kattuvīsayaḡgahaṇasanniṭṭhānam (Ka)

2. Pammuṭṭham (Sī), pamuṭṭham (Syā, Ka)

puna bhaṇathā”ti bhaṇati. Yoniso manasikārena cettha attasammāpaṇidhiṃ pubbe ca katapuññataṃ sādheti sammā appaṇihitattassa pubbe akatapuññassa vā tadabhāvato. Avikkhepena saddhammassavanam sappurisūpanissayañca sādheti. Na hi vikkhittacitto sotum sakkoti, na ca sappurise anupanissayamānassa savanam atthīti.

Aparo nayo—yasmā “**evanti** yassa cittasantānassa nānākārappavattiyā nānattabyañjanaggahaṇam hoti, tassanānākāraniddeso”ti vuttam, so ca evam bhaddako ākāro na sammā appaṇihitattano pubbe akatapuññassa vā hoti, tasmā **evanti** iminā bhaddakena ākārena pacchimakakkadvayasampattimattano dīpeti. **Sutanti** savanayogena purimacakkadvayasampattim. Na hi appatirūpadese vasato sappurisūpanissayavirahitassa vā savanam atthi. Iccassa pacchimakakkadvayasiddhiyā āsayasuddhi siddhā hoti, purimacakkadvayasiddhiyā payogasuddhi, tāya ca āsayasuddhiyā adhigamābyattisiddhi, payogasuddhiyā āgamabyattisiddhi. Iti payogāsayasuddhassa āgamādhigasampannassa vacanam aruṇuggam viya sūriyassa udayato, yoniso manasikāro viya ca kusalakamassa, arahati Bhagavato vacanassa pubbaṅgamam bhavitunti ṭhāne¹ nidānam ṭhapento **evam me sutanti**-ādimāha.

Aparo nayo—**evanti** iminā nānappakārapaṭivedhadīpakena vacanena attano atthapaṭibhānapaṭisambhidāsampattisabbhāvam dīpeti. **Sutanti** iminā sotabbahedapaṭivedhadīpakena dhammaniruttipaṭisambhidāsampattisabbhāvam. **Evanti** ca idam yoniso manasikāradīpakavacanam bhāsamāno “ete mayā dhammā manasānupekkhitā diṭṭhiyā suppaṭividdhā”ti dīpesi. **Sutanti** idam savanayogadīpakavacanam bhāsamāno “bahū mayā dhammā sutā dhātā² vacasā paricitā”ti dīpeti. Tadubhayenapi atthabyañjanaparipurim dīpento savane ādaram janeti. Atthabyañjanaparipuṇṇaṇhi dhammam ādarena assuṇanto mahatā hitā paribāhiro hotīti ādaram janetvā sakkaccam dhammo sotabboti.

1. Tero (Sī)

2. Dhatā (Sī, Syā)

Evam me sutanti iminā pana sakalena vacanena āyasmā Ānando Tathāgatappaveditaṃ dhammaṃ attano adahanto asappurisabhūmiṃ atikkamati, sāvakattaṃ paṭijānanto sappurisabhūmiṃ okkamati. Tathā asaddhammā cittaṃ vuṭṭhāpeti, saddhamme cittaṃ patiṭṭhāpeti. “Kevalaṃ sutamevetam mayā, tasseva pana Bhagavato vacanan”ti dīpento attānaṃ parimoceti, Satthāraṃ apadisati, Jinavacanaṃ appeti, dhammanettiṃ patiṭṭhāpeti.

Apica “evam me sutan”ti attanā uppāditabhāvaṃ appaṭijānanto purimavacanaṃ¹ vivaranto “sammukhā paṭiggahitamidaṃ mayā tassa Bhagavato catuvesārajjavīsārādassa dasabaladharassa āsabhaṭṭhānaṭṭhāyino sīhanādanādino sabbasattuttamassa dhammissarassa dhammarājassa dhammādhipatino dhammadīpassa dhammasaraṇassa saddhammavaracakkavattino Sammāsambuddhassa vacanaṃ, na ettha atthe vā dhamme vā pade vā byañjane vā kaṅkhā vā vimati vā kattabbā”ti sabbadevamanussānaṃ imasmim dhamme assaddhiyaṃ vināseti, saddhāsampadaṃ uppādetīti. Tenetaṃ vuccati—

“Vināsayati assaddhaṃ, saddhaṃ vaḍḍheti sāsane.
Evam me sutamiccevaṃ, vadaṃ Gotamasāvako”ti.

Ekanti gaṇanaparicchedaniddeso. **Samayanti** paricchinnaniddeso. **Ekam samayanti** aniyamitaparidīpanaṃ. Tattha **samayasaddo**—

Samavāye khaṇe kāle, samūhe hetudiṭṭhisu.
Paṭilābhe pahāne ca, paṭivedhe ca dissati.

Tathā hissa “appeva nāma svepi upasaṅkameyyāma kālaṅca samayaṅca upādāyā”ti evamādīsu² samavāyo attho. “Ekova kho bhikkhave khaṇo ca samayo ca brahmacariyavāsāyā”ti-ādīsu³ khaṇo. “Uṇhasamayo pariḷāhasamayo”ti-ādīsu⁴ kālo. “Mahāsamayo pavanasmin”ti-ādīsu⁵ samūho. “Samayopi kho te Bhaddāli appaṭividdho ahoṣi, Bhagavā kho Sāvatthiyaṃ viharati, Bhagavāpi maṃ jānissati ‘Bhaddāli nāma bhikkhu Satthusāsane sikkhāya aparipūrakārī’ti. Ayampi kho

1. Purimasavanaṃ (Sī, Syā)

2. Di 1. 188 piṭṭhe.

3. Am 3. 61 piṭṭhe.

4. Vi 2. 155 piṭṭhe.

5. Dī 2. 203 piṭṭhe.

te Bhaddāli samayo appaṭividdho ahoṣī”ti-ādīsu¹ hetu. “Tena kho pana samayena uggāhamāno paribbājako samaṇamuṇḍikāputto² samayappavādake tindukācīre ekasālake Mallikāya ārāme paṭivasatī”ti-ādīsu³ diṭṭhi.

“Diṭṭhe dhamme ca yo attho, yo cattho samparayiko.
Atthābhisamayā dhīro, paṇḍitoti pavuccatī”ti—

Ādīsu⁴ paṭilābho. “Sammā mānābhisamayā antamakāsi dukkhassā”ti-ādīsu⁵ pahānaṃ. “Dukkhassa pīlanaṭṭho saṅkhataṭṭho santāpaṭṭho vipariṇāmaṭṭho abhisamayaṭṭho”ti-ādīsu⁶ paṭivedho. Idha panassa kālo attho. Tena saṃvacchara-
utumāsaddhamāsarattidivapubbaṇhamajjhanhikasāyanhapaṭhamamajjhimapa
cchimayāmamuhuttādīsu kālappabhedabhūtesu samayesu ekaṃ samayanti
dīpeti.

Tattha kiñcāpi etesu saṃvaccharādīsu samayesu yaṃ yaṃ suttaṃ yasmim yasmim saṃvacchare utumhi māse pakkhe rattibhāge divasabhāge vā vuttaṃ, sabbaṃ taṃ therassa suviditaṃ suvavatthāpitaṃ paññāya. Yasmā pana “evaṃ me suttaṃ asukasāṃvacchare asuka-utumhi asukamāse asukapakkhe asukarattibhāge asukadivasabhāge vā”ti evaṃ vutte na sakkā sukhena dhāretum vā uddisitum vā uddisāpetum vā, bahu ca vattabbaṃ hoti, tasmā ekeneva padena tamatthaṃ samodhānetvā “ekaṃ samayan”ti āha.

Ye vā ime gabbhokkantisamayo⁷ jātisamayo saṃvegasamayo abhinikkhamanasamayo dukkarakārikasamayo māravijayasamayo abhisambodhisamayo dṭṭhadhammasukhavihārasamayo desanāsamayo parinibbānasamayoti evamādayo Bhagavato devamanussesu ativiya suppakāsā anekakālappabhedā eva samayā, tesu samayesu desanāsamayasaṅkhātaṃ ekaṃ samayanti dīpeti. Yo cāyaṃ nāṇakarūṇākiccasamayesu karūṇākiccasamayo, attahitaparahitapaṭipattisamayesu

1. Ma 2. 102 piṭṭhe.

3. Ma 2. 214 piṭṭhe.

5. Ma 1. 15 piṭṭhe.

7. Gabbhavokkantisamayo (Ka)

2. Samaṇamuṇḍikāputto (Sī)

4. Saṃ 1. 90 piṭṭhe.

6. Khu 9. 293 Paṭisambhidāmagge.

parahitapaṭipattisamayo, sannipatitānaṃ karaṇīyadvayasamayesu dhammikathāsamayo, desanāpaṭipattisamayesu desanāsamayo, tesupisamayesu aññataraṃ sandhāya “ekaṃ samayan”ti āha.

Kasmā panettha yathā abhidhamme “yasmim̄ samaye kāmāvacaran”ti ca ito aññesu suttapadesu “yasmim̄ samaye bhikkhave bhikkhu vivicceva kāmehī”ti ca bhumavacanena niddeso kato, vinaye ca “tena samayena Buddho Bhagavā”ti karaṇavacanena, tathā akatvā “ekaṃ samayan”ti upayogavacanena niddeso katoti. Tattha tathā, idha ca aññathā atthasambhavato. Tattha hi abhidhamme ito aññesu suttapadesu ca adhikaraṇattho bhāvenabhāvalakkhaṇattho ca sambhavati. Adhikaraṇañhi kālattho samūhattho ca samayo, tattha vuttānaṃ phassādidhammānaṃ khaṇasamavāyahetusāṅkhātassa ca samayassa bhāvena tesāṃ bhāvo lakkhīyati. Tasmā tadatthajotanattham̄ tattha bhumavacananiddeso kato.

Vinaye ca hetu-attho karaṇattho ca sambhavati. Yo hi so sikkhāpadapaññattisamayo Sāriputtādīhipi dubbhāññeyyo, tena samayena hetubhūtena karaṇabhūtena ca sikkhāpadāni paññāpayanto sikkhāpadapaññattihetuṅca apekkhamāno Bhagavā tattha tattha vihāsi. Tasmā tadatthajotanattham̄ tattha karaṇavacanena niddeso kato.

Idha pana aññasmim̄ ca evaṃjātike accantasam̄yogattho sambhavati. Yañhi samayaṃ Bhagavā imaṃ aññaṃ vā suttantaṃ desesi, accantameva taṃ samayaṃ karuṇāvihārena vihāsi. Tasmā tadatthajotanattham̄ idha upayoghavacananiddeso katoti.

Tenetaṃ vuccati—

“Taṃ taṃ atthamapekkhitvā, bhummena karaṇena ca.
Aññatra samayo vutto, upayogena so idhā”ti.

Porāṇā pana vaṇṇayanti—“tasmim̄ samaye”ti vā “tena samayenā”ti vā “ekaṃ samayan”ti¹ vā abhilāpamattabhedo esa, sabbattha

1. Taṃ samayanti (Sī, Syā)

bhummameva atthoti. Tasmā “ekaṃ samayan”ti vuttepi “ekasmim samaye”ti attho veditabbo.

Bhagavāti garu¹. Garuṃ hi loke “Bhagavā”ti vadanti. Ayañca sabbagūṇavisiṭṭhatāya sabbasattānaṃ garu, tasmā “Bhagavā”ti veditabbo. Porañhipi vuttam—

“Bhagavāti vacanaṃ seṭṭham, Bhagavāti vacanamuttamaṃ.
Garu gāravayutto so, Bhagavā tena vuccatī”ti.

Apica—

“Bhagyavā bhaggavā yutto, bhagehi ca vibhattavā.
“Bhattavā vantagamano, bhavesu Bhagavā tato”ti—

Imissā gāthāya vasenassa padassa vitthārato attho veditabbo. So ca **Visuddhimagge**² Buddhānussatiniddese vuttoyeva.

Ettāvata cetha **evam me sutanti** vacanena yathāsutaṃ dhammaṃ dassento³ Bhagavato dhammasarīraṃ⁴ paccakkhaṃ karoti. Tena “nayidaṃ atikkantasatthukaṃ pāvacaṇaṃ, ayaṃ vo Satthā”ti Satthu adassanena ukkaṇṭhitaṃ janaṃ samassāseti. **Ekaṃ samayaṃ Bhagavā**ti vacanena tasmim samaye Bhagavato avijjamānabhāvaṃ dassento rūpakāyaparinibbānaṃ sādheti⁵. Tena “evamvidhassa nāma ariyadhammassa desako⁶ dasabaladharo vajirasaṅghātasamānakāyo sopi Bhagavā parinibbuto, kena aññena jīvite āsā janetabbā”ti jīvitamadamattaṃ janaṃ samvejeti, saddhamme cassa ussāhaṃ janeti. **Evanti** ca bhaṇanto desanāsampattim niddisati. **Me sutanti** sāvakasampattim. **Ekaṃ samayanti** kālasampattim. **Bhagavā**ti desakasampattim.

Sāvattiyanti evaṃnāmake nagare. Samīpatthe cetam bhummavacaṇaṃ. **Viharatī**ti avisesena iriyāpathadibbabra-ariyavihāresu aññataravihārasamaṅgīparidīpanametaṃ. Idha pana ṭhānagamanaṇisajjāsayanappabhedesu iriyāpathesu

1. Guru (Syā)

2. Visuddhi 1. 203 piṭṭhe.

3. Desento (Sī, Syā)

4. Dhammakāyaṃ (Ka)

5. Sāveti (Sī, Syā)

6. Desetā (Sī, Syā)

aññatara-iriyāpathasamāyogaparidīpanaṃ, tena ʒhitopi gacchantopi nisinnopi sayānopi Bhagavā viharaticceva veditabbo. So hi ekaṃ iriyāpathabādhanāṃ aññena iriyāpathena vicchindivā aparipatantaṃ attabhāvaṃ harati pavatteti, tasmā “viharatī”ti vuccati.

Jetavaneti Jetassa rājakumārassa vane. Taṃ hi tena ropitaṃ saṃvaḍḍhitaṃ paripālitaṃ ahosi, tasmā “Jetavanan”ti saṅkhaṃ gataṃ. Tasmim̃ Jetavane. **Anāthapiṇḍikassa ārāmeti** Anāthapiṇḍikena gahapatinā catupaññāsahiraññakoṭipariccāgena Buddhappamukhassa bhikkhusaṃghassa niyyātitaṃ “Anāthapiṇḍikassa ārāmo”ti saṅkhaṃ gate ārāme. Ayamettha saṅkhepo, vitthāro pana papañcasūdaniyā Majjhimaṭṭhakathāya Sabbāsavasuttavaṇṇanāyaṃ¹ vutto.

Tattha siyā—yadi tāva Bhagavā Sāvatthiyaṃ viharati, “Jetavane”ti na vattabbaṃ. Atha tattha viharati, “Sāvatthiyan”ti na vattabbaṃ. Na hi sakkā ubhayattha ekaṃ samayaṃ viharitunti. Na kho panetaṃ evaṃ daṭṭhabbaṃ.

Nanu avocumha “samīpatthe bhumavacanan”ti. Tasmā yathā Gaṅgāyamunādīnaṃ samīpe goyūthāni carantāni “Gaṅgāyaṃ caranti, Yamunāyaṃ caranti”ti vuccati, evamidhāpi yadidaṃ Sāvatthiyā samīpe Jetavanaṃ, tattha viharanto vuccati “Sāvatthiyaṃ viharati Jetavane”ti. Gocaragāmanidassanattaṃ hissa Sāvattlivacanaṃ, pabbajitānurūpanivāsaṭṭhānanidassanattaṃ sesavacanaṃ.

Aññatarā devatāti nāmagottavasena apākaṭā ekā devatāti attho. “Abhijānāti no bhante Bhagavā ahu ñātaññatarassa² mahesakkhassa yakkhassa saṅkhittena taṇhāsāṅkhayavimuttiṃ bhāsita”ti³ ettha pana abhiññāto Sakkopi devarājā “aññataro”ti vutto. “Devatā”ti ca idaṃ devānampi devadhītānampi sādharmaṇavacanaṃ. Imasmim̃ panatthe devo⁴ adhippeto, so ca kho rūpāvacarānaṃ devānaṃ aññataro.

Abhikkantāya rattiyāti ettha abhikkanta-saddo khayasundarābhirūpa-abbhānumodanādīsu dissati. Tattha “abhikkantā bhante ratti, nikkhanto paṭhamo

1. Ma-Ṭṭha 1. 62 piṭṭhe.

2. Ahutaṃyeva aññatarassa (Sī), ahunaṃyeva aññatarassa (Syā)

3. Abhāsithāti (Ka) Ma 1. 322 piṭṭhe pana passitabbaṃ.

4. Devaputto (Sī)

yāmo, ciranisinno bhikkhusaṅgho, uddisatu bhante Bhagavā bhikkhūnaṃ pātimokkhaṃ”ti evamādīsu¹ khaye dissati. “Ayaṃ imesaṃ catunnaṃ puggalānaṃ abhikkantataro ca paṇītataro cā”ti evamādīsu² sundare.

“Ko me vandati pādāni, iddhiyā yasasā jalam.

Abhikkantena vaṇṇena, sabbā obhāsayaṃ disā”ti—

Evamādīsu³ abhirūpe. “Abhikkantaṃ bho Gotama, abhikkantaṃ bho Gotama”ti evamādīsu⁴ abbānumodane. Idha pana khaye. Tena abhikkantāya rattiyā, parikkhīṇāya rattiyāti vuttaṃ hoti. Tatthāyaṃ devaputto majjhimayāmasamanantare āgatoti veditabbo. Niyāmo hi kiresa devatānaṃ yadidaṃ Buddhānaṃ vā Buddhasāvakaṇaṃ vā upaṭṭhānaṃ āgacchantā majjhimayāmasamanantareyeva āgacchanti.

Abhikkantavaṇṇāti idha **abhikkanta**-saddo abhirūpe, **vaṇṇa**-saddo pana chavithutikulavaggakāraṇasaṅghānappamaṇarupāyatanādīsu dissati. Tattha “suvaṇṇavaṇṇosi Bhagavā”ti evamādīsu⁵ chaviyā. “Kadā saññūḷhā⁶ pana te gahapati ime samaṇassa vaṇṇā”ti evamādīsu⁷ thutiyā. “Catthārome bho Gotama vaṇṇā”ti evamādīsu⁸ kulavagge. “Atha kena nu vaṇṇena, gandhathenoti vuccatī”ti evamādīsu⁹ kāraṇe. “Mahantaṃ hatthirājavaṇṇaṃ abhinimminivā”ti evamādīsu¹⁰ saṅghāne. “Tayo pattassa vaṇṇā”ti evamādīsu¹¹ pamāṇe. “Vaṇṇo gandho raso ojā”ti evamādīsu¹² rūpāyatane. So idha chaviyā daṭṭhabbo. Tena abhikkantavaṇṇā abhirūpacchavi, iṭṭhavaṇṇā manāpavaṇṇāti vuttaṃ hoti. Devatā hi manussalokaṃ āgacchamānā pakatīvaṇṇaṃ pakati-iddhiṃ jahitvā oḷarikaṃ attabhāvaṃ katvā atirekavaṇṇaṃ atireka-iddhiṃ māpetvā naṭasamajjādīni gacchantā manussā viya abhisāṅkhatena kāyena āgacchanti. Tattha kāmāvacarā anabhisāṅkhatenapi āgantūṃ sakkonti, rūpāvacarā pana

1. Am 3. 44; Vi 4. 418 piṭṭhesu.

3. Khu 2. 73 Vīmānavatthusmiṃ.

5. Khu 1. 367 piṭṭhe Suttanipāte.

7. Ma 2. 49 piṭṭhe.

10. Saṃ 1. 105 piṭṭhe.

8. Di 3. 67 piṭṭhe.

11. Vi 1. 353 piṭṭhe.

2. Am 1. 414 piṭṭhe.

4. Vi 1. 7 piṭṭhe.

6. Saṃbyuḷā (Sī), sabyūṇhā (Syā)

9. Saṃ 1. 206 piṭṭhe.

12. Abhi 1. 163 piṭṭhe.

na sakkonti. Tesam̐ hi atisukhumo attabhāvo, na tena iriyāpathakappanam̐ hoti. Tasmā ayam̐ devaputto abhisankhateneva āgato. Tena vuttam̐ “abhikkantavaṇṇā”ti.

Kevalakappanti ettha kevala-saddo

anavasesayebhuyyābhyābyāmissānatirekadalhatthavisamyogādi-anekattho. Tathā hissa “kevalaparipuṇṇam̐ parisuddham̐ brahmacariyan”ti evamādīsu¹ anavasesattamattho. “Kevalakappā ca aṅgamaghdhā pahūtam̐ khādanīyabhojanīyam̐ ādāya upasaṅkamissanti”ti evamādīsu² yebhūyyatā. “Kevalassa dukkhakkhandhassa samudayo hoti”ti evamādīsu³ abyāmissatā. “Kevalam̐ saddhāmattakam̐ nūna ayamāyasmā”ti evamādīsu⁴ anantirekatā. “Āyasmato bhante Anuruddhassa Bāhiyo nāma saddhivihāriko kevalakappam̐ saṅghabhedāya t̐hito”ti evamādīsu⁵ dalhatthatā. “Kevali vusitavā uttamapurisoti vuccatī”ti evamādīsu⁶ visamyogo attho. Idha panassa anavasesattho adhippeto.

Kappa-saddo panāyam̐

abhisaddahanavohārakālapaññattichedanavikappalesasamantabhāvādi-anekattho. Tathā hissa “okappaniyametaṃ bhoto Gotamassa, yathā taṃ Arahato Sammāsambuddhassā”ti evamādīsu⁷ abhisaddahanamattho. “Anujānāmi bhikkhave pañcahi samaṇakappehi balaṃ paribhuñjitun”ti evamādīsu⁸ vohāro. “Yena sudam̐ niccakappam̐ viharāmi”ti evamādīsu⁷ kālo. “Iccāyasmā kappo”ti evamādīsu⁹ paññatti. “Alaṅkato kappitakesamassū”ti evamādīsu¹⁰ chedanam̐. “Kappati dvaṅgulakappo”ti evamādīsu¹¹ vikappo. “Atthi kappo nipajjitun”ti evamādīsu¹² lesa. “Kevalakappam̐ veḷuvanam̐ obhāsetvā”ti evamādīsu¹³ samantabhāvo. Idha panassa samantabhāvatto adhippeto. Tasmā **kevalakappam̐ Jetavananti** ettha “anavasesam̐ samantato Jetavanan”ti evamattho daṭṭhabbo.

1. Vi 1. 1 piṭṭhe.

4. Vi 3. 270 piṭṭhe.

7. Ma 1. 316 piṭṭhe.

10. Khu 2. 100 piṭṭhe.

12. Am̐ 3. 148 piṭṭhe.

2. Vi 3. 36 piṭṭhe.

5. Am̐ 1. 562 piṭṭhe.

8. Vi 4. 244 piṭṭhe.

3. Abhi 2. 142 piṭṭhādīsu.

6. Saṃ 2. 50 piṭṭhe.

9. Saṃ 2. 138 piṭṭhe.

11. Vi 4. 491 piṭṭhe.

13. Saṃ 1. 50 piṭṭhe.

Obhāsetvāti vatthālaṅkārasarīrasamuṭṭhitāya ābhāya pharivā, candimā viya sūriyo viya ca ekobhāsaṃ ekapajjotaṃ karitvāti attho.

Yenāti bhummatthe karaṇavacanaṃ. **Yena Bhagavā tenupasaṅkamī**ti tasmā “yattha Bhagavā, tattha upasaṅkamī”ti evamettha attho daṭṭhabbo. Yena vā karaṇena Bhagavā devamanussehi upasaṅkamitabbo, tena karaṇena upasaṅkamīti evamettha attho daṭṭhabbo. Kena ca karaṇena Bhagavā upasaṅkamitabbo? Nānappakāraguṇavisesādhigamādhippāyena, sādupalūpabhogādhippāyena dijagaṇehi niccaphalitamahārukkho viya. **Upasaṅkamī**ti ca gatāti vuttaṃ hoti. **Upasaṅkamitvā**ti upasaṅkamanapariyosānadīpanaṃ. Atha vā evaṃ gatā tato āsannataraṃ ṭhānaṃ Bhagavato samīpasaṅkhātaṃ gantvātipi vuttaṃ hoti.

Idāni yenatthena loke aggapuggalassa upaṭṭhānaṃ āgatā, taṃ pucchitukāmā dasanakhasamodhānasamujjalaṃ añjalim sirasi patiṭṭhapetvā ekamantaṃ aṭṭhāsi. **Ekamanta**ti bhāvanapumsakaniddeso “visamaṃ candimasūriyā parivattantī”ti-ādīsu¹ viya. Tasmā yathā ṭhitā ekamantaṃ ṭhitā hoti, tathā aṭṭhāsīti evamettha attho daṭṭhabbo. Bhummatthe vā etaṃ upayogavacanaṃ. **Aṭṭhāsī**ti ṭhānaṃ kappesi. Paṇḍitā hi devamanussā garuṭṭhāniyaṃ upasaṅkamitvā āsanakusalatāya ekamantaṃ tiṭṭhanti, ayañca devo tesāṃ aññataro, tasmā ekamantaṃ aṭṭhāsi.

Kathaṃ ṭhito pana ekamantaṃṭhito hotīti? Chaṭṭhānadose vajjetvā. seyyathidaṃ? Atidūraṃ accāsannaṃ uparivātaṃ unnatappadesaṃ atisammukhaṃ atipacchāti. Atidūre ṭhito hi sace kathetukāmo hoti, uccāsaddena kathetabbaṃ hoti. Accāsanne ṭhito saṃghaṭṭanaṃ karoti. Uparivāte ṭhito sarīragandhena bādhati. Unnatappadese ṭhito agāravaṃ pakāseti. Atisammukhā ṭhito sace daṭṭhukāmo hoti, cakkhunā cakkhuṃ āhacca daṭṭhabbaṃ hoti. Atipacchā ṭhito sace daṭṭhukāmo hoti, gīvaṃ pasāretvā daṭṭhabbaṃ hoti. Tasmā ayampi ete cha ṭhānadose vajjetvā aṭṭhāsi. Tena vuttaṃ “ekamantaṃ aṭṭhāsī”ti.

1. Am 1. 386 piṭṭhe.

Etadavocāti etaṃ avoca. **Kathaṃ nūti** kāraṇapucchā, Bhagavato hi tiṇṇoghabhāvo dasasahassilokadhātuyā pākaṭo, Tenimissā devatāya tattha kaṅkhā natthi, iminā pana kareṇena “tiṇṇo”ti na jānāti, tena sā taṃ kāraṇaṃ pucchāmānā evamāha.

Mārisāti devatānaṃ piyasamudācāravacanametāṃ, niddukkhāti vuttaṃ hoti. Yadi evaṃ “yadā kho te mārisa saṅkunā saṅku hadaye samāgaccheyya, atha naṃ tvaṃ jāneyyāsi ‘vassasahassaṃ me niraye pccamānassā’¹”¹ idaṃ virujjhati. Na hi nerayikasatto niddukkho nāma hoti. Kiñcāpi na niddukkho, ruḷhīsaddena pana evaṃ vuccati. Pubbe kira paṭhamakappikānaṃ niddukkhaṇaṃ sukhasamappitānaṃ esa vohāro, aparabhāge dukkhaṃ hotu vā mā vā, ruḷhīsaddena ayaṃ vohāro vuccateva nippadumāpi nirudakāpi vā pokkharāṇi pokkharāṇi viya.

Oghamatarīti ettha catthāro oghā kāmogho bhavogho diṭṭhogho avijjoghoti. Tattha pañcasu kāmaguṇesu chandarāgo kāmogho nāma, rūpārūpabhavesu chandarāgo jhānanikanti ca bhavogho nāma, dvāsaṭṭhi diṭṭhiyā diṭṭhogho nāma, catūsu saccesu aññāṇaṃ avijjogho nāma. Tattha kāmogho aṭṭhasu lobhasahagatesu cittuppādesu uppajjati, bhavogho catūsu diṭṭhigatavippayuttalobhasahagatesu cittuppādesu uppajjati, diṭṭhogho catūsu diṭṭhigatasampayuttesu cittuppādesu uppajjati, avijjogho sabbākusalesu uppajjati.

Sabbopi cesa avahananaṭṭhena² rāsaṭṭhena ca oghoti veditabbo. **Avahananaṭṭhenāti** adhogamanaṭṭhena. Ayaṃ hi attano vasaṃ gate satte adho gameti, nirayādibhedāya duggatiyaṃyeva nibbatteti, uparibhāvaṃ vā³ nibbānaṃ gantuṃ adento adho tīsu bhavesu catūsu yonīsu pañcasu gatīsu sattasu viññāṇaṭṭhitīsu navasu sattavāsesu ca gametītipi attho. **Rāsaṭṭhenāti** mahantaṭṭhena. Mahā heso kilesarāsi Avīcito paṭṭhāya yāva Bhavaggā patthaṭo, yadidaṃ pañcasu kāmaguṇesu chandarāgo nāma. Sesesupi eseva nayo. Evamayaṃ rāsaṭṭhenāpi

1. Ma 1. 413 piṭṭhe.

2. Avahanaṭṭhena (Syā, Ka)

3. Uparibhavaṅca (Sī, Ka)

oghoti veditabbo. **Atarī**ti imam catubbidhampi ogham kena nu tvaṃ mārisa kāraṇena tiṇṇoti pucchati.

Athassā Bhagavā pañham vissajjento **appatiṭṭham khvāhanti**-ādimāha. Tattha **appatiṭṭhanti** appatiṭṭhahanto. **Anāyūhanti** anāyūhanto, avāyamantoti attho. Iti Bhagavā guḷham¹ paṭicchannaṃ katvā pañham kathesi. Devatāpi nam sutvā “bāhirakaṃ tāva ogham tarantā nāma ṭhātabbaṭṭhāne tiṭṭhantā taritabbaṭṭhāne āyūhantā taranti, ayam pana² Avīcīto yāva Bhavaggā patthaṭam³ kilesogham kilesarāsīm appatiṭṭhahanto anāyūhanto atarinti āha. Kinnu kho etaṃ, katham nu kho etan”ti vimatiṃ pakkhantā⁴ pañhassa attham na aññāsi.

Kim pana Bhagavatā yathā satthā na jānanti, evaṃ kathanatthāya pāramiyo puretvā sabbaññutā paṭividdhāti? Na etadatthāya paṭividdhā, dve pana Bhagavato desanā niggahamukhena ca anuggahamukhena ca. Tattha ye paṇḍitamānino honti aññātepi nātasaññino pañcasatā brāhmaṇapabbajitā viya, tesam mānaniggahattham yathā na jānanti, evaṃ mūlapariyāyādisadisam dhammam deseti. Ayam niggahamukhena desanā. Vuttampi cetam “niggayha niggayhāham Ānanda vakkhāmi, pavayha pavayha Ānanda vakkhāmi, yo sāro, so ṭhassatī”ti⁵. Ye pana ujukā sikkhākāmā, tesam suviññeyyam katvā ākaṅkheyyasuttādisadisam dhammam deseti, “abhirama Tissa abhirama Tissa ahamovādena ahamanuggahena ahamanusāsaniyā”ti⁶ ca ne⁷ samassāseti. Ayam anuggahamukhena desanā.

Ayam pana devaputto mānatthaddho paṇḍitamānī, evaṃ kirassa ahosi— aham ogham jānāmi, Tathāgatassa oghatiṇṇabhāvaṃ jānāmi, “iminā pana kāraṇena tiṇṇo”ti etthakamttam na jānāmi. Iti mayham nātameva bahu⁸, appam aññātam, tamaham kathitamattameva jānissāmi. Kim hi nāma tam Bhagavā vadeyya, yassāham attham na jāneyyanti⁹. Atha Satthā “ayam kiliṭṭhavattham

1. Guyham (Syā)

4. Vimatipakkhandā (Ka)

7. Jane (Sī), nesam (Ka)

2. Ayam pana evam (Syā)

5. Ma 3. 159 piṭṭhe.

8. Bahum (Sī, Syā)

3. Vittham (Syā)

6. Sam 2. 89 piṭṭhe.

9. Jānāmīti (Ka)

viya raṅgajātaṃ abhabbo imaṃ mānaṃ appahāya desanaṃ sampaṭicchitum, mānaniggahaṃ tāvassa katvā puna nīcacittena pucchantassa pakāsessāmi”ti paṭicchannaṃ katvā pañhaṃ kathesi. Sopi nihata māno ahoṣi, sā cassa nihata mānatā uttaripañhapucchaneneva veditabbā. Tassā pana pañhapucchanassa ayamatto—kathaṃ pana tvaṃ mārisa appaṭiṭṭhaṃ anāyūhaṃ oghamatarī, yathāhaṃ jānāmi, evaṃ me kathehīti.

Athassa Bhagavā kathento **yadāsvāhanti**-ādimāha. Tattha **yadāsvāhanti** yasmim kāle ahaṃ. Sukāro nipātamattaṃ. Yathā ca ettha, evaṃ sabbapadesu. **Saṃsīdāmīti** paṭicchannaṃ katvā ataranto tattheva osīdāmi. **Nibbuyhāmīti** ṭhātuṃ asakkonto ativattāmi. Iti ṭhāne ca vāyāme ca dosaṃ disvā atīṭṭhanto avāyamanto oghamatarinti evaṃ Bhagavatā pañho kathito. Devatāyapī paṭividdho, na pana pākato, tassa pākāṭīkaraṇatthaṃ¹ satta dukā dassitā. Kilesavasena hi santiṭṭhanto saṃsīdati nāma, abhisankhāravasena āyūhanto nibbuyhati nāma. Taṇhādiṭṭhīhi vā santiṭṭhanto saṃsīdati nāma, avasesakilesānañceva abhisankhārānañca vasena āyūhanto nibbuyhati nāma. Taṇhāvasena vā santiṭṭhanto saṃsīdati nāma, diṭṭhivasena āyūhanto nibbuyhati nāma. Sassatadiṭṭhiyā vā santiṭṭhanto saṃsīdati nāma, ucchedadiṭṭhiyā āyūhanto nibbuyhati nāma. Oḷīyanābhīnivesā hi bhavadiṭṭhi, atidhāvanābhīnivesā vibhavadiṭṭhi. Līnavasena vā santiṭṭhanto saṃsīdati nāma, uddhaccavasena āyūhanto nibbuyhati nāma. Tathā kāmasukhallikānuyogavasena santiṭṭhanto saṃsīdati nāma, attakilamathānuyogavasena āyūhanto nibbuyhati nāma. Sabbākusalābhisankhāravasena santiṭṭhanto saṃsīdati nāma, sabbalokiyakusalābhisankhāravasena āyūhanto nibbuyhati nāma. Vuttampi cetam “seyyathāpi Cunda ye keci akusalā dhammā, sabbe te adhobhāgaṅgamanīyā, ye keci kusalā dhammā, sabbe te uparibhāgaṅgamanīyā”ti².

Imaṃ pañhavissajjanaṃ sutvāva devatā sotāpattiṭṭhale paṭiṭṭhāya tuṭṭhā pasannā attano tuṭṭhiṅca pasādañca pakāsayantī **cirassam vatāti** gāthamāha. Tattha **cirassanti** cirassa kālassa accayenāti attho.

1. Pkaṭakaraṇatthaṃ (Syā, Ka)

2. Ma 1. 54 piṭṭhe.

Ayaṃ kira devatā Kassapasammāsambuddhaṃ disvā tassa parinibbānato paṭṭhāya antarā aññaṃ Buddhaṃ na diṭṭhapubbā, tasmā ajja Bhagavantam disvā evamāha. Kiṃ panimāya devatāya ito pubbe Satthā na diṭṭhapubboti. Diṭṭhapubbo vā hotu adiṭṭhapubbo vā¹, dassanaṃ upādāya evaṃ vattum vaṭṭati. **Brāhmaṇanti** bāhitapāpaṃ khīṇāsavabrāhmaṇaṃ. **Parinibbutanti** kilesanibbānena nibbutaṃ. **Loketi** sattaloke. **Visattikanti** rūpādīsu ārammaṇesu āsattavisattatādīhi kāraṇehi visattikā vuccati taṇhā, taṃ visattikaṃ appatiṭṭhamānaṃ anāyūhamānaṃ tiṇṇaṃ nittiṇṇaṃ uttiṇṇaṃ cirassaṃ vata khīṇāsavabrāhmaṇaṃ passāmīti attho.

Samanuñño Satthā ahoṣīti tassā² devatāya vacanaṃ citteneva samanumodi, ekajjhāsayo ahoṣi. **Antaradhāyīti** abhisankhatakāyaṃ jahitvā attano pakati-upādiṇṇakakāyasmiṃyeva ṭhatvā laddhāsā³ laddhapatiṭṭhā hutvā dasabalaṃ gandhehi ca mālehi ca pūjetvā attano bhavanaṃyeva agamāsīti.

Sāratthappakāsiniyā Saṃyuttanikāyaṭṭhakathāya

Oghataraṇasuttavaṇṇanā niṭṭhitā.

2. Nimokkhasuttavaṇṇanā

2. Idāni dutiyasuttato paṭṭhāya paṭhamamāgatañca uttānattañca pahāya yaṃ yaṃ anuttānaṃ, taṃ tadeva vaṇṇayissāma⁴. **Jānāsinoti** jānāsi nu. **Nimokkhanti**-ādīni maggādīnaṃ nāmāni. Mggena hi sattā kilesabandhanato nimuccanti, tasmā maggo sattānaṃ **nimokkhoti** vutto. Phalakkhaṇe pana te kilesabandhanato pamuttā, tasmā phalaṃ sattānaṃ **pamokkhoti** vuttaṃ. nibbānaṃ patvā sattānaṃ sabbadukkhaṃ viviccanti, tasmā nibbānaṃ **vivekoti** vuttaṃ. Sabbāni vā etāni nibbānasseva nāmāni. Nibbānaṃ hi patvā sattā sabbadukkhatto nimuccanti pamuccanti viviccanti, tasmā tadeva “nimokkho pamokkho viveko”ti vuttaṃ. **Jānāmi khvāhanti** jānāmi kho ahaṃ. Avadhāraṇattho.

1. Hotu diṭṭhapubbo vā na vā (Syā)

3. Laddhassādā (Si)

2. Tāya (Si)

4. Vaṇṇayissāmi (Syā, Ka)

khokāro. Ahaṃ jānāmiyeva. Sattānaṃ nimokkhādijānanatthameva hi mayā samatiṃsa pāramiyo pūretvā sabbaññutaññāṇaṃ paṭividdhanti sīhanādaṃ nadati. Buddhasīhanādaṃ nāma kira etaṃ suttaṃ.

Nandībhavaparikkhayāti nandīmūlakassa kammabhavassa parikkhayena. Nandiyā ca bhavassa cātipi vaṭṭati¹. Tattha hi purimanaye² nandibhavena tividhakammābhisaṅkhārasena saṅkhārakkhandho gahito, saññāviññāṇehi taṃsampayuttā ca dve khandhā. Tehi pana tīhi khandhehi sampayuttā vedanā tesāṃ gahaṇena gahitāvāti anupādiṇṇakānaṃ catunnaṃ arūpakkhandhānaṃ appavattivasena sa-upādisesaṃ nibbānaṃ kathitaṃ hoti. **Vedanānaṃ nirodhā upasamāti** upādiṇṇakavedanānaṃ nirodhena ca upasamena ca. Tattha vedanāgahaṇena taṃsampayuttā tayo khandhā gahitāva honti, tesāṃ vatthārammaṇavasena rūpakkhandhopi. Evaṃ imesaṃ upādiṇṇakānaṃ pañcannaṃ khandhānaṃ appavattivasena anupādisesaṃ nibbānaṃ kathitaṃ hoti. Dutīyanaye pana nandiggahaṇena saṅkhārakkhandho gahito, bhavaggahaṇena upapattibhavasāṅkhāto rūpakkhandho, saññādīhi sarūpeneva tayo khandhā. Evaṃ imesaṃ pañcannaṃ khandhānaṃ appavattivasena nibbānaṃ kathitaṃ hotīti veditabbaṃ. Imameva ca nayaṃ Catunīkāyikabhaṇḍikatthero roceti. Iti nibbānavaseneva Bhagavā desanaṃ niṭṭhāpesīti.

Nimokkhasuttavaṇṇanā niṭṭhitā.

3. Upanīyasuttavaṇṇanā

3. Tatiye **upanīyatīti** parikkhīyati nirujjhati, upagacchati vā, anupubbena maraṇaṃ upetīti attho. Yathā vā gopālena gogaṇo nīyati, evaṃ jarāya maraṇasantikaṃ upanīyatīti attho. **Jīvanti** jīvitindriyaṃ. **Appanti** parittaṃ thokaṃ. Tassa dvīhākārehi parittatā veditabbā sarasaparittatāya ca khaṇaparittatāya ca. Sarasaparittatāyapi hi “yo bhikkhave ciraṃ jīvati, so vassasataṃ appaṃ vā bhiyyo”³ vacanato parittaṃ. Khaṇaparittatāyapi. Paramatthato hi atiparitto sattānaṃ jīvitakkhaṇo

1. Vattum vattati (Syā, Ka) 2. Purimanayena (Sī) 3. Di 2. 3; Saṃ 1. 398 piṭṭhesu.

ekacittappavattimattoyeva. Yathā nāma rathacakkaṃ pavattamānampi ekeneva nemippadesena pavattati, tiṭṭhamānampi ekeneva tiṭṭhati, evamevaṃ ekacittakkhaṇikaṃ sattānaṃ jīvitāṃ, tasmim citta niruddhamatte satto niruddhoti vuccati. Yathāha—atīte cittakkhaṇe jīvittha na jīvati na jīvissati, anāgate cittakkhaṇe jīvissati na jīvati na jīvittha, paccuppanne cittakkhaṇe jīvati na jīvittha na jīvissati.

Jīvitāṃ attabhāvo ca, sukhadukkhā ca kevalā.

Ekacittasamāyuttā, lahuso vattate khaṇo.

Ye niruddhā marantassa, tiṭṭhamānassa vā idha.

Sabbepi sadisā khandhā, gatā appaṭisandhikā.

Anibbattena na jāto, paccuppannena jīvati.

Cittabhaṅgā mato loko, paññatti paramatthiyāti¹.

Jarūpanītassāti jaraṃ upagatassa, jarāya vā maraṇasantikaṃ upanītassa. **Na santi tāṇāti** tāṇaṃ leṇaṃ saraṇaṃ bhavituṃ samatthā nāma keci² natthi. **Etam bhayanti** etaṃ jīvitindriyassa maraṇūpagamaṇaṃ, āyuparittatā, jarūpanītassa tāṇābhāvoti tividhaṃ bhayaṃ bhayavatthu bhayakāraṇanti attho. **Puññāni kayirātha sukhāvahānī**ti viññū puriso sukhāvahāni sukhadāyakaṇi puññāni kareyya. Iti devatā rūpāvacarajjhānaṃ sandhāya pubbacetanaṃ aparacetanaṃ muñcacetanaṃ³ gahetvā bahuvacanavasena “puññānī”ti āha, jhānaśādaṃ jhānanikantiṃ jhānasukhaṃca gahetvā “sukhāvahānī”ti āha. Tassā kira devatāya sayam dīghāyukaṭṭhāne brahmaloke nibbattatā heṭṭhā kāmāvacaradevesu parittāyukaṭṭhāne cavamāne upapajjamāne ca thullaphusitake⁴ vuṭṭhipātasadise satte disvā etadahosi “ahovatime sattā jhānaṃ bhāvetvā aparihīnājjhānā kālāṃ katvā brahmaloke ekakappadvekkappacatukappa-aṭṭhakappasoḷasakappadvattiṃsa-kappacatusaṭṭhikappappamāṇaṃ addhānaṃ tiṭṭheyyūn”ti. Tasmā evamāha.

Atha Bhagavā “ayaṃ devatā aniyyānikaṃ vaṭṭakathaṃ kathetī”ti vivaṭṭamassā dassento dutiyaṃ gāthamāha. Tattha **lokāmisanti** dve

1. Khu 7. 32 Mahāniddeṣe.

3. Muñcacetanaṃca aparacetanaṃca (Syā)

2. Samattho nama koci (Sī)

4. Bullabusitake (Syā)

lokāmisā pariyāyena ca nippariyāyena ca. Pariyāyena tebhūmakavaṭṭaṃ
lokāmisā, nippariyāyena cattāro paccayā. Idha pariyāyalokāmisā
adhipetaṃ. Nippariyāyalokāmisampi vaṭṭatiyeva. **Santipekkhoti**
nibbānasaṅkhātā accantasantiṃ pekkhanto icchanto patthayantoti.

Upanīyasuttavaṇṇanā niṭṭhitā.

4. Accentisuttavaṇṇanā

4. Catutthe **accentī**ti atikkamanti. **Kālā**ti purebhattādayo kālā. **Tarayanti rattiyo**ti rattiyo atikkamamānā puggalaṃ maraṇūpagamanāya tarayanti sīghaṃ sīghaṃ gamayanti. **Varogūṇā**ti pathamamajjhimapacchimavayānaṃ guṇā, rāsayoti attho. “Anujānāmi bhikkhave ahatānaṃ vatthānaṃ diguṇaṃ saṅghāṭin”¹ ettha hi paṭhalaṭṭho guṇaṭṭho. “Sataguṇā dakkhiṇā pāṭhikaṅkhitabbā”² ettha ānisaṃsaṭṭho. “Antaṃ antaguṇaṃ”³ ettha koṭṭhāsaṭṭho. “Kayirā mālāguṇe bahū”⁴ ettha rāsaṭṭho. “Pañca kāmaguṇā”⁵ ettha bandhanaṭṭho. Idha pana rāsaṭṭho guṇaṭṭho. Tasmā **vayoguṇā**ti vayorāsayo veditabbā. **Anupubbaṃ jahantī**ti anupaṭipāṭiyā puggalaṃ jahanti. Majjhimavaye ṭhitaṃ hi paṭhamavayo jahati, pacchimavaye ṭhitaṃ dve paṭhamamajjhimā jahanti, maraṇakkhaṇe pana tayopi vayā jahanteva. **Etam bhayanti** etam kālānaṃ atikkamanaṃ, rattidivānaṃ taritabhāvo, vayoguṇānaṃ jahanabhāvoti tividhaṃ bhayaṃ. Sesāṃ purimasadisamevāti.

Accentisuttavaṇṇanā niṭṭhitā.

1. Vi 3. 403 piṭṭhe.

2. Ma 3. 298 piṭṭhe.

3. Di 2. 232 piṭṭhādīsu.

4. Khu 1. 21 piṭṭhe.

5. Antaṃ antaguṇaṃ. Kayirā mālāguṇe bahū. Pañca kāmahuṇāti (Syā, Ka)

Di-Ṭṭha 1. 334; Ma-Ṭṭha 1. 360 piṭṭhesu ca.

5. Katichinasuttavaṇṇanā

5. Pañcame **kati chindeti** chindanto kati chindeyya. Sesapadesupi eseva nayo. Ettha ca “chinde jahe”ti atthato ekaṃ. Gāthābandhassa pana maṭṭhabhāvattamaṃ ayaṃ devatā saddapunaruttiṃ vajjayanti evamāha. **Kati saṅgātigoti** kati saṅge atigato, atikkantoti¹ attho. Saṅgātikotipi pāṭho, ayameva attho. **Pañca chindeti** chindanto pañca orambhāgiyaṃyojanāni chindeyya. **Pañca jaheti** jahanto pañcuddhambhāgiyaṃyojanāni jaheyya. Idhāpi chindanañca jahanañca atthato ekameva, Bhagavā pana devatāya āropitavacanānrrūpeneva evamāha. Atha vā pādesu baddhapāsasakuṇo viya pañcorambhāgiyaṃyojanāni heṭṭhā ākaḍḍhamānākārāni honti, tāni anāgāmiṃmaggena chindeyyāti vadati. Hatthehi gahitarukkkhasākhā viya pañcuddhambhāgiyaṃyojanāni upari ākaḍḍhamānākārāni honti, tāni arahattamaggena jaheyyāti vadati. **Pañca cuttari bhāvayeti** etesaṃ saṃyojanānaṃ chindanattāya ceva pahānatthāya ca uttari atirekaṃ visesaṃ bhāvento saddhāpañcamāni indriyāni bhāveyyāti attho. **Pañca saṅgātigoti** rāgasaṅgo dosasaṅgo mohasaṅgo mānasaṅgo diṭṭhisāṅgoti ime pañca saṅge atikkanto. **Ughatiṇṇoti vuccatīti** caturoghatiṇṇoti kathiyati. Imāya pana gāthāya pañcindriyāni lokiya lokuttarāni kathitānīti.

Katichinasuttavaṇṇanā niṭṭhitā.

6. Jāgarasuttavaṇṇanā

6. Chaṭṭhe **jāgaratanti** jāgarantānaṃ. **Pañca jāgaratanti** vissajjanagāthāyaṃ pana saddhādīsu pañcasu indriyesu jāgarantesu² pañca nīvaraṇā suttā nāma. Kasmā? Yasmā taṃsamaṅgīpuggalo yattha kattha katthaci nisinno vā ṭhito vā aruṇaṃ utṭhapentopi pamādatāya akusalasamaṅgitāya sutto nāma hoti. Evaṃ suttasu pañcasu nīvaraṇesu pañcindriyāni jāgarāni nāma³.

1. Atīto atikkamantoti (Syā)

2. Jggantesu (Syā)

3. Jāgaranti nāma(Ka), jāgantī nāma(Syā)

Kasmā? Yasmā taṃsamaṅgīpuggalo yattha katthaci nipajjitvā niddāyantopi appamādatāya kusalasamaṅgitāya jāgaro nāma hoti. Pañcahi pana nīvaraṇeheva kilesarajam ādiyati gaṇhāti parāmasati. Purimā hi kāmacchandādayo pacchimānam paccayā hontīti pañcahi indriyehi parisujjhatīti ayamatto veditabbo. Idhāpi pañcindriyāni lokiyalokuttarāneva kathitānīti.

Jāgarasuttavaṇṇanā niṭṭhitā.

7. Appaṭivīdītasuttavaṇṇanā

7. Sattame **dhammā**ti catusaccadhammā. **Appaṭivīdī**tāti nāṇena appaṭivīddhā. **Paravādesū**ti dvāsaṭṭhidiṭṭhigatavādesu. Te hi ito paresam tīthiyānam vādattā paravādā nāma. **Nīyare**ti attano dhammatāyapi gacchanti, parenapi nīyanti. Tattha sayameva sassatādīni gaṇhantā gacchanti nāma, parassa vacanena tāni gaṇhantā nīyanti nāma. **Kālo tesam pabujjhitunt**i tesam puggalānam pabujjhitum ayam kālo. Lokasmiñhi Buddho uppanno, dhammo desiyati, saṅgho suppaṭipanno, paṭipadā bhaddikā, ime ca pana mahājanā vaṭṭe suttā nappabujjhantīti devatā āha. **Sambhuddhā**ti sammā hetunā kāraṇena Buddhā. Cattāro hi Buddhā Sabbaññubuddho Paccekabuddho catusaccabuddho sutabuddhoti. Tattha samatimsa pāramiyo pūretvā sammāsambodhim patto Sabbaññubuddho nāma. Kappasatasahassādhikāni dve asaṅkhyeyyāni pāramiyo pūretvā sayambhutaṃ patto Paccekabuddho nāma. Avasesā khīṇāsavā catusaccabuddhā nāma. Bahussuto sutabuddho nāma. Imasmim atthe tayopi purimā vaṭṭanti. **Sammadaññā**tī¹ sammā hetunā kāraṇena jānitvā. **Caranti visame samanti** visame vā lokasannivāse visame vā sattanikāye visame vā kilesajāte samam carantīti.

Appaṭivīdītasuttavaṇṇanā niṭṭhitā.

1. Sammadaññāti (Sī, Syā)

8. Susammuṭṭhasuttavaṇṇanā

8. Aṭṭhame **susammuṭṭhā**ti paññāya appaṭividdhabhāveveva sunaṭṭhā¹. Yathā hi dve khettāni kasitvā ekaṃ vapitvā bahudhaññaṃ adhiḡatassa avāpitakhattato aladdhaṃ sandhāya “bahuṃ me dhaññaṃ naṭṭhan”ti vadanto aladdhameva “naṭṭhan”ti vadati, evamidhāpi appaṭivīditāva² susammuṭṭhā nāma. **Asammuṭṭhā**ti paññāya paṭividdhabhāveveva anaṭṭhā³. Sesāṃ purimasadisamevāti.

Susammuṭṭhasuttavaṇṇanā niṭṭhitā.

9. Mānakāmasuttavaṇṇanā

9. Navame **mānakāmassā**ti mānaṃ kāmentassa icchantassa. **Damoti** evarūpassa puggalassa samādhīpakkhiko damo natthīti vadati. “Saccena danto damasā upeto, vedantaḡū vusitabrahmacariyo”ti⁴ ettha hi indriyaśaṃvaro damoti vutto. “Yadi saccā damā cāḡā, khantyā bhīyyodha vijjati”ti⁵ ettha paññā. “Dānena damena śaṃyamena saccavajjena atthi puññaṃ, atthi puññaśsa āḡamo”ti⁶ ettha uposathakammaṃ. “Sakkhissasi kho tvaṃ puṇṇa iminā damūpasameṇa samannāḡato Sunāparantasmīṃ janapade viharitun”ti⁷ ettha adhivāśanakhanti. Imasmīṃ pana sutte damoti samādhīpakkhikadhammānaṃ etaṃ nāmaṃ. Tenevāha “na monamatthi asaṃāhitassā”ti. Tattha **monanti** catumaggaññaṃ, taṃ hi munāṭīti monaṃ, catusaccadhamme jānāṭīti attho. **Maccudheyyassā**ti tebhūmakavaṭṭassa. Tañhi maccuno paṭiṭṭhānaṭṭhena maccudheyyanti vuccati. **Pāranti** tasśeva pāraṃ nibbānaṃ. **Tareyyā**ti paṭivijjheyya pāpuṇeyya vā. Idaṃ vuttaṃ hoti—eko araññe viharanto pamatto puggalo maccudheyyassa pāraṃ na tareyya na paṭivijjheyya na pāpuṇeyyāti.

Mānaṃ pahāyāti arahattamaggena navavidhamānaṃ pajahitvā. **Susamāhitattoti** upacārappanāśamādhīhi suṭṭu samāhitatto. **Sucetasoti**

1. Sammuṭṭhā (Syā)

2. Appaṭivīditāya (Syā)

3. Amuṭṭhā (Syā)

4. Saṃ 1. 170 piṭṭhe.

5. Saṃ 1. 217; Khu 1. 307 piṭṭhesu.

6. Saṃ 2. 531 piṭṭhe.

7. Ma 3. 313; Saṃ 2. 287 piṭṭhesu.

ñāṇasampayuttatāya sundaracitto. Ñāṇavippayuttacittena hi sucetasoti na vuccati, tasmā ñāṇasampayuttana sucetaso hutvāti attho. **Sbbadhi vippamuttoti** sabbesu khandhāyatanādīsu vippamutto hutvā. **Tareyyāti** ettha tebhūmakavaṭṭaṃ samatikkamanto nibbānaṃ paṭivījjhnto taratīti paṭivedhatarāṇaṃ nāma vuttaṃ. Iti imāya gāthāya tisso sikkhā kathitā honti. Ktham—māno nāmāyaṃ sīlabhedano¹, tasmā “mānaṃ pahāyā”ti iminā adhisīlasikkhā kathitā hoti. “Susamāhitatto”ti iminā adhiccittasikkhā. “Sucetaso”ti ettha cittena paññā dassitā, tasmā iminā adhipaññāsikkhā kathitā. Adhisīlaṅca nāma sīle sati hoti, adhiccittaṃ citte sati, adhipaññā paññāya sati. Tasmā sīlaṃ nāma pañcapi dasapi sīlāni, pātimokkhasaṃvaro adhisīlaṃ nāmāti veditabbaṃ. Aṭṭha samāpattiyo cittaṃ, vipassanāpādakajjhānaṃ adhiccittaṃ. Kammassakatañāṇaṃ paññā, vipassanā adhipaññā. Anuppannepi hi Buddhuppāde pavattatīti pañcasīlaṃ dasasīlaṃ sīlameva, pātimokkhasaṃvarasīlaṃ Buddhuppādeyeva pavattatīti adhisīlaṃ. Cittapaññāsūpi eseva nayo. Apica nibbānaṃ patthayantena samādinnaṃ pañcasīlāni dasasīlāni adhisīlameva. Samāpannā aṭṭha samāpattiyopi adhiccittameva. Sabbampi vā lokiyasīlaṃ sīlameva, lokuttaraṃ adhisīlaṃ. Cittapaññāsūpi eseva nayoti. Iti imāya gāthāya samodhānetvā tisso sikkhā sakalasānaṃ kathitaṃ hotīti.

Mānakāmasuttavaṇṇanā niṭṭhitā.

10. Araññasuttavaṇṇanā

10. Dasame **santānanti** santakilesānaṃ, paṇḍitānaṃ vā. “Santo have sabbhi pavedayanti², dūre santo pakāsanti”ti-ādīsu³ hi paṇḍitāpi santoti vuttā. **Brahmacārinanti** seṭṭhacārīnaṃ maggabrahmacariyavāsaṃ vasantānaṃ. **Kena vaṇṇo pasīdatīti** kena kāraṇena chavivaṇṇo pasīdatīti pucchati. Kasmā panesā evaṃ pucchati? Esā kira vanasaṇḍavāsikā bhummadevatā āraññake bhikkhū pacchābhattaṃ piṇḍapātaṭṭhikkante araññaṃ

1. Sīlabhedako (Ka)

2. Khu 6. 136 piṭṭhe jātake.

3. Khu 1. 156 piṭṭhe Dhammapade.

pavisitvā rattiṭṭhānadivāṭṭhānesu mūlakammaṭṭhānam¹ gahetvā nisinne passati. Tesañca evaṃ nisinnānam balavacittekaggatā uppajjati. Tato visabhāgasantati vūpasammati, sabhāgasantati okkamati, cittaṃ pasīdati. Citte pasanne lohitaṃ pasīdati, cittasamuṭṭhānāni upādārūpāni parisuddhāni honti, vaṇṭā pamuttatālaphalassa viya mukhassa vaṇṇo hoti. Taṃ disvā devatā cintesi “sarīravaṇṇo nāmāyaṃ paṇītāni rasasampannāni bhojanāni sukhasamphassāni nivāsanapāvuraṇasayanāni utusukhe tebhūmikādibhede ca pāsāde mālāgandhavilepanādīni ca labhantānam pasīdati, ime pana bhikkhū piṇḍāya caritvā missakabhataṃ bhuñjanti, virālamañcake² vā phalake vā silāya vā sayanāni kappenti, rukkhamaṭṭhāni vā abbhokāse vā vasanti, kena nu kho kāraṇena etesaṃ vaṇṇo pasīdati”ti. Tasmā pucchi.

Athassā Bhagavā kāraṇaṃ kathento dutiyaṃ gātham āha. Tattha **atītanti** atīte Asuko nāma rājā dhammiko ahosi, so amhākaṃ paṇīte paccaye adāsi. Ācariyupajjhāyā lābhino ahesuṃ. Atha mayam evarūpāni bhojanāni bhuñjimmhā, cīvarāni pārupimhāti evaṃ ekacce paccayabāhullikā viya ime bhikkhū atītaṃ nānusocanti. **Nappajjappanti nāgatanti** anāgate dhammiko rājā bhavissati, phītā janapadā bhavissanti, bahūni sappinavanītādīni uppajjissanti, “khādatha bhuñjathā”ti tattha tattha vattāro bhavissanti, tadā mayam evarūpāni bhojanāni bhuñjissāma, cīvarāni pārupissāmāti evaṃ anāgataṃ na patthenti. **Paccuppannāti** yena kenaci taṅkhaṇe laddhena yāpenti. **Tenāti** tena tividhenāpi kāraṇena.

Evaṃ vaṇṇasampattiṃ dassetvā idāni tasseva vaṇṇassa vināsaṃ dassento anantaram gāthamāha. Tattha **anāhatappajjappāyāti** anāgatassa patthanāya. **Etenāti** etena kāraṇadvayena. **Naḷova harito lutoti** yathā harito naḷo lāyitvā uṇhapāsāṇe pakkhitto sussati, evaṃ sussantīti.

Araññasuttavaṇṇanā niṭṭhitā.

Naḷavaggo paṭhamo.

1. Lakkhaṇakammaṭṭhānam (Syā)

2. Bidalamañcake (Si), vidalamañcake (Syā), biraṭhamañcake (Ke)

2. Nandanavagga

1. Nandanasuttavaṇṇanā

11. Nandanavagassa paṭhame **tatrāti** tasmim ārāme. **Khoti** byañjanasiliṭṭhatāvasena nipātamattam. **Bikkhū āmantesīti** parisajeṭṭhake bhikkhū jānāpesi. **Bhikkhavoti** tesam āmantanākāradīpanam. **Bhadanteti** pativacanadānam. **Te bhikkhūti** ye tattha sammukhībhūtā dhammapaṭiggāhakā bhikkhū. **Bhagavato paccassosunti** Bhagavato vacanam pati-assosum, abhimukhā hutvā suṇimsu sampaṭicchim sūti attho. **Etadavocāti** etaṃidāni vattabbam “bhūtapubban”ti-ādivacanam avoca. Tattha **tāvatiṃsakāyikāti** Tāvatiṃsakāye nibbattā. Tāvatiṃsakāyo nāma dutiyadevaloko vuccati. Maghena¹ māṇavena saddhim Macalagāme kālam katvā tattha uppanne tettiṃsa devaputte upādāya kira tassa devalokassa ayam paṇṇatti jātāti vadanti. Yasmā pana sesacakkavālesupi cha kāmāvacaradevalokā atthi. Vuttampi cetam “sahassam Cātumahārājikānam sahaṃ Tāvatiṃsānan”ti², tasmā nāmapaṇṇattiyevessā tassa devalokassāti veditabbā. Evaṃ hi niddosam padaṃ hoti.

Nandane vaneti ettha taṃ vanam pavitṭhe pavitṭhe nandayati tosetīti Nandanam. Pañcasu hi maraṇanimittesu uppannesu “sampattim pahāya cavissāmā”ti³ paridevamānā devatā Sakko Devānamindo “mā paridevittha, abhijjanadhammā nāma saṅkhārā natthi”ti ovaḍitvā tattha pavesāpeti. Tāsam aññāhi devatāhi bāhāsu gahetvā pavesitānampi tassa sampattim disvāva maraṇasoko vūpasammati, pītipāmojjameva uppajjati. Atha⁴ tasmim kīlamānā eva uṇhasantatto himapiṇḍo viya vilīyanti, vātāpahatadīpasikhā viya vijjhāyantīti evam yaṃkiñci anto pavitṭham nandayati tosetiyevāti Nandanam, tasmim Nandane. **Accharāsaṅghaparivutāti accharāti** devadhītānam nāmam, tāsam samūhena parivutā.

Dibbehīti devaloke nibbattehi. **Pañcahi kāmagaṇehīti** manāpiyarūpasaddagandarasaphoṭṭhabbasāṅkhātehi pañcahi kāmabandhanehi kāmakoṭṭhāsehi

1. Māghena (Ka)

3. Cavissāma cavissāmāti (Sī)

2. Am 3. 303 piṭhe.

4. Tadā (Ka)

vā. **Samappitāti** upetā. Itaram tassova vevacanam. **Paricārayamānāti** ramamānā¹, tesu tesu vā rūpādīsu indriyāni sañcārayamānā. **Tāyam velāyanti** tasmim paricāraṇakāle. So panassa devaputtassa adhunā abhinibbattakālo veditabbo. Tassa hi paṭisandhikkhaṇeyeva rattasuvaṇṇakkhandho viya virocayamāno tigāvutappamāṇo attabhāvo nibbatti. So dibbavatthanivattho dibbālaṅkārapaṭimaṇḍito dibbamālāvīlepanadharo dibbehi candanacuṇṇehi samam vikiriyamāno² dibbehi pañcahi kāmaguṇehi ovuto nivuto³ pariyanaddho lobgābhibhūto hutvā lobhanissaraṇam nibbānam apassanto āsabhim vācam bhāsanto viya mahāsaddena “na te sukham pajānanti”ti imam gātham gāyamāno Nandanavane vicari. Tena vuttam “tāyam velāyam imam gātham abhāsī”ti.

Ye na passanti nandananti ye tatra pañcakāmaguṇānubhavanavasena Nandanavanam na passanti. **Naradevānanti** devanarānam, devapurisānanti attho. **Tidasānanti** tikkhattum dasannam. **Yasassinanti** parivārasaṅkhātena yasena sampannānam.

Aññatarā devatāti ekā ariyasāvīkā devatā. **Pccabhāsīti** “ayam bhāladevatā imam sampattim niccam acalam maññati, nāssā chedanabhedanavidhamśanadhammatam jānāti”ti adhippāyam vivatṭetvā dassentī “na tvam bāle”ti imāya gāthāya pati-abhāsī. **Yathā arahatam vacoti** yathā arahantānam vacanam, tathā tvam na jānāsīti. Evam tassā adhippāyam paṭikkhipitvā idāni arahantānam vacanam dassentī **aniccāti**-ādimāha. Tattha **aniccā vata saṅkhārāti** sabbe tebhūmakasaṅkhārā hutvā abhāvatthena aniccā. **Uppādavayadhamminoti** uppādavayasabhāvā. **Uppajjitvā nirujjhantīti** idam purimasseva vevacanam. Yasmā vā uppajjitvā nirujjhanti, tasmā uppādavayadhamminoti. Uppādavayaggahaṇena cettha tadantarā vemajjhaṭṭhānam⁴ gahitameva hoti. **Tesam vūpasamo sukhoti** tesam saṅkhārānam vūpasamasāṅkhātam nibbānameva sukham. Idam arahatam vacoti.

Nandanasuttavaṇṇanā niṭṭhitā.

1. Ramayamānā (Syā)

2. Sammāvikiriyamāno (Sī), samavikiriyamāno (Syā)

3. Ophuto niphuto (Syā, Ka)

4. Bhadanantarathānam (Sī), tadantaram thānam (Syā)

2. Nandatisuttavaṇṇanā

12. Dutiye **nandatī**ti tussati attamano hoti. **Pattimā**ti bahuputto. Tassa hi ekacce puttā kasikkammaṃ katvā dhañṇassa koṭṭhe pūrenti, ekacce vaṇijjaṃ katvā hiraññasuvaṇṇaṃ āharanti, ekacce rājānaṃ upaṭṭhahitvā yānavāhanagāmanigamādīni labhanti. Atha tesam ānubhāvasaṅkhātā¹ sirim anubhavamānā mātā vā pitā vā nandati. Chaṇḍadivasādīsu vā maṇḍitapasādhite putte sampattim anubhavamāne disvā nandatīti “nandati puttehi puttimā”ti āha. **Gohi tathevā**ti yathā puttimā puttehi, tathā gosāmikopi sampannaṃ gomaṇḍalaṃ disvā gāvo nissāya gorasasampattim anubhavamāno gohi nandati. **Upadhī hi narassa nandanā**ti ettha **upadhī**ti cattāro upadhī kāmūpadhi khandhūpadhi kilesūpadhi abhisāṅkhārūpadhīti. Kāmāpi hi “yaṃ pañca kāmagaṇe paṭicca uppajjati sukhaṃ somanassaṃ, yaṃ kāmānaṃ assādo”ti² evaṃ vuttassa sukhasa adhiṭṭhānabhāvato “upadhiyati ettha sukhan”ti iminā vacanathena upadhīti vuccati. Khandhāpi khandhamūlakassa dukkhassa adhiṭṭhānabhāvato, kilesāpi apāyadukkhassa adhiṭṭhānabhāvato, abhisāṅkhārāpi bhavadukkhassa adhiṭṭhānabhāvato. Idha pana kāmūpadhi adhippeto. Pañca hi kāmagaṇā tebhūmikādīpāsāda-ūlārasayana³ vatthālānkāranāṭakaparivārādivasena paccupaṭṭhitā pītisomanassaṃ upasaṃharamānā naraṃ nandayanti. Tasmā yathā puttā ca gāvo ca, evaṃ imepi upadhī hi⁴ narassa nandanāti veditabbā. **Na hi so nandati yo nirūpadhī**ti yo kāmagaṇasampattirahito daliddo dullabhaḡhāsacchādano, na hi so nandati. Evarūpo manussapeto ca manussa- nerayiko ca kiṃ nandissati Bhagavāti āha.

Idaṃ sutvā Sathā cintesi—“ayaṃ devatā sokavatthumeva Nandavatthum karoti, sokavatthubhāvamassā dīpessāmī”ti phalena phalaṃ pātento viya tāyeva upamāya tassā vādaṃ bhindanto tameva gātham parivattetvā **socatī**ti āha. Tatha **socati puttehi**ti videsagamanādivasena puttesu naṭṭesupi nassantesupi idāni nassissantīti

1. Anubhāvasambhūtaṃ (Syā)

2. Ma 1. 120 piṭṭhe.

3. ...sayanaseyya (Sī)

4. Imehi upadhīhi (Kha) Ṭikā pana passitabbā.

nāsaṅkīpi socati, tathā matesupi marantesupi corehi rājapurisehi gahitesu vā paccatthikānaṃ hattham upgatesu vā maraṇasaṅkīpi hutvā socati, rukkhapabbatādīhi patitvā hatthapādādīnaṃ bhedavasena bhinnesupi bhijjantesupi bhedasaṅkīpi hutvā socati. Yathā ca puttēhi puttimā, gosāmikopi tatheva navahākārehi gohi socati. **Upadhī hi narassa** socanāti yathā ca puttagāvo¹, evaṃ pañca kāmagaṇopadhīpi²—

“Tassa ce kāmāyānassa, chandajātassa jantuno.
Te kāmā parihāyanti, sallaviddhova ruppātī”³—

Vuttanayena naraṃ socenti. Tasmā narassa socanā sokavatthukamevāti veditabbā. **Na hi so socati, yo nirūpadhīti** yassa pana catubbidhāpete upadhiyo natthi, so nirupadhi Mahākhīṇāsavo kiṃ socissati, na socati devateti.

Nandatisuttavaṇṇanā niṭṭhitā.

3. Natthiputtasamasuttavaṇṇanā

13. Tatiye **natthi puttasaṃ pemaṃ** virūpepi hi attano puttake suvaṇṇabimbakāṃ viya maññanti, mālāguḷe viya sīsādīsu katvā pariharamānā tehi ohaditāpi⁴ omuttikāpi gandhavilepanapatitā viya somanassaṃ āpajjanti. Tenāha “natthi puttasaṃ pemaṃ”⁵ti. Puttapemasamaṃ pemaṃ nāma natthīti vuttam hoti. **Gosamitaṃ dhananti** gohi samaṃ godhanasamaṃ godhanasadisamaṃ aññaṃ dhanam nāma natthi Bhagavāti āha. **Sūriyasamā ābhāti** sūriyābhāya samā añña ābhā nāma natthīti dasseti. **Samuddaparamāti** ye keci aññe sarā nāma, sabbe te samuddaparamā, samuddo tesam uttamo, samuddasadisamaṃ aññaṃ udakanidhānam nāma natthi Bhagavāti.

Yasmā pana attapemena samaṃ pemaṃ nāma natthi. Mātāpitādayo⁶ hi chaṭṭetvāpi puttadhītādayo⁶ ca aposetvāpi sattā

1. Puttagohi (Ka)

3. Khu 1. 399 piṭṭhe Suttanipāte.

5. Mātāpitāro (Ka)

2. Pañcakāmagaṇopadhīhi (Sī, Ka)

4. Ohānitāpi (Sī, Syā)

6. Puttadhītāro (Ka)

attānameva posenti. Dhaññaena ca samaṃ dhanam nāma natthi. (Yadā hi sattā dubbhikkhā honti)¹, tathārūpe hi kāle hiraññasuvaṇṇādīni gomahimsādīnīpi dhaññaaggahaṇattham dhaññasāmikānameva santikaṃ gahetvā gacchanti. Paññāya ca samā ābhā nāma natthi. Sūriyādayo hi ekadesaṃyeva obhāsanti, paccuppannameva ca tamaṃ vinodenti. Paññā pana dasasahassīpi lokadhātuṃ ekapajjotaṃ kātuṃ sakkoti, atītaṃsādīpaṭicchādakaṃ ca tamaṃ vidhamati. Meghavuṭṭhiyā ca samo saro nāma natthi. Nadīvāpi hotu talākādīni vā, vuṭṭisamo saro nāma natthi. Meghavuṭṭhiyā hi pacchinnāya mahāsamuddo aṅgulipabbatemanamattampi udakaṃ na hoti, vuṭṭhiyā panapavattamānāya yāva ābhassarabhavanāpi ekodakaṃ hoti. Tasmā Bhagavā devatāya paṭigātham vadanto **natthi attasamaṃ** pemanti-ādimāhāti.

Natthiputtasamasuttavaṇṇanā niṭṭhitā.

4. Khattiyasuttavaṇṇanā

14. Catutthe **khattiyo dvipadanti** dvipadānam rājā seṭṭho. **Komārīti** kumārīkāle gahitā. Ayam sesabhariyānam seṭṭhāti vadati. **Pubbajoti** paṭhamam jāto kāṇo vāpi hotu kuṇi-ādīnam vā aññataro, yo paṭhamam jāto, ayameva putto imissā devatāya vāde seṭṭho nāma hoti. Yasmā pana dvipadādīnam Buddhādayo seṭṭhā, tasmā Bhagavā paṭigātham āha. Tattha kiñcāpi Bhagavā sabbesaṃyeva apadādibhedānam sattānam seṭṭho, uppajjamāno panesa sabbasattaseṭṭho dvipadesuyeva uppajjati, tasmā **Sambuddho dvipadam seṭṭhoti** āha. Dvipadesu uppanassa cassa sabbasattaseṭṭhabhāvo appaṭihatova hoti. **Ājānīyoti** hatthi vā hotu assādīsu aññataro vā, yo kāraṇam jānāti, ayam ājānīyova catuppadānam seṭṭhoti attho. Kūṭakaṇṇarañño guḷavaṇṇa-asso viya. Rājā kira pācīnadvārena nikkhamitvā Cetiyaṃpabbatam gamissāmīti Kalambanadītīram² sampatto, asso tīre ṭhatvā udakaṃ otarituṃ na icchati, rājā assācariyam āmantetvā

1. () Sī-Syā-potthakesu natthi.

2. Kadambanadītīram (Sī)

“aho vata tayā asso sikkhāpito udakaṃ otarituṃ na icchatī”ti āha. Ācariyo “susikkhāpito deva asso, etassa hi cittaṃ ‘sacāhaṃ udakaṃ otarissāmi, vālaṃ temissati, vāle tinte rañño aṅge udakaṃ pāteyyā”ti, evaṃ tumhākaṃ sarīre udakapātanabhayena na otarati, vālaṃ gaṇhāpethā”ti āha. Rājā tathā kāresi. Asso vegeva otarivā pāraṃ gato. **Sussūsāti** sussūsamānā. Kumārikāle vā gahitā hotu pacchā vā, surūpā vā virūpā vā, yā sāmikaṃ sussūsati paricarati toseti, sā bhariyānaṃ seṭṭhā. **Assavoti** āsuṇamāno. Jeṭṭho vā hi hotu kaniṭṭho vā, yo mātāpitūnaṃ vacanaṃ suṇāti, sampaṭicchati, ovādapāṭikaro hoti, ayam puttānaṃ seṭṭho, aññehi sandhicchedakādicorehi puttehi ko attho devateti.

Khattiyasuttavaṇṇanā niṭṭhitā.

5. Saṇamānasuttavaṇṇanā

15. Pañcame **ṭhite majjhanhiketi** ṭhitamajjhanhike. **Sannisīvesūti** yathā phāsukaṭṭhānaṃ upagantvā sannisinnesu vissamamānesu. Ṭhitamajjhanhikakālo nāmesa sabbasattānaṃ iriyāpathadubbalyakālo. Idha pana pakkhīnaṃyeva vasena dassito. **Saṇatevāti** saṇati viya mahāviraṇaṃ viya muccati¹. Saṇamānameva cettha “saṇatevā”ti vuttaṃ. Tappaṭibhāgaṃ nāmetāṃ. Nidāghasamayasmim hi ṭhitamajjhanhikakāle catuppadagaṇesu ceva pakkhīgaṇesu ca sannisinnesu vātapūritānaṃ susirarukkhānañceva chīddaveṇupabbānañca khandhena khandhaṃ sākhyā sākhaṃ saṃghaṭṭayantānaṃ pādapānañca araṇṇāmajjhe mahāsaddo uppajjati. Taṃ sandhāyetaṃ vuttaṃ. **Taṃ bhayaṃ paṭibhāti** manti taṃ evarūpe kāle mahā-araṇṇassa saṇamānaṃ mayhaṃ bhayaṃ hutvā upaṭṭhāti. Dandhapaṇṇā kiresā devatā tasmim khaṇe attano nisajjaphāsukaṃ kathāphāsukaṃ dutiyakaṃ alabhanti evamāha. Yasmā pana tādise kāle piṇḍapātaṭṭikkantassa vivitte araṇṇāyatane kammaṭṭhānaṃ gahetvā nisinnassa bhikkhuno anappakaṃ sukhaṃ uppajjati, yaṃ sandhāya vuttaṃ—

1. Vuccati (Sī), Muñcati (Syā)

“Suññāgāraṃ pavitṭhassa, santacittassa bhikkhuno.
Amānusī ratī hoti, sammā dhammaṃ vipassato”¹ ca,
“Purato pacchato vāpi, aparo ce na vijjati.
Atīva phāsu bhavati, ekassa vasato vane”² ca.

Tasmā Bhagavā dutiyaṃ gāthamāha. Tattha **sā rati paṭibhāti manti** yā evarūpe kāle ekakassa³ nisajjā nāma, sā rati mayham upaṭṭhātīti attho. Sesam tādissimevāti.

Saṇamānasuttavaṇṇanā niṭṭhitā.

6. Niddātandīsuttavaṇṇanā

16. Chaṭṭhe **niddāti** “abhijānāmahaṃ Aggivessana gimhānaṃ pacchime māse niddaṃ okkamitā”⁴ evarūpāya abyākataniddāya pubbabhāgāparabhāgesu sekhaputhujjanānaṃ sasaṅkhārika-akusale citte uppannaṃ thinamiddhaṃ. **Tandīti** aticchātātīsītādikālesu⁵ uppannaṃ āgantukaṃ ālasiyaṃ. Vuttampi cetam—tattha katamā tandī, yā tandī tandiyanā tandimanatā ālasyaṃ ālasyāyanā ālasyāyitattaṃ, ayaṃ vuccati tandīti⁶. **Vijambhitāti** kāyavijambhanā⁷. **Aratīti** akusalapakkhā ukkaṅṭhitatā. **Bhattasammadoti** bhattamucchā bhattakilamatho. Vitthāro pana tesam “tattha katamā vijambhitā, yā kāyassa jambhanā vijambhanā”^{ti} ādinā nayena abhidhamme āgatova. **Etenāti** etena niddādinā upakkilesena upakkiliṭṭho nivāritapātubhāvo. **Nappakāsātīti** na jotati, na pātubhavatīti attho. **Ariyamaggoti** lokuttaramaggo. **Idhāti** imasmim loke. **Pāṇinanti** sattānaṃ. **Vīriyenāti** maggasahajātavīriyena. **Nam paṇāmetvāti** etaṃ kilesajātānaṃ nīharitvā. **Ariyamaggoti** lokiyalokuttaramaggo. Iti maggeneva upakkilese nīharitvā maggassa visuddhi vuttāti.

Niddātandīsuttavaṇṇanā niṭṭhitā.

1. Khu 1. 67 piṭṭhe Dhammapade.

3. Ekekassa (Syā)

6. Abhi 2. 365 piṭṭhe.

4. Ma 1. 316 piṭṭhe.

2. Khu 2. 301 Theragāthāyaṃ.

5. Aticchātātīsītāvātādikālesu (Sī)

7. Vijambhitāti kāyavijambhanā (Syā)

7. Dukkarasuttavaṇṇanā

17. Sattame **duttitikkhanti** dukkhamam du-adhivāsiyam. **Abyattenāti** bālena. **Sāmaññanti** samaṇadhammo. Iminā devatā idam dasseti—yam paṇḍitā kulaputtā dasapi vassāni vīsatipi satṭhipi vassāni dante abhidantamādhāya¹ jivhāya tālum āhaccapi cetasā cittam abhiniggaṇhitvāpi ekāsanam ekabhattham paṭisevamānā āpāṇakoṭikam brahmacariyam carantā sāmaññam karonti. Tam Bhagavā bālo abyatto kātum na sakkotīti. **Bhahū hi tattha sambādhāti** tasmim sāmaññasaṅkhāte ariyamagge bahū sambādhā maggādhigamāya paṭipannassa pubbabhāge bahū parissayāti dasseti.

Cittam ce na nivārayeti yadi ayoniso uppannam cittam na nivāreyya, kati ahāni sāmaññam careyya, ekadivasampi na careyya. Cittavasiko hi samaṇadhammam kātum na sakkoti. **Pade padeti** ārammaṇe ārammaṇe. Ārammaṇam hi idha padanti adhippetam. Yasmim yasmim hi ārammaṇe kilesa uppajjati, tattha tattha bālo visīdati nāma. Iriyāpathapadampi vaṭṭati. Gamanādīsu hi yattha yattha kilesa uppajjati, tattha tattheva visīdati nāma. **Saṅkappānanti** kāmasaṅkappādīnam.

Kummovāti kacchapo viya. **Āngānīti** gīvapañcamāni āngāni. **Samodahanti** samodahanto, samodahitvā vā. **Manovitakketi** manamhi uppannavitakke. Ettāvata idam dasseti—yathā kummo soṇḍipañcamāni āngāni sake kapāle samodahanto sigālassa² otāram na deti, samodahitvā cassa appasayhatam āpajjati, evamevam bhikkhu manamhi uppannavitakke sake ārammaṇakapāle samodaham mārassa otāram na deti, samodahitvā cassa appasayhatam āpajjatīti. **Anissitoti** taṇhādīṭṭhinissayehi anissito hutvā. **Aheṭṭhayānoti** avihimsamāno. **Parinibbutoti** kilesanibbānena parinibbuto. **Nūpavadeyya kañcīti** yamkiñci puggalam ācāravipatti-ādīsu yāya kāyaci maṅkum kātukāmo hutvā na vadeyya, “kālena vakkhāmi no akālenā”ti-ādāyo pana pañca dhamme ajjhattam upaṭṭhapetvā ullumpanasabhāvasaṅghitena citta kārūññatam paṭicca vadeyyāti.

Dukkarasuttavaṇṇanā niṭṭhitā.

1. Dantehi dantamādhāya (Si)

2. Sigālassa (Sī, Syā)

8. Hirīsuttavaṇṇanā

18. Aṭṭhame **hirīnisedhoti** hiriyā akusale dhamme nisedhetīti hirīnisedho. **Koci lokasmiṃ vijjatīti** koci evarūpo vijjatīti pucchati. **Yo nindam apabodhatīti**¹ yo garham apaharanto bujjhati. **Asso bhadro kasāmivāti** yathā bhadro assājānīyo kasam apaharanto bujjhati, patodacchāyam disvā samvijjhanto viya kasāya attani nipātam na deti, evameva yo bhikkhu bhūtassa dasa-akkosavatthuno attani nipātam adadanto nindam apabodhati apaharanto bujjhati, evarūpo koci khīṇāsavo vijjatīti pucchati. Abhūtakkosena pana parimutto nāma natthi. **Tanuyāti** tanukā, hiriyā akusale dhamme nisedhetvā carantā khīṇāsavā nāma appakāti attho. **Sadā satāti** niccakālam sativepullena samannāgatā. **Antam dukkhassa pappuyyāti** vaṭṭadukkhassa koṭim antabhūtam nibbānam pāpuṇitvā. Sesam vuttanayamevāti.

Hirīsuttavaṇṇanā niṭṭhitā.

9. Kuṭikāsuttavaṇṇanā

19. Navame **kacci te kuṭikāti** ayam devatā dasa māse antovasanaṭṭhānaṭṭhena mātaram kuṭikam katvā, yathā sakuṇā divasam gocarapasutā rattiṃ kulāvakam alliyanti, evamevam sattā tattha tattha gantvāpi mātugāmassa santikam āgacchanti², ālayavasena bhariyam kulāvakam katvā. Kulapaveṇim santānakaṭṭhena putte santānake katvā, taṇham bandhanam katvā, gāthābandhanena ime pañhe samodhānetvā Bhagavantam pucchi, Bhagavāpissā vissajjento **tagghāti**-ādimāha. Tattha **tagghāti** ekamsavacane nipāto. **Natthīti** pahāya pabbajitattā vaṭṭasmiṃ vā puna mātukucchivāsassa dārabharaṇassa puttanibbattiyā³ vā abhāvato natthi.

Devatā “mayā sannāham bandhitvā gulhā pañhā pucchitā, ayañca samaṇo pucchi tamatteyeva vissajjesi, jānam nu kho me ajjhāsayam⁴ kathesi,

1. Appabodhetīti (Syā)

3. Puttanipphattiyā (Sī)

2. Āgacchantīti (?)

4. Āsayam (Ka)

udāhu ajānaṃ yaṃ vā taṃ vā mukhāruḷhaṃ kathesī”ti cintetvā puna **kintāhanti**-ādimāha. Tattha **kintāhanti** kiṃ te ahaṃ. Athassā Bhagavā ācikkhanto **mātaranti**-ādimāha. **Sāhu teti** gāthāya anumoditvā¹ sampahaṃsitvā Bhagavantaṃ vanditvā gandhamālādīhi pūjetvā attano devaṭṭhānameva² gatāti.

Kuṭṭikāsuttavaṇṇanā niṭṭhitā.

10. Samiddhisuttavaṇṇanā

20. Dasame **tapodārāmeti** tapodassa tattodakassa rahadassa vasena evaṃladdhanāme ārāme. Vebhārapabbatassa kira heṭṭhā bhummaṭṭhakanāgānaṃ pañcayojanasatikāṃ nāgabhavanaṃ devalokasadisāṃ maṇimayena³ talena ārāmuyyānehi ca samannāgataṃ. Tattha nāgānaṃ kīḷanaṭṭhāne mahā-udakarahado, tato Tapodā nāma nadī sandati kuthitā uṇhodakā. Ksmā panesā edisā? Rājagahaṃ kira parivāretvā Mahāpetaloko tiṭṭhati, tattha dvinnaṃ Mahālohakumbhinirayānaṃ antarena ayaṃ Tapodā āgacchati, tasmā kuthitā sandati. Vuttampi cetāṃ—

“Yatāyaṃ⁴ bhikkhave Tapodā sandati, so daho acchodako sītodako sātodako setodako suppatittho ramaṇīyo pahūtamacchakacchapo, cakkamattāni ca padumāni pupphanti. Apicāyaṃ bhikkhave Tapodā dvinnaṃ mahānirayānaṃ antarikāya āgacchati, tenāyaṃ Tapodā kuthitā sandatī”ti⁵.

Imassa pana ārāmassa abhimukhaṭṭhāne tato mahā-udakarahado jāto, tassa vasenāyaṃ vihāro “Tapodārāmo”ti vuccati.

Samiddhīti tassa kira therassa atabhāvo samiddho abhirūpo pāsādiko, tasmā “samiddhī”tveva saṅkhaṃ gato. **Gattāni parisīñcituṇi** padhānikatthero esa, balavapaccūse uṭṭāyāsanaṃ sarīraṃ utuṃ gāhāpetvā⁶

1. Anumodetvā (Ka)

3. Nimmalena (Ka)

5. Vi 1. 149 piṭṭhe.

2. Devabhavanameva (Ka)

4. Yatoyaṃ (Sī), ydāyaṃ 1. 149 piṭṭhe.

6. Uṭṭhāya senāsanaṃ utuṃ gāhāpetvā (Syā)

bahi saṭṭhihatthamatte mahācaṅkame aparāparaṃ caṅkamitvā “sedagahitehi gattehi paribhuñjamānaṃ senāsanam kilissatī”ti maññamāno gattāni parisīñcanattham sarīradhovanattham upasaṅkami. **Ekacīvaro aṭṭhāsī**ti nivāsanam nivāsetvā kāyabandhanam bandhitvā cīvaram hatthena gahetvā aṭṭhāsī.

Gattāni pubbāpayamānoti gattāni pubbasadisāni vodakāni kurumāno. Allasarīre pārutaṃ hi cīvaram kilissati duggandham hoti, na cetam vattaṃ. Thero pana vattasampanno, tasmā vatte ṭhitova nhāyitvā pccuttarivā aṭṭāsī. Tattha idaṃ nhānavattaṃ—dakatittham gantvā yattha katthaci¹ cīvarāni nikkhipitvā vegena ṭhitakeneva na otaritabbaṃ, sabbadisā pana oloketvā vivittabhāvaṃ ñatvā khāṇugumbalatādīni vavatthapetvā tikkhattum ukkāsitvā avakuja ṭhitena uttarāsaṅgacīvaram apantvā pasāretabbaṃ, kāyabandhanam mocetvā cīvarapiṭṭheyeva ṭhapetabbaṃ. Sace udakasāṭikā natthi, udakante ukkuṭikam nisīditvā nivāsanam mocetvā sace sinnaṭṭhānam² atthi, pasāretabbaṃ. No ce atthi, saṃharitvā ṭhapetabbaṃ. Udakam otarantena saṅgikam nābhippamāṇamattaṃ otarivā vīcim anuṭṭāpentena saddam akarontena nivattitvā āgatadisābhimukhena nimujjitabbaṃ, evam cīvaram rakkhitam hoti. Ummujjantenapi saddam akarontena saṅgikam ummujjitvā nhānapariyosāne udakante ukkuṭikena nisīditvā nivāsanam parikkhipitvā utṭhāya suparimaṇḍalam nivāsetvā kāyabandhanam bandhitvā cīvaram apārupitvāva ṭhātabbanti.

Theropi tathā nhāyitvā paccuttarivā vigacchamāna-udakam kāyam olokayamāno aṭṭhāsī. Tassa pakatiyāpi pāsādikassa paccūsasamaye sammā pariṇatāhārassa uṇhodakena nhātassa ativiya mukhavaṇṇo virocī³, bandhanā pavuttatālahalam⁴ viya pabhāsampanno puṇṇacando viya taṅkhaṇvikasitapadumaṃ viya mukham sassirikaṃ ahosi, sarīravaṇṇopi vipasīdī. Tasmiṃ samaye vanasaṇḍe adhivatthā bhummadevatā pāsādikaṃ bhikkhum olokayamānā samanam niggahetum asakkonti kāmāpariṭāhābhībhitā⁵ hutvā “theram palobhessāmi”ti attabhāvaṃ

1. Yattha vā tattha vā (Syā)

2. Nisinnaṭṭhānam (Syā)

3. Virocati (Ka)

4. Pamuttatālahalam (Sī, Syā)

5. Kāmūpanitā lobhābhībhitā (Syā)

uḷārena alaṅkārena alaṅkaritvā saḥassavaṭṭipadīpaṃ pajjalamānā viya candam uṭṭhāpayamānā viya sakalārāmaṃ ekobhāsaṃ katvā theram upasaṅkamitvā avanditvāva vehāse ṭhitā gātham abhāsi. Tena vuttam “atha kho aññatarā devatā -pa- ajjhabhāsi”ti.

Abhutvāti pañca kāmagaṇe aparibhuñjitvā. **Bhikkhasī**ti piṇḍāya carasi. **Mā tam kālo upaccagā**ti ettha kālo nāma pañcakāmagaṇapaṭisevanakkhamo daharayobbanakālo. Jarājiṇṇena hi obhaggena¹ daṇḍaparāyaṇena pavedhamānena kāsasāsābhībhūtena na sakkā kāme paribhuñjitum, iti imaṃ kālam sandhāya devatā “mā tam kālo upaccagā”ti āha. Tattha **mā upaccagā**ti mā atikkami.

Kālam voham na jānāmīti ettha voti nipātamattam. **Kālam na jānāmī**ti maraṇakālam sandhāya vadati. Sattānañhi—

Jīvitam byādhi kālo ca, dehanikkhepanam gati.
Pañcete jīvalokasmim, animittā na nāyare².

Tattha **jīvitam** tāva “ettakameva, na ito paran”ti vavattānābhāvato³ animittam. Kalalakālepi hi sattā maranti, abbudapesighana-aḍḍhamāsa-ekamāsadvemāsatemāsacatu-māsapañcamāsa -pa- dasamāsakālepi, kucchito nikkhantasamayepi, tato param vassasatassa antopi bahipi marantiyeva. **Byādhipi** “imināva byādhinā sattā maranti, na aññenā”ti vavattānābhāvato animitto. Cakkhurogenapi hi sattā maranti sotarogādīnam aññatarenapi. **Kālopi** “imasim yeva kāle maritabbam, na aññasmin”ti evam vavattānābhāvato animitto. Pubbaṇhepi hi sattā maranti majjhanhikādīnam aññatarasmimpi. **Dehanikkhepanampi** “idheva mīyamānānam dehena⁴ patitabbam, na aññatthā”ti evam vavattānābhāvato animittam. Antogāme jātānam hi bahigāmepe attabhāvo patati, bahigāmepe jātānam antogāmepe. Tathā thalajānam jale, jalajānam thaleti anekappakārato vitthāretabbam. **Gatipi** “ito cutena idha nibbattitabbam”ti evam vavattānābhāvato animittā. Devalokato hi cutā manussesupi

1. Obhaggavibhaggena (Ka)

3. Vavattānābhāvato (Sī, Syā, Ka)

2. Nāyare (Sī)

4. Deham (Ka)

nibbattanti, manussalokato cutā devalokādīnaṃ yattha kattraci nibbattantīti evaṃ yante yuttagoṇo viya gatipaṅcake¹ loko samparivattati. Tassevaṃ samparivattato “imasmiṃ nāma kāle maraṇaṃ bhavissatī”ti imaṃ maraṇassa kālaṃ vohaṃ na jānāmi.

Channo kālo na dissatīti ayaṃ kālo mayhaṃ paṭicchanno avibhūto na paññāyati. **Tasmāti** yasmā ayaṃ kālo paṭicchanno na paññāyati, tasmā pañca kāmagaṇe abhutvāva bhikkhāmi. **Mā maṃ kālo upaccagāti** ettha samaṇadhammakaraṇakālaṃ sandhāya “kālo”ti āha. Ayañhi samaṇadhammo nāma pacchime kāle tisso vayosīmā² atikkantena obhaggena daṇḍaparāyaṇena pavedhamānena kāsasāsābhībhūtena na sakkā kātum. Tada hi na sakkā hoti icchiticchitaṃ Buddhavacanaṃ vā gaṇhitum³, dhutaṅgaṃ vā paribhuñjitum, araññavāsaṃ vā vasitum, icchiticchitakkhaṇe samāpattim vā samāpajjitum, padabhāṇa⁴ sarabhāññadhammakathā-anumodanādīni vā kātum, taruṇayobbanakāle panetaṃ sabbaṃ sakkā kātuntī ayaṃ samaṇadhammakaraṇassa kālo mā maṃ upaccagā, yāva maṃ nātikkamati, tāva kāme abhutvāva samaṇadhammaṃ karomīti āha.

Pathaviyaṃ paṭiṭṭhahitvāti sā kira devatā “ayaṃ bhikkhu samaṇadhammakaraṇassa kālaṃ nāma katheti, akālaṃ nāma katheti, sahetukaṃ katheti sānisaṃsaṃ”ti ettāvataṃva there lajjaṃ paccupaṭṭhāpetvā mahābrahmaṃ viya aggikkhandhaṃ viya ca naṃ maññamānā gāravajāta ākāsa oruyha pathaviyaṃ aṭṭhāsi, taṃ sandhāyetaṃ vuttaṃ. Kiñcāpi pathaviyaṃ ṭhitā, yena panatthena āgatā, punapi tameva gahetvā **daharo tvanti**-ādimāha. Tattha **susūti** taruṇo. **Kāḷakesoti** suṭṭhu kāḷakeso. **Bhadrenāti** bhaddakena. Ekacco hi daharopi samāno kāṇo vā hoti kuṇi-ādīnaṃ vā aññataro, so bhadrena yobbanena samannāgato nāma na hoti. Yo pana abhirūpl hoti dssanīyo pāsādiko sabbasampattisampanno, yaṃ yadeva alaṅkāraparihāraṃ icchati, tena tena alaṅkato devaputto viya carati, ayaṃ bhadrena yobbanena samannāgato nāma hoti. Thero ca uttamarūpasampanno, tena naṃ evamāha.

1. Gatipaṅcako (Sī, Syā)

2. Vayasīmā (Syā, Ka)

3. Uggāṇhitum (Sī, Syā)

4. Sarabhāṇa (Sī, Ka)

Anikkīlitāvī kāmesūti kāmesu akīlitakīlo¹ abhuttāvī, akatakāmakīloti attho. **Mā sandiṭṭhikaṃ hitvāti** yebhuyyena hi tā adiṭṭhasaccā avītarāgā aparacittavidūniyo devatā bhikkhū dasapi vassāni vīsatimpi -pa- saṭṭhimpī vassāni parisuddhaṃ akhaṇḍaṃ brahmacariyaṃ caramāne disvā “ime bhikkhū mānusake pañca kāmagaṇe pahāya dibbe kāme patthayantā samaṇadhammaṃ karonti”ti saññaṃ uppādentī, ayampi tatheva uppādesī. Tasmā mānusake kāme sandiṭṭhike, dibbe ca kālike katvā evamāha.

Na kho ahaṃ āvusoti āvuso ahaṃ sandiṭṭhike kāme hitvā kālike kāme na anudhāvāmi na patthemī na pihemi. **Kālikañca kho ahaṃ āvusoti** ahaṃ kho āvuso kālikaṃ kāmāṃ hitvā sandiṭṭhikaṃ lokuttaradhammaṃ anudhāvāmi. Iti thero cittānantaraṃ aladdhabbatāya dibbepi mānusakepi pañca kāmagaṇe² **kālikāti** akāsi, cittānantaraṃ laddhabbatāya lokuttaradhammaṃ **sandiṭṭhikanti**. Pañcakāmagaṇesu samohitesupi sampannakāmassāpi kāmīno cittānantaraṃ icchicchitārammaṇānubhavanaṃ na sampajjati. Cakkhudvāre iṭṭhārammaṇaṃ anubhavitukāmena hi citta-kārapotthakārarūpakārādayo pakkosāpetvā “idaṃ nāma sajjethā”ti vattabbaṃ hoti, etthantare anekakoṭṭisatasahassāni cittāni uppajjitvā nirujjhanti. Atha pacchā taṃ ārammaṇaṃ sampāpuṇāti. Sesadvāresupi eseva nayo. Sotāpattimaggānantaraṃ pana sotāpatti-phalameva uppajjati, antara³ aññassa cittaṃ vāro natthi. Sesaphalesupi eseva nayoti.

So tamevatthaṃ gahetvā **kālikā hi āvusoti**-ādimāha. Tattha **kālikāti** vuttanayena samohitasampattināpi kālantare pattabbā. **Bahudukkhāti** pañca kāmagaṇe² nissāya pattabbadukkhassa bahutāya bahudukkhā. Tamvatthukasseva upāyāsassa bahutāya **bahupāyāsā**. **Ādīnavo ettha bhīyyoti** pañca kāmagaṇe³ nissāya laddhabbasukhato ādīnavo bhīyyo, dukkhameva bahutaranti attho. **Sandiṭṭhiko ayaṃ dhammoti** ayaṃ lokuttaradhammo yena yena adhigato hoti, tena tena parasaddhāya⁴ gantabbataṃ hitvā paccavekkhaṇāññaṇena sayāṃ

1. Akatakīlo (Sī)

3. Maggassa anantarā (Sī)

2. Kāme (Ka)

4. Paraṃ sandhāya (Syā)

daṭṭhabboti **sandiṭṭhiko**. Attano phaladānaṃ sandhāya nāssa kāloti akālo, akāloyeva **akāliko**. Yo ettha ariyamaggadhammo, so attano pavattisamanantameva phalaṃ detīti attho. “Ehi passa imaṃ dhamman”ti evaṃ pavattaṃ chipassavidhiṃ arahatīti **ehipassiko**. Ādittaṃ celaṃ vā sīsaṃ vā ajjuhekkhitvāpi bhāvanāvasena attano citte upanayaṃ¹ arahatīti **opaneyyiko**. Sabbehi ugghaṭitaññū-ādīhi viññūhi “bhāvito me maggo, adhigataṃ phalaṃ, sacchikato nirodho”ti attani attani veditabboti **paccattaṃ veditabbo viññūhīti**. Ayamettha saṅkhepo, vitthāro pana Visuddhimagge² dhammānussatīvaṇṇanāyaṃ vutto.

Idāni sā devatā andho viya rūpavisesaṃ, therena kathitassa atthe ajānantī **kathañca bhikkhūti**-ādimāha. Tattha **kathañcāti** padassa “kathañca bhikkhu kālikā kāmā vuttā Bhagavatā, kathaṃ bahudukkhā, kathaṃ bahupāyāsā”ti evaṃ sabbapadehi sambandho veditabbo.

Navoti aparipuṇṇapañcavasso hi bhikkhu navo nāma hoti, pañcavassato paṭṭhāya majjhimo, dasavassato paṭṭhāya thero. Aparo naro— aparipuṇṇadasavasso navo, dasavassato paṭṭhāya majjhimo, vīsativassato paṭṭhāya thero. Tesaṃ ahaṃ navoti vadati.

Navopi ekacco sattaṭṭhavassakāle pabbajitvā dvādasaterasavassāni sāmaṇerabhāvene³ atikkanto cirapabbajito hoti, ahaṃ pana acirapabbajitoti vadati. **Imaṃ dhammavinayanti** imaṃ dhammañca vinayañca. Ubhayampetaṃ sāsanasseva nāmaṃ. Dhammena hettha dve piṭakāni vuttāni, vinayena Vinayapiṭakaṃ, iti tīhi piṭakehi pakāsitaṃ paṭipattim adhunā āgatohīti vadati.

Mahesakkhāhīti mahāparivārāhi. Ekekassa hi devarañño koṭṭisatampi koṭṭisahassampi parivāro hoti, te attānaṃ mahante ṭhāne ṭhapetvā Tathāgataṃ passanti. Tattha amhādisānaṃ appesakkhānaṃ mātuḡāmajātīkānaṃ kuto okāsoti dasseti.

1. Upanayanaṃ (Sī), upaneyyaṃ (Syā)

2. Visuddhi 1. 206 piṭṭhe.

3. Sāmaṇerabhāve (Sī)

Mayampi āgaccheyyāmāti idam sā devatā “sacepi cakkavāḷam pūretvā parisā nisinnā hoti, mahatiyā Buddhavīthiyā Satthu santikam gantum labhati”ti nātvā āha. **Puccha bhikkhu puccha bhikkhūti** thirakaraṇavasena āmeḍitam¹ katam.

Akkheyyasaññinoti ettha “devo manusso gahaṭṭho pabbajito satto puggalo tisso phusso”ti-ādinā nayena akkheyyato sabbesam akkhānānam sabbāsam kathānam vatthubhūtato pañcakkhandhā “akkheyyā”ti vuccanti. “Satto naro poso puggalo itthi puriso”ti evam saññā etesam atthi saññino, akkheyyesveva saññinoti **akkheyyasaññino**, pañcasu khandhesu sattapuggalādisaññinoti attho. **Akkheyyasmim patiṭṭhitāti** pañcasu khandhesu aṭṭhahākārehi patiṭṭhitā. Ratto hi rāgavasena patiṭṭhito hoti, duṭṭho dosavasena, mūḷho mohavasena, parāmaṭṭho diṭṭhivasena, thāmagato anusayavasena, vinibaddho mānavasena, anīṭṭhaṅgato vicikicchāvasena, vikkhepagato uddhaccavasena, patiṭṭhito hoti. **Akkheyyam aparīññāyāti** pañcakkhandhe tīhi pariññāhi aparījānitvā. **Yogamāyanti maccuno** yogam payogam pakkhepaṃ upakkhepaṃ upakkamaṃ abbhantaram āgacchanti, maraṇavasam² gacchanti attho. Evamimāya gāthāya kālikā kāmā kathitā.

Pariññāyāti nātapariññā tīraṇapariññā pahānapariññāti imāhi tīhi pariññāhi pariṇānitvā. Tattha katamā **nātapariññā**? Pañcakkhandhe pariṇānāti “ayam rūpakkhandho -pa- ayam viññāṇakkhandho, imāni tesam lakkhaṇarasapaccupaṭṭhānapadaṭṭhānāni”ti, ayam nātapariññā. Katamā **tīraṇapariññā**? Evam nātam katvā pañcakkhandhe tīreti aniccato dukkhato rogatoti dvācattālīsāya ākārehi, ayam tīraṇapariññā. Katamā **pahānapariññā**? Evam tīrayitvā aggamaggena pañcasu khandhesu chandarāgam pajahati, ayam pahānapariññā.

Akkhātaram na maññatīti evam tīhi pariññāhi pañcakkhandhe pariṇānitvā khīṇāsavo bhikkhu akkhātaram puggalam na maññati. **Akkhātāranti** kammavasena kārakam vedītabbam, akkhātabbam kathētabbam puggalam na maññati, na passatīti

1. Āmeḍitam (Sī)

2. Māravasam (Sī)

attho. Kinti akkhātabbanti? “Tisso”ti vā “phusso”ti vā evaṃ yena kenaci nāmena vā gottena vā pakāsetabbaṃ. **Taṅhi tassa na hotīti** taṃ tassa khīṇāsavassa na hoti. **Yena naṃ vajjāti** yena naṃ “rāgena ratto”ti vā “dosena duṭṭho”ti vā “mohena mūḷho”ti vāti koci vadeyya, taṃ kāraṇaṃ tassa khīṇāsavassa natthi.

Sace vijānāsi vadehīti sace evarūpaṃ khīṇāsavaṃ jānāsi, “jānāmī”ti vadehi. No ce jānāsi, atha “Na jānāmī”ti vadehi. **Yakkhāti** devataṃ ālapanto āha. Iti imāya gāthāya sandiṭṭhiko navavidho lokuttaradhammo kathito. **Sādhūti** āyācanatthe nipāto.

Yo maññatīti yo attānaṃ “ahaṃ samo”ti vā “viseṣī”ti vā “nihīno”ti vā maññati. Etena “seyyohamasmī”ti-ādayo tayo mānā gahitāva. Tesu gahitesu nava mānā gahitāva honti. **So vivadetha tenāti** so puggalo teneva mānena yena kenaci puggalena saddhiṃ “kena maṃ tvaṃ pāpuṇāsi, kim jātiyā pāpuṇāsi, udāhu gottena, kulapadesena, vaṇṇapokkharatāya, bāhusaccena, dhutaguṇenā”ti evaṃ vivadeyya. Iti imāyapi upadḍhagāthāya kālikā kāmā kathitā.

Tīsu vidhāsūti tīsu mānesu. “Ekavidhena rūpasaṅgaho”ti-ādīsu¹ hi koṭṭhāso “vidho”ti vutto. “Kathaṃvidhaṃ sīlavantaṃ vadanti, kathaṃvidhaṃ paññavantaṃ vadanti”ti-ādīsu² ākāro³. “Tisso imā bhikkhave vidhā, katamā tisso. Seyyohamasmīti vidhā, sadiso hamasmīti vidhā, hīnohamasmīti vidhā”ti-ādīsu⁴ māno “vidhā”ti vutto, idhāpi mānova. Tena vuttaṃ “tīsu vidhāsūti tīsu mānesū”ti. **Avikampamānoti** so puggalo etesu saṅkhepato tīsu, vitthārato navasu mānesu na kampati na calati. **Samo viseṣīti na tassa hotīti** tassa pahīnamānassa khīṇāsavassa “ahaṃ sadiso”ti vā “seyyo”ti vā “hīno”ti vā na hotīti dasseti. Pacchimapaḍaṇaṃ vuttanayameva. Iti imāyapi upadḍhagāthāya navavidho sandiṭṭhiko lokuttaradhammo kathito.

1. Abhi 1. 145 piṭṭhe.

3. Sabhāvo (Ka), saṅghānaṃ (Abhi-Ṭṭha 1. 343 piṭṭhe.)

2. Saṃ 1. 51 piṭṭhe.

4. Saṃ 3. 52 piṭṭhe.

Pahāsi saṅkhanti “paṭisaṅkhā yoniso āhāraṃ āhāreti”¹ti-ādīsu¹ paññā “saṅkhā”ti āgatā. “Atthi te koci gaṇako vā muddiko vā saṅkhāyako vā, yo pahoti Gaṅgāya vālukaṃ gaṇetun”²ti² ettha gaṇanā. “Saññānidānā hi papañcasāṅkhā”³ti-ādīsu³ koṭṭhāso. “Yā tesāṃ tesāṃ dhammānaṃ saṅkhā samaññā”⁴ti⁴ ettha paṇṇatti “saṅkhā”ti āgatā. Idhāpi ayameva adhippetā. **Pahāsi saṅkhanti**padassa hi ayamevattho—ratto duṭṭho mūlho iti imaṃ paṇṇattim khīṇāsavo pahāsi jahi pajahīti.

Na vimānamajjhagāti navabhedāṃ tividhamānaṃ na upagato. Nivāsattṭhena vā mātukucchi “vimāna”ti vuccati, taṃ āyatim paṭisandhevasena na upagacchītipi attho. Anāgatatthe atītavacanaṃ. **Acchecchīti** chindi. **Chinnaganthanti** cattāro ganthe chinditvā ṭhitam. **Anīghanti** niddukkham. **Nirāsanti** nittaṇhaṃ. **Pariyesamānāti** olokayamānā. **Nājjhagamunti** na adhigacchanti na vindanti na passanti. Vattamānatthe atītavacanaṃ. **Idha vā huram vāti** idhaloke vā paraloke vā. **Sabbanivesanesūti** tayo bhavā, catasso yoniyo, pañca gatiyo, satta viññāṇaṭṭhitiyo, navasattāvāsā, iti imesupi sabbesu sattanivesanesu evarūpaṃ khīṇāsavaṃ kāyassa bhedā uppajjamānaṃ vā uppannaṃ vā⁵ na passantīti attho. Imāya gāthāya sandiṭṭhikaṃ lokuttaradhamameva kathesi.

Imaṃca gātham sutvā sāpi devatā attham sallakkhesi, teneva kāraṇena **imassa khvāham bhanteti**-ādīmāha. Tattha **pāpaṃ na kayirāti** gāthāya dasakusalakammāpathavasenāpi kathetuṃ vaṭṭati aṭṭhaṅgikamaggavasenāpi. Dasakusalakammāpathavasena tāva **vacasāti** catubbidham vacīsucaritaṃ gahitaṃ. **Manasāti** tividham manosucaritaṃ gahitaṃ. **Kāyena vā kiñcana**⁶ **sabbaloketi** tividham kāyasucaritaṃ gahitaṃ. Ime tāva dasakusalakammāpathadhammā honti. **Kāme pahāyāti** iminā pana kāmalukhallikānuyogo paṭikkhitto. **Satimā sampajānoti** iminā dasakusalakammāpathakāraṇaṃ satisampajāññaṃ gahitaṃ. **Dukkham na sevetha anattasamhitanti** iminā attakilamathānuyogo paṭisiddho. Iti devatā “ubho ante

1. Saṃ 2. 323, 385 piṭṭhesu.

3. Khu 1. 414 piṭṭhe.

5. Upapajjamānaṃ vā upannaṃ vā(Syā)

2. Saṃ 2. 545 piṭṭhe.

4. Abhi 1. 256 piṭṭhe.

6. Kiñcanaṃ (Sī, Syā)

vivajjetvā kāraṇehi satisampajaññehi saddhim
dasakusalakammaphadhamme tumhehi kathite ājānāmi Bhagavā”ti vadati.

Aṭṭhaṅgikamaggavasena pana ayaṃ nayo—tasmim kira ṭhāne mahatī dhammadesanā ahoṣi. Desanāpariyosāne devatā yathāṭṭhāne ṭhitāva desanānusārena ñāṇaṃ pesetvā sotāpattiphale paṭiṭṭhāya attanā adhigataṃ aṭṭhaṅgikaṃ maggaṃ dassenti evamāha. Tattha **vacasāti** sammāvācā gahitā, mano pana aṅgaṃ na hotīti **manasāti** maggasampayuttakaṃ¹ cittaṃ gahitaṃ. **Kāyena vā kiñcana sabbaloketi** sammākammanto gahito, ājīvo pana vācākammantapakkhikattā gahitova hoti. **Satimāti** iminā vāyāmasatisamādhayo gahitā. **Sampajānotipadena** sammādiṭṭhisammāsankappā. **Kāme pahāya, dukkhaṃ na seveṭhā**tipadadvayena antadvayavajjanaṃ². Iti ime dve ante anupagamma majjhimaṃ paṭipadaṃ tumhehi kathitaṃ ājānāmi Bhagavāti vatvā Tathāgataṃ gandhamālādīhi pūjetvā padakkhiṇaṃ katvā pakkāmiti.

Samiddhisuttavaṇṇanā niṭṭhitā.

Nandanavaggo dutiyo.

3. Sattivagga

1. Sattisuttavaṇṇanā

21. Sattivaggassa paṭhame **sattiyāti** desanāsīsametaṃ, ekatodhārādinaṃ satthenāti attho. **Omaṭṭhoti** pahato. Cattāro hi pahārā omaṭṭho ummaṭṭho maṭṭho vimaṭṭhoti. Tattha upari ṭhatvā adhomukhaṃ dinnapahāro omaṭṭho nāma, heṭṭhā ṭhatvā uddhamukhaṃ³ dinno ummaṭṭho nāma, aggaḷasūci viya vinivijjhivā gato maṭṭho nāma, seso sabbopi vimaṭṭho nāma. Imasmim pana ṭhāne omaṭṭho gahito. So hi sabbadāruṇo duruddharasallo duttikiccho antodoso antopubbalohitova hoti, pubbalohitaṃ anikkhamitvā vaṇamukhaṃ pariyonandhitvā tiṭṭhati.

1. Maggasampayuttaṃ (Sī) 2. Antadvayavajjanaṃ (Sī,Syā) 3. Uparimukhaṃ (Ka)

Pubbalohitaṃ nīharitukāmehi mañcena saddhiṃ bandhitvā adhosiro kātabbo hoti, maraṇaṃ vā maraṇamattaṃ vā dukkhaṃ pāpuṇāti. **Paribbajeti** vihareyya.

Imāya gāthāya kiṃ katheti? Yathā sattiyā omaṭṭho puriso sallubbahanavaṇatikicchanānaṃ atthāya vīriyaṃ ārabhati, payogaṃ karoti parakkamati. Yathā ca ḍayhamāno¹ matthake ādittasīso tassa nibbāpanatthāya vīriyaṃ ārabhati, payogaṃ karoti parakkamati, evameva bhikkhu kāmarāgaṃ pahānāya sato appamatto hutvā vihareyya Bhagavāti kathesi.

Atha Bhagavā cintesi—imāya devatāya upamā tāva dalhaṃ katvā ānītā, atthaṃ pana parittakaṃ gahetvā ṭhitā, punappunaṃ kathentiṃpi hesā kāmarāgassa vikkhambhanapahānameva katheyya. Yāva ca kāmarāgo maggena na samugghāṭiyati, tāva anubaddhova hoti. Iti tameva opammaṃ gahetvā paṭhamamaggavasena desanaṃ vinivaṭṭetvā desento dutiyaṃ gāthamāha. Tassattho purimānusāreneva veditabboti. . Paṭhamāṃ.

2. Phusatisuttavaṇṇanā

22. Dutiye **nāphusantaṃ phusatīti** kammaṃ aphasantaṃ vipāko na phusati, kammameva vā aphasantaṃ kammaṃ na phusati. Kammaṃ hi nākaroto kariyati². **Phusantañca tato phuseti** kammaṃ phusantaṃ vipāko phusati, kammameva vā phusati. Kammaṃ hi karoto kariyati³. **Tasmā phusantaṃ phusati, appaduṭṭhapadosinanti** yasmā na aphasantaṃ phusati, phusantañca phusati, ayaṃ kammavipākānaṃ dhammatā, tasmā yo “appaduṭṭhassa narassa dussati, suddhassa posassa anaṅgaṇassā”ti evaṃ vutto appaduṭṭhapadosī puggalo, taṃ puggalaṃ kammaṃ phusantameva kammaṃ phusati, vipāko vā phusati. So hi parassa upaghātaṃ kāturaṃ sakkoti vā mā vā, attā panānena catūsu apāyesu ṭhapito nāma hoti. Tenāha Bhagavā “tameva bālaṃ pacceti pāpaṃ, sukhumo rajo paṭivātaṃva khitto”ti. . Dutiyaṃ.

1. Dayhamāno (Ka)

2. Nākārako kayirati(Sī), nākaronto kariyati (Ka)

3. Kārako kayirati (Sī)

3. Jaṭāsuttavaṇṇanā

23. Tatiye **antojaṭāti** gāthāyaṃ **jaṭāti** taṇhāya jāliniyā adhivacanaṃ. Sā hi rūpādīsu ārammaṇesu heṭṭhupariyavasena punappunaṃ uppajjanato saṃsibbanatṭhena veḷugumbādīnaṃ sākḥājālasaṅkhātā jaṭā viyāti jaṭā. Sā panesā sakaparikkhāraparaparikkhāresu saka-attabhāvapara-attabhāvesu ajjhattikāyatanabāhirāyatanesu ca uppajjanato **antojaṭā bahijaṭāti** vuccati. Tāya evaṃ uppajjamānāya **jaṭāya jaṭitā pajā**. Yathā nāma veḷujaṭādīhi veḷu-ādayo, evaṃ tāya taṇhājaṭāya sabbāpi ayaṃ sattanikāyasaṅkhātā pajā jaṭitā vinaddhā, saṃsibbitāti attho. Yasmā ca evaṃ jaṭitā, **taṃ taṃ Gotama pucchāmīti** tasmā taṃ pucchāmi. **Gotamāti** Bhagavantaṃ gottena ālapati. **Ko imaṃ vijaṭeye jaṭanti** imaṃ evaṃ tedhātukaṃ jaṭetvā ṭhitam jaṭam ko vijaṭeyya, vijaṭetuṃ ko samatthoti pucchati.

Athassa Bhagavā tamattham viṣajjento **sīle patitṭhāyāti**-ādimāha. Tattha **sīle patitṭhāyāti** catupārisuddhisīle ṭhatvā. Ettha ca Bhagavā jaṭāvijaṭanaṃ pucchito sīlam ārabhanto na “aṅṅaṃ puṭṭho aṅṅaṃ katheti”ti veditabbo. Jaṭāvijaṭakassa hi patitṭhādassanattamettha¹ sīlam kathitam.

Naroti satto. **Sapaṅṅoti** kammajatihetukapaṭisandhipaṅṅāya paṅṅavā. **Cittam paṅṅaṅca bhāvayanti** samādhiṅceva vipassanaṅca bhāvayamāno. Cittasīsena hettha aṭṭha samāpattiyo kathitā, paṅṅānāmena vipassanā. **Ātāpīti** vīriyavā. Vīriyaṅhi kilesānaṃ ātāpanaparitāpanatṭhena “ātāpo”ti vuccati, tadassa atthīti ātāpī. **Nipakoti** nepakkaṃ vuccati paṅṅā, tāya samannāgatoti attho. Iminā padena parihāriyapaṅṅaṃ dasseti. **Pārihāriyapaṅṅā** nāma “ayaṃ kālo uddesassa, ayaṃ kālo paripucchāyā”ti-ādinā nayena sabbattha kārāpitā² pariharitabbapaṅṅā. Imasmim hi paṅṅābyākaraṇe tikkhattuṃ paṅṅā āgatā. Tattha paṭhamā jātipaṅṅā, dutiyā vipassanāpaṅṅā, tatiyā sabbakiccapariṇāyikā pārihāriyapaṅṅā.

1. Patitṭhaṭṭhenapettha (Sī)

2. Kārāpikā (Sī)

So imam̐ vijaṭe ye jaṭanti so imehi sīsādīhi samannāgato bhikkhu. Yathā nāma puriso pathaviyam̐ patiṭṭhāya sunisitam̐ sattham̐ ukkhipitvā mahantam̐ veḷugumbar̐ vijaṭeyya, evamevam̐ sīle patiṭṭhāya samādhisilāyam̐ sunesitam̐ vipassanāpaññāsattam̐ vīriyabalapaggahitena pārihāriyapaññāhatthena ukkhipitvā sabbampi tam̐ attano santāne patitam̐¹ taṇhājaṭam̐ vijaṭeyya sañchi ndeyya sampadāleyyāti.

Ettāvataṭ sekkhabhūmim̐ kathetvā idāni jaṭam̐ vijaṭetvā ṭhitam̐ mahākhiṇāsavam̐ dassento **yesanti**-ādimāha. Evam̐ jaṭam̐ vijaṭetvā ṭhitam̐ khīṇāsavam̐ dassetvā puna jaṭāya vijaṭanokāsam̐ dassento **yattha nāmañcāti**-ādimāha. Tattha **nāmanti** cattāro arūpino khandhā. **Paṭigham̐ rūpasaññā cāti** ettha paṭighasaññāvasena kāmabhavo gahito, rūpasaññāvasena rūpabhavo. Tesu dvīsu gahitesu arūpabhavo gahitova hoti bhavasankhepenāti. **Etthesā chijjate jaṭāti** ettha tebhūmakavaṭṭassa pariyādiyanaṭṭhāne esā jaṭā chijjati, nibbānam̐ āgamma chijjati nirujjhatīti ayam̐ attho dassito hoti. . Tatiyam̐.

4. Manonivāraṇasuttavaṇṇanā

24. Catutthe **yato yatoti** pāpato vā kalyāṇato vā. Ayam̐ kira devatā “yam̐kiñci kusalādibhedam̐ lokiyam̐ vā lokuttaram̐ vā mano, tam̐ nivāretabbameva, na uppādetabban”ti evamladdhikā. **Sa sabbatoti** so sabbato. Atha Bhagavā “ayam̐ devatā aniyyanīkakatham̐ katheti, mano nāma nivāretabbampi atthi bhāvetabbampi, vibhajitvā namassā dassessāmī”ti cintetvā dutiyagātham̐ āha. Tattha **na mano sam̐yatattam̐ āgatanti** yam̐ vuttam̐ “na sabbato mano nivāraye”ti, kataram̐ tam̐ mano, yam̐ tam̐ sabbato na nivāretabbanti ce. Mano sam̐yatattam̐ āgatam̐, yam̐ mano yattha sam̐yatabhāvam̐ āgatam̐, “dānam̐ dassāmi, sīlam̐ rakkhissāmī”ti-ādinā nayena uppannam̐, etam̐ mano na nivāretabbam̐, aññadatthu brūhetabbam̐ vaḍḍhetabbam̐. **Yato yato ca pāpakanti** yato yato akusalam̐ uppajjati, tato tato ca tam̐ nivāretabbanti. . Catuttham̐.

1. Ṭhitam̐ (Si)

5. Arahantasuttavaṇṇanā

25. Pañcame **katāvī**ti catūhi maggehi katakicco. **Ahaṃ vadāmī**ti ayaṃ devatā vanasaṇḍavāsīnī, sā āraññakānaṃ bhikkhūnaṃ “ahaṃ bhuñjāmi, ahaṃ nisīdāmi, mama patto, mama cīvaran”ti-ādīkathāvohāraṃ sutvā cintesi “ahaṃ ime bhikkhū “khīṇāsavā”ti maññāmi, khīṇāsavānañca nāma evarūpā attupaladdhinissitakathā hoti, na hoti nu kho”ti jānanatthaṃ evaṃ pucchati.

Sāmaññanti lokaniruttiṃ lokavohāraṃ. **Kusaloti** khandhādīsu kusalo. **Vohāramattenā**ti upaladdhinissitakathaṃ hitvā vohārabhedanā akaronto “ahaṃ, mamā”ti vadeyya. “Khandhā bhuñjanti, khandhā nisīdanti, khandhānaṃ patto, khandhānaṃ cīvaran”ti hi vutte vohārabhedo hoti, na koci jānāti. Tasmā evaṃ avatvā lokavohārena voharatīti.

Atha devatā “yadi diṭṭhiyā vasena na vadati, mānavasena nu kho vadatī”ti cintetvā puna **yo hotī**ti pucchi. Tattha **mānaṃ nu khoti** so bhikkhu mānaṃ upagantvā mānavasena vadeyya nu khoti. Atha Bhagavā “ayaṃ devatā khīṇāsavaṃ samānaṃ viya karotī”ti cintetvā “khīṇāsavassa navavidhopi māno pahīno”ti dassento paṇigāthaṃ āha. Tattha **vidhūpitāti** vidhamitā¹. **Mānaganthassāti** mānā ca ganthā ca assa. **Maññatanti**² maññanaṃ. Tividhampi taṇhādiṭṭhimānamaññanaṃ so vītivatto, atikkantoti attho. Sesam uttānatthamevāti. . Pañcamāṃ.

6. Pajjotasuttavaṇṇanā

26. Chaṭṭhe **puṭṭhanti** pucchituṃ. **Kathaṃ jānemūti** kathaṃ jāneyyāma. **Divārattinti** divā ca rattin ca. **Tattha tatthāti** yattha yattheva³ pajjalito hoti, tattha tattha. **Esā ābhāti** esā Buddhābhā. Katamā pana sāti? Ñāṇāloko vā hotu pīti-āloko vā pasādāloko vā dhammakathā-āloko vā, sabbopi Buddhānaṃ pātubhāvā uppanno āloko **Buddhābhānāma**. Ayaṃ anuttarā sabbasetṭhā asadisāti. . Chaṭṭham.

1. Vidhamsitā (Syā), viddhamsitā (Ka) 2. Mānanti (Sī) 3. Yattha yattha (Ka)

7. Sarasuttavaṇṇanā

27. Sattame **kuto sarā nivattantī**ti ime saṃsārasarā kuto nivattanti, kiṃ āgamma nappavattantīti attho. **Na gādhātī**ti na patiṭṭhāti. **Atoti** ato nibbānato. Sesam uttānatthamevāti. . Sattamaṃ.

8. Mahaddhanasuttavaṇṇanā

28. Aṭṭhame nidhānagataṃ muttasārādi mahantaṃ dhanametesanti **mahaddhanā**. Suvaṇṇarajatabhājanādi mahābhogo etesanti **mahābhogā**. **Aññamaññābhigijjhantī**ti aññamaññaṃ abhigijjhanti patthenti pihenti. **Analaṅkatā**ti atittā apariyattajāta¹. **Ussukkajātesū**ti nānākiccajātesu anuppannānaṃ rūpādīnaṃ uppādanatthāya uppannānaṃ anubhavanatthāya ussukkesu. **Bhavasotānusārīsū**ti vaṭṭasotaṃ anusarantesu. **Anussukā**ti avāvaṭā. **Agāranti** mātugāmena saddhiṃ gehaṃ. **Virājiyāti** virājetvā. Sesam uttānamevāti. . Aṭṭhamaṃ.

9. Catucakkasuttavaṇṇanā

29. Navame **catucakkanti** catu-iriyāpathaṃ. Iriyāpatho hi idha cakkanti adhippeto. **Navadvāranti** navahi vaṇamukhehi navadvāraṃ. **Puṇṇanti** asucipūraṃ. **Lobhena saṃyutanti** taṇhāya saṃyuttaṃ. **Kathaṃ yātrā bhavissatī**ti etassa evarūpassa sarīrassa kathaṃ niggamaṃ² bhavissati, kathaṃ mutti parimutti samatikkamo bhavissatīti pucchati. **Naddhinti** upanāhaṃ, pubbakāle kodho, aparakāle upanāhoti evaṃ pavattaṃ balavakodhanti attho. **Varattanti** “chetvā naddhiṃ varattañca, sandānaṃ sahanukkamaṃ”ti gāthāya³ taṇhā **varattā**, diṭṭhi **sandānaṃ** nāma jātaṃ, idha pana pāliniddiṭṭhe kilese ṭhapetvā avasesā “varattā”ti veditabbā, iti kilesavarattañca chetvāti attho. **Ichhā lobhanti** ekoyeva dhammo icchanaṭṭhena icchā, lubbhanaṭṭhena lobhoti vutto. Paṭhamuppattikā vā dubbalā icchā, aparāparuppattiko balavā lobho. Aladdhapatthanā vā icchā, paṭiladdhavatthumhi lobho. **Samūlaṃ taṇhanti** avijjāmūlena samūlakaṃ taṇhaṃ. **Abbuyhāti** aggamaggena uppāṭetvā. Sesam uttānamevāti. . Navamaṃ.

1. Apariyantajāta (Si)

2. Nikkhamanaṃ (Ka)

3. Khu 1. 70, 376 piṭhesu.

10. Eṇijaṅghasuttavaṇṇanā

30. Dasame **eṇijaṅghanti** eṇimigassa viya suvaṭṭitajaṅgham. **Kisanti** athūlam samasarīram. Atha vā ātapena milātam mālāgandhavilepanehi anupabrūhitasarīrantipi¹ attho. **Vīranti** vīriyavantam. **Appāhāranti** bhøjane mattaññutāya mitāhāram², vikālabhøjanaapaṭikkhepavasena vā parittāhāram. **Alolupanti** catūsu paccayesu loluppavirahitam. Rasataṅhāpaṭikkhepo vā esa. **Sīhamvekacaram nāganti** ekacaram sīham viya, ekacaram nāgam viya. Gaṇavāsino hi pamattā honti, ekacarā appamattā, tasmā ekacarāva gahitāti. **Paveditāti** pakāsītā kathitā. **Etthāti** etasmim nāmarūpe. Pañcakāmaguṇavasena hi rūpam gahitam, manena nāmam, ubhayehi pana avinibhuttadhamme³ gahetvā pañcakkhandhādivasena pettha bhummam yojetabbanti. . Dasamam.

Sattivaggo tatiyo.

4. Satullapakāyikavagga

1. Sabbhisuttavaṇṇanā

31. Satullapakāyikavaggassa paṭhame **satullapakāyikāti** satam dhammam samādānavasena ullapetvā sagge nibbattāti satullapakāyikā. Tatridam vatthu—sambahulā kira samuddavāṇijā nāvāya samuddam pakkhandimsu. Tesam khittasaravegena gacchantiyā nāvāya sattame divase samuddamajjhe mahantam uppātitam⁴ pātubhūtam, mahā-ūmiyo⁵ uṭṭahitvā nāvam udakassa pūrenti. Nāvāya nimujjamānāya mahājano attano attano devatānam nāmāni gahetvā āyācanādīni karonto paridevi. Tesam majjhe eko puriso “atthi nu kho me evarūpe bhaye patiṭṭhā”ti āvajjento attano parisuddhāni saraṇāni ceva sīlāni ca disvā yogī viya pallaṅkam ābhujitvā nisīdi. Tamenam itare abhayakāraṇam pucchimsu. So

1. Supabrūhitasarīrantipi (Sī) 2. Mattāhāram (Sī) 3. Avinimuttadhamme (Sī)
4. Ugghāṭikam (Sī) 5. Mahā-ummiyo (Syā)

tesaṃ kathesi “ambho ahaṃ nāvaṃ abhirūhanadivase bhikkhusaṃghassa dānaṃ datvā saraṇāni ceva sīlāni ca aggahesiṃ, tena me bhayaṃ natthī”ti. Kim pana sāmi etāni aññesampi vattantīti. Āma vattantīti. Tena hi amhākampi dethāti. So te manusse sataṃ sataṃ katvā satta koṭṭhāse akāsi, tato pañcasīlāni adāsi. Tesu paṭhamam jaṅghasataṃ gopphakamatte uduke ṭhitaṃ aggahesi, dutiyam jāṇumatte, tatiyam kaṭimatte, catuttham nābhimatte, pañcamam thanamatte, chaṭṭham galappamaṇe, sattamam mukhena loṇodake pavisante aggahesi. So tesaṃ sīlāni datvā “aññaṃ tumhākaṃ paṭisaraṇam natthi, sīlameva āvajjethā”ti ugghosesi. Tāni sattapi jaṅghasatāni tattha kālam katvā āsannaakāle gahitasīlam nissāya Tāvatiṃsabhave nibbattiṃsu, tesaṃ ghaṭāvaseneva vimānāni nibbattiṃsu. Sabbesaṃ majjhe ācariyassa yojanasatikaṃ suvaṇṇavimānaṃ nibbatti, avasesāni tassa parivārāni hutvā sabbaheṭṭhimam dvādasayojanikaṃ ahosi. Te nibbattakkhaṇeyeva kammaṃ āvajjentā ācariyam nissāya sampattilābham nātvā “gacchāma tāva, Dasabalassa santike amhākaṃ ācariyassa vaṇṇam katheyāmā”ti majjihimayāmasamanantare Bhagavantaṃ upasaṅkamimṃsu, tā devatā ācariyassa vaṇṇabhaṇanattam ekekaṃ gātham abhāsimsu.

Tattha **sabbhirevāti** paṇḍitehi sappurisehi eva. Ra-kāro padasandhikaro. **Samāsethāti** saha nisīdeyya. Desanāsīsameva cetam, sabba-iriyāpathe sabbhireva saha kubbeyyāti¹ attho. **Kubbethāti** kareyya. **Santhavanti** mittasanthavam. Taṇhāsanthavo pana na kenaci saddhim kātabbo, mittasanthavo Buddhapaccekabuddhabuddhasāvakehi saha kātabbo. Idam sandhāyetaṃ vuttam. **Satanti** Buddhādīnam sappurisānam. **Saddhammanti** pañcasīladasasīlacatusatipaṭṭhānādibhedam saddhammam, idha pana pañcasīlam adhippetam. **Seyyo hotīti** vaḍḍhi hoti. **Na pāpiyoti** lāmakam kiñci na hoti. **Nāññatoti** vālikādīhi telādīni viya aññato andhabālato paññā nāma na labbhati, tilādīhi pana telādīni viya aññato andhabālato paññā nāma na labbhati, tilādīhi pana telādīni viya sataṃ dhammam nātvā paṇḍīteva sevanto bhajanto labhatīti. **Sokamajjheti** sokavatthūnam sokānugātānam vā sattānam majjhagato na socati

1. Kappeyyāti (Sī, Syā)

Bandhulamallasenāpatissa upāsikā viya, pañcannaṃ corasatānaṃ majjhe
Dhammasenāpatissa saddhivihāriko Saṃkiccasāmaṇero viya ca.

Ñātimajjhe virocātīti nātigaṇamajjhe Saṃkiccatherassa saddhivihāriko
Adhimuttakasāmaṇero viya sobhati. So kira therassa bhāgineyyo hoti, atha
naṃ thero āha “sāmaṇera mahallakosi jāto, gaccha, vassāni pucchitvā ehi,
upasampādessāmi tan”ti. So “sādhū”ti therāṃ vanditvā pattacīvaramādāya
cora-aṭaviyā orabhāge bhaginigāmaṃ gantvā piṇḍāya cari, taṃ bhaginī
disvā vanditvā gehe nisīdāpetvā bhojesi. So katabhattakicco vassāni pucchi.
Sā “ahaṃ na jānāmi, mātā me jānātī”ti āha. Atha so “tiṭṭhatha tumhe, ahaṃ
mātusantikāṃ gamissāmī”ti aṭaviṃ otiṇṇo. Tameṇaṃ dūratova carapuriso¹
disvā corānaṃ ārocesi. Corā “sāmaṇero kireko aṭaviṃ otiṇṇo, gacchatha
naṃ ānethā”ti āṇāpetvā ekacce “Mārema² nan”ti āhaṃsu, ekacce
vissajjemātī³. Sāmaṇero cintesi “ahaṃ sekho sakaraṇīyo, imehi saddhim
mantetvā sotthimattānaṃ karissāmī”ti corajettṭhakaṃ āmantetvā “upamaṃ te
āvuso karissāmī”ti imā gāthā abhāsi—

“Ahu atītamaddhānaṃ, araññasmiṃ brahāvane.

Ceto kūṭāni oḍḍetvā, sasakaṃ⁴ avadhī tadā.

Sasakañca mataṃ⁵ disvā, ubbiggā migapakkhino.

Ekarattim apakkāmurā, ‘akiccaṃ vattate idha’.

Tatheva samaṇaṃ hantvā, Adhimuttaṃ akiñcanaṃ.

Addhikā nāgamissanti, dhanajāni bhavissatī”ti.

Saccaṃ kho samaṇo āha, Adhimutto akiñcano.

Addhikā nāgamissanti, dhanajāni bhavissati.

Sace paṭipathe disvā, nāroccasasi kassaci.

Tava saccamanurakkhanto, gaccha bhante yathāsukhanti.

1. Corapuriso (Sī, Syā)

2. Māretha (Sī, Ka)

3. Vissajjethāti (Ka)

4. Campakaṃ (Syā), pampakaṃ(Ka)

5. Vadhaṃ (Ka)

So tehi corehi vissajjito gacchanto ñātayopi disvā tesampi na ārocesi.
Atha te anuppatte corā gahetvā viheṭṭhayiṃsu, uraṃ paharivā
paridevamānaṃ cassa mātaraṃ corā etadavocum—

“Kim te hoti Adhimutto, udare vasiko asi.
Puṭṭhā me amma akkhāhi, kathaṃ jānemu taṃ mayan”ti.
Adhimuttassa ahaṃ mātā, ayañca janako pitā.
Bhaginī bhātaro cāpi, sabbeva idha ñātayo.
Akiccakārī Adhimutto, yaṃ disvā na nivāraye.
Etaṃ kho vattaṃ samaṇānaṃ, ariyānaṃ dhammajīvinānaṃ.
Saccavādī Adhimutto, yaṃ disvā na nivāraye.
Adhimuttassa suciṇṇena, saccavādissa bhikkhuno.
Sabbeva abhayaṃ pattā, sotthiṃ gacchantu ñātayoti.

Evam te corehi vissajjitā gantvā Adhimuttaṃ āhaṃsu—

“Tava tāta suciṇṇena, saccavādissa bhikkhuno.
Sabbeva abhayaṃ pattā, sotthiṃ paccāgamamhase”ti.

Tepi pañcasatā corā pasādaṃ āpajjitvā Adhimuttassa sāmaṇerassa
santike pabbajimsu. So te ādāya upajjhāyassa santikaṃ gantvā paṭhamānaṃ
attanā upasampanno pacchā te pañcasate attano antevāsike katvā
upasampādesi. Te Adhimuttatherassa ovāde ṭhitā sabbe aggaphalaṃ
arahattaṃ pāpuṇimsu. Imamatthaṃ gahetvā devatā “sataṃ
saddhammamaññāya, ñātimajjhe virocātī”ti āha.

Sātataṃ satataṃ sukhaṃ vā ciraṃ tiṭṭhantīti vadatī. **Sabbāsaṃ voti**
sabbāsaṃ tumhākānaṃ. **Pariyāyenāti** kāraṇena. **Sabbadukkhā pamuccatīti** na
kevalaṃ seyyova hoti, na ca kevalaṃ paññaṃ labhati, sokamajjhe na socati,
ñātimajjhe virocati, sugatiyaṃ nibbattati, ciraṃ sukhaṃ tiṭṭhati, sakalasmā
pana vaṭṭadukkhāpi mucchatīti. . Paṭhamānaṃ.

2. Maccharisuttavaṇṇanā

32. Dutiye **maccherā ca pamādā cāti** attasampattinigūhanalakkhaṇena maccherena ceva sativippavāsalaṅkhaṇena pamādena ca. Ekacco hi “idaṃ me dentassa parikkhayaṃ gamissati, mayhaṃ vā gharamānusakānaṃ vā na bhavissati”ti macchariyena¹ dānaṃ na deti. Ekacco khiḍḍādipasutattā “dānaṃ dātabban”ti cittampi na uppādeti. **Evam dānaṃ na dīyatīti** evametaṃ yasadāyakaṃ siridāyakaṃ sampattidāyakaṃ sukhadāyakaṃ dānaṃ nāma na dīyatīti-ādinā kāraṇaṃ kathesi. **Puññaṃ ākaṅkhamānenāti** pubbacetanādibhedam puññaṃ icchamānena. **Deyyam hoti vijānatāti** atthi dānassa phalanti jānantena dātabbamevāti vadati.

Tameva bālaṃ phusatīti taṃyeva bālaṃ idhalokaparalokesu jigghacchā ca pipāsā ca phusati anubandhati na vijahati. **Tasmāti** yasmā tameva phusati, tasmā. **Vineyya maccheranti** maccheramalaṃ vinetvā. **Dajjā dānaṃ malābhibhūti** malābhibhū hutvā taṃ maccheramalaṃ abhibhavitvā dānaṃ dadeyya.

Te matesu na mīyantīti adānasīlatāya maraṇena matesu na mīyanti. Yathā hi mato samparivāretvā ṭhapite bahumhipi annapānādīmhi “idaṃ imassa hotu, idaṃ imassā”ti utṭhahitvā saṃvibhāgaṃ na karoti, evam adānasīlopīti matakassa ca adānasīlassa ca bhogā samasamā nāma honti. Tena dānasīlā evarūpesu matesu na mīyantīti attho. **Panthānaṃva saha vajam, appasmim ye paveccantīti** yathā addhānaṃ kantāramaggaṃ saha vajantā pathikā saha vajantānaṃ pathikānaṃ appasmim pātheyye saṃvibhāgaṃ katvā paveccanti dadantiyeva, evamevaṃ ye pana anamataggaṃ saṃsārakantāraṃ saha vajantā saha vajantānaṃ appasmimpi deyyadhamme saṃvibhāgaṃ katvā dadantiyeva, te matesu na mīyanti.

Esa dhammo sanantanoti esa porāṇako dhammo, sanantanānaṃ vā paṇḍitānaṃ esa dhammoti. **Appasmeketi** appasmim deyyadhamme eke.

1. Maccharena (Ka)

Paveccantīti dadanti. **Bahuneke na dicchareti** bahunāpi bhogena samannāgatā ekacce na dadanti. **Sahassena samam mitāti** sahasena saddhim mitā, sahassa dānasadisā hoti.

Duranvayoti duranugamano, duppūroti attho. **Dhammam caretī** dasakusalakammam pathadhammam carati. **Yopi samuñjakam caretī** yo api khalamaṇḍalādisodhanapalāpoṭhanādivasena¹ samuñjakam carati. **Dārañcaposanti** dārañca posanto. **Dadam appakasminti** appakasmim paṇṇasākamattasmimpi samvibhāgam katvā dadantova so dhammam carati. **Satam sahasānanti** sahasam sahasam katvā gaṇitānam purisānam satam, satahasanti attho. **Sahassayāginanti** bhikkhusahasassa vā yāgo kahāpaṇasahasena vā nibbattito yāgopi sahasayāgo, so etesam atthīti sahasayāgino, tesam sahasayāginam. Etena dasannam vā bhikkhukoṭīnam dasannam vā kahāpaṇakoṭīnam piṇḍapāto dassito hoti. Ye ettakam dadanti, te kalampi nagghanti tathāvidhassāti āha. Yvāyam samuñjakam carantopi dhammam carati, dāram posentopi, appakasmim dadantopi, tathāvidhassa ete sahasayāgino kalampi nagghanti. Yam tena daliddena ekapaṭivīsakamattampi salākabhattamattampi vā dinnam, tassa dānassa sabbesampi tesam dānam kalam nagghatīti. **Kalam** nāma soḷasabhāgopi satabhāgopi sahasabhāgopi. Idha satabhāgo gahito. Yam tena dānam dinnam, tasmim satadhā vibhatte itaresam dasakoṭisahasadānam tato ekakoṭṭhāsampi nagghatīti āha.

Evam Tathāgate dānassa aggham karonte samīpe ṭhitā devatā cintesi “evam Bhagavā mahantam dānam pādena pavaṭṭetvā ratanasatike viya narake pakkhipanto idam evam parittakam dānam candamaṇḍale paharanto² viya ukkhipati, katham nu kho etam mahapphalataran”ti³ jānanattham gāthāya ajjhabhāsi. Tattha **kenāti** kena kāraṇena. **Mahaggatoti** mahattam gato, vipulassetam vevacanam. **Samena dinnassāti** samena dinnassa dānassa. Athassā Bhagavā dānam vibhajitvā dassento **dadanti heketi-**ādīmāha. Tattha **visame nivitṭhāti** visame kāyavacīmanokamme patiṭṭhitā hutvā. **Chetvāti** pothetvā. **Vadhitvāti** māretvā. **Socayitvāti**

1. ...sodhanādivasena (Ka)

2. Pasāranto (Ka)

3. Mahagghataranti (Sī)

paraṃ sokasamappitaṃ katvā. **Assumukhā**ti assumukhasammissā. Paraṃ rodāpetvā dinnadānaṃ hi assumukhadānanti vuccati. **Sadaṇḍā**ti daṇḍena tajjetvā paharivā dinnadakkhiṇā sadaṇḍāti vuccati. **Evanti** nāhaṃ Sammāsambuddhatāya mahādānaṃ gahetvā appaphalaṃ nāma kātuṃ sakkomi parittakadānaṃ vā mahapphalaṃ nāma. Idaṃ pana mahādānaṃ attano uppattiyā aparisuddhatāya evaṃ appaphalaṃ nāma hoti, itaraṃ parittadānaṃ attano uppattiyā parisuddhatāya evaṃ mahapphalaṃ nāmāti imamatthaṃ dassento **evanti**-ādimāhāti. . Dutiyam.

3. Sādhusuttavaṇṇanā

33. Tatiye **udānaṃ udānes**īti udāhāraṃ udāhari. Yathā hi yaṃ telam mānaṃ gahetuṃ na sakkoti vissanditvā gacchati, taṃ avasesakoti¹ vuccati. Yañca jalam taḷakam gahetuṃ na sakkoti, ajjhottharivā gacchati, taṃ oghoti vuccati, evamevaṃ yaṃ pītivacanaṃ hadayaṃ gahetuṃ na sakkoti, adhikam hutvā anto asaṇṭhahitvā bahi nikkhamati, taṃ **udānanti** vuccati, evarūpaṃ pītimayaṃ vacanaṃ nicchāresīti attho. **Saddhāyapi sāhu dānanti** kammañca kammaphalañca saddahitvāpi dinnadānaṃ sāhu laddhakaṃ bhaddakameva. **Āhūti** kathenti. Kathaṃ panetaṃ ubhayaṃ samaṃ nāma hotīti? Jīvitabhīruko hi yujjhituṃ na sakkoti, khayabhīruko dātuṃ na sakkoti. “Jīvitañca rakkhissāmi yujjissāmi cā”ti hi vadanto na yujjhati. Jīvite pana ālayaṃ vissajjetvā “chejjaṃ vā hotu maraṇaṃ vā, gaṇhissāmetaṃ issariyaṃ”ti ussahantova yujjhati. “Bhoge ca rakkhissāmi, dānañca dassāmi”ti vadanto na dadāti. Bhogesu pana ālayaṃ vissajjetvā mahādānaṃ dassāmīti ussahantova deti. Evaṃ dānañca yuddhañca samaṃ hoti. Kiñca bhiyyo—**appāpi santā bahuke jinantīti** yathā ca yuddhe appakāpi vīrapurisā bahuke bhīrupurise jinanti, evaṃ saddhādisampanno appakampi dānaṃ dadanto bahumaccheraṃ maddati, bahuñca dānavipākam adhigacchati. Evampi dānañca yuddhañca samānaṃ. Tenevāha—

“Appampi ce saddahāno dadāti,
Teneva so hoti sukhī paratthā”ti.

1. Avasekoti (Sī)

Imassa ca panatthassa pakāsanatthaṃ Ekasāṭakabrāhmaṇavatthu ca Aṅkuravatthu ca vitthāretabbaṃ.

Dhammaladdhassāti dhammena samena laddhassa bhogassa dhammaladdhassa ca puggalassa. Ettha puggalo laddhadhammo nāma adhigatadhammo ariyapuggalo. Iti yaṃ dhammaladdhassa bhogassa dānaṃ dhammaladdhassa ariyapuggalassa dīyati, tampi sādhiṭṭhi attho. **Yo dhammaladdhassāti** imasmimpi gāthāpade ayameva attho. **Uṭṭhānavīriyādhigatassāti** uṭṭhānena ca vīriyena ca adhigatassa bhogassa. **Vetaraṇinti**¹ desanāsīsamattamaṃ. Yamassa pana vetaraṇimpi² Sañjīvakālasuttādayopi ekatimsamahānirayepi sabbasova atikkamivāti attho.

Viceyya dānanti vicinivā dinnadānaṃ. Tattha dve vicinā dakkhiṇāvicinanaṃ dakkhiṇeyyavicinanaṃ. Tesu lāmakalāmake paccaye apantvā paṇitapaṇite vicinivā tesā dānaṃ dakkhiṇāvicinanaṃ nāma. Vipannasīle ito bahiddhā pañcanavuttipāsaṇḍabhede³ vā dakkhiṇeyye pahāya sīlādiguṇasampannānaṃ sāsane pabbajitānaṃ dānaṃ dakkhiṇeyyavicinanaṃ nāma. Evaṃ dvihākārehi viceyya dānaṃ. **Sugatappasatthanti** Sugatena vaṇṇitaṃ. Tattha dakkhiṇeyyavicinanaṃ dassento **ye dakkhiṇeyyāti-**ādimāha. **Bijāni vuttāni yathāti** iminā pana dakkhiṇāvicinanaṃ āha. Avipannabījasadisā hi vicinivā gahitā paṇitapaṇitā deyyadhammāti.

Pāṇesupi sādhu saṃyamoti pāṇesu saṃyatabhāvopi bhaddako. Ayaṃ devatā itarāhi kathitaṃ dānānisamsaṃ atikkamivā sīlānisamsaṃ kathetumāraddhā. **Aheṭṭhayaṃ caranti** avihimsanto caramāno. **Parūpavādāti** parassa upavādabhayena. **Bhayāti** upavādabhayā. **Dānā ca kho dhammapadaṃva seyyoti** dānato nibbānasaṅkhātaṃ dhammapadameva seyyo. **Pubbe ca hi pubbatāre ca santoti** pubbe ca Kassapabuddhādikāle pubbatāre ca Koṇāgamanabuddhādikāle, sabbepi vā ete pubbe ca pubbatāre ca santo nāmāti. . Tatiyaṃ.

1. Vettaraṇīti (Ka)

2. Vettaraṇimpi (Ka)

3. Chanavuttipāsaṇḍabhede (Syā)

4. Nasantisuttavaṇṇanā

34. Catutthe **kamanīyānī**ti rūpādīni iṭṭhārammaṇāni. **Apunāgamanam** **anāgantā puriso maccudheyā**tebhumakavaṭṭasaṅkhātā maccudheyā apunāgamanasaṅkhātam nibbānam anāgantā. Nibbānam hi sattā na punāgacchanti, tasmā taṃ apunāgamananti vuccati. Taṃ kāmesu baddho ca pamatto ca anāgantā nāma hoti, so taṃ pāpuṇitum na sakkoti, tasmā evamāha. **Chandajanti** taṇhāchandato jātam. **Aghanti** pañcakkhandhadukkham. Dutiyaṇam taseva vevacanam. **Chandavinayā aghavinayoti** taṇhāvinayena pañcakkhandhavinayo. **Aghavinayā dukkhavinayoti** pañcakkhandhavinayena vaṭṭadukkham vinītameva hoti. **Citrānī**ti ārammaṇacittāni. **Saṅkapparāgoti** saṅkappitarāgo. Evamettha vatthukāmam paṭikkhipitvā kilesakāmo kāmoti vutto. Ayam panattho **pasūrasuttena**¹ vibhāvetabbo. Pasūraparibbājako hi therena “saṅkapparāgo purisassa kāmo”ti vutte—

“Na te kāmā yāni citrāni loke,
Saṅkapparāgañca vadesi kāmam.
Saṅkappayam akusale vitakke,
Bhikkhūpi te hehinti kāmabhogī”ti—

Āha. Atha nam therō avoca—

“Te ce kāmā yāni citrāni loke,
Saṅkapparāgam na vadesi kāmam.
Passanto rūpāni manoramāni,
Satthāpi te hehiti kāmabhogī.
Suṇanto saddāni, ghāyanto gandhāni,
Sāyanto rasāni, phusanto phassāni manoramāni,
Satthāpi te hehiti kāmabhogī”ti.

Athettha dhīrāti atha etesu ārammaṇesu paṇḍitā chandarāgam vinayanti. **Saṃyojanam sabbanti** dasavidhampi saṃyojanam. **Akiñcananti** rāgakiñcanādivirahitam. **Nānupatanti dukkhā**ti vaṭṭadukkhā pana tassa upari na patanti.

1. Khu 1. 407 piṭṭhe Suttanipāte.

Iccāyasmā mogharājāti “pahāsi saṅkhan”ti gātham sutvā tassam¹ parisati anusandhikusalo Mogharājā nāma thero “imissā gāthāya attho na yathānusandhim gato”ti cintetvā yathānusandhim ghaṭento evamāha. Tattha **idha vā huram vāti** idhaloke vā paraloke vā. **Naruttamam atthacaram narānanti** kiñcāpi sabbe khīṇāsavā naruttamā ceva atthacarā ca narānam, thero pana dasabalam sandhāyevamāha. **Ye tam namassanti pasamsiyā teti** yadi tathāvimuttam devamanussā namassanti, atha ye tam Bhagavantam kāyena vā vācāya vā anupaṭipattiyā vā namassanti, te kim pasamsiyā, udāhu apasamsiyāti. **Bhikkhūti** Mogharājattheram ālapati. **Aññāya dhammanti** catusaccadhammam jānitvā. **Saṅgātigā tepi bhavantīti** ye tam kāyena vā vācāya vā anupaṭipattiyā vā namassanti, te catusaccadhammam aññāya vicikiccham pahāya saṅgātigāpi honti, pasamsiyāpi hontīti. . Catuttham.

5. Ujjhānasaññīsuttavaṇṇanā

35. Pañcame **ujjhānasaññīkāti** ujjhānasaññī devaloko nāma pāṭiyekko natthi, imā pana devatā Tathāgatassa catupaccayaparibhogam nissāya ujjhāyamānā āgatā. Tāsam kira evam ahosi—“samaṇo Gotamo bhikkhūnam paṃsukūlacīvarapiṇḍiyāloparukkha-mūlasenāsanapūtimuttabhesajjehi santosasseva pariyantakāritam vaṇṇeti, sayam pana pattuṇṇadukūla² khomādīni paṇītacīvarāni dhāreti, rājāraham uttamam bhojanam bhuñjati, devavimānakappāya gandhakuṭiyā varasayane sayati, sappinavanītādīni bhesajjāni paṭisevati, divasam mahājanassa dhammam deseti, vacanamassa aññato³ gacchati, kiriyā aññato”ti ujjhāyamānā āgamimsu. Tena tāsam dhammasaṅgāhakattherehi “ujjhānasaññīkā”ti nāmam gahitam.

Aññathāsantanti aññenākārena bhūtam. **Nikaccātinikatiyāvañcanāya**, vañcetvā vāti⁴ tattho. **Kitavassevāti** kitavo vuccati sākuṇiko.

1. Tāyam (Sī), tāsampi (Syā), tāsam(Ka)

2. Cinapaṭadukūla (Syā)

3. Amuto (Ka)

4. Vañcetvāti (Sī, Syā)

So hi agumbova samāno sākhaṇṇādipaṭicchādanena gumbavaṇṇaṃ dassetvā upagate moratittirādayo sakuṇe māretvā dārabharaṇaṃ karoti. Iti tassa kitavassa imāya vañcanāya evaṃ vañcetvā sakuṇamaṃsabhojanaṃ viya kuhakassāpi paṃsukūlena attānaṃ paṭicchādetvā kathāchekatāya mahājanaṃ vañcetvā khādamānassa vicarato. **Bhuttaṃ theyyena tassa tanti** sabbopi tassa catupaccayaparibhogo theyyena paribhutto nāmt hotīti devatā Bhagavantaṃ sandhāya vadati. **Parijānanti paṇḍitā**ti ayaṃ kārako vā akārako vāti paṇḍitā jānanti. Iti tā devatā “Tathāgatāpi mayameva paṇḍitā”ti maññamānā evamāhaṃsu.

Atha Bhagavā **nayidanti**-ādimāha. Tattha **yāyaṃ paṭipadā dalhā**ti ayaṃ dhammānudhammapaṭipadā dalhā thirā. Yāya paṭipadāya dhīrā paṇḍitā ārammaṇūpani-jjhānena lakkhaṇūpanijjhānena cāti dvīhi jhānehi jhāyino mārabandhanā pamuccanti, tam¹ paṭipadaṃ bhāsitamattena vā savanamattena vā okkamituṃ paṭipajjituṃ na sakkāti attho. **Na ve dhīrā pakubbantī**ti dhīrā paṇḍitā viditvā lokapariyāyaṃ saṅkhāralokassa udayabbayaṃ ñatvā catusaccadhammañca aññāya kilesanibbānena nibbutā loke visattikaṃ tiṇṇā evaṃ na kubbanti, mayaṃ evarūpani na kathemāti² attho.

Pathaviyaṃ patiṭṭhahitvāti “ayuttaṃ amhehi kataṃ, akārakameva mayaṃ kārakavādena samudācarimhā”ti lajjamānā Mahābrahmani³ viya Bhagavati gāraṃ paccupaṭṭhapetvā aggikkhandhaṃ viya Bhagavantaṃ durāsadaṃ katvā passamānā ākāśato otarivā bhūmiyaṃ ṭhatvāti attho. **Accayoti aparādhō. No bhante accāgamā**ti amhe atikkamma abhibhavitvā pavatto. **Āsādetabbanti** ghaṭṭayitabbaṃ. Tā kira devatā Bhagavantaṃ kāyena vācāyāti dvīhipi ghaṭṭayimṃsu. Tathāgataṃ avanditvā ākāśe patiṭṭhamānā kāyena ghaṭṭayimṃsu, kitavopamaṃ āharitvā nānappakārakaṃ asabbhivādaṃ⁴ vadamānā vācāya ghaṭṭayimṃsu. Tasmā āsādetabbaṃ amaññimhāti āhaṃsu. **Paṭiggaṇhātūti** khamatu. **Āyatim**

1. Tañca (Ka)

2. Na kathentīti (Syā), na karontīti (Ka)

3. Mahābrahmā (Sya), mahābrahme (Ka)

4. Asabbhavācaṃ (Sī)

saṁvarāyāti anāgate saṁvaraṇatthāya¹, puna evarūpassa aparādhassa dosassa akaraṇatthāya.

Sitaṁ pātvākāsīti aggadante dassento pahaṭṭhākāraṁ dassesi. Kasmā? Tā kira devatā na sabhāvena khamāpenti, lokiyamahājanaṅca sadevake loke aggapuggalaṁ Tathāgataṅca ekasadisāṁ karonti. Atha Bhagavā “parato kathāya uppannāya Buddhabalaṁ dīpetvā pacchā khamissāmī”ti sitaṁ pātvākāsi. **Bhiyyoso mattāyā**ti atirekappamaṇena. **Imaṁ gāthaṁ abhā**sīti kupito esa amhākanti maññamānā abhāsi.

Na paṭigaṇhatīti na khamati nādhivāseti. **Kopantaroti** abbhantare uppannakopo. **Dosagarū**ti dosaṁ garuṁ katvā ādāya viharanto. **Sa veraṁ paṭimuṅcatī**ti so evarūpo gaṇṭhikaṁ paṭimuṅcanto viya taṁ veraṁ attani paṭimuṅcati ṭhapeti, na paṭinissajjati attho. **Accayo ce na vijjethā**ti sace accāyikakammaṁ na bhavēyya. **No cidhāpagataṁ siyā**ti yadi aparādhō nāma na bhavēyya. **Kenīdha kusalo siyā**ti yadi verāni na sammeyyūṁ, kena kāraṇena kusalo bhavēyya.

Kassaccayāti gāthāya kassa atikkamo natthi, kassa aparādhō natthi, ko sammohaṁ nāpajjati, ko niccomeva paṇḍito nāmāti attho. Imaṁ kira gāthaṁ bhaṇāpanatthaṁ Bhagavato sitapātukammaṁ. Tasmā idāni devatānaṁ Buddhabalaṁ dīpetvā khamissāmīti **Tathāgatassa Buddhassā**ti-ādimāha. Tattha **Tathāgatassā**ti tathā āgatoti evamādīhi kāraṇehi Tathāgatassa. **Buddhassā**ti catunnaṁ saccānaṁ Buddhattādīhi kāraṇehi vimokkhantikapaṇṇattivasena evaṁ laddhanāmassa. **Accayaṁ desayantī**nantī yaṁ vuttaṁ tumhehi “accayaṁ desayantīnaṁ -pa- sa veraṁ paṭimuṅcatī”ti, taṁ sādhu vuttaṁ, ahaṁ pana taṁ veraṁ nābhinandāmi na patthayāmīti attho. **Paṭiggaṇhāmi voccayanti** tumhākaṁ aparādhaṁ khamāmīti. . Pañcamaṁ.

1. Saṁvaratthāya (Ka)

6. Saddhāsuttavaṇṇanā

36. Chaṭṭhe **saddhā dutiyā purisassa hotīti** purisassa devaloke manussaloke ceva nibbānaṃ ca gacchantassa saddhā dutiyā hoti, saḥāyakkiccam sādheti. **No ce assaddhiyaṃ avatiṭṭhatīti** yadi assaddhiyaṃ na tiṭṭhati. **Yasoti** parivāro. **Kittīti** vaṇṇabhaṇaṇaṃ. **Tatvassa hotīti** tato assa hoti. **Nānupatanti saṅgāti** rāgasaṅgādayo pañca saṅgā na anupatanti. **Pamādamanuyuñjantīti** ye pamādaṃ karonti nibbattenti, te taṃ anuyuñjanti nāma. **Dhanaṃ seṭṭhamva rakkhatīti** muttāmaṇisārādi-uttamadhanaṃ viya rakkhati. **Jhāyantoti** lakkhaṇūpaniyyānena ārammaṇūpaniyyānena ca jhāyanto. **Tattha lakkhaṇūpaniyyānaṃ** nāma vipassanāmaggaḥāni. Vipassanā hi tīṇi lakkhaṇāni upaniyyāyatīti lakkhaṇūpaniyyānaṃ. Maggo vipassanāya āgatakkiccam sādhetīti lakkhaṇūpaniyyānaṃ. Phalaṃ tathalakkhaṇaṃ nirodhasaccaṃ upaniyyāyatīti lakkhaṇūpaniyyānaṃ. Aṭṭha samāpattiyo pana kasiṇārammaṇassa upaniyyāyanato **ārammaṇūpaniyyānanti** veditabbā. **Paramaṃ** nāma arahattasukhaṃ adhippetanti. . Chaṭṭham.

7. Samayasuttavaṇṇanā

37. Sattame **sakkesūti** “sakyā vata bho kumārā”¹ti udānaṃ paṭicca sakkāti laddhanāmānaṃ rājakumārānaṃ nivāso ekopi janapado ruḥhīsaddena sakkāti vuccati. Tasmim Sakkesu janapade. **Mahāvaneti** sayamjāte aropime himavantena saddhim ekābaddhe mahati vane. **Sabbehava arahantehīti** imaṃ suttaṃ kathitadivaseyeva patta-arahantehi.

Tatrāyaṃ anupubbikathā—Sākiyakoliyā hi kira Kapilavatthunagarassa ca Koliyanagarassa ca antare Rohiṇim nāma nadim ekeneva āvaraṇena bandhāpetvā sassāni kārenti. Atha jeṭṭhamūlamāse sassesu milāyantesu ubhayanagaravāsīnampi kammakārā² sannipatimsu. Tattha Koliyanagaravāsīno āhaṃsu “idaṃ udakaṃ ubhayato āhariyamānaṃ³ na tumhākaṃ, na amhākaṃ pahossati⁴, amhākaṃ pana sassaṃ ekena udakeneva nipphajjissati, idaṃ udakaṃ amhākaṃ dethā”^{ti}. Kapilavatthuvāsīno āhaṃsu “tumhesu koṭṭhe pūretvā ṭhitesu mayam

1. Dī 1. 87 piṭṭhe.

3. Hariyamānaṃ (Syā, Ka)

2. Kammakārā (Syā)

4. Pahoti (Sī, Ka)

rattasuvaṇṇanīlamaṇikālakahāpaṇe ca gahetvā pacchipasibbakādihatthā na sakkhissāma tumhākaṃ gharadvāre vicarituṃ, amhākaṃpi sassam ekeneva udakena nipphajjissati, idam udakaṃ amhākaṃ dethā”ti. “Na mayaṃ dassāmā”ti. “Mayampi nadassāmā”ti. Evaṃ katham vaḍḍhetvā eko uṭṭhāya ekassa pahāraṃ adāsi, sopi aññassāti evaṃ aññamaññaṃ paharitvā rājakulānaṃ jātiṃ ghaṭṭetvā kalaham vaḍḍhayimsu.

Koliyakammakārā vadanti “tumhe Kapilavatthuvāsike gahetvā gajjatha, ye soṇasingālādayo viya attano bhaginīhi saddhiṃ samvasimsu, etesaṃ hatthino ca assā ca phalakāvudhāni ca amhākaṃ kiṃ karissanti”ti. Sākiyakammakārā vadanti “tumhe dāni kuṭṭhino dārake gahetvā gajjatha, ye anāthā niggaṭṭikā tiracchānā viya kolarukkhe vasisimsu, etesaṃ hatthino ca assā ca phalakāvudhāni ca amhākaṃ kiṃ karissanti”ti. Te gantvā tasmim kamme niyutta-amaccānaṃ kathesuṃ, amaccā rājakulānaṃ kathesuṃ, tato sākiyā “bhaginīhi saddhiṃ samvasitakānaṃ thāmañca balañca dassessāmā”ti yuddhasajjā nikkhamimsu. Koliyāpi “Kolarukkhavāsīnaṃ thāmañca balañca dassessāmā”ti yuddhasajjā nikkhamimsu.

Bhagavāpi rattiyā paccūsasamayeva mahākaruṇāsamāpattito uṭṭhāya lokaṃ volokento ime evaṃ yuddhasajje nikkhamante addasa. Disvā “mayi gate ayaṃ kalaho vūpasammissati nu kho udāhu no”ti upadhārento “ahametta gantvā kalahavūpasamanattham tīṇi jātakāni kathessāmi, tato kalaho vūpasammissati. Atha sāmaggidīpanatthāya dve jātakāni kathetvā **Attadaṇḍasuttaṃ** desessāmi. Desanaṃ sutvā ubhayanagaravāsīnopi aḍḍhatiyāni aḍḍhatiyāni kumārasatāni dassanti, aham te pabbājessāmi, tadā mahāsamāgamo bhavissati”ti sannitṭhānaṃ akāsi. Tasmā imesu yuddhasajjesu nikkhamantesu kassaci anārocetvā sayameva pattacīvaramādāya gantvā dvinnam senānaṃ antare ākāse pallaṅkaṃ ābhujitvā chabbaṇṇarasmiyo vissajjetvā nisīdi.

Kapilavatthuvāsīno Bhagavantaṃ disvāva “amhākaṃ nātisetṭho Satthā āgato, diṭṭho nu kho tena amhākaṃ kalahakaraṇabhāvo”ti cintetvā “na kho pana sakkā Bhagavati āgate amhehi parassa sarīre

satthaṃ pātetuṃ, Koliyanagaravāsino amhe hanantu vā bajjhantu vā”ti āvudhāni chaḍḍetvā Bhagavantaṃ vanditvā nisīdim̐su. Koliyanagaravāsino pi tatheva cintetvā āvudhāni chaḍḍetvā Bhagavantaṃ vanditvā nisīdim̐su.

Bhagavā jānantova “kasmā āgatattha mahārāja”ti pucchi. “Na Bhagavā titthakīlāya, na pabbatakīlāya, na nadīkīlāya, na giridassanattamaṃ, imasmim̐ pana ṭhāne saṅgāmaṃ paccupaṭṭhapetvā āgatamaṃ”ti. Kim̐ nissāya vo kalaho mahārājāti. Udakaṃ bhanteti. Udakaṃ kim̐ agghati mahārājāti. Appaṃ bhanteti. Pathavī nāma kim̐ agghati mahārājāti. Anagghā bhanteti. Khattiyā kim̐ agghantīti. Khattiyā nāma anagghā bhanteti. Appamūlaṃ udakaṃ nissāya kimattamaṃ anagge khattiyē nāsetha mahārāja, kalahe assādo nāma natthi, kalahavasena mahārāja aṭṭhāne veraṃ katvā ekāya rukkhadevatāya kālasīhena saddhim̐ baddhāghāto sakalampi imaṃ kappāṃ anuppattoyevāti vatvā **Phandanajātakaṃ**¹ kathesi. Tato “parapattiyena nāma mahārāja na bhavitabbaṃ. Parapattiyā hutvā hi ekassa sasakassa kathāya tiyojanasahassavitthate Himavante catuppadaḅaṇā mahāsamuddaṃ pakkhandino ahesuṃ. Tasmā parapattiyena na bhavitabbaṃ”ti vatvā **Pathavī-undriyajātakaṃ**² kathesi. Tato “kadāci mahārāja dubbalopi mahābalassa randhaṃ vivaraṃ passati, kadāci mahā balo dubbalassa. Laṭukikāpi hi sakuṇikā hatthināgaṃ ghātesī”ti **Laṭukikajātakaṃ**³ kathesi. Evaṃ kalahavūpasamanattāya tīṇi jātakāni kathetvā sāmaggiparidīpanattāya dve jātakāni kathesi. Kathaṃ? Samaggānaṃ hi mahārāja koci otāraṃ nāma passituṃ na sakkotīti vatvā **Rukkhadhammajātakaṃ**⁴ kathesi. Tato “samaggānaṃ mahārāja koci vivaraṃ dassituṃ na sakkhi. Yadā pana aññaṃaññaṃ vivādamakaṃsu, atha te nesādaputto jīvītā voropetvā ādāya gatoti vivāde assādo nāma natthi”ti vatvā **Vattakajātakaṃ**⁵ kathesi. Evaṃ imaṃ pañca jātakāni kathetvā avasāne **Attadaṅḅasuttaṃ**⁶ kathesi.

Rājāno pasannā “sace Satthā nāgamiṃsa, mayaṃ sahatthā aññaṃaññaṃ vadhitvā Lohitanadiṃ pavattayissāma. Amhākaṃ puttabhātaro ca

1. Khu 5. 259 piṭṭhe.

2. Khu 5. 104 piṭṭhe.

3. Khu 5. 124 piṭṭhe.

4. Khu 5. 17 piṭṭhe.

5. Khu 5. 27 piṭṭhe.

6. Khu 1. 424 piṭṭhe.

gehadvāre na passeyyāma, sāsanaṭṭhāsānampi no āharaṇako nābhavissa. Satthāraṃ nissāya no jīvitaṃ laddhaṃ. Sace pana Satthā agāraṃ ajjhāvasissa¹, dīpasahassadvayaparivāraṃ catumahādīparajjamassa hatthagataṃ abhavissa, atirekasahassaṃ kho panassa puttā abhavissamsu, tato khattiyaparivāro avicarissa². Taṃ kho panesa sampattiṃ pahāya nikkhamitvā sambodhiṃ patto. Idānipi khattiyaparivāroyeva vicaratū”ti ubhayanagaravāsino aḍḍhatiyāni aḍḍhatiyāni kumārasatāni adamsu. Bhagavāpi te pabbājetvā Mahāvanaṃ agamāsi. Tesāṃ garugāravena na attano ruciyā pabbajitānaṃ anabhirati uppajji. Purāṇadutiyikāyopi tesāṃ “ayyaputtā ukkaṇṭhantu, gharāvāso na saṇṭhātī”ti-ādīni vatvā sāsanaṃ pesenti. Te ca atirekataraṃ ukkaṇṭhiṃsu.

Bhagavā āvajjento tesāṃ anabhiratabhāvaṃ ñatvā “ime bhikkhū mādisena Buddhena saddhiṃ ekato vasantā ukkaṇṭhanti, handa nesāṃ kuṇāladahassa vaṇṇaṃ kathetvā tatha netvā anabhiratiṃ vinodemi”ti kuṇāladahassa vaṇṇaṃ kathesi. Te taṃ daṭṭhukāmā ahesuṃ. Daṭṭhukāmattha bhikkhave kuṇāladahanti. Āma Bhagavāti. Yadi evaṃ etha gacchāmāti. Iddhimantānaṃ Bhagavā gamanaṭṭhānaṃ mayaṃ kathaṃ gamissāmāti. Tumhe gantukāmā hotha, ahaṃ mamānubhāvena gahetvā gamissāmāti. Sādhu bhanteti. Bhagavā pañca bhikkhusatāni gahetvā ākāse uppattivā kuṇāladahe patiṭṭhāya te bhikkhū āha “bhikkhave imasmiṃ kuṇāladahe yesaṃ macchānaṃ nāmaṃ na jānātha mamaṃ pucchathā”ti.

Te pucchimsu, Bhagavā pucchitaṃ pucchitaṃ kathesi. Na kevalaṅca, macchānaṃyeva, tasmīṃ vanasaṇḍe rukkhānampi pabbatapāde dvipadacatuppadasakuṇānampi nāmāni pucchāpetvā kathesi. Atha dvīhi sakuṇehi mukhatuṇḍakena ḍamsitvā gahitadaṇḍake nisinno kuṇālasakuṇarājā purato pacchato ubhosu ca passesu sakuṇasaṃghaparivuto āgacchati. Bhikkhū taṃ disvā “esa bhante imesaṃ sakuṇānaṃ rājā bhavissati, parivārā ete etassa”ti maññāmāti. Evametaṃ bhikkhave, ayampi mameva vaṃso mama paveṇīti. Idāni tāva mayaṃ bhante ete sakuṇe passāma. Yaṃ pana

1. Ajjhāvasissati (Ka)

2. Vicarissati (Syā)

Bhagavā “ayampi mameva vaṃso mama pavēṇī”ti āha, taṃ sotukāmamhāti. Sotukāmattha bhikkhavi. Āma Bhagavāti. Tena hi suṇāthāti tīhi gāthāsatehi maṇḍetvā **Kuṇālaḷātakam**¹ kathento anabhiratiṃ vinodesi. Desanāpariyosāne sabbepi sotāpattiḥale patiṭṭhahimsu, maggeneva ca nesaṃ iddhipi āgatā. Bhagavā “hotu tāva ettakam tesaṃ bhikkhūnan”ti ākāse uppativā Mahāvanameva agamāsi. Tepi bhikkhū gamanakāle Dasabalassa ānubhāvena gantvā āgamanakāle attano ānubhāvena Bhagavantam parivāretvā Mahāvane otariṃsu.

Bhagavā paññattāsane nisīditvā te bhikkhū āmantetvā “etha bhikkhave nisīdatha, uparimaggattayavajjhānam vo kilesānam kammaṭṭhānam kathessāmi”ti kammaṭṭhānam kathesi. Bhikkhū cintayimsu “Bhagavā amhākam anabhiratabhāvam ṇatvā kuṇāladaham netvā anabhiratiṃ vinodesi, tattha sotāpattiḥalam pattānam no idāni idha tiṇṇam maggānam kammaṭṭhānam adāsi, na kho pana amhehi ‘sotāpannā mayan’ti vītināmetum vaṭṭati, purisapurisehi² no bhavituṃ vaṭṭati”ti te Dasabalassa pāde vanditvā uṭṭhāya nisīdanam papphoṭetvā visum visum pabbhārarukkhamūlesu nisīdimsu.

Bhagavā cintesi “ime bhikkhū pakatiyāpi avissaṭṭhakammaṭṭhānā, laddhupāyassa pana bhikkhuno kilamanakāraṇam nāma natthi. Gacchantā gacchantā ca vipassanam vaḍḍhetvā³ arahattam patvā⁴ ‘attanā paṭividdhaguṇam ārocessāmī”ti mama santikam āgamissanti. Etesu āgatesu dasasahassacakkavāḷadevatā ekacakkavāḷe sannipatissanti, mahāsamayo bhavissati, vivitte okāse mayā nisīditum vaṭṭati”ti. Tato vivitte okāse Buddhāsanam paññāpetvā nisīdi.

Sabbapaṭhamam kammaṭṭhānam gahetvā Gatatthero saha paṭisambhidāhi arahattam pāpuṇi. **Tato aparo tato aparoti** pañcasatāpi paduminiyam padumāni viya vikasimsu. Sabbapaṭhamam arahattam pattabhikkhu “Bhagavato ārocessāmī”ti pallaṅkam vinibbhujitvā nisīdanam papphoṭetvā uṭṭhāya dasabalābhimukho ahosi. **Evam aparopi aparopīti** pañcasatā bhattasālam

1. Khu 6. 113 piṭṭhe.

2. Uttamapurisasadisehi (Sī), purisasadisehi (Syā)

3. Paṭṭhapetvā (Sī, Syā)

4. Pattā (Syā)

pavisantā viya paṭipāṭiyāva āgamimsu. Paṭhamam āgato vanditvā nisīdanam paññāpetvā ekamantaṃ nisīditvā paṭividdhaguṇam ārocetukāmo “atthi nu kho añño koci, natthī”ti nivattitvā āgatamaggaṃ olokeno aparampi addasa aparampi addasayevāti sabbepi te āgantvā ekamantaṃ nisīditvā ayam imassa harāyamāno na kathesi, ayam imassa harāyamāno na kathesi. Khīṇāsavānam kira dve ākāra honti—“aho vata mayā paṭividdhaguṇam sadevako loko khippameva paṭivijjheyā”ti cittaṃ uppajjati. Paṭividdhabhāvaṃ pana nidhiladdhapuriso viya na aññassa ārocetukāmā honti.

Evam osaṭamatte¹ pana tasmiṃ ariyamaṇḍale pācīnayugandharaparikkhepato abbhā mahikā dhūmo rajo rāhūti imehi upakkileshi vippamuttaṃ Buddhuppādapāṭimaṇḍitassa lokassa rāmaṇeyyakadassanattaṃ pācīnadisāya ukkhittarajatamayamahā-ādāsamaṇḍalaṃ viya nemivaṭṭiyam gahetvā parivattiyamānara-jatacakkasassirikam puṇṇacandamaṇḍalaṃ ullaṅghitvā anilapathaṃ paṭipajjittha. Iti evarūpe khaṇe laye muhutte Bhagavā Sakkesu viharati Kapilavatthusmiṃ Mahāvane mahatā bhikkhusaṃghena saddhiṃ pañcamattehi bhikkhusatehi sabbeheva arahantehi.

Tattha Bhagavāpi Mahāsammatassa vaṃse uppanno, tepi pañcasatā bhikkhū Mahāsammatassa kule uppannā. Bhagavāpi khattiyagabbhe jāto, tepi khattiyagabbhe jātā. Bhagavāpi rājababbajito, tepi rājababbajitā. Bhagavāpi setacchattaṃ pahāya hatthagataṃ cakkavattirajjam nissajjitvā pabbajito, tepi setacchattaṃ pahāya hatthagatāni rajjāni vissajjitvā pabbajitā. Iti Bhagavā parisuddhe okāse parisuddhe rattibhāge sayam parisuddho parisuddhaparivāro vītarāgo vītarāgaparivāro vītadoso vītadosaparivāro vītamoho vītamohaparivāro nittaṇho nittaṇhaparivāro nikkilesa nikkilesaparivāro santo santaparivāro danto dantaparivāro mutto muttaparivāro ativiya virocatīti. Vaṇṇabhūmi nāmesā, yattakaṃ sakkoti, tattakaṃ vattabbaṃ. Iti ime bhikkhū sandhāya vuttaṃ “pañcamattehi bhikkhusatehi sabbeheva arahantehi”ti.

1. Uṭṭhānamatte (Syā), osīdamatte (Dī-Ṭṭha 2. 270 piṭṭhe)

Yebhuyyenāti bahutarā sannipatitā, mandā na sannipatitā asaṅṅī arūpāvacaradevatā samāpannadevatāyo ca¹. Tatrāyaṃ sannipātakamo— Mahāvanassa kira sāmāntā devatā calimsu, “āyāma bho Buddhadassanaṃ nāma bahūpakāraṃ, dhammassavanaṃ bahūpakāraṃ, bhikkhusaṃghadassanaṃ bahūpakāraṃ, āyāma āyāmā”ti mahāsaddaṃ kurumānā āgantvā Bhagavantaṅca taṃmuhuttaṃ arahattappattakhīṇāsava ca vanditvā ekamantaṃ aṭṭhaṃsu. Eteneva upāyena tāsāṃ tāsāṃ saddaṃ sutvā saddantara-aḍḍhagāvutagāvuta-aḍḍhajojanayojanādivasena tiyojanasahassavittathe Himavante, tikkhattuṃ tesatṭhiyā nagarasahassesu, navaṇavutiyā doṇamukhasatasahassesu, chaṇavutiyā paṭṭanakotīsatasaḥassesu, chaṇṇāsāya ratanākāresūti sakalajambudīpe, Pubbavidehe, Aparagoyāne, Uttarakurumhi, dvīsu parittadīpasahassesūti sakalacakkavāle, tato dutiyatīyacakkavāleti evaṃ dasasahassacakkavālesu devatā sannipatitāti veditabbā. Dasasahassacakkavālaṃ hi idha dasalokadhātuyoti adhippetāṃ. Tena vuttaṃ “dasahi ca lokadhātūhi devatā yebhuyyena sannipatitā hontī”ti.

Evaṃ sannipatitāhi devatāhi sakalacakkavālagabbhaṃ yāva brahmalokā sūcihare nirantaraṃ pakkhittasūcihi viya paripuṇṇaṃ hoti. Tattha brahmalokassa evaṃ uccattanaṃ² veditabbaṃ—lohapāsāde kira sattakūṭāgārasamo³ pāsāṇo brahmaloke ṭhatvā adho khitto catūhi māsehi pathaviṃ pāpuṇāti. Evaṃ mahante okāse yathā heṭṭhā ṭhatvā khittāni pupphāni vā dhūmo vā upari gantuṃ, upari vā ṭhatvā khittasāsapā heṭṭhā otarituṃ antaraṃ na labhanti, evaṃ nirantarā devatā ahesuṃ. Yathā kho pana cakkavattiraṅṅo nisinnaṭṭhānaṃ asambādhaṃ hoti, āgatāgatāmahasakkhā khattiyā okāsaṃ labhantiyeva, parato parato pana atisambādhaṃ hoti. Evameva Bhagavato nisinnaṭṭhānaṃ asambādhaṃ, āgatāgatā mahesakkhā devā ca brahmāno ca okāsaṃ labhantiyeva. Api sudaṃ Bhagavato āsannaṭṭhāne⁴ vālagganittudanamatte padese dasapi vīsati pi devā sukhume atabhāve māpetvā aṭṭhaṃsu. Sabbaparato satṭhi satṭhi devatā aṭṭhaṃsu.

1. Asaṅṅārūpāvacaradevatāyeva (Syā)

2. Uccattaraṃ (Syā, Ka)

3. Pabbatakūṭāgārasamo (Syā), sattamakūṭāgārasamo (Sī, Ka)

4. Āsannaṭṭhāne (Syā)

Suddhāvāsakāyikānanti suddhāvāsavāsīnam. Suddhāvāsā nāma suddhānam anāgāmikhīṇāsavānam āvāsā pañca brahmalokā. Etadahosīti kasmā ahoṣi? Te kira brahmāno samāpattim samāpajjitvā yathā paricchedena vuṭṭhitā brahmabhavanam oloketā pacchābhatte bhattageham viya suññatam¹ addasaṃsu. Tato “kuhim brahmāno gatā”ti āvajjantā mahāsamāgamam ña tvā “ayam samāgamo mahā, mayam ohīnā, ohīnakānam pana okāso dullabho hoti, tasmā gacchantā atucchahatthā hutvā ekekam gātham abhisankharitvā gacchāma. Tāya mahāsamāgame ca attano āgatabhāvam jānāpessāma, Dasabalassa ca vaṇṇam bhāsissāmā”ti. Iti tesam samāpattito vuṭṭhāya āvajjitattā etadahosi.

Bhagavato purato pāturaheṣunti Pāliyam Bhagavato santike abhimukhaṭṭhāneyeva otiṇṇā viya katvā vuttā, na kho panettha evam attho veditabbo. Te pana brahmaloke ṭhitāyeva gāthā abhisankharitvā eko puratthimacakkavālamukhavaṭṭiyam otari, eko dakkhiṇacakkavālamukhavaṭṭiyam, eko pacchimacakkavālamukhavaṭṭiyam, eko uttaracakkavālamukhavaṭṭiyam otari. Tato puratthimacakkavālamukhavaṭṭiyam otiṇṇabrahmā nīlakasiṇam samāpajjitvā nīlarasmiovissajjetvā dasasahassacakkavāladevatānam maṇivammam² paṭimuñcanto viya attano āgatabhāvam jānāpetvā Buddhavīthi nāma kenaci uttaritum na sakkā, tasmā mahatīyā Buddhavīthiyāva āgantvā Bhagavantam abhivādetvā ekamantam aṭṭhāsi. Ekamantam ṭhito kho attanā abhisankhatam gātham abhāsi.

Dakkhiṇacakkavālamukhavaṭṭiyam otiṇṇabrahmā pītakasiṇam samāpajjitvā suvaṇṇapabham muñcivā dasasahassacakkavāladevatānam suvaṇṇapaṭam pārupanto³ viya attano āgatabhāvam jānāpetvā tatheva akāsi. Pacchimacakkavālamukhavaṭṭiyam otiṇṇabrahmā lohītakasiṇam samāpajjitvā lohītakarasmīyo muñcivā dasasahassacakkavāladevatānam rattavarakambalena parikkhipanto viya attano āgatabhāvam jānāpetvā tatheva akāsi. Uttaracakkavālamukhavaṭṭiyam otiṇṇabrahmā odātakasiṇam

1. Suññakam (Si)

2. Mṇicammam (Syā)

3. Pārupento (Ka)

samāpajjitvā odātarasmiyo vissajjetvā dasasahassacakkavāḷadevatānaṃ
sumanakusumapaṭaṇaṃ pārupanto viya attano āgatabhāvaṃ jānāpetvā tatheva
akāsi.

Pāḷiyaṃ pana **Bhagavato purato pāturaheṣuṃ. Atha kho tā devatā
Bhagavantaṃ abhivādetvā ekamantaṃ aṭṭhaṃsūti** evaṃ ekakkhaṇe viya
purato pātubhāvo ca abhivādetvā ekamantaṃ ṭhitabhāvo ca vutto, so iminā
anukkamena ahoṣi, ekato katvā pana dassito. Gāthābhāsaṇaṃ pana
Pāḷiyampi visuṃ visuṃyeva vuttaṃ.

Tattha **mahāsamayoti** mahāsamūho. **Pavanaṃ** vuccati vanasaṇḍo.
Ubhayenapi Bhagavā “imasmim̐ pana vanasaṇḍe ajja mahāsamūho
sannipāto”ti āha. Tato yesaṃ so sannipāto, te dassetuṃ **devakāyā samāgatāti**
āha. Tattha **devakāyāti** devaghaṭā. **Āgatamha imar̐ dhammasamayanti** evaṃ
samāgate devakāye disvā mayampi imar̐ dhammasamūhaṃ āgatā. Kim
kāraṇā? **Dakkhitāye aparājitasamghanti** kenaci aparājitaṃ ajjeva tayo māre
madditvā vijitasaṅgāmaṃ imar̐ aparājitasamghaṃ dassanattāya āgatamhāti
attho. So pana brahmā imar̐ gāthaṃ bhāsivā Bhagavantaṃ abhivādetvā
puratthimacakkavāḷamukhavatṭiyāṃyeva aṭṭhāsi.

Atha dutiyo vuttanayeneva āgantvā abhāsi. Tattha **tatra bhikkhavoti**
tasmim̐ sannipātaṭṭhāne bhikkhū. **Samādahaṃsūti** samādhinā yojesuṃ.
Cittamattano ujukaṃ akaṃsūti attano citte sabbe vaṅkakuṭilajimhabhāve
haritvā ujukaṃ akarimsu. **Sārathīva nettāni gahetvāti** yathā samappavattesu
sindhavesu odhastapatodo sārathi sabbayottāni gahetvā acodento avārento
tiṭṭhati, evaṃ chaḷaṅgupekkhāya samannāgatā guttadvārā sabbepete
pañcasatā bhikkhū indriyāni rakkhanti paṇḍitā, ete daṭṭhum̐ idhāgatamhā
Bhagavāti, sopi gantvā yathāṭṭhāneyeva aṭṭhāsi.

Atha tatiyo vuttanayeneva āgantvā abhāsi. Tattha **chetvā khilanti**
rāgadosamohakhīlaṃ chinditvā. **Palighanti** rāgadosamohapalighameva.
Indakhilanti rāgadosamoha-indakhīlameva. **Ūhacca manejāti** ete taṇhā-ejāya
anejā bhikkhū indakhīlaṃ ūhacca samūhanitvā catūsu disāsu

appaṭihatacārikam caranti. **Suddhā**ti nirupakkilesā. **Vimalā**ti nimmalā. Idam tasseva vevacanam. **Cakkhumatā**ti pañcahi cakkhūhi cakkhumantena. **Sudantā**ti cakkhutopi dantā sotatopi ghānatopi jivhātopi kāyatopi manatopi dantā. **Susunāgā**ti taruṇanāgā. Tatrāyam vacanattho—chandādīhi na gacchantīti **nāgā**, tena tena maggena pahīne kilese na āgacchantīti nāgā, nānappakāram āgum na karontīti nāgā. Ayamettha saṅkhepo, vitthāro pana Mahānidde¹ vuttanayeneva veditabbo.

Apica—

“Āgum na karoti kiñci loke,
Sabbasaṃyoga² visajja bandhanāni.
Sabbattha na sajjatī vimutto,
Nāgo tādi pavuccate tathattā”ti—

Evamettha attho veditabbo. **Susunāgā**ti susū nāgā, susunāgabhāvasampattim³ pattāti attho. Te evarūpe anuttarena yoggācariyena damite taruṇanāge dassanāya āgatamha Bhagavāti. Sopi gantvā yathāṭṭhāneyeva aṭṭhāsi.

Atha catuttho vuttanayeneva āgantvā abhāsi. Tattha **gatāseti** nibbematikasaraṇagamanena gatā. Sopi gantvā yathāṭṭhāneyeva aṭṭhāsīti. . Sattamam.

8. Sakalikasuttavaṇṇanā

38. Aṭṭhame **maddakucchisminti** evaṃnāmake uyyāne. Tañhi Ajātasattumhi kucchigate tassa mātārā “ayam mayham kucchigato gabbho rañño sattu bhavissati, kim me iminā”ti gabbhapātanattham kucchi maddāpitā. Tasmā “Maddakucchi”ti saṅkham gamam. Migānam pana abhayavāsathāya dinnattā **migadāyoti** vuccati.

Tena kho pana samayenāti ettha ayam anupubbikathā—Devadatto hi Ajātasattum nissāya dhanuggahe ca Dhanapālakañca payojetvāpi

1. Khu 7. 155 piṭṭhe. 2. Sabbasaṃyoge (Khu 1. 359 piṭṭhe) Ṭikā pana passitabbā.
3. Nāgabhāvasampattim (Syā)

Tathāgatassa jīvitantarāyaṃ kātuṃ asakkonto “sahattheneva māressāmī”^{ti} Gijjhakūṭapabbataṃ abhiruhitvā mahantaṃ kūṭāgārappamaṇaṃ silaṃ ukkhipitvā “samaṇo Gotamo cuṇṇavicuṇṇo hotū”^{ti} pavijjhi. Mahāthāmaṃ vā kiresa pañcannaṃ hatthīnaṃ balaṃ dhāreti. Aṭṭhānaṃ kho panetaṃ, yaṃ Buddhānaṃ parūpakkamena jīvitantarāyo bhavēyyāti taṃ Tathāgatassa sarīrābhīmukhaṃ āgacchantaṃ ākāse aññā silā uṭṭhahitvā sampaṭicchī. Dvīnaṃ silānaṃ sampahārena mahantā pāsāṇassa sakalikā¹ uṭṭhahitvā Bhagavato piṭṭhipādapariyantaṃ abhihani, pādo mahāpharasunā pahato viya samuggatalohitena lākhārasamakkhito viya ahoṣi. Bhagavā uddhaṃ ulloketvā Devadattaṃ etadavoca “bahu tayā moghapurisa apuññaṃ pasutaṃ, yo tvaṃ paduṭṭhacitto vadhakacitto Tathāgatassa lohitaṃ uppādesī”^{ti}. Tatopattihāya Bhagavato aphaṣu jātaṃ. Bhikkhū cintayimsu “ayaṃ vihāro ujaṅgalo visamo, bahūnaṃ khattiyādīnaṃ ceva pabbajitānaṃ ca anokāso”^{ti}. Te Tathāgataṃ mañcasivikāya ādāya maddakucchiṃ nayimsu. Tena vuttaṃ “tena kho pana samayena Bhagavato pādo sakalikāya khato hotī”^{ti}.

Bhusāti balavatiyo. **Sudanti** nipātamattaṃ. **Dukkhanti** sukhapattikkhepo. **Tibbāti** bahalā. **Kharāti** pharusā. **Kaṭukāti** tikhiṇā. **Asātāti** amadhurā. Na tāsū mano appeti, na tā manāṃ appāyanti na vaḍḍhentīti **amanāpā**. **Sato sampajānoti** vedanādhivāsanasatisa-mpajāññaena samannāgato hutvā. **Avihaññaṃ noti** apīḷiyamāno, samparivattasāyitāya vedanānaṃ vasaṃ agacchanto.

Sīhaseyyanti ettha kāmabhogiseyyā petaseyyā sīhaseyyā Tathāgataseyyāti catasso seyyā. Tattha “yebhuyyena bhikkhave kāmabhogī sattā vāmena passena sentī”^{ti}² ayaṃ kāmabhogīseyyā. Tesu hi yebhuyyena dakkhiṇapassena sayāno nāma natthi. “Yebhuyyena bhikkhave petā uttānā sentī”^{ti}² ayaṃ petaseyyā. Appamaṃsalohitattā hi aṭṭhisāṅghāṭajātītā ekena passena sayitūṃ na sakkonti, uttānāva sentī. “Yebhuyyena bhikkhave sīho migarājā naṅguṭṭhaṃ antarasatthimhi anupakkhipitvā dakkhiṇena passena setī”^{ti}² ayaṃ sīhaseyyā.

1. Sakhalikā (Ka)

2. Am 1. 567 piṭṭhe.

Tejussadattā hi sīho migarājā dve purimapāde ekasmim, ‘pacchimapāde ekasmim ṭhāne ṭhapetvā naṅguṭṭham antarasatthimhi pakkhipitvā purimapādapacchimapādanaṅgu-ṭṭhānam ṭhitokāsam sallakkhetvā dvinnam purimapādānam matthake sīsam ṭhapetvā sayati, divasampi sayitvā pabujjhamāno na utrasanto pabujjhati, sīsam pana ukkhipitvā purimapādādīnam ṭhitokāsam sallakkheti. Sace kiñci ṭhānam vijahitvā ṭhitam hoti, “nayidam tuyham jātiyā, na sūrabhāvassa anurūpan”ti anattamano hutvā tatheva sayati, na gocarāya pakkamati. Avijahitvā ṭhite pana “tuyam jātiyā ca sūrabhāvassa ca anurūpamidam”ti haṭṭhatuṭṭho uṭṭhāya sīhavi jambhitam vijambhitvā kesarabhāram vidhunitvā tikkhattum sīhanādam naditvā gocarāya pakkamati. Catutthajjhānaseyyā pana “Tathāgataseyyā”ti vuccati. Tāsu idha sīhaseyyā āgatā. Ayam hi tejussadā- iriyāpathattā uttamaseyyā nāma.

Pāde pādanti dakkhiṇapāde vāmapādam. **Accādhāyāti** ati-ādhāya, īsakam atikkamma ṭhapetvā. Gopphakena hi gopphake jāṇunā vā jāṇumhi samghaṭṭiyamāne abhiṇham vedanā uppajjati, cittaṃ ekaggaṃ na hoti, seyyā aphāsukā hoti. Yathā na samghaṭṭeti. evam atikkamma ṭhapite vedanā nuppajjati, cittaṃ ekaggaṃ hoti, seyyā phāsu hoti. Tasmā evam nipajji. **Sato sampajānoti** sayanapariggāhakasatisampajāññena samannāgato. “Uṭṭhānasaññam”ti panettha na vuttam, gilānaseyyā hesā Tathāgatassa.

Sattasatāti imasmim sutte sabbāpi tā devatā gilānaseyyaṭṭhānam āgatā. **Udānam udānesīti** gilānaseyyam āgatānam domanassena bhavitabham siyā. Imāsam pana Tathāgatassa vedanādhivāsanam disvā “aho Buddhānam mahānubhāvātā, evarūpāsu nāma vedanāsu vattamānāsu vikāramattampi natthi, sirīsayane alaṅkaritvā ṭhapitasuvaṇṇarūpakam viya aniñjamānena kāyena nipanno, idānissa adhikataram mukhavaṇṇo viroceti, ābhāsampanno puṇṇacando viya sampati vikasitam viya ca aravindam assa mukham sobhati, kāyepi vaṇṇāyatanam idāni susammaṭṭhakañcanam¹ viya vipasīdati”ti udānam udapādi.

1. Susampahaṭṭhakañcanam (Syā)

Nāgo vata bhoti ettha **bhoti** dhammālapanaṃ. Balavantaṭṭhena **nāgo**. **Nāgavatāti** nāgabhāvena. **Sīho vatāti** -ādīsu asantāsanatṭhena **sīho**. Byattaparicayaṭṭhena¹ kāraṇākāraṇajānanena vā **ājāniyo**. Appaṭṭisamatṭhena **nisabho**. Gavasatajettṭhako hi usabho, gavasahassajettṭhako vasabho, gavasatasahassajettṭhako nisabhoti vuccati. Bhagavā pana appaṭṭisamatṭhena āsabhaṃ ṭhānaṃ paṭijānāti. Tenevatthena idha “nisabho”ti vutto. Dhuravāhaṭṭhena **dhorayho**. Nibbisevanatṭhena **danto**.

Passāti aniyamitāṇatti. **Samādhinti** arahattaphalasangāhānaṃ. **Suvimuttanti** phalavimuttiyā suvimuttaṃ. Rāgānugataṃ pana cittaṃ abhinataṃ nāma hoti, dosānugataṃ apanataṃ. Tadubhayapaṭikkhepena **na cābhinataṃ na cāpanatanti** āha. **Na ca sasaṅkhāraniggayhavāritagatanti**² na sasaṅkhārena sappayogena kilese niggahetvā vāritavataṃ³, kilesānaṃ pana chinnatā vataṃ phalasangāhānaṃ samāhitanti attho. **Atikkamitabbanti** vihetṭetabbam ghaṭṭetabbam⁴. Adassanāti aññāṇā. Aññāṇī hi andhabālova evarūpe Satthari aparajjheyeyāti Devadattaṃ ghaṭṭayamānā vadanti.

Pañcavedāti itihāsapañcamānaṃ vedānaṃ dhārakā. **Sataṃ samanti** vassasataṃ. **Tapassīti** tapanissitakā hutvā. **Caranti** carantā. **Na sammāvimuttanti** sacepi evarūpā brāhmaṇā vassasataṃ caranti, cittaṅca nesaṃ sammā vimuttaṃ na hoti. **Hīnattarūpā na pārāṃ gamā teti** hīnattasabhāvā te nibbānaṅgamā na honti. “Hīnattharūpā”tipi paṭho, hīnatthajātikā parihīnatthāti attho. **Taṇhādhipannāti** taṇhāya ajjhotthatā. **Vatasīlabaddhāti** ajavatakkuravatādīhi ca vatehi tādiseheva ca sīlehi baddhā. **Lūkhaṃ tapanti** pañcātapatāpanaṃ⁵ kaṅṭhakaseyyādikaṃ tapam. Idāni sā devatā sāsanaṃ niyyānikabhāvaṃ kathenti **na mānakāmassāti**-ādimāha, taṃ vuttatthamevāti. . Atṭhamam.

9. Paṭhamapajjunnadhītusuttavaṇṇanaṃ

39. Navame **Pajjunnassa dhītāti** Pajjunnassa nāma vassavalāhakađevaraṅṅo Cātumahārājikassa dhītā. **Abhivandeti** Bhagavā tumhākaṃ

1. Bhattuparicariyatthena (Sī), byattuparicaraṇatṭhena (Ṭīkā)

2. Sasaṅkhāraniggayhavāritavatanti (Sī, Syā)

3. Vāritvā vataṃ (Syā), vāretvā adhigataṃ (?)

4. Ghaṭṭetabbam (Syā, Ka) 5. Pañcātapatāpanaṃ (Sī), pañcātapatappanaṃ (Syā, Ka)

pāde vandāmi. **Cakkhumatā**ti pañcahi cakkhūhi cakkhumantena Tathāgatena. **Dhammo anubuddho**ti “idaṃ mayā pubbe paresaṃ santike kevalaṃ sutāmyeva āsī”ti vadati. **Sāhaṃ dānī**ti sā ahaṃ idāni. **Sakki jānāmī**ti paṭivedhavasena paccakkhameva jānāmi. **Vigarahantā**ti “hīnakkharapadabyañjano”ti vā “aniyyāniko”ti vā evaṃ garahantā. **Roruvanti** dve roruvā dhūmaroruvo ca jālaroruvo ca. Tattha dhūmaroruvo visuṃ hoti, jālsrorivoti pana Avīcimahānirayassevetāṃ nāmaṃ. Tattha hi sattā aggimhi jalante jalante punappunaṃ ravaṃ ravanti, tasmā so “Roruvo”ti vuccati. **Ghoranti** dāruṇāṃ. **Khantiyā upasamena upetā**ti ruccitvā khamāpetvā gahaṇakhantiyā ca rāgādi-upasamena ca upetāti. . Navamaṃ.

10. Dutiyapajjunnadhītusuttavaṇṇanā

40. Dasame **dhammañcā**ti casaddena saṃghaṇca, iti tīṇi ratanāni namassamānā idhāgatāti vadati. **Atthavatī**ti atthavatiyo. **Bahunāpi kho tanti** yaṃ dhammaṃ sā abhāsi, taṃ dhammaṃ bahunāpi pariyāyena ahaṃ vibhajeyyaṃ. **Tādiso dhammoti** tādiso hi ayaṃ Bhagavā dhammo, taṃsaṅṭhito tappaṭibhāgo¹ bahūhi pariyāyehi vibhajitabbayuttakoti dasseti. **Lapayissāmī**ti kathayissāmi. **Yāvata me manasā pariyaṭṭanti** yattakaṃ mayā manasā pariyāpuṭaṃ², tassatthaṃ divasaṃ avatvā madhupaṭalaṃ pīlentī viya muhutteneva saṃkhittena kathessāmi. Sesāṃ uttānamevāti. . Dasamaṃ.

Satullapakāyikavaggo catuttho.

5. Ādittavagga

1. Ādittasuttavaṇṇanā

41. Ādittavaggassa paṭhame **jarāya maraṇena cā**ti desanāsīsametaṃ, rāgādīhi pana ekādasahi aggīhi loko ādittova. **Dānenā**ti dānacetanāya. **Dinnaṃ hoti sunīhatanti** dānapuññacetanāhi dāyakasseva hoti gharasāmikassa viya nīhatabhaṇḍakaṃ, tenetaṃ vuttaṃ. **Corā**

1. Sappaṭibhāgo (Syā)

2. Pariyāpuṭaṃ(Syā)

harantīti adinne bhoge corāpi haranti rājānopi, aggipi dahati, ṭhapitaṭṭhānepi nassanti. **Antenā**ti maraṇena. **Sarīram** sapariggahanti sarīrañceva corādīnaṃ vasena avinaṭṭhabhoge ca. **Saggamupetī**ti Vessantaramahārājādayo viya sagge nibbattatīti. . Paṭhamam.

2. Kimdadasuttavaṇṇanā

42. Dutiye **annadoti** yasmā atibalavāpi dve tīṇi bhattāni abhuvā uṭṭhātuṃ na sakkoti, bhutvā pana dubbalopi hutvā balasampanno hoti, tasmā “annado balado”ti āha. **Vatthadoti** yasmā surūpopi duccoḷo vā acoḷo vā virūpo hoti ohīḷito duddasiko, vatthacchanno devaputto viya sobhati, tasmā “vatthado hoti vaṇṇado”ti āha. **Yānadoti** hatthiyānādīnaṃ dāyako. Tesu pana

Na hatthiyānaṃ samaṇassa kappati,
Na assayānaṃ, na rathena yātuṃ.
Idaṅca yānaṃ samaṇassa kappati,
Upāhanā rakkhato sīlakhandhanti.

Tasmā chattupāhanakattarayaṭṭhimañcapīṭhānaṃ dāyako, yo ca maggaṃ sodheti, nisseṇim karoti, setuṃ karoti, nāvam paṭiyādeti, sabbopi yānadova hoti. **Sukhado hotī**ti yānassa sukhāvahanato sukhado nāma hoti. **Cakkhudoti** andhakāre cakkhumantānampi rūpadassanābhāvato dīpado cakkhudo nāma hoti, Anuruddhatthero viya dibbacakkhusampadampi labhati.

Sabbadado hotīti sabbesaṃyeva balādīnaṃ dāyako hoti. Dve tayo gāme piṇḍāya caritvā kiñci aladdhā āgatassāpi sītalāya pokkharāṇiyā nhāyitvā patissayaṃ¹ pavisitvā muhuttaṃ mañce nipajjitvā uṭṭhāya nisinnassa hi kāye balaṃ āharitvā pakkhittaṃ viya hoti. Bahi vicarantassa ca kāye vaṇṇāyatanam vātātapehi jhāyati, patissayaṃ pavisitvā dvāram pidhāya muhuttaṃ nipannassa ca visabhāgasantati vūpasammati, sabhāgasantati okkamati, vaṇṇāyatanam āharitvā

1. Upassāyam (Ka)

pakkhitaṃ viya hoti. Bahi vicarantassa pāde kaṇṭako vijjhati, khāṇu paharati, sarīsapādi-parissayo ceva corabhayaṃ ca uppajjati, patissayaṃ pavisitvā dvāraṃ pidhāya nipannassa sabbete parissayā na honti, dhammaṃ sajjhāyantassa dhammapītisukhaṃ, kammaṭṭhānaṃ manasikarontassa upasamasukhaṃ uppajjati. Tathā bahi vicarantassa ca sedā muccanti, akkhini phandanti, senāsanam pavisanakkhaṇe kūpe otiṇṇo viya hoti, mañcapīṭhādīni na paññāyanti. Muhuttaṃ nisinnassa pana akkhipasādo āharitvā pakkhitto viya hoti, dvārakavāṭavātapānamañcapīṭhādīni paññāyanti. Tena vuttaṃ “so ca sabbadado hoti, yo dadāti upassayan”ti.

Amataṃdado ca so hotīti paṇītabhojanassa pattam pūrento viya amaraṇadānaṃ nāma deti. **Yo dhammamanusāsātīti** yo dhammaṃ anusāsati, aṭṭhakathaṃ katheti, Pāḷim vāceti, pucchitapañhm viṣṣajjeti, kammaṭṭhānaṃ ācikkhati, dhammassavanaṃ karoti, sabbopesa dhammaṃ anusāsati nāma. Sabbadānānaṃca idaṃ dhammadānameva agganti veditabbaṃ. Vuttampi cetam—

“Sabbadānaṃ dhammadānaṃ jināti,
 Sabbarasaṃ dhammaraso jināti.
 Sabbaratiṃ dhammarati jināti,
 Taṇhakkhayo sabbadukkaṃ jinātī”ti¹. Dutiyam.

3. Annasuttavaṇṇanā

43. Tatiye **abhinandantīti** patthenti. **Bhajatīti** upagacchati, Cittagahapatisīvalittherādike viya pacchato pacchato anubandhati. **Tasmāti** yasmā idhaloke paraloke ca annadāyakeva anugacchati, tasmā. Sesam uttānamenāti. . Tatiyam.

4. Ekamūlasuttavaṇṇanā

44. Chtutthe **ekamūlanti** avijjā taṇhāya mūlam, taṇhā avijjāya. Idha pana taṇhā adhippetā. Dvīhi sassatucchedadīṭṭhīhi āvaṭṭatīti **dvirāvattā**². Sā ca rāgādīhi tīhi malehi **timalā**. Tatrāssā moho

1. Khu 1. 64 piṭṭhe Dhammapade.

2. Dvāvattā (Sī, Syā)

sahajātaakoṭiyā malaṃ hoti, rāgadosā upanissayakoṭiyā. Pañca pana kāmaguṇā assā pattharaṇaṭṭhānā¹, tesu sā pattharatīti **pañcapattharā**. Sā ca apūraṇīyaṭṭhena **samuḍdo**. Ajjhattikabāhiresu panesā dvādasāyatanesu āvaṭṭati parivaṭṭatīti **dvādasāvattā**. Apatiṭṭhaṭṭhena pana **pātāloti** vuccatīti. Ekamūlaṃ -pa- pātālaṃ atari isi, uttari samatikkamīti attho. . Catuttham.

5. Anomasuttavaṇṇanā

45. Pañcame **anomanā**manti sabbaguṇasamannāgatattā avekallanāmaṃ, paripūranāmaṃ attho. **Nipuṇatthadassinti** Bhagavā saṇhasukhume khandhantarādayo atthe passatīti nipuṇatthadassī. **Paññādadanti** anvayapaññādhigamāya² paṭipadaṃ kathanavasena paññāya dāyakaṃ. **Kāmālaye asattanti** pañcakāmaguṇālaye alaggaṃ. **Kamamānanti** Bhagavā Mahābodhimaṇḍeyeva ariyamaggena gato, na idāni gacchati, atītaṃ pana upādāya idaṃ vuttaṃ. **Mahesinti** mahantānaṃ silakkhandhādīnaṃ esitāraṃ pariyesitāraṃ. . Pañcamaṃ.

6. Accharāsuttavaṇṇanā

46. Chaṭṭhe **accharāgaṇasaṅghuṭṭhanti** ayaṃ kira devaputto Satthusāsane pabbajitvā vattapaṭipattiṃ pūrayamāno pañcavassakāle pavāretvā dvemātikaṃ paguṇaṃ katvā kammākammaṃ uggahetvā cittarucitaṃ³ kammaṭṭhānaṃ uggaṇhitvā sallahukavuttiko araññaṃ pavisitvā yo Bhagavatā majjhimayāmo sayanassa koṭṭhāsoti anuññāto, tasmimpi sampatte “pamādasā bhāyāmī”ti mañcakaṃ ukkhipitvā rattiṇca divā ca nirāhāro kammaṭṭhānameva manasākāsi.

Athassa abbhantare satthakavātā uppajjitvā jīvitaṃ pariyādiyimsu. So dhurasmiṃyeva kālamakāsi. Yo hi koci bhikkhu caṅkame caṅkamamāno vā ālambanattambhaṃ⁴ nissāya ṭhito vā caṅkamakoṭiyam cīvaraṃ sīse ṭhapetvā nisinno vā nipanno vā parisamajjhe alaṅkatadhammāsane dhammaṃ desento vā kālaṃ karoti, sabbo so dhurasmiṃ

1. Patthanā (Sī), pattharā (Syā)

2. Paññādhigamāya (Sī, Syā)

3. Cittarucikaṃ (Sī)

4. Ālambaṅkkhandhaṃ (Ka)

kālaṃ karoti nāma. Iti ayaṃ caṅkamane kālaṃ katvā upanissayamandatāya āsavakkhayaṃ appatto Tāvatiṃsabhavane mahāvīmānadvāre niddāyitvā pabujjhanto viya paṭisandhiṃ aggahesi. Tāvadevassa suvaṇṇatoraññaṃ viya tigāvuto attabhāvo nibbatti.

Antovimāne sahasamattā accharā taṃ disvā “vimānasāmiko devaputto āgato, ramayissāma¹ nan”ti tūriyāni gahetvā parivārayiṃsu. Devaputto na tāva cutabhāvaṃ jānāti, pabbajitasaññīyeva accharā oloketvā vihāracārikaṃ āgataṃ mātugāmaṃ disvā lajjī paṃsukūliko viya upari ṭhitam ghanadukūlam ekaṃsaṃ karonto aṃsakūṭam paṭicchādetvā indriyāni okkhipitvā adhomukho aṭṭhāsi. Tassa kāyavikārenea tā devatā “Samaṇadevaputto ayan”ti ñatvā evamāhaṃsu “ayya devaputta devaloko nāmāyaṃ, na samaṇadhammassa karaṇokāso, sampattim anubhavanokāso”ti. So tatheva aṭṭhāsi. Devatā “na tāvāyaṃ sallakkhetī”ti tūriyāni paggaṇhiṃsu. So tathāpi anolokentova aṭṭhāsi.

Athassa sabbakāyikaṃ ādāsaṃ purato ṭhapayiṃsu. So chāyaṃ disvā cutabhāvaṃ ñatvā “na mayā imaṃ ṭhānaṃ patthetvā samaṇadhammo kato, uttamatthaṃ arahattaṃ patthetvā kato”ti sampattiyā vipaṭṭisārī ahosi “suvaṇṇapaṭaṃ² paṭilabhissāmi”ti takkayitvā yuddhatṭhānaṃ otiṇṇamallo mūlakamuṭṭhiṃ labhitvā viya. So “ayaṃ saggasampatti nāma sulabhā, Buddhānaṃ pātubhāvo dullabho”ti cintetvā vimānaṃ apavisitvāva asambhinneneva sīlena accharāsaṅghaparivuto Dasabalassa santikaṃ āgamma abhivādetvā ekamantaṃ ṭhito imaṃ gāthaṃ abhāsi.

Tattha **accharāgaṇasaṅghuṭṭhanti** accharāgaṇena gītavāditasaddehi saṅghositaṃ. **Pisācagaṇasevitanti** tameva accharāgaṇaṃ pisācagaṇaṃ katvā vadati. **Vananti** Nandanavanaṃ sandhāya vadati. Ayañhi niyāmacittatāya attano garubhāvena³ devagaṇaṃ “devagaṇo”ti vattum na roceti, “pisācagaṇo”ti vadati. Nandanavanaṃ ca “Nandanān”ti avatvā “Mohanān”ti

1. Passissāma (Ka)

2. Suvaṇṇapaṭaṃ (Ṭikā)

3. Garugāravana (Sī), garukabhāvena(Syā)

vadati. **Katham yātrā bhavissatī**ti katham niggamanam¹ bhavissati, katham atikkamo bhavissati, arahattassa me padaṭṭhānabhūtam vipassānam ācikkhatha Bhagavāti vadati.

Atha Bhagavā “atisallikkhateva² ayam devaputto, kim nu kho idan”ti āvajjento attano sāsane pabbajitabhāvaṃ ñatvā “ayam accāraddhavīriyatāya kālam katvā devaloke nibbatto, ajjāpissa caṅkamanasmim yeva attabhāvo asambhinnena sīlena āgato”ti cintesi. Buddhā ca akatābhinivesassa ādikammikassa akataparikkammassa antevāsino cittakāro bhittiparikkammaṃ viya “sīlam tāva sodhehi³, samādhiṃ bhāvehi, kammassakatapaññaṃ ujum karohī”ti paṭhamam pubbhāgappaṭipadam ācikkhanti, kārakassa pana yuttapayuttassa arahattamaggapadaṭṭhānabhūtam saṅhasukhumaṃ suññatāvipassanaṃyeva ācikkhanti, ayam ca devaputtokārako abhinnasīlo, eko maggo assa⁴ anāgatoti suññatāvipassanam ācikkhanto **ujuko nāmāti-ādīmāha**.

Tattha **ujukoti** kāyavaṅkādinam abhāvato aṭṭhaṅgiko maggo ujuko nāma. **Abhayā nāma sā disāti** nibbānam sandhāyāha. Tasmim hi kiñci bhayam natthi, tam vā pattassa bhayam natthīti “abhayā nāma sā disā”ti vuttam. **Ratho akūjanoti** aṭṭhaṅgiko maggo va adhippeto. Yathā hi pākātikaratho akkhe vā anabbhañjite atirekesu vā manussesu abhiruḷhesu kūjati⁵ viravati, na evam ariyamaggo. So hi ekappahārena caturāsītiyāpi paṇasahassee abhiruhantesu na kūjati na viravati. Tasmā “akūjano”ti vutto. **Dhammacakkehi saṃyutoti** kāyikacetasikavīriyasāṅkhātehi dhammacakkehi dhammacakkehi saṃyutto.

Hirīti ettha hiriggahaṇena ottappampi gahitameva hoti. **Tassa apālamboti** yathā bāhirakarathassa rathe ṭhitānam yodhānam apatanatthāya dārumayaṃ apālambanam hoti, evam imassa maggarathassa ajjhatabhiddhāsamuṭṭhānam hirottappam apālambanam. **Satyassa parivāraṇanti** rathassa sīhacammādirivāro viya imassāpi maggarathassa sampayuttā sati parivāraṇam. **Dhammanti**

1. Nikkhamanam (Sī, Syā, Ka)

2. Atisallakkhateva (Syā), atisallekhateva(Ka)

3. Visodhehi (Syā)

4. Cassa (Syā)

5. Kujjati (Syā)

lokuttaramaggaṃ¹. **Sammādiṭṭhipurejavanti** vipassanāsammādiṭṭhipurejavā assa pubbayāyikāti² sammādiṭṭhipurejavo, taṃ sammādiṭṭhipurejavam. Yathā hi paṭhamataram rājapurisehi kāṇakuṇi-ādīnaṃ nīharaṇena magge sodhite pacchā rājā nikkhamati, evamevaṃ³ vipassanāsammādiṭṭhiyā aniccādivasena khandhādīsu sodhitesu pacchā bhūmiladdhavaṭṭaṃ parijānamānā maggasammādiṭṭhi uppajjati. Tena vuttaṃ “dhammāham sārathim brūmi, sammādiṭṭhipurejavan”ti.

Iti Bhagavā desanaṃ niṭṭhāpetvā avasāne cattāri saccāni dīpesi. Desanāpariyosāne devaputto sotāpattiphale patiṭṭhāsi. Yathā hi rañño bhojanakāle attano mukhappamāṇe⁴ kabaḷe ukkhitte aṅke nisinno putto attano mukhappamāṇeneva tato kabaḷam karoti, evamevaṃ Bhagavati arahattanikūṭena desanaṃ desetepi sattā attano upanissayānurūpena sotāpattiphalaḍḍini pāpuṇanti. Ayampi devaputto sotāpattiphalaṃ patvā Bhagavantaṃ gandhādīhi pūjetvā pakkāmiti. . Chaṭṭham.

7. Vanaropasuttavaṇṇanā

47. Sattame **dhammaṭṭhā sīlasampannā**ti ke dhammaṭṭhā, ke sīlasampannāti pucchati. Bhagavā imaṃ pañham thāvaravattunā dīpento **ārāmaropā**ti-ādīmāha. Tattha **ārāmaropā**ti pupphārāmaphalārāmaropakā. **Vanaropā**ti sayamjāte aropimavane⁵ sīmaṃ parikkhipivā cetiyabodhicaṅkamanamaṇḍapakuṭileṇarattiṭṭhānadivāṭṭhānānaṃ kārakā chāyūpage rukkhe ropetvā dadamānāpi vanaropāyeva nāma. **Setukārakā**ti visame setum karonti, udake nāvaṃ paṭiyādentī. **Papanti** pānīyadānasālam. **Udapānanti** yamkiñci pokkharāṇītaḷākādīm. **Upassayanti** vāsāgāram. “Upāsayan”tipi pāṭho.

Sadā puññaṃ pavaḍḍhatīti na akusalavitakkaṃ vā vitakkentassa niddāyantassa vā pavaḍḍhati. Yadā yadā pana anussarati, tadā tadā tassa vaḍḍhati. Imamatthaṃ sandhāya “sadā puññaṃ pavaḍḍhati”ti vuttaṃ. **Dhammaṭṭhā sīlasampannā**ti tasmim dhamme ṭhitattā tenapi sīlena sampannattā dhammaṭṭhā sīlasampannā. Atha

1. Lokuttaradhammaṃ (Ka)

2. Pubbayāyitāti (Ka)

3. Evameva (Syā)

4. Pamāṇena (Sī, Syā)

5. Aropitavane (Syā)

vā evarūpāni puññāni karontānaṃ dasa kusalā dhammā pūrenti, tesu ʘhitattā dhammaṭṭhā. Teneva ca sīlena sampannattā sīlasampannāti. . Sattamaṃ.

8. Jetavanasuttavaṇṇanā

48. Aṭṭhame **idaṃ hi taṃ Jetavananti** Anāthapiṇḍiko devaputto Jetavanassa ceva Buddhādīnañca vaṇṇabhaṇanattamaṃ āgato¹ evamāha. **Isisaṃghanisevanti** bhikkhusaṃghanisevitaṃ.

Evam paṭhamagāthāya Jetavanassa vaṇṇaṃ kathetvā idāni ariyamaggassa kathento **kammaṃ vijjāti-ādimāha**. Tattha **kammanti** maggacetanā. **Vijjāti** maggapaññā. **Dhammoti** samādhipakkhikā dhammā. **Sīlaṃ jīvitamuttamanti** sīle patiṭṭhitassa jīvitaṃ uttamanti dasseti. Atha vā **vijjāti** diṭṭhisankappā. **Dhammoti** vāyāmasatisamādhayo. **Sīlanti** vācākamantājīvā. **Jīvitamuttamanti** etasmim sīle ʘhitassa jīvitaṃ nāma uttamaṃ. **Etena maccā sujjhantīti** etena aṭṭhaṅgikamaggena sattā visujjhanti.

Tasmāti yasmā maggena sujjhanti, na gottadhanchi, tasmā. **Yoniso vicine dhammanti** upāyena samādhipakkhiyadhammaṃ vicineyya. **Evam tattha visujjhatīti** evam tasmiṃ ariyamagge visujjhanti. Atha vā **yoniso vicine dhammanti** upāyena pañcakkhandhadhammaṃ vicineyya. **Evam tattha visujjhatīti** evam tesu catūsu saccesu visujjhanti.

Idāni Sāriputtattherassa vaṇṇaṃ kathento **Sāriputtovāti-ādimāha**. Tattha **Sāriputtovāti** avadhāraṇavacanā², etehi paññādīhi Sāriputtova seyyoti vadati. **Upasamenāti** kilesa-upasamena. **Pāraṃ gatoti** nibbānaṃ gato. Yo koci nibbānaṃ patto bhikkhu, so **etāvaparamo siyā**, na therena uttaritaro nāma atthīti vadati. Sesam uttānamevāti. . Aṭṭhamaṃ.

9. Maccharisuttavaṇṇanā

49. Navame maccharinoti maccherena samannāgatā. Ekacco hi attano vasanaṭṭhāne bhikkhuṃ hattaṃ pasāretvāpi na vandati, aññattha gato

1. Bhagavato (Ka)

2. Avatṭhānavacanāṃ (Syā)

vihāraṃ pavisitvā sakkaccaṃ vanditvā madhurapaṭisaṅghāraṃ karoti
 “bhante amhākaṃ vasanaṭṭhānaṃ nāgacchatha, sampanno padeso, paṭibalā
 mayāṃ ayyānaṃ yāgubhattādīhi upaṭṭhānaṃ kātun”ti. Bhikkhū “saddho
 ayaṃ upāsako”ti yāgubhattādīhi saṅgaṇhanti. Atheko thero tassa gāmaṃ
 gantvā piṇḍāya carati. So taṃ disvā aññena vā gacchati, gharaṃ vā pavisati.
 Sacepi sammukhībhāvaṃ āgacchati, hatthena vanditvā “ayyassa bhikkhaṃ
 detha, ahaṃ ekena kamma gacchāmi”ti pakkamati. Thero sakalagāmaṃ
 caritvā tucchapattova nikkhamati. Idam tāva mudumacchariyaṃ nāma, yena
 samannāgato adāyakopi dāyako viya paññāyati. Idha pana
 thaddhamacchariyaṃ adhippetam, yena samannāgato bhikkhūsu piṇḍāya
 pavitṭhesu “therā ṭhitā”ti vutte “kiṃ mayham¹ pādā rujjanti”ti-ādīni vatvā
 silāthambho viya khāṇuko viya ca thaddho hutvā tiṭṭhati, sāmīcimpi na
 karoti. **Kadariyāti** idam maccharinoti padasseva vevacanaṃ. Mudukampi hi
 macchariyaṃ “macchariyaṃ”teva vuccati, thaddham pana kadariyaṃ nāma.
Paribhāsakāti bhikkhū gharadvāre ṭhite disvā “kiṃ tumhe kasitvā āgatā,
 vapitvā, layitvā, mayāṃ attanopi na labhāma, kuto tumhākaṃ, siṅgham
 nikkhamathā”ti-ādīhi saṃtājṇakā². **Antarāyakarāti** dāyakassa saggantarāyo,
 paṭiggāhakaṇaṃ lābhantarāyo, attano upaghātoti imesaṃ antarāyānaṃ
 kārakā.

Samparāyoti paraloko. **Ratīti** pañcakāmaguṇarati. **Khiḍḍāti**
 kāyikakhiḍḍādikā tividhā khiḍḍā. **Diṭṭhe dhammesa vipākoti** tasmiṃ
 nibbattabhavane³ diṭṭhe dhamme esa vipāko. **Samparāye ca duggatīti**
 “yamalokaṃ upapajjare”ti vutte samparāye⁴ ca duggati.

Vadaññūti bhikkhū gharadvāre ṭhitā kiñcāpi tuṅhīva honti, atthato pana
 “bhikkhaṃ dethā”ti vadanti nāma. Tatra ye “mayāṃ pacāma, ime pana na
 pacanti, pacamāne patvā alabhantā kuhiṃ labhissanti”ti deyyadhammaṃ
 saṃvibhajanti, te vadaññū nāma. **Pakāsantīti** vimānappabhāya jotanti.
Parasambhatesūti parehi sampiṇḍitesu. **Samparāye ca suggatīti** “ete

1. Tuyham (Ka)

3. Nibbattaṭṭhāne (Sī,Syā)

2. Saṃtājṇitā(Ka)

4. Vutto samparāyo(Syā)

saggā”ti evaṃ vuttasamparāye¹ sugati. Ubhinnampi vā etesaṃ tato cavitvā puna samparāyepi duggatisugatiyeva hotīti². . Navamaṃ.

10. Ghatikārasuttavaṇṇanā

50. Dasame **upapannāseti** nibbattivasena upagatā. **Vimuttāti** avihābrahmalokasmiṃ upapattisamanantameva arahattaphalavimuttiyā vimuttā. **Mānusaṃ dehanti** idha pañcorambhāgiyasaṃyojanāni eva vuttāni. **Dibbayoganti** pañca uddhambhāgiyasaṃyojanāni. **Upaccagunti** atikkamimsu. **Upakoti-ādini** tesam therānam nāmāni. **Kusalī bhāsasī tesanti** “kusalan”ti idaṃ vacanam imassa atthīti **kusalī**, tesam therānam tvam kusalam anavajjam³ bhāsasi, thomesi pasamsasi, paṇḍitosi devaputtāti vadati. **Taṃ te dhammaṃ idhaññāyāti** te therā taṃ dhammaṃ idha tumhākaṃ sāsane jānitvā. **Gambhīranti** gambhīrattham. **Brahmacārī nirāmisoti** nirāmisabrahmacārī nāma anāgāmī, anāgāmī ahosinti attho. **Ahuvāti** ahosi. **Sagāmeyyoti** ekagā mavāsī. Pariyosānagāthā saṅgītikārehi thapitāti. . Dasamaṃ.

Ādittavaggo pañcamaṃ.

6. Jarāvagga

1. Jarāsuttavaṇṇanā

51. Jarāvaggassa paṭhame **sādhūti** laddhakaṃ bhaddakaṃ. **Sīlam yāva jarāti** iminā idaṃ dasseti—yathā muttāmaṇirattavatthādīni⁴ ābharaṇāni taruṇakāleyeva sobhanti, jarājiṇṇakāle tāni dhārento “ayaṃ ajjāpi bhālabhāvaṃ pattheti, ummattako maññe”ti vattabataṃ āpajjati, na evaṃ sīlam. Sīlañhi niccakālam sobhati. Bālakālepi hi sīlam rakkhantaṃ “kiṃ imassa sīlenā”ti vattāro natthi, majjhimakālepi mahallakakālepīti.

1. Vuttasamparāyo (Sī, Syā)

2. Duggatisugatiyo ca hotīti (Syā)

3. Kusalī anavajji (Syā, Ka)

4. Muttāmaṇiratanavattādīni (Sī, Syā)

Saddhā sādhu patiṭṭhitāti Hatthāḷavakacittagahapati-ādīnaṃ viya maggena āgatā patiṭṭhitasaddhā nāma sādhu. **Paññā narānaṃ ratananti** ettha cittīkataṭṭhādīhi ratanaṃ veditabbaṃ. Vuttaṃ hetam—

“Yadi cittīkatanti ratanaṃ, nanu Bhagavā cittīkato purisasīho, ye ca loke cittīkatā, tesam cittīkato Bhagavā. Yadi ratikaranti¹ ratanaṃ, nanu Bhagavā ratikaro purisasīho, tassa vacanena carantā jhānaratisukhena abhiraṃanti. Yadi atulyanti ratanaṃ, nanu Bhagavā atulo² purisasīho. Na hi sakkā tuletum guṇehi guṇapāramim gato. Yadi dullabhanti ratanaṃ, nanu Bhagavā dullabho purisasīho. Yadi anomasattaparibhoganti ratanaṃ, nanu Bhagavā anomo sīlena samādhinā paññāya vimuttiyā vimuttiñāṇadassanena³”ti.

Idha pana dullabhapātubhāvaṭṭhena paññā “ratanan”ti vuttaṃ. **Puññanti** puññacetanā, sā hi arūpattā pariharitum na sakkāti. . Paṭhamam.

2. Ajarasāsuttavaṇṇanā

52. Dutiye **ajarasāti** ajiraṇena, avipattiyāti attho. Sīlam hi avipannameva sādhu hoti, vipannasīlam ācariyupajjhāyādayopi na saṅgaṇhanti, gatagataṭṭhāne niddhamitabbova³ hotīti. . Dutiyaṃ.

3. Mittasuttavaṇṇanā

53. Tatiye **satthoti** saddhimcaro⁴ jaṅghasattho vā sakaṭasattho vā. **Mittanti** roge uppanne pāṅkiyā vā aññena vā yānena haritvā khemantasampāpanena mittam. **Sake ghareti** attano gehe. Tathārūpe roge jāte puttabhariyādayo jigucchanti, mātā pana asucimpi candanaṃ viya maññati. Tasmā sā sake ghare mittam. **Sahāyo atthajātassāti** uppannakiccessa yo tam kiccaṃ vahati nittharati, so kiccesu saha ayanabhāvena sahāyo mittam, surāpānādisahāyā pana na mittā. **Samparāyikanti** samparāyahitam. . Tatiyaṃ.

1. Ratikatanti (Sī)

3. Gatagataṭṭhānena damitabbova (Syā)

2. Atulyo (Syā)

4. Saddhicaro (Syā)

4. Vatthusuttavaṇṇanā

54. Catutthe **puttā vatthūti** mahallakakāle¹ paṭijagganaṭṭhena puttā patiṭṭhā. **Paramoti** aññesaṃ akathetabbassapi guyhassa kathetabbayuttatāya bhariyā paramo sakhā nāma². . Catuttham.

5-7. Paṭhamajanasuttādivaṇṇanā

55-57. Pañcame **vidhāvatīti** parasamuddādīgamanavasena ito cito ca vidhāvati. Chaṭṭhe **dukkhāti** vaṭṭadukkhato. Sattame **parāyaṇanti** nipphatti avassayo. . Sattamam.

8. Uppathasuttavaṇṇanā

58. Aṭṭhame **rāgo uppathoti** sugatiñca nibbānañca gacchantassa amaggo. **Rattindivakkhayoti** rattidivehi, rattidivesu vā khīyati³. **Itthi malanti** sesaṃ bāhiramalaṃ bhasmakhārādīhi⁴ dhovivā sakkā sodhetum, mātugāmamalena duṭṭho pana na sakkā suddho nāma kātunti itthi “malan”ti vuttā. **Etthāti** ettha itthiyaṃ pajā sajjati. **Tapoti** indriyaṃ varadhutaṅgaguṇavīriyadukkarakārikānaṃ nāmaṃ, idha pana ṭhapetvā dukkarakārikaṃ sabbāpi kilesasantāpikā paṭipadā vaṭṭati. **Brahmacariyanti** methunavirati. . Aṭṭhamam.

9. Dutiyasuttavaṇṇanā

59. Navame **kissa cābhiratoti** kismiṃ abhirato. **Dutiyāti** sugatiñceva nibbānañca gacchantassa dutiyikā⁵. **Paññā cenam pasāsati** paññā etaṃ purisaṃ “idaṃ karohi, idaṃ mākarī”ti anusāsati. . Navamam.

10. Kavisuttavaṇṇanā

60. Dasame **chando nidānanti** gāyatti-ādiko chando gāthānaṃ nidānaṃ. Pubbapaṭṭhāpanagāthā⁶ ārabhanto hi “kataracchandena hotū”ti⁷

1. Mahallakabhāvakāle (Syā)

2. Paramā sakhā nāmāti (Syā), paramāsakhā nāma (Ka)

3. Rattīhi divehi ca khīyati (Syā)

4. Osaṅdhārādīhi (Syā), usakhārādīhi (Ka)

6. Pubbavuṭṭhānaṃ pana gātham (Syā), pubbavuṭṭhāpanagāthā(Ka)

5. Dutiyakā (Syā)

7. Hotīti (Si)

ārabhati. **Viyañjananti** jananam. Akkharam hi padam janeti, padam gātham janeti, gāthā attham pakāsetīti. **Nāmasannissitāti** samuddādipaṇṇattinissitā. Gāthā ārabhanto hi samuddam vā pathaviṃ vā yaṃ kiñci nāmaṃ nissayitvā¹ ārabhati. **Āsayoti** patiṭṭhā. Kavito hi gāthā pavattanti, so tāsam patṭhā hotīti. . Dasamaṃ.

Jarāvaggo chaṭṭho.

7. Addhavagga

1. Nāmasuttavaṇṇanā

61. Addhavaggassa² paṭhame **nāmaṃ sabbaṃ addhabhavīti**³ nāmaṃ sabbaṃ abhibhavati anupatati. Opapātikena vā hi kittimena vā nāmena⁴ mutto satto vā saṅkhāro vā natthi. Yassapi hi rukkhassa vā pāsāṇassa vā “idaṃ nāma nāmaṃ”ti na jānanti, anāmakotveva tassa nāmaṃ hoti. . Paṭhamam.

2-3. Cittasuttādivaṇṇanā

62-63. Dutiye **sabbeva vasamanvagūti** ye cittassa vasaṃ gacchanti, tesamyeva anavasesapariyādānametaṃ. Tatiyepi eseva nayo. . Tatiyam.

4-5. Saṃyojanasuttādivaṇṇanā

64.65. Catutthe **kiṃsu saṃyojanoti** kiṃsaṃyojano kiṃbandhano. **Vicāraṇanti** vicaraṇāpādāni. Bahuvacane ekavacanam katam. **Vitakkassa vicāraṇanti** vitakko tassa pādā. Pañcamepi eseva nayo. . Pañcamam.

6. Attahatasuttavaṇṇanā

66. Chaṭṭhe **kenassubbhāhatoti** kena abbhāhato. Su-kāro nipātamattam. **Ichchādhūpāyitoti**⁵ icchāya āditto. . Chaṭṭham.

1. Sannissitvāva (Syā)

2. Anvavaggassa (Sī), andhavaggassa (Syā), anvabhūvaggassa (Ka)

3. Anvabhavīti (Sī), andhabhavīti (Syā)

4. Opāpatikena bāhirakittimena nāmena (Syā)

5. Ichchādhūmayitoti (Sī, Syā)

7-9. Uḍḍitasuttādivaṇṇanā

67-69. Sattame **taṇhāya raḍḍī**toti taṇhāya ullaṅghito. Cakkhuñhi taṇhārajjunā āvunitvā rūpanāgadante uḍḍitam, sotādīni saddādīsūti taṇhāya uḍḍito loko. **Maccunā pihito**ti anantare attabhāve kataṃ kammaṃ na dūraṃ ekacittantaraṃ, balavatiyā pana māraṇantikavedanāya pabbatena viya otthaṭṭā sattā taṃ na bujjhantīti “maccunā pihito loko”ti vuttaṃ. Aṭṭhame sveva pañho devatāya heṭṭhupariyāyavasena pucchito. Navame sabbam uttānameva. . Navamaṃ.

10. Lokasuttavaṇṇanā

70. Dasame **kismim loko samuppannoti** kismim uppanne loko uppannoti pucchati¹. **Chasūti** chasu ajjhattikesu āyatanesu uppannesu uppannoti vuccati. **Chasu kubbatīti** tesuyeva chasu santhavaṃ karoti. **Upādāyāti** tāniyeva ca upādāya āgamma paṭicca pavattati. **Vihaññatīti** tesuyeva chasu vihaññati pīḷiyati. Iti ajjhattikāyatanavasena ayaṃ pañho āgato, ajjhattikabāhirānaṃ pana vasena āharitum vaṭṭati. Chasu hi ajjhattikāyatanesu uppannesu ayaṃ uppanno nāma hoti, chasu bāhiresu santhavaṃ karoti, channaṃ ajjhattikānaṃ upādāya chasu bāhiresu vihaññatīti. . Dasamaṃ.

Addhavaggo sattamo.

8. Chetvāvagga

1. Chetvāsuttavaṇṇanā

71. Chetvāvaggassa² paṭhame **chetvāti**³ vadhitvā. **Sukhaṃ setīti** kodhapariḷāhena aparidayhamānattā sukhaṃ sayati. **Na socatīti** kodhavināsenā⁴ vinaṭṭhadomanassattā na socati. **Visamūlassāti**

1. Vuccati (Sī, Syā)

3. Jhatvāti(Sī), ghatvāti (Syā)

2. Jhatvāvaggassa (Sī), ghatvāvaggassa(Syā)

4. Kopachedanena (Ka)

dukkhavipākassa. **Madhuraggassā**ti kuddhassa paṭikujjhivā, akkuṭṭhassa¹ paccakkositvā, pahaṭassa ca paṭipaharivā sukhaṃ uppajjati, taṃ sandhāya madhuraggoti vutto. Imasmim hi ṭhāne pariyosānaṃ agganti vuttaṃ. **Ariyā**ti Buddhādayo. . Paṭhamam.

2. Rathasuttavaṇṇanā

72. Dutiye paññāyati etenāti **paññānaṃ**. **Dhajo rathassā**ti mahantasmim hi saṅgāmasīse dūratova dhajam disvā “asukarañño nāma ayaṃ ratho”ti ratho pākaṭo hoti. Tena vuttaṃ “dhajo rathassa paññānaṃ”ti. **Aggi**pi dūratova dhūmena paññāyati. Coḷaraṭṭham paṇḍuraṭṭhanti evaṃ **raṭṭham**pi raññā paññāyati. Cakkavattirañño dhītāpi pana **itthi** “asukassa nāma bhariyā”ti bhattāraṃ patvāva² paññāyati. Tasmā **dhūmo paññānamagginoti**-ādi vuttaṃ. . Dutiyaṃ.

3. Vittasuttavaṇṇanā

73. Tatiye **saddhīdha vittanti** yasmā saddho saddhāya muttamaṇi-ādīnipi vittāni labhati, tissopi kulasampadā, cha kāmasaggāni, nava brahmaloke patvā pariyosāne Amatamahānibbānadassanampi labhati, tasmā maṇimuttādīhi vittehi saddhāvittameva seṭṭham. **Dhammoti** dasakusalakammapho. **Sukhamāvahatī**ti sabbampi sāsavanāsavaṃ asaṃkiliṭṭhasukhaṃ āvahati. **Sādutaranti** lokasmim loṇambilādīnaṃ sabbarasānaṃ saccameva madhuratarānaṃ. Saccasmim hi ṭhitā sīghavegaṃ nadimpi nivattenti, visampi nimmaddenti, aggimpi paṭibāhanti, devampi vassāpenti, tasmā taṃ sabbarasānaṃ madhurataranti vuttaṃ. **Paññājīvim jīvitamāhu seṭṭhanti** yo paññājīvi gahaṭṭho samāno pañcasu sīlesu paṭiṭṭhāya salākabhaddāni paṭṭhapetvā paññāya jīvati, pabbajito vā pana dhammena uppanne paccaye “idamatthan”ti paccavekkhitvā paribhuñjanto kammatthānaṃ ādāya vipassanaṃ paṭṭhapetvā ariyaphalādhigamavasena paññāya jīvati, taṃ paññājīvim puggalaṃ seṭṭham jīvitaṃ jīvātīti āhu. . Tatiyaṃ.

1. Akkosassa (Ka)

2. Bhattarāva (Syā)

4. Vuṭṭhisuttavaṇṇanā

74. Catutthe **bijanti** uppatantānaṃ sattavidhaṃ dhaññabijaṃ seṭṭhaṃ. Tasmim̐ hi uggate janapado khemo hoti subhikkho. **Nipatatanti** nipatantānaṃ meghavuṭṭhi seṭṭhā. Meghavuṭṭhiyaṃ hi sati vividhāni sassāni uppajjanti, janapadā phitā honti khemā subhikkhā. **Pavajamānānanti** jaṅgamānaṃ¹ padasā caramānānaṃ gāvo seṭṭhā. Tā nissāya hi sattā pañca gorase paribhuñjamānā sukhaṃ viharanti. **Pavadatanti** rājakulamajjhādīsu vadantānaṃ putto varo. So hi mātāpitūnaṃ anattāhavaṃ na vadati.

Vijjā uppatataṃ seṭṭhāti purimapañhe kira sutvā samīpe ṭhitā ekā devatā “devate kasmā tvaṃ etaṃ pañhaṃ dasabalaṃ pucchasi, ahaṃ te kathessāmi”ti atthano khantiyā laddhiyā pañhaṃ kathesi. Atha naṃ itarā devatā āha “yāva padhaṃsī vadesi devate² yāva pagabbhā mukharā, ahaṃ Buddhaṃ Bhagavantaṃ pucchāmi, tvaṃ mayhaṃ kasmā kathesi”ti nivattetvā tadeva pañhaṃ Dasabalaṃ pucchi. Athassā Satthā vissajjento **vijjā uppatatanti**-ādimāha. Tattha **vijjāti** catumaggavijjā. Sā hi uppatamānā³ sabbākusaladhamme samugghātetī. Tasmā “uppatataṃ seṭṭhā”ti vuttā. **Avijjāti** vaṭṭamūlakamahā-avijjā. Sā hi nipatantānaṃ osīdantānaṃ varā. **Pavajamānānanti** padasā caramānānaṃ jaṅgamānaṃ anomapuññakkhettabhūto saṃgho varo. Tañhi tattha tattha disvā pasannacittā sattā sotthim̐ pāpuṇanti. **Buddhoti** yādiso putto vā hotu añño vā, yesaṃ kesañci vadamānānaṃ Buddho varo. Tassa hi dhammadesanaṃ āgamma anekasatasahassānaṃ pāṇānaṃ bandhanamokkho hotīti. .
Catutthaṃ.

5. Bhītāsuttavaṇṇanā

75. Pañcame **kiṃsūda bhītāti** kiṃ bhītā. **Maggo canekāyatanappavuttoti** aṭṭhatim̐ sārammaṇavasena anekehi kāraṇehi kathito. Evaṃ sante kissa bhītā hutvā ayaṃ janatā dvāsaṭṭhi diṭṭhiyo aggahesīti vadati. **Bhūripaṇṇāti** bahupañña ussannapañña. **Paralokaṃ na bhāyeyi** imasmā lokā paraṃ lokaṃ gacchanto na bhāyeyya. **Panidhāyāti** ṭhapetvā.

1. Jaṅgamamānānaṃ (Syā) 2. Yāva dhaṃsī devate (Syā) 3. Uppajjamānā (Syā)

Bahvannapānaṃ gharamāvasantoti Anāthapiṇḍikādayo viya bahvannapāne ghare vasanto. **Samvibhāgīti** accharāya gahitampi nakhena phāletvā parassa datvāva bhujjanasīlo. **Vadaññūti** vuttatthameva.

Idāni gāthāya aṅgāni uddharitvā dassetabbāni. “Vācan”ti hi iminā cattāri vacīsucaritāni gahitāni, “manenā”tipadena tīṇi manosucaritāni, “kāyenā”tipadena tīṇi kāyasucaritāni. Iti ime dasa kusalakammamapathā pubbasuddhi-aṅgaṃ nāma¹. **Bahvannapānaṃ gharamāvasantoti** iminā yañña-upakkarho gahito. **Saddho** ekamaṅgaṃ, **mudūti** ekaṃ, **samvibhāgīti** ekaṃ, **vadaññūti** ekaṃ. Iti imāni cattāri aṅgāni sandhāya “etesu dhammesu ṭhito catūsū”ti āha.

Aparopi pariyāyo—vācanti-ādīni tīṇi aṅgāni, bahvannapānanti iminā yañña-upakkarova gahito, saddho mudū samvibhāgī vadaññūti ekaṃ aṅgaṃ. Aparo dukanayo nāma hoti. “Vācaṃ manañcāti idamekaṃ aṅgaṃ, “kāyena pāpāni akubbamāno bahvannapānaṃ gharamāvasanto”ti ekaṃ, “saddho mudū”ti ekaṃ, “samvibhāgī vadaññū”ti ekaṃ. Etesu catūsū dhammesu ṭhito dhamme ṭhito nāma hoti. So ito paralokaṃ gacchanto na bhāyati. . Pañcamāṃ.

6. Najīratissuttavaṇṇanā

76. Chaṭṭhe **nāmagottaṃ na jīratīti** atītabuddhānaṃ yāvajjadivasā nāmagohtaṃ kathiyati, tasmā na jīratīti vuccati. Porāṇā pana² “addhāne gacchante na paññāyissati, jīraṇasabhāvo³ pana na hotiyevā”ti vadanti. **Ālasyanti** ālasiyaṃ, yena ṭhitaṭṭhāne ṭhitova, nisinnaṭṭhāne nisinnova hoti, telepi uttarante ṭhitim⁴ na karoti. **Pamādoti** niddāya vā kilesavasena vā pamādo. **Anuṭṭhānanti** kammamāyāye kammakaraṇavīriyābhāvo. **Asamīyamoti** sīlasaññamābhāvo vissatṭhācārātā. **Niddāti** soppabahulatā. Tāya gacchantopi ṭhitopi nisinnopi niddāyati, pageva nipanno. **Tandīti** aticchātādivasena āgantukālasiyaṃ. **Te chiddeti** tāni cha chiddāni vivarāni.

1. Pubbasuddhi-aṅgā nāma (Syā) 2. Porāṇanāmassa (Ka) 3. Jīraṇasabhāvaṃ (Syā)

4. Telepi uttarante uṭṭhitim (Sī), kesepi uttarante tinte (Syā)

Sabbasoti sabbākārena. **Tanti** nipātamattam. **Vivajjayeti** vajjeyya jaheyya. . Chaṭṭham.

7. Issariyasuttavaṇṇanā

77. Sattame **satthamalanti** malaggahitasattham. **Kimsu harantam vārentīti** kam harantam nisedhenti. **Vasoti** āṇāpavattanam. **Itthīti** avossajjanīyabhaṇḍattā “itthī bhaṇḍānamuttamam, varabhaṇḍan”ti āha. Atha vā sabbepi bodhisattā ca cakkavattino ca mātukucchiyaṃyeva nibbattantīti “itthī bhaṇḍānamuttaman”ti āha. **Kodho satthamalanti** kodho malaggahitasatthasadiṣo, paññāsathassa vā malanti satthamalam. **Abbudanti** vināsakāraṇam, corā lokasmiṃ vināsakāti attho. **Harantoti** salākabhaddānī gahetvā gacchanto. Salākabhaddānī hi paṭṭhapitakāleyeva manussehi pariccattāni. Tesam tāni haranto samaṇo piyo hoti, anāharante puññahānīm nissāya vippaṭisārino honti. . Sattamam.

8. Kāmasuttavaṇṇanā

78. Aṭṭhame **attānam na dadeti** parassadāsam katvā attānam na dadeyya ṭhapetvā sabbabodhisatteti vuttam. **Na pariccajēti** sīhabyagghādīnam na pariccajeyya sabbabodhisatte ṭhapetvāyevāti vuttam. **Kalyāṇanti** saṇham mudukam. **Pāpikanti** pharisam vācam. . Aṭṭhamam.

9. Pātheyyasuttavaṇṇanā

79. Navame **saddhā bandhati pātheyyanti** saddham uppādetvā dānam deti, sīlam rakkhati, uposathakammaṃ karoti, tenetam vuttam. **Sirīti** issariyam. **Āsayoti** vasanaṭṭhānam. Issariye hi abhimukhībhūte thalatopi jalatopi bhogā āgacchantiyeva. Tenetam vuttam. **Parikassatīti** parikaḍḍhati. . Navamam.

10. Pajjotasuttavaṇṇanā

80. Dasame **pajjototi** padīpo viya hoti. **Jāgaroti** Jāgarabrāhmaṇo¹ viya hoti. **Gāvo kamme sajīvānanti** kammena saha

1. Jāgarikabrāhmaṇo (Syā)

jīvantānaṃ gāvova kamme kammahāyā kammadutiyakā nāma honti, gomaṇḍalehi saddhiṃ kasikkammādīni nipphajjanti. **Sītassa iriyāpathoti** sītāṃ assa sattakāyassa iriyāpatho jīvitavutti. **Sītanti** naṅgalāṃ. Yassa hi naṅgalehi¹ khettaṃ appamattakampi kaṭṭhaṃ na hoti, so kathaṃ jīvissatī² vadati. . Dasamaṃ.

11. Araṇasuttavaṇṇanā

81. Ekādasame **araṇāti** nikkilesā. **Vusitanti** vusitavāso. **Bhojissiyanti** adāsabhāvo. **Samaṇāti** khīṇāsavasamaṇā. Te hi ekantena araṇā nāma. **Vusitaṃ na nassatīti** tesāṃ ariyamaggavāso na nassati. **Parijānantīti** puthujjanakalyāṇakato paṭṭhāya sekha³ lokiyalokuttarāya pariññāya parijānanti. **Bhojissiyanti** khīṇāsavasamaṇānaṃyeva niccaṃ bhujissabhāvo nāma. **Vandantīti** pabbajitadivasato paṭṭhāya vandanti. **Patitṭhitanti** sīle patitṭhitāṃ. **Samaṇidhāti** samaṇaṃ idha. **Jātihīnanti** api caṇḍālakulā pabbajitāṃ. **Khattiyāti** na kevalaṃ khattiyāva, devāpi sīlasampannaṃ samaṇaṃ vandantiyevāti. . Ekādasamaṃ.

Chetvāvaggo aṭṭhamo.

Iti Sāratthappakāsiniyā Saṃyuttanikāyaṭṭhakathāya

Devatāsāmyuttavaṇṇanā niṭṭhitā.

1. Naṅgalena (Sī, Syā)

2. Jīvissāmīti (Syā, Ka)

3. Sekhāya (Sī)

2. Devaputtasamyutta

1. Paṭhamavagga

1. Paṭhamakassapasuttavaṇṇanā

82. Devaputtasamyuttassapaṭhame **deva puttotidevānaṃ** hi aṅke nibbattā purisā devaputtā nāma, itthiyo devadhītarō nāma honti. Nāmasasena apākaṭṭhāva “aṅṅatarā devatā”ti vuccati, pākaṭṭho “itthannāmo dovaputto”ti. Tasmā heṭṭhā “aṅṅatarā devatā”ti vatvā idha “devaputto”ti vuttaṃ. **Anusāsanti** anusīṭṭhiṃ. Ayaṃ kira devaputto Bhagavatā sambodhito sattame vasse yamakapāṭihāriyaṃ katvā tidasapure vassaṃ upagamma abhidhammaṃ desentena jhānavibhaṅge “bhikkhūti samaṅṅāya bhikkhu, paṭiṅṅāya bhikkhū”ti¹ evaṃ bhikkhuniddesaṃ kathiyamānaṃ assosi. “Evaṃ vitakketha, mā evaṃ vitakkayittha, evaṃ manasikarotha, mā evaṃ manasākattha, idaṃ pajahatha, idaṃ upasampajja viharathā”ti² evarūpaṃ pana bhikkhu-ovādaṃ bhikkhu-anusāsanaṃ na assosi. So taṃ sandhāya “bhikkhuṃ Bhagavā pakāsesi, no ca bhikkhuno anusāsaṃ”ti āha.

Tena hīti yasmā mayā bhikkhuno anusīṭṭhi na pakāsitāti vadasi, tasmā. **Taṅṅevettha paṭibhātūti** tuyhevesā anusīṭṭhipakāsanā upaṭṭhātūti. Yo hi paṅṅhaṃ kathetukāmo hoti, na ca sakkoti sabbaṅṅutaṅṅaṅṅena saddhiṃ saṃsanditvā kathetuṃ. Yo vā na kathetukāmo hoti, sakkoti pana kathetuṃ. Yo vā neva kathetukāmo hoti, kathetuṃ na ca sakkoti. Sabbesampi tesāṃ Bhagavā paṅṅhaṃ bhāraṃ na karoti. Ayaṃ pana devaputto kathetukāmo ceva, sakkoti ca kathetuṃ. Tasmā tasseva bhāraṃ karonto Bhagavā evamāha. Sopi paṅṅhaṃ kathesi.

Tattha **subhāsītassa sikkhethāti** subhāsitaṃ sikkheyya, catusaccanissitaṃ dasakathāvatthunissitaṃ sattatimsabodhipakkhiyanissitaṃ catubbidhaṃ vacīsucaritameva sikkheyya. **Samaṅṅupāsanaṃ cāti** samaṅṅhi upāsitaṃ³

1. Abhi 2. 254 piṭṭhe.

2. Vi 1. 9 piṭṭhe.

3. Upāsevitabbaṃ (Syā)

samaṇūpāsanaṃ nāma aṭṭhatimsabhedam kammaṭṭhānam, tampi sikkheyya bhāveyyāti attho. Bahussutānam vā bhikkhūnam upāsanaṃ¹ samaṇūpāsanaṃ, tampi “kiṃ bhante kusalan”ti-ādinā pañhapucchanena paññāvuddhattham sikkheyya. **Cittavūpasamassa cāti** aṭṭhasamāpattivasena cittavūpasamaṃ sikkheyya. Iti devaputtena tisso sikkhā kathitā honti. Purimapadena hi adhisīlasikkhā kathitā, dutiyapadena adhipaññāsikkhā, cittavūpasamena adhicittasikkhāti evaṃ imāya gāthāya sakalampi sāsanaṃ pakāsītameva hoti. . Paṭhamam.

2. Dutiyakassapasuttavaṇṇanā

83. Dutiye **jhāyī**ti dvīhi jhānehi jhāyī. **Vimuttacittoti** kammaṭṭhānavimuttiyā vimuttacitto. **Hadayassānupattinti** arahattam. **Lokassā**tisaṅkhāralokassa. **Anissitoti** taṇhādiṭṭhihi anissito, taṇhādiṭṭhiyo vā anissito. **Tadānisamsoti** arahattānisamsa. Idam vuttam hoti— arahattānisamsa bhikkhu arahattam patthento jhāyī bhaveyya, suvimuttacitto bhaveyya, lokassa udayabbayaṃ ṇatvā anissito bhaveyya. Tantidhammo pana imasmim sāsane pubbabhāgoti². . Dutiyaṃ.

3-4. Māghasuttādivaṇṇanā

84-85. Tatiye **Māghoti** Sakkassetam nāmam. Sveva vattena³ aññe abhibhavitvā devissariyaṃ pattoti **vatrabhū**, vatanāmakam vā Asuraṃ abhibhavatīti vatrabhū. Catuttham vuttatthameva. . Catuttham.

5. Dāmalisuttavaṇṇanā

86. Pañcame **na tenāsī**sate bhavaṃti tena kāraṇena yaṃ kiñci bhavaṃ na pattheti. Āyatapaggaho⁴ nāmesa devaputto, khīṇāsavassa kiccavosaṇam natthi. Khīṇāsavena hi ādito arahattappattiyā vīriyaṃ

1. Upasaṅkamaṇam (Syā, Ka)

2. Sabbapubbabhāgoti (Sī, Syā)

3. Vatena (Ṭīkā)

4. Āyatipaggaho (Sī), āyatapaggāho (Syā)

kataṃ, aparabhāge mayā arahattaṃ pattanti mā tuṅhī bhavatu¹, tatheva vīriyaṃ daḷhaṃ karotu parakkamatūti cintetvā evamāha.

Atha Bhagavā “ayaṃ devaputto khīṇāsavassa kiccavosānaṃ akathento mama **sāsanam** aniyyānikaṃ katheti, kiccavosānamassa kathessāmi”²ti² cintetvā **natthi kiccanti**-ādimāha. Tīsu kira piṭakesu ayaṃ gāthā asaṃkiṇṇā. Bhagavatā hi aññattha vīriyassa doso nāma dassito natthi. Idha pana imaṃ devaputtaṃ paṭibāhitvā “khīṇāsavena pubbhāge āsavakkhayatthāya araṇṇe vasantena kammaṭṭhānaṃ ādāya vīriyaṃ kataṃ, aparabhāge sace icchati, karotu, no ce icchati, yathāsukhaṃ viharatū”³ti khīṇāsavassa kiccavosānadassanatthaṃ evamāha. Tattha **gādhanti** patiṭṭhaṃ. . Pañcamam.

6. Kāmadassuttavaṇṇanā

87. Chaṭṭhe **dukkaranti** ayaṃ kira devaputto pubbayogāvacarō bahalakilesatāya sappayogena kilese vikkhambhento samaṇadhammaṃ katvā pubbūpanissayamandatāya ariyabhūmiṃ appatvāva kālaṃ katvā devaloke nibbatto, so “Tathāgatassa santikaṃ gantvā dukkarabhāvaṃ ārocessāmi”³ti āgantvā evamāha. Tattha **dukkaranti** dasapi vassāni -pa-saṭṭhipi yadetaṃ ekantaparissuddhassa samaṇadhammassa karaṇaṃ nāma, taṃ dukkaraṃ. **Sekhāti** satta sekhā. **Sīlasamāhitāti** sīlena samāhitā samupetā. **Ṭhitattāti** patiṭṭhitasabhāvā³. Evaṃ pucchitapaṇhaṃ vissajjetvā idāni uparipañhasamuṭṭhāpanatthaṃ **anagāriyupetassāti**-ādimāha. Tattha **anagāriyupetassāti** anagāriyaṃ niggehabhāvaṃ upetassa. Sattabhūmikepi hi pāsāde vasanto bhikkhu vuḍḍhatarena āgantvā “mayhaṃ idaṃ pāpuṇāti”³ti vutte pattacīvaraṃ ādāya nikkhamateva. Tasmā “anagāriyupeto”³ti vuccati. **Tuṭṭhīti** catupaccayasantoso. **Bhāvanāyāti** cittavūpasamabhāvanāya.

Te chetvā maccuno jālanti ye rattindivaṃ indriyūpasame ratā, te dussamādahaṃ cittaṃ samādahanti. Ye ca samāhitacittā, te catupaccayasantosam pūrentā na kilamanti. Ye santuṭṭhā, te sīlam pūrentā na

1. Bhava, taṃ (Syā)

2. Dassissāmīti (Syā)

3. Ṭhitasabhāvā (Syā)

kilamanti. Ye sīle patiṭṭhitā satta sekhā, te ariyā maccuno jālasaṅkhātāṃ kilesajālaṃ chinditvā gacchanti. **Duggamoti** saccametaṃ bhante, ye indriyūpasame ratā, te dussamādahaṃ samādahanti -pa-. Ye sīle patiṭṭhitā, te maccuno jālaṃ chinditvā gacchanti, kiṃ na gacchissanti, ayaṃ pana duggamo Bhagavā visamo maggoti āha. Tattha kiñcāpi ariyamaggo neva duggamo na visamo, pubbabhāgapaṭipadāya panassa bahū parissayā hoti. Tasmā evaṃ vutto. **Avamsirāti** nīṇasirena adhosirā hutvā papatanti. Ariyamaggaṃ ārohituṃ asamatthatāyeva ca te¹ anariyamagge papatantīti ca vuccanti. **Ariyānaṃ samo maggoti** sveva maggo ariyānaṃ samo hoti. **Visame samāti** visamepi sattakāye samāyeva. . Chaṭṭhaṃ.

7. Pañcālacaṇḍasuttavaṇṇanā

88. Sattame **sambādheti** nīvaraṇasambādhaṃ kāmagaṇasambādanti dve sambādha. Tesu idha nīvaraṇasambādhaṃ adhippetāṃ. **Okāsanti** jhānassetāṃ nāmaṃ. **Paṭilīnanisabhoti** paṭilīnasetṭho. Pṭilīno nāma pahīnamāno vuccati. Yathāha—“kathaṅca bhikkhave bhikkhu paṭilīno hoti. Idha bhikkhave bhikkhuno asmimāno pahīno hoti ucchinnamūlo tālāvatthukato anabhāvaṅkato āyahim anuppādadhammo”². **Paccalattamaṃsūti** paṭilabhiṃsu. **Sammā teti**³ ye nibbānapattiyā satim paṭilabhiṃsu, te lokuttarasamādhināpi susamāhitāti missakajjhānaṃ kathitaṃ. . Sattamaṃ.

8. Tāyanasuttavaṇṇanā

89. Aṭṭhame **purāṇatitthakaroti** pubbe titthakaro. Ettha ca titthaṃ nāma dvāsaṭṭhi diṭṭhiyo, titthakaro nāma tāsāṃ uppādako satthā. Seyyathidaṃ? Nando vaccho⁴ kiso saṅkicco. Puraṇādayo pana titthiyā nāma. Ayaṃ pana diṭṭhim uppādetvā kathaṃ sagge nibbattoti? Kammavādītāya. Esa kira uposathabhaddāni adāsi, anāthānaṃ vattaṃ paṭṭhapesi, patissaye akāsi, pokkharāṇiyo khaṇāpesi, aññampi bahum kalyāṇaṃ akāsi. So tassa nissandena sagge nibbatto,

1. Asamatthabhāvato (Sī), asamatthatāya cete (Ka)

2. Am 1. 350; Khu 7. 172 piṭṭhesu.

3. Susamāhitāti (Sī)

4. Maccho (Syā, Ka)

sāsanassa pana niyyānikabhāvaṃ jānāti¹. So Tathāgatassa santikaṃ gantvā sāsanānucchavikā vīriyappaṭisaṃyuttā gāthā vakkhāmīti āgantvā **chinda sotanti-ādimāha**.

Tattha **chindāti** aniyamita-āṇatti. **Sotanti** taṇhāsotaṃ.

Parakkammāti parakkamitvā vīriyaṃ katvā. **Kāmeti** kilesakāmeṇi vatthukāmeṇi. **Panudāti** nīhara. **Ekattanti** jhānaṃ. Idaṃ vuttaṃ hoti—kāme ajahitvā muni jhānaṃ na upapajjati, na paṭilabhatīti attho. **Kayirā ce kayirāthenanti** yadi vīriyaṃ kareyya, kareyyātha, taṃ vīriyaṃ na osakkeyya. **Daḷhamenaṃ parakkameti** daḷhaṃ enaṃ kareyya. **Sithilo hi paribbājoti** sithilagahitā pabbajjā. **Bhiyyo ākirate rajanti** atirekaṃ upari kilesarajaṃ ākirati. **Akataṃ dukkaṭaṃ seyyoti** dukkaṭaṃ akatameva seyyo. **Yaṃ kiñcīti** na kevalaṃ dukkaṭaṃ katvā katasāmaññaṃeva, aññaṃpi yaṃ kiñci sithilaṃ kataṃ evarūpameva hoti. **Saṅkiliṭṭhanti** dukkarakārikavataṃ². Imasmiṃ hi sāsane paccayahetu samādinnaḍḍhutaṅgavataṃ saṅkiliṭṭhameva. **Saṅkassaranti** saṅkāya saritaṃ, “idampi iminā kataṃ bhavissati, idampi iminā”ti evaṃ āsaṅkitaparisaṅkitaṃ. **Ādibrahmacariyikāti** maggabrahmacariyassa ādibhūtā pubbapadhānabhūtā. . Aṭṭhamāṃ.

9. Candimasuttavaṇṇanā

90. Navame **candimāti** Candavimānavāsī devaputto. **Sabbadhīti** sabbesu khandha-āyatanādīsu. **Lokānukampakāti** tuyhampi etassapi tādīsā eva. **Santaramānovāti** turito viya. **Pamuñcasīti** atītatthe vattamānavacanaṃ. . Navamaṃ.

10. Sūriyasuttavaṇṇanā

91. Dasame **sūriyoti** Sūriyavimānavāsī devaputto. **Andhakāreti** cakkhuviññāṇuppatkinivāraṇena andhabhāvakaṇe. Virocatīti **verocano**³. **Maṇḍalīti** maṇḍalasaṅghāno. **Mā rāhu gilī caramantalikkheti** antalikkhe caraṃ sūriyaṃ rāhu mā gilīti vadati. Kiṃ panesa taṃ

1. Najanāti (Syā)

2. Dukkarakārikādivataṃ (Sī), dukkarakārikavattaṃ (Syā)

3. Verocanoti virocano (Syā)

gilatīti. Āma gilati. Rāhussa hi attabhāvo mahā, uccattanena aṭṭhajojanasatādihikāni cattāri yojanasahassāni, bāhantaramassa dvādasajojanasatāni, bahalattena¹ cha yojanasatāni, sīsam nava yojanasatam, nalāṭam tiyojanasatam, bhamukantaram paṇṇāsajojanam, mukham dviyojanasatam, ghānam tiyojanasatam, mukhādhānam² tiyojanasatagambhīram, hatthatalapādatalāni puthulato dviyojanasatāni³. Aṅgulipabbāni paṇṇāsa yojanāni. So candimasūriye⁴ virocamaṇe disvā issāpakato tesam gamanavīthim otarivā mukham vivarivā tiṭṭhati. Candavimānam sūriyavimānam vā tiyojanasatike mahānarake pakkhittam viya hoti. Vimāne adhivatthā devatā maraṇabhayatajjitā ekappahāreṇeva viravanti. So pana vimānam kadāci hatthena chādeti, kadāci hanukassa heṭṭhā pakkhipati, kadāci jivhāya parimajjati, kadāci avagaṇḍakārakam bhujanto viya kapolantare ṭhabeti. Vegam pana vāretum⁵ na sakkoti. Sace vāressāmīti⁶ gaṇḍakam katvā tiṭṭheyya, matthakam tassa bhinditvā nikkhameyya, akaḍḍhitvā vā nam onameyya. Tasmā vimānena saheva gacchati. **Pajam mamanti** candimasūriyā kira dvepi devaputtā Mahāsamayasuttakathanadivase sotāpattiphalaṃ pattā. Tena Bhagavā “pajam maman”ti āha, putto mama esoti attho. . Dasamam.

Paṭhamo vaggo.

2. Anāthapiṇḍikavagga

1. Candimasasuttavaṇṇanā

92. Dutiyavaggassa paṭhame **kacchevāti** kacche viya⁷. **Kaccheti** pabbatakacchepi nadīkacchepi⁸. **Ekodinipakāti** ekaggacittā⁹ ceva paññānepakkena ca samannāgatā. **Satāti** satimanto. Idam vuttam hoti—ye jhānāni

-
- | | | |
|--|---------------------|--------------------------------|
| 1. Bahalantena (Ka) | 2. Mukhadvāram (Sī) | 3. Puthulā dviyojanasatā (Syā) |
| 4. Candasūriye (Sī) | 5. Dhāretum (Syā) | 6. Dhāressāmīti (Syā) |
| 7. Kuñjevāti kuñje viya (Ka) | | |
| 8. Kaccho hi pabbatakacchopi nadīkacchopi (Sī), kacchopi pabbatakacchopinadīkacchopi (Syā) | | |
| 9. Ekaggacittena (Syā) | | |

labhitvā ekodī nipakā satā viharanti, te amakase pabbatakacce vā nadīkacce vā magā viya sotthim gamissantīti. **Pāranti** nibbānaṃ. **Ambujoti** maccho. **Raṇaṅjahāti** kilesaṅjahā. Yepi jhānāni labhitvā appamattā kilese jahanti, te suttajālam¹ bhinditvā macchā viya nibbānaṃ gamissantīti vuttam hoti. . Paṭhamam.

2. Veṇḍusuttavaṇṇanā

93. Dutiye **Veṇḍūti**² tassa devaputtassa nāmaṃ. **Payirupāsīyāti** payirupāsivā. **Anusikkhareti** sikkhanti. **Sitṭhipadeti** anusitṭhipade³. **Kāle te appamajjantāti** kāle te appamādaṃ karontā. . Dutiyaṃ.

3. Dīghalaṭṭhisuttavaṇṇanā

94. Tatiye **Dīghalaṭṭhīti** devaloke sabbe samappamaṇā tigāvutikāva honti, manussaloke panassa dīghattabhāvatāya evaṃnāmaṃ ahoṣi. So puññāni katvā devaloke nibbattopi tatheva paññāyi. . Tatiyaṃ.

4. Nandanasuttavaṇṇanā

95. Catutthe **Gotamāti** Bhagavantaṃ gottena ālapati. **Anāvaṭanti**⁴ Tathāgatassa hi sabbaññutaññānaṃ pesentassa rukkho vā pabbato vā āvaritum samattho nāma natthi. Tenāha “anāvaṭan”ti. Iti Tathāgataṃ thometvā devaloke abhisankhatapañham pucchanto **kathamvidhanti-ādimāha**. Tattha **dukkhamaticca iriyatīti** dukkhaṃ atikkamivā viharati. **Sīlavāti** lokiyalokuttarena sīlena samannāgato khīṇāsavo. **Paññādayopi** missakāyeva veditabbā. **Pujayantīti** gandhapupphādīhi pūjenti. . Catuttham.

5-6. Candanasuttādivaṇṇanā

96-97. Pañcame **appatiṭṭhe anālambeti** heṭṭhā apatiṭṭhe upari anālambane⁵. **Susamāhitoti** appanāyapi upacārenapi suṭṭhu

1. Suttamayajālam (Syā)

3. Sattipadeti anusatthipade (Sī), satthapadeti anusitṭhipade (Syā)

4. Anāvaṭanti (Syā)

2. Veṇḍoti (Syā)

5. Anālambe (Syā)

samāhito. **Pahitattoti** pesitatto. **Nandīrāgaparikkhī**noti parikkhīṇanandīrāgo. Nandīrāgo nāma tayo kammābhisaṅkhārā. Iti imāya gāthāya kāmasaññāgahaṇena pañcorambhāgiyasamyojanāni, rūpasamyojanagahaṇena pañca uddhambhāgiyasamyojanāni, nandīrāgena tayo kammābhisaṅkhārā gahitā. Evaṃ yassa dasa samyojanāni tayo ca kammābhisaṅkhārā pahīnā, so gambhīre mahoghe na sīdatīti. Kāmasaññāya vā kāmabhavo, rūpasamyojanena rūpabhavo gahito, tesam gahaṇena arūpabhavo gahitova, nandīrāgena tayo kammābhisaṅkhārā gahitāti evaṃ yassa tīsu bhavesu tayo saṅkhārā natthi, so gambhīre na sīdatītipi dasseti. Chaṭṭhaṃ vuttatthameva. . Chaṭṭhaṃ.

7. Subrahmasuttavaṇṇanā

98. Sattame **Subrahmā**ti so kira devaputto accharāsaṅghaparivuto Nandanakīlikam¹ gantvā Pāricchattakamūle paññattāsane nisīdi. Tam pañcasatā devadhītarō parivāretvā nisinnā, pañcasatā rukkhaṃ abhiruḷhā. Nanu ca devatānaṃ cittavasena yojanasatikopi rukkho onamitvā hatthaṃ āgacchati, kasmā tā abhiruḷhāti. Khiddāpasutatāya. Abhiruyha pana madhurassarena gāyitvā gāyitvā pupphāni pātentī, tāni gahetvā itaro ekatovaṇṭikamālādivasena ganthenti. Atha rukkhaṃ abhiruḷhā upacchedakakammavasena ekappahāreneva kālaṃ katvā Avīcimhi nibbattā mahādukkhaṃ anubhavanti.

Atha kāle gacchante devaputto “imāsaṃ neva saddo suyayati, na pupphāni pātentī, kahaṃ nu kho gatā”ti āvajjento niraye nibbattabhāvaṃ disvā piyavattukasokena ruppamāno cintesi “etā tāva yathākammaṇa gatā, mayhaṃ āyusaṅkhāro kittako”ti. So “sattame divase mayāpi avasesāhi pañcasatāhi saddhiṃ kālaṃ katvā tattheva nibbattitabban”ti disvā balavatarena sokena ruppi. So “imaṃ mayhaṃ sokam sadevake loke aññatra Tathāgatā niddhamitum² samattho nāma natthī”ti cintetvā Satthu santikaṃ gantvā **niccam utranti** gāthamāha.

1. Nandanavanakīlitam (Ka)

2. Nibbāpetum (Sī, Syā)

Tattha **idanti** attano cittaṃ dasseti. Dutiyapadaṃ purimasseva vevacanaṃ. **Niccanti** ca padassa devaloke nibbattakālato paṭṭhāyāti attho na gahetabbo, sokuppattikālato pana paṭṭhāya niccanti veditabbaṃ. **Anuppannesu kicchēsūti** ito sattāhaccayena yāni dukkhāni uppajjissanti, tesu. **Atho uppatitesu cāti** yāni pañcasatānaṃ accharānaṃ niraye nibbattānaṃ diṭṭhāni, tesu cāti evaṃ imesu uppannānuppannesu dukkhesu niccaṃ mama uttaraṃ cittaṃ, abbhantare ḍayhamāno viya homi Bhagavāti dasseti.

Nāññatra bojjhā tapasāti¹ bojghaṅgabhāvanañca tapoguṇaṅca aññatra muñcitvā² sotthiṃ na passāmīti attho. **Sabbanissaggāti** nibbānato. Ettha kiñcāpi bojghaṅgabhāvanā paṭṭhamāṃ gahitā, indriyasamvaro pacchā, atthato pana indriyasamvarova paṭṭhamāṃ veditabbo. Indriyasamvare hi gahite catupārisuddhisīlaṃ gahitaṃ hoti. Tasmīṃ patiṭṭhito bhikkhu nissayamuttako dhutaṅgasāṅkhātāṃ tapoguṇaṃ samādāya araññaṃ pavisitvā kammaṭṭhānaṃ bhāvento saha vipassanāya bojghaṅge bhāveti. Tassa ariyamaggo yaṃ nibbānaṃ ārammaṇaṃ katvā uppajjati, so “sabbanissaggo”ti Bhagavā catusaccavasena desanaṃ vinivattesi. Devaputto desanāpariyosāne sotāpattiṭṭhale patiṭṭhahīti. . Sattamaṃ.

8-10. Kakudhasuttādivaṇṇanā

99-101. Aṭṭhame **Kakudho devaputtoti** ayaṃ kira Kolanagare Mahāmogallānattherassa upaṭṭhākaputto daharakāleyeva therassa santike vasanto jhānaṃ nibbattetvā kālaṅkato brahmaloke uppajji. Tatrāpi naṃ Kakudho brahmātveva sañjānanti. **Nandasīti** tussasi. **Kim laddhāti** tuṭṭhi nāma kiñci manāpaṃ labhitvā hoti, tasmā evamāha. **Kim jiyitthāti** yassa³ hi kiñci manāpaṃ cīvarādivatthu jiṇṇaṃ⁴ hoti, so socati, tasmā evamāha. **Aratī nābhikīratīti** ukkaṅṭhitā nābhibhavati. **Aghajātassāti** dukkhajātassa, vaḍḍadukkhe ṭhitassāti attho. **Nandījātassāti** jātataṅghassa. **Aghanti** evarūpassa hi vaṭṭadukkhaṃ āgatameva

1. Bojjhaṅgatapasā (Sī, Syā), bojghaṅgatapā (Ka) 2. Muñcitvā aññatra (Syā) 3. Yo (Sī)
4. Cīvarādivatthu jiṇṇo (Sī), cīrādivatthum jivo (Syā)

hoti. “Dukkhī sukhaṃ patthayati”ti hi vuttaṃ. Iti aghajātassa nandī hoti, sukhavipariṇāmena¹ dukkhaṃ āgatamevāti nandījātassa aghaṃ hoti. Navamaṃ vuttatthameva. Dasame Ānandattherassa anumānabuddhiyā ānubhāvappakāsanatthaṃ **aññataroti** āha. . Dasamaṃ.

Dutiyo vaggo.

3. Nānātitthiyavagga

1-2. Sivasuttādivaṇṇanā

102-103. Tatiyavaggassa paṭhamaṃ vuttatthameva. Dutiye **paṭikaccevāti** paṭhamāmyeva. **Akkhacchinnovajhāyatīti** akkhacchinno avajhāyati, balavacintanaṃ² cinteti. Dutiyaḡāthāya **akkhacchinnovāti** akkhacchinno viya. . Dutiyaṃ.

3-4. Serīsuttādivaṇṇanā

104-105. Tatiye **dāyakoti** dānasīlo. **Dānapatīti** yaṃ dānaṃ demi, tassa pati hutvā demi, na dāso na sahāyo. Yo hi attanā madhuraṃ bhuñjati, paresaṃ amadhuraṃ deti, so dānasaṅkhātassa deyyadhammassa dāso hutvā deti. Yo yaṃ attanā bhuñjati, tadeva deti, so sahāyo hutvā deti. Yo pana attanā yena tena yāpeti, paresaṃ madhuraṃ deti, so pati jeṭṭhako sāmi hutvā deti. Ahaṃ “tādiso ahosin”ti vadati.

Catūsu dvāresūti tassa kira rañño Sindhavaraṭṭhaṃ Sodhivākaratṭhanti³ dve raṭṭhāni ahesuṃ, nagaraṃ Roruvaṃ nāma. Tassa ekekasmim dvāre devasikaṃ satahassaṃ uppajjati, antonagare vinicchayaṭṭhāne satahassaṃ. So bahuhiraññasuvaṇṇaṃ rāsibhūtaṃ disvā kammassakataññaṃ uppādetvā catūsu

1. Sukhapariṇāme pana (Syā)

2. Balavacittaṃ (Syā)

3. Sovīrakarāṭṭhanti (Syā), Sodhikarāṭṭhanti (Ka)

dvāresu dānasālāyo kāretvā tasmim̐ tasmim̐ dvāre uṭṭhita-āyena¹ dānaṃ dethāti amacce ṭhapesi. Tenāha “catūsu dvāresu dānaṃ dīyitthā”ti.

Samaṇabrāhmaṇakapaṇaddhikavanibbakayācakānanti ettha **samaṇāti** pabbajjūpagatā. **Brāhmaṇāti** bhovādino. Samitapāpabāhitapāpe² pana samaṇabrāhmaṇe esa nālattha. **Kapaṇāti** duggatā daliddamanussā kāṇakuṇi-ādayo. **Addhikāti** pathāvino. **Vanibbakāti** ye “iṭṭhaṃ dinnam̐, kantaṃ, manāpaṃ, kālena, anavajjaṃ dinnam̐, dadaṃ cittaṃ pasādeyya, gacchatu bhavaṃ brahmalokaṃ”ti-ādinā nayena dānassa vaṇṇaṃ thomayamānā vicaranti. **Yācakāti** ye “pasatamattaṃ detha, sarāvamattaṃ detha”ti-ādīni ca vatvā yācamānā vicaranti. **Itthāgārassa dānaṃ dīyitthāti** paṭhamadvārassa laddhattā tattha uppajjanakasatasahassee aññampi dhanam̐ pakkhipitvā rañño amacce hāretvā attano amacce ṭhāpetvā raññā dinnadānato rājittihyo mahantataraṃ dānaṃ adamsu. Tam̐ sandhāyevamāha. **Mama dānaṃ paṭikkamīti** yaṃ mama dānaṃ tattha dīyittha, tam̐ paṭinivatti. Sesadvāresupi eseva nayo. **Kocīti** katthaci. **Dīgharattanti** asītivassasahasāni. Ettakaṃ kira kālaṃ tassa rañño dānaṃ dīyittha. Catutthaṃ vuttatthameva. . Catutthaṃ.

5. Jantusuttavaṇṇanā

106. Pañcame **Kosalesu viharantīti** Bhagavato santike kammaṭṭhānaṃ gahetvā tattha gantvā viharanti. **Uddhatāti** akappiye kappiyasaññitāya ca kappiye akappiyasaññitāya ca anavajje sāvajjasaññitāya ca sāvajje anavajjasaññitāya ca uddhaccapakatikā hutvā. **Unnaḷāti** uggatanaḷā, uṭṭhitatucchamānāti vuttaṃ hoti. **Capalāti** pattacīvaramaṇḍanādinā cāpallena yuttā. **Mukharāti** mukhakharā, kharavacanāti vuttaṃ hoti. **Vikiṇṇavācāti** asaṃyatavacanā, divasampi niratthakavacanapalāpino. **Muṭṭhassatinoti** naṭṭhassatino³ sativirahitā, idha kataṃ ettha pamussanti. **Asampajānāti** nippaññā. **Asamāhitāti** appanā-upacārasamādhirahitā,

1. Uṭṭhitadāyena (Syā)

2. ...vāhitapāpe (Syā)

3. Naṭṭhasatī (Syā)

caṇḍasote baddhanāvāsadisā. **Vibbhantacittā**ti anavaṭṭhitacittā, panthāruḷhabālamigasadisā¹. **Pākatindriyā**ti samvarābhāvena gihikāle viya vivaṭa-indriyā.

Jantūti evaṃnāmako devaputto. **Tadahuposatheti** tasmim̐ ahu uposathe, uposathadivaseti attho. **Pannaraseti** cātuddasikādipaṭikkhepo. **Upasaṅkamī**ti codanattḥāya upagato. So kira cintesi “ime bhikkhū Satthu santike kammaṭṭhānam̐ gahetvā nikkhantā, idāni pamattā viharanti, na kho panete pāṭiyekkam̐ nisinnaṭṭhāne codiyamānā katham̐ gaṇhissanti, samāgamanakāle codissāmī”ti uposathadivase tesam̐ sannipatitabhāvaṃ ṇatvā upasaṅkami. **Gāthāhi ajjhabhāsī**ti sabbesam̐ majjhe ṭhatvā gāthā² abhāsī.

Tattha yasmā guṇakathāya saddhim̐ nigguṇassa aguṇo pākaṭo hoti, tasmā guṇam̐ tāva kathento **sukhajīvino pure āsunti**-ādimāha. Tattha **sukhajīvino pure āsunti** pubbe bhikkhū supposā subharā ahesum̐, uccanīcakulesu sapadānam̐ caritvā laddhena missakapiṇḍena yāpesunti adhippāyena evamāha. **Anicchā**ti nittaṇhā hutvā.

Evaṃ porāṇakabhikkhūnam̐ vaṇṇam̐ kathetvā idāni tesam̐ avaṇṇam̐ kathento **dupposanti**-ādimāha. Tattha **gāme gāmaṇikā viyā**ti yathā gāme gāmakuṭā nānappakārakena janam̐ piḷetvā khīradadhitaṇḍulādīni āharāpetvā bhujjanti, evam̐ tumhepi anesanāya ṭhitā tumhākam̐ jīvitam̐ kappethāti adhippāyena vadati. **Nipajjantī**ti uddesaparipucchāmanasikārehi anattikā hutvā sayanamhi hatthapāde vissajjetvā nipajjanti. **Parāgāresū**ti paragehesu, kulasuṇhādīsūti attho. **Mucchitā**ti kilesamucchāya mucchitā.

Ekacceti vattabbayuttakeyeva. **Apaviddhā**ti chaḍḍitakā. **Anāthā**ti apatiṭṭhā. **Petā**ti susāne chaḍḍitā kālaṅkatamanussā. Yathā hi susāne chaḍḍitā nānāsakuṇādīhi khajjanti, ṇātakāpi nesam̐ nāthakiccam̐

1. Panthāruḷhavālamigasadisā (Sī), pathāruḷhabālamigasadisā (Syā) 2. Gāthāhi (Syā)

na karonti, na rakkhanti na gopayanti, evamevaṃ evarūpāpi
 ācariyupajjhāyādīnaṃ santikā ovādānūsāsanīṃ na labhantīti apaviddhā
 anāthā, yathā peṭā, tatheva honti. . Pañcamaṃ.

6. Rohitassasuttavaṇṇanā

107. Chaṭṭhe **yatthā**ti cakkavāḷalokassa ekoḷāse bhummaṃ. **Na cavati**
na upapajjatiti idaṃ aparāparaṃ cutipaṭisandhivasena gahitaṃ. **Gamanenā**ti
 padagamanena. **Nāhaṃ taṃ lokassa antanti** Satthā saṅkhāralokassa antaṃ
 sandhāya vadati. **Ñāteyyanti**-ādīsu ñātappaṃ, daṭṭhabbaṃ, pattabbanti attho.

Iti devaputtēna cakkavāḷalokassa anto pucchito, Satthārā
 saṅkhāralokassa kathito. So pana attano pañhena saddhīṃ Satthu
 byākaraṇaṃ sametīti saññāya pasamsanto¹ **acchhariyanti**-ādimāha.

Daḷhadhammāti² daḷhadhanu, uttamappamaṇena dhanunā samannāgato.
Dhanuggahoti dhanu-ācariyo. **Susikkhitoti** dasa dvādasa vassāni
 dhanusippaṃ sikkhito. **Katahatthoti** usabhappamaṇepi vālaggaṃ vijjhituṃ
 samatthabhāvena katahattho. **Katūpāsanti** katasarakkhepo dassitasippo.
Asanenāti kaṇḍena. **Atipāteyyā**ti atikkameyya. Yāvata so tālacchāyaṃ
 atikkameyya, tāvatā kālena ekacakkavāḷaṃ atikkamāmīti attano
 jvasampattiṃ dasseti.

Puratthimā samuddā pacchimoti yathā puratthimasamuddā
 pacchimasamuddo dūre, evaṃ me dūre padavītiḥāro ahoṣīti vadati. So kira
 pācīnacakkavāḷamukhavaḷamukhavaṭṭiyaṃ ṭhīto pādaṃ pasāretvā
 pacchimakakkavāḷamukhavaṭṭiyaṃ³ akkamati, puna dutiyaṃ pādaṃ
 pasāretvā paracakkavāḷamukhavaṭṭiyaṃ akkamati. **Ichchāgatanti** icchā eva.
Aññātrevāti nippapañcataṃ dasseti. Bhikkhācārakāle kiresa
 nāgalatādantakaṭṭhaṃ khāditvā Anotatte mukhaṃ dhovivā kāle sampatte
 Uttarakurumhi piṇḍāya caritvā cakkavāḷamukhavaṭṭiyaṃ nisinno
 bhattakiccaṃ karoti, tattha muhuttaṃ vissamitvā puna javati.
Vassasatāyukoti tadā dīghāyukakālo hoti, ayaṃ pana

1. Sampahamsanto (Syā)

2. Daḷhadhammoti (Sī, Syā)

3. ...mukhavaṭṭiṃ (Syā)

vassasatāvasiṭṭhe āyumiḥi gamanaṃ ārabhi. **Vassasatajīvīti** taṃ vassasataṃ anantarāyena jīvanto. **Antarāva kālaṅkatoti** cakkavāḷalokassa antaṃ appatvā antarāva mato. So pana tattha kālaṃ katvāpi āgantvā imasmim̃ yeva cakkavāḷe nibbatti. **Appatvāti** saṅkhāralokassa antaṃ appatvā. **Dukkhassāti** vaṭṭadukkhassa. **Antakiriyanti** pariyantakaraṇaṃ. **Kalevareti** attabhāve. **Sasaññimhi samanaketi** sasaññe sacitte. **Lokanti** dukkhasaccaṃ. **Lokasamudayanti** samudayasaccaṃ. **Lokanirodhanti** nirodhasaccaṃ. **Paṭipadanti** maggasaccaṃ. Iti “nāhaṃ āvuso imāni cattāri saccāni tiṇakaṭṭhādīsū paññapemi, imasmim̃ pana cātumahābhūṭike kāyasmim̃yeva paññapemi”ti dasseti. **Samitāvīti** samitapāpo. **Nāsīsatīti** na pattheti. . Chaṭṭhaṃ. Sattamaṭṭhamāni vuttatthāneva.

9. Susimasuttavaṇṇanā

110. Navame **tuyhampi no Ānanda Sāriputto ruccatīti** Satthā therassa vaṇṇaṃ kathetukāmo, vaṇṇo ca nāmesa visabhāgapuggalassa santike kathetuṃ na vaṭṭati. Tassa santike kathito hi matthakaṃ na pāpuṇāti. So hi “asuko nāma bhikkhu sīlavā”ti vutte “kiṃ tassa sīlaṃ, gorūpasīlo so, kiṃ tayā añño sīlavā na diṭṭhapubbo”ti vā, “paññāvā”ti vutte “kiṃ pañño so, kiṃ tayā añño paññāvā na diṭṭhapubbo”ti vā ādīni vatvā vaṇṇakathāya antarāyaṃ karoti. Ānandatthero pana Sāriputtattherassa sabhāgo, paṇītāni¹ labhitvā therassa deti, attano upaṭṭhākadārake pabbājetvā therassa santike upajjhaṃ gaṇhāpeti, upasampādeti. Sāriputtattheropi Ānandattherassa tatheva karoti. Kiṃ kārāṇā? Aññamaññaṃsa guṇesu pasīditvā². Ānandatthero hi “amhākaṃ jeṭṭhabhātiko ekaṃ asaṅkhyeyyaṃ sataśahaṣṣaṅca kappe³ pāramiyo pūretvā soḷasaśvidhaṃ paññaṃ paṭivijjhivā Dhammasenāpatiṭṭhāne ṭhito”ti therassa guṇesu pasīditvāva therāṃ mamāyati. Sāriputtattheropi “Sammāsambuddhassa mayā kattabbaṃ mukhodakadānādikkiccam̃ sabbaṃ Ānando karoti, Ānandaṃ nissāya ahaṃ icchicchitaṃ samāpattim̃ samāpajjituṃ labhāmi”ti āyasmato⁴ Ānandassa

1. Paṇītānicīvarādīni (Syā)

3. Kappaṃ (Syā)

2. Pasīditvāva mamāyanti (Sī, Ka)

4. Tassāyasmato (Sī)

guṇesu pasīditvāva taṃ mamāyati. Tasmā Bhagavā Sāriputtattherassa vaṇṇaṃ kathetukāmo Ānandattherassa santike kathetuṃ āraddho.

Tattha **tuyhampī**ti sampiṇḍanatto¹ pi-kāro. Idam vuttam hoti—Ānanda Sāriputtassa ācāro gocaro vihāro abhikkamo paṭikkamo ālokitavilokitam samīñjitapasāraṇaṃ mayhaṃ ruccati, Asīmahātherānaṃ ruccati, sadevakassa lokassa ruccati, tuyhampi rucattīti.

Tato thero sāṭakantare laddhokāso balavamallo viya tuṭṭhamānaso hutvā “Sathā mayhaṃ piyasahāyassa vaṇṇaṃ kathāpitukāmo, labhissāmi no ajja dīpadhajabhūtaṃ mahājambuṃ vidhunanto viya valāhakantarato candam nīharitvā dassento viya Sāriputtattherassa vaṇṇaṃ kathetun”ti cintetvā paṭhamataram tāva catūhi padehi puggalalalāpe² haranto **kassa hi nāma bhante abālassāti**-ādimāha. Bālo hi bālatāya, duṭṭho dosatāya, mūḷho mohena, vipallathacitto ummattako cittavipallāsena vaṇṇaṃ “vaṇṇo”ti vā avaṇṇaṃ “avaṇṇo”ti vā “ayaṃ Buddho, ayaṃ sāvako”ti vā na jānāti, abālādayo pana³ jānanti, tasmā **abālassāti**-ādimāha. **Na ruceyyāti** bālādīnamyeva hi so na ruceyya, na aññassa kassaci⁴ na ruceyya.

Evam puggalalalāpe haritvā idāni soḷasahi padehi yathābhūtaṃ vaṇṇaṃ kathento **paṇḍito bhanteti**-ādimāha. Tattha **paṇḍitoti** paṇḍiccena samannāgato, catūsu kosallesu ṭhitassetam nāmaṃ. Vuttam hetam—“yato kho Ānanda bhikkhu dhātukusalo ca hoti āyatanakusalo ca paṭiccasamuppādakusalo ca ṭhānāṭṭhānakusalo ca, ettāvata kho Ānanda ‘paṇḍito bhikkhū’ti alam vacanāyā”ti⁵. **Mahāpaññoti**-ādīsu mahāpaññādīhi samannāgatoti attho. Tatridam mahāpaññādīnam nānattham⁶—katamā **mahāpaññā?** Mahante silakkhandhe pariggaṇhātīti mahāpaññā, mahante samādhikkhandhe, paññākkhandhe, vimuttikkhandhe, vimuttiñāṇadassanakkhandhe pariggaṇhātīti mahāpaññā. Mahantāni ṭhānāṭṭhānāni, mahāvihārasamāpattiyo, mahantāni ariyasaccāni, mahante satipaṭṭhāne, sammappadhāne, iddhipāde, mahantāni indriyāni, balāni, bojjhaṅgāni,

1. Sampiṇḍanatto (Syā) 2. Puggalalalāse (Ka) 3. Nāma (Syā) 4. Kassa (Syā)
5. Ma 3. 107 piṭṭhe. 6. Khu 9. 371 piṭṭhe Paṭisambhidāmagge.

mahante ariyamagge, mahantāni sāmāññaphalāni, mahā-abhiññāyo,
mahantaṃ paramatthaṃ nibbānaṃ pariggaṇhātīti mahāpaññā.

Sā pana therassa devorohanam katvā Saṅkassanagaradvāre ṭhiteṇa
Satthārā puthujjanapañcake¹ pañhe pucchite taṃ vissajjentaṃ pākāṭā jātā.

Katamā **puthupaññā**? Puthu nānākhandhesu ñāṇaṃ pavattatīti
puthupaññā, puthu nānādhātūsu, puthu nānā-āyatanesu, puthu
nānāpaṭṭicasamuppādesu, puthunānāsuññatamanupalabbhesu, puthu nānā-
atthesu, dhammesu, niruttisu, paṭibhānesu, puthu nānāsīlakkhandhesu, puthu
nānāsamādhi, paññā, vimutti, vimuttiñāṇadassanakkhandhesu, puthu
nānāṭhānāṭṭhānesu, puthu nānāvihārasamāpattisu, puthu nānā-ariyasaccesu,
puthu nānāsatiṭṭhānesu, sammappadhānesu, iddhipādesu, indriyesu,
balesu, bojjhaṅgesu, puthu nānā-ariyamaggesu, sāmāññaphalesu, abhiññāsu,
puthu nānājanasādhāraṇe dhamme² samatikkamma paramatthe nibbāne
ñāṇaṃ pavattatīti puthupaññā.

Katamā **hāsapaññā**? Idhekacco hāsabahulo vedabahulo tuṭṭhibahulo
pāmojjabahulo sīlaṃ paripūreti, indriyasamvaraṃ paripūreti, bhojane
mattaññutaṃ, jāgariyānuyogaṃ, sīlakkhandhaṃ, samādhikkhandhaṃ,
paññākkhandhaṃ, vimuttikkhandhaṃ, vimuttiñāṇadassanakkhandhaṃ
paripūretīti hāsapaññā. Hāsabahulo pāmojjabahulo ṭhānāṭṭhānaṃ³
paṭivijjhatīti hāsapaññā. Hāsabahulo viharasamāpattiyo paripūretīti
hāsapaññā. Hāsabahulo ariyasaccāni paṭivijjhatī⁴. Satipaṭṭhāne,
sammappadhāne, iddhipāde, indriyāni, balāni, bojjhaṅgāni, ariyamaggaṃ
bhāvetīti hāsapaññā. Hāsabahulo sāmāññaphalāni sacchikaroti, abhiññāyo
paṭivijjhatīti hāsapaññā, hāsabahulo vedatuṭṭhipāmojjabahulo paramatthaṃ
nibbānaṃ sacchikarotīti hāsapaññā.

Thero ca Sarado nāma tāpaso hutvā Anomadassissa Bhagavato
pādamūle aggasāvakaṃ patthanam paṭṭhapesi⁵, taṃkālato paṭṭhāya hāsabahulo
sīlaparipūraṇādīni akāsīti hāsapaññā⁶.

1. Puthujjanādike pañcake (Sī)

3. Ṭhānāṭṭhānāni (Syā)

5. Pṭthesi (Sī, Syā)

2. Sādhāraṇe sīladhamme (Sī)

4. Paṭivijjhatīti hāsapaññā (Syā)

6. Hāsapaññā (Syā)

Katamā **javanapaññā**? Yaṃkiñci rūpaṃ atītānāgatapaccuppannaṃ -pa- yaṃ dūre santike vā, sabbaṃ rūpaṃ aniccato khippaṃ javatīti javanapaññā. Dukkhatō khippaṃ, anattato khippaṃ javatīti javanapaññā. Yā kāci vedanā -pa-. Yā kāci saññā, ye keci saṅdhārā, yaṃkiñci viññāṇaṃ atītānāgatapaccuppannaṃ -pa-. Sabbaṃ viññāṇaṃ aniccato, dukkhato, anattato khippaṃ javatīti javanapaññā. Cakkhu -pa- jarāmaṇaṃ atītānāgatapaccuppannaṃ aniccato, dukkhato, anattato khippaṃ javatīti javanapaññā. Rūpaṃ atītānāgatapaccuppannaṃ aniccaṃ khayaṭṭhena, dukkhaṃ bhayaṭṭhena, anattā asārakaṭṭhenaṭṭhena tulayitvā tīrayitvā vibhāvayitvā vibhūtaṃ katvā rūpanirodhe nibbāne khippaṃ javatīti javanapaññā. Vedanā, saññā, saṅkhārā, viññāṇaṃ, cakkhu -pa- jarāmaṇaṃ atītānāgatapaccuppannaṃ aniccaṃ khayaṭṭhena -pa- vibhūtaṃ katvā jarāmaṇanirodhe nibbāne khippaṃ javatīti javanapaññā. Rūpaṃ atītānāgatapaccuppannaṃ -pa- viññāṇaṃ. Cakkhu -pa- jarāmaṇaṃ aniccaṃ saṅkhataṃ paṭiccasamuppannaṃ khayadhammaṃ vayadhammaṃ virāgadhammaṃ nirodhadhammanti tulayitvā tīrayitvā vibhāvayitvā vibhūtaṃ katvā jarāmaṇanirodhe nibbāne khippaṃ javatīti javanapaññā.

Katamā **tikkhapaññā**? Khippaṃ kilese chindatīti tikkhapaññā. Uppannaṃ kāmavitakkaṃ nādhivāseti, uppannaṃ byāpādavitakkaṃ, uppannaṃ vihiṃ sāvitaṅkaṃ, uppannapanne pāpake akusale dhamme, uppannaṃ rāgaṃ, dosaṃ, mohaṃ, kodhaṃ, upanāhaṃ, makkhaṃ, paḷāsaṃ, issaṃ, macchariyaṃ, māyaṃ, sāṭheyyaṃ, thambhaṃ, sārāmbhaṃ, mānaṃ, atimānaṃ, maḍaṃ, pamādaṃ, sabbe kilese, sabbe duccharite, sabbe abhisāṅkhāre sabbe bhavagāmicamme nādhivāseti pajahati vinodeti, byantīkaroti, anabhāvaṃ gametīti tikkhapaññā. Ekasmiṃ āsane cattāro ca ariyamaggā, cattāri ca sāmāññaphalāni, catasso ca paṭisambhidāyo, cha ca abhiññāyo adhigatā honti sacchikatā phassitā paññāyāti tikkhapaññā.

Thero ca bhāgineyyassa Dīghanakhaparibbājakassa Vedanāpariggahasutte desiyamāne ṭhitakova sabbakilese chinditvā sāvakaparamiññaṃ paṭividdhakālato paṭṭhāya tikkhapañño nāma jāto. Tenāha “tikkhapañño bhante āyasmā Sāriputto”ti.

Katamā **nibbedhikapaññā**? Idhekacco sabbasaṅkhāresu ubbegabahulo hoti uttāsabahuḷo ukkaṇṭhanabahulo aratibahuḷo anabhiratibahuḷo bahimukho na ramati sabbasaṅkhāresu, anibbidhappubbaṃ appadālitapubbaṃ lobhakkhandhaṃ nibbijjhati padāletīti nibbedhikapaññā. Anibbidhappubbaṃ appadālitapubbaṃ dosakkhandhaṃ, mohakkhandhaṃ, kodhaṃ, upanāhaṃ -pa- sabbe bhavagāmikamme nibbijjhati padāletīti nibbedhikapaññā.

Appicchoti santagaṇaniguhanatā, paccayaapaṭiggahaṇe ca mattaññutā, etaṃ appicchalakkaṇanti¹ iminā lakkaṇena samannāgato. **Santuṭṭhoti** catūsu paccayesu yathālābhasantoso yathābalasantoso yathāsārappasantosoti imehi tīhi santosehi samannāgato. **Pavivittoti** kāyaviveko ca vivekaṭṭhakāyānaṃ nekkhammābhiratānaṃ, cittaviveko ca parisuddhacittānaṃ paramavodānappattānaṃ, upadhiviveko ca nirupadhīnaṃ puggalānaṃ visaṅkhāragatānanti imesaṃ tiṇṇaṃ vivekānaṃ lābhī. **Asaṃsaṭṭhoti** dassanaśaṃsaggo savanaśaṃsaggo samullapanasāṃsaggo paribhogasāṃsaggo kāyasaṃsaggoti imehi pañcahi saṃsaggehi virahito. Ayañca pañcavidho saṃsaggo rājūhi rājamahāmattehi titthiyehi titthiyasāvakehi upāsakehi upāsikāhi bhikkhūhi bhikkhunīhīti aṭṭhahi puggalehi saddhīm jāyati, so sabbopi therassa natthīti asaṃsaṭṭho.

Āraddhavīriyoti paggaḥitavīriyo paripuṇṇavīriyo. Tattha āraddhavīriyo bhikkhu gamane uppanakilesassa ṭhānaṃ pāpuṇitum na deti, ṭhāne uppanassa nisajjaṃ, nisajjāya uppanassa seyyaṃ² pāpuṇitum na deti, tasmim tasmim iriyāpathe uppanaṃ tattha tattheva niggaṇhāti. Thero pana catucattālīsa vassāni mañce piṭṭhim na pasāreti. Taṃ sandhāya “āraddhavīriyo”ti āha. **Vattāti** odhunanavattā. Bhikkhūnaṃ ajjhācāraṃ disvā “ajja kathessāmi, sve kathessāmi”ti kathāvavattānaṃ³ na karoti, tasmim tasmim yeva ṭhāne ovadati anusāsati attho.

Vacanakkhamoti vacanaṃ khamati. Eko hi parassa ovādaṃ deti, sayānaṃ pana añña ovadiyamāno kujjhati. Thero pana parassapi ovādaṃ deti,

1. Appicchatalakkhaṇanti (Ka)

2. Sayanaṃ (Sī, Syā)

3. Tiṇavatthāraṃ (Syā)

sayam ovadiyamānopi sirasā sampaṭicchati. Ekadivasam kira Sāriputtattheram sattavassiko sāmaṇero “bhante Sāriputta tumhākam nivāsanakaṇṇo olambati”ti āha. Thero kiñci avatvāva ekamantam gantvā parimaṇḍalam nivāsetvā āgama “ettakam vaṭṭati ācariyā”ti añjalim paggayha aṭṭhāsi.

“Tadahu pabbajito santo, jātiyā sattavassiko.
Sopi mam anusāseyya, sampaṭicchāmi matthake”ti¹—

āha.

Codakoti vatthusmim otiṇṇe vā anotiṇṇe vā vītikkamaṃ disvā “āvuso bhikkhunā nāma evaṃ nivāsetabbaṃ, evaṃ pārupitabbaṃ, evaṃ gantabbaṃ, evaṃ ṭhātabbaṃ, evaṃ nisīditabbaṃ, evaṃ khāditabbaṃ, evaṃ bhuñjitabbaṃ”ti tantivasena anusīṭṭhim deti.

Pāpagarahīti “pāpapuggale na passe, na tesam vacanam suṇe, tehi saddhim ekacakkavāḷepi na vaseyyam.

Mā me kadāci pāpiccho, kusīto hīnavīriyo.
Appassuto anādaro, sameto ahu katthaci”ti²—

Evaṃ pāpapuggalepi garahati, “samaṇena nāma rāgavasikena dosamohavasikena na hotabbaṃ, uppanno rāgo doso moho pahātabbo”ti evaṃ pāpadhammepi garahatīti dvīhi kāraṇehi “pāpagarahī bhante āyasmā Sāriputto”ti vadati.

Evaṃ āyasmatā Ānandena soḷasahi padehi therassa yathābhūtavaṇṇappakāsane kate “kiṃ Ānando attano piyasahāyassa vaṇṇam kathetuṃ na labhati, kathetu kiṃ pana tena kathitam tatheva hoti, kiṃ so sabbaññū”ti koci pāpapuggalo vattum mā labhatūti³ Satthā tam vaṇṇabhaṇanam akuppaṃ sabbaññubhāsitaṃ karonto jinamuddikāya lañchanto **evametanti**-ādimāha.

1. Khu 11. 382 piṭṭhe Milindapañhe.

2. Samantā katthaci ahūti (Sī, Syā) Khu 3. 33 piṭṭhe pana passitabbaṃ.

3. Mā labhīti (Sī, Syā)

Evam Tathāgatena ca Ānandattherena ca mahātherassa¹ vaṇṇe kathiyamāne bhūmaṭṭhakā devatā² uṭṭhahitvā eteheva soḷasahi padehi vaṇṇam kathayimsu, tato ākāsaṭṭhakadevatā sītavalāhakā uṇhavalāhakā Cātumahārājikāti yāva Akaniṭṭhabrahmalokā devatā uṭṭhahitvā eteheva soḷasahi padehi vaṇṇam kathayimsu. Etenupāyena ekacakkavāḷam ādim katvā dasasu cakkavāḷasahassesu devatā uṭṭhahitvā kathayimsu. Athāyasmato Sāriputtassa saddhivihāriko Susīmo devaputto cintesi “imā devatā³ attano attano nakkhattakīḷam pahāya tattha tattha gantvā⁴ mayham upajjhāyasseva vaṇṇam kathenti, gacchāmi Tathāgatassa santikam, gantvā etadeva vaṇṇabhaṇanam devatābhāsitaṃ karomī”ti, so tathā akāsi. Tam dassetuṃ **atha kho Susīmoti**-ādi vuttam.

Uccāvacāti aññesu ṭhānesu paṇītam uccam vuccati, hīnam avacam. Idha pana uccāvacāti nānāvidhā vaṇṇanibhā⁵. Tassā kira devaparisāya nīlaṭṭhānam atinīlam, pītakaṭṭhānam atipītakam, lohitaṭṭhānam atilohitam, odātaṭṭhānam accodātanti catubbidhā vaṇṇanibhā pātubhavi. Teneva **seyyathāpi nāmāti** catasso upamā āgatā. Tattha **subhoti** sundaro. **Jātimāti** jātisampanno. **Suparikammakatoti** dhovanādiparikammaena suṭṭhu parikammakato. **Paṇḍukambale nikkhittoti** rattakambale ṭhapito. **Evamevanti** rattakambale nikkhittamaṇi viya sabbā ekappahārenea virocitum āradhdā. **Nikkhanti** atirekapañcasuvaṇṇena katapiḷandhanam. Tañhi ghaṭṭanamajjanakkhamam hoti. **Jambonadanti** mahājambusākhāya pavattanadiyam nibbattam, mahājambuphalarase vā pathaviyam pavitthe suvaṇṇaṅkurā uṭṭhahanti, tena suvaṇṇena katapiḷandhanantipi attho. **Dakkhakammāraputta-ukkāmukhasukusalasampahaṭṭhanti** sukusalena kammāraputtena ukkāmukhe pacitvā sampahaṭṭham. Dhātuvibhaṅge⁶ akatabhaṇḍam gahitam, idha pana katabhaṇḍam.

Viddheti dūrībhūte. **Deveti** ākāse. **Nabham abhussakkamānoti** ākāsam abhilaṅghanto. Iminā taruṇasūriyabhāvo dassito.

1. Mahāsāvaka (Sī, Syā) 2. Nāgā (Syā) 3. Ime devaputtā (Syā) 4. Ṭhatvā (Syā)
5. Vaṇṇā ca vaṇṇanibhā (Syā) 6. Ma 3. 286 piṭṭhe.

Soratoti soraccena samannāgato. **Dantoti** nibbisevano. **Satthuvaṇṇābhatoti** Satthārā ābhatavaṇṇo. Satthā hi aṭṭhaparisaṃmajjhe nisīditvā “sevatha bhikkhave Sāriputtamoggallāne”¹ti-ādinā¹ nayena therassa vaṇṇaṃ āharīti therō ābhatavaṇṇo nāma hoti. **Kālaṃ kaṅkhatīti** parinibbānakālaṃ pattheti. Khīṇāsavo hi neva maraṇaṃ abhinandati, na jīvitam pattheti, dīvasasaṅkhepaṃ² vetanaṃ gahetvā³ ṭhitapuriso viya kālaṃ pana pattheti, olokeno tiṭṭhatīti attho. Tenevāha—

“Nābhinandāmi maraṇaṃ, nābhinandāmi jīvitam.

Kālaṅca paṭikaṅkhāmi, nibbisam bhatako yathā”⁴ti⁴. . Navamaṃ.

10. Nānātitthiyasāvakaṣuttavaṇṇanā

111. Dasame **nānātitthiyasāvakaṭi** te kira kammavādino ahesuṃ, tasmā dānādāni puñṇāni katvā sagge nibbattā, te “attano attano Satthari pasādena nibbattamhā”¹ti sañṇino hutvā “gacchāma Dasabalassa santike ṭhatvā amhākaṃ Satthārānaṃ vaṇṇaṃ kathessāmā”²ti āgantvā paccakagāthāhi kathayīṃsu. Tattha **chinditamāriteti** chindite ca mārite ca. **Hatajānīsūti** pothane ca dhanajānīsu ca. **Puñṇam vā panāti** attano puñṇampi na samanupassati, saṅkhepato puñṇāpuñṇānaṃ vipāko natthīti vadati. **Sa ve vissāsamācikkhīti** so “evaṃ katapāpānampi katapuñṇānampi vipāko natthi”³ti vadanto sattānaṃ vissāsaṃ avassayaṃ patiṭṭham ācikkhati, tasmā mānaṃ vandanaṃ pūjanaṃ arahatīti vadati.

Tapojigucchāyāti kāyakilamathatapena pāpajigucchana.

Susaṃvutattoti samannāgato pihito vā. **Jegucchīti** tapena pāpajigucchako.

Nīpakoti paṇḍito. **Cātuyāmasusaṃvutoti** cātuyāmena susaṃvuto. Cātuyāmo

nāma sabbavāriyārito ca hoti sabbavāriyutto ca sabbavāridhuto ca

sabbavāriphuṭo cāti ime cattāro koṭṭhāsā. Tattha **sabbavāriyāritoti**

vāritasabba-udako, paṭikkhittasabbasītodakoti attho. So kira sītodake

sattasañṇī

1. Ma 3. 291 piṭṭhe.

3. Gantvā (Syā)

2. Divase divase (Sī)

4. Khu 2. 345 piṭṭhe.

hoti, tasmā taṃ na valañjeti. **Sabbavāriyuttoti** sabbena pāpavāraṇena yutto. **Sabbavāridhutoti** sabbena pāpavāraṇena dhutapāpo. **Sabbavāriphuṭoti** sabbena pāpavāraṇena phuṭṭho. **Diṭṭhaṃ sutañca ācikkhanti** diṭṭhaṃ “diṭṭhaṃ me”ti sutam “sutam me”ti ācikkhanto, na niguhanto. **Na hi nūna kibbisīti** evarūpo Sathā kibbisakārako nāma na hoti.

Nānātitthiyeti so kira nānātitthiyānamyeva upaṭṭhāko, tasmā te ārabha vadati. **Pakudhako kātiyānoti** Pakudho¹ Kaccāyano. **Nigaṇṭhoti** Nāṭaputto. **Makkhalipūraṇāseti** Makkhali ca Pūraṇo ca. **Sāmaññappattāti** samaṇadhamme koṭṭipattā. **Na hi nūna teti** sappurisehi na dūre, teyeva loke sappurisāti vadati. **Paccabhāsīti** “ayaṃ ākoṭako imesaṃ nagganissirikānaṃ Dasabalassa santike ṭhatvā vaṇṇaṃ kathetīti tesam avaṇṇaṃ kathessāmī”ti pati-abhāsīti.

Tattha **sahācaritenāti** saha caritamattena. **Chavo sigāloti** lāmako kālasigālo. **Kotthukoti** tasseva vevacanaṃ. **Saṅkassarācāroti** āsaṅkitasamācāro. **Na sataṃ sarikkhoti** paṇḍitānaṃ sappurisānaṃ sadiso na hoti, kiṃ tvaṃ kālasigālasadise titthiye sīhe karosīti.

Anvāvisitvāti “ayaṃ evarūpānaṃ Sathārānaṃ avaṇṇaṃ katheti, teneva naṃ mukhena vaṇṇaṃ kathāpessāmī”ti cintetvā tassa sarīre anu-āvisi adhimucci, evaṃ anvāvisitvā. **Āyuttāti** tapojigucchane yuttapayuttā. **Pālayaṃ pavivekiyanti** pavivekaṃ pālayantā. Te kira “nhāpitapavivekaṃ pālessāmā”ti sayam kese luñcanti, “cīvarapavivekaṃ pālessāmā”ti naggā vicaranti, piṇḍapātapavivekaṃ pālessāmā”ti sunakhā viya bhūmiyaṃ vā bhuñjanti hatthesu vā, “senāsanapavivekaṃ pālessāmā”ti kaṇṭakaseyyādīni kappenti. **Rūpe nivitṭhāti** taṇhādiṭṭhīhi rūpe patiṭṭhitā. **Devalokābhinandinoti** devalokapatthanakāmā². **Mātiyāti** maccā, te ve maccā³ paralokatthāya sammā anusāsantīti vadati.

1. Pakuddho (Syā) 2. Devalokapatthanakā (Sī, Syā) 3. Teva macce (Syā), te (Sī)

Iti viditvā “ayaṃ paṭhamam etesam ayaṇṇam kathetvā idāni vaṇṇam katheti, ko nu kho eso”ti āvajjento jānitvāva. **Ye canta likkhasmim pabhāsavaṇṇā**ti ye antalikkhe candobhāsasūriyobhāsasāñjhārāga-indadhanutārakarūpānam pabhāsavaṇṇā. **Sabbeva te teti** sabbeva te tayā. **Namucīti** māram ālapati. **Āmisamva macchānam vadhāya khittāti** yathā macchānam vadhatthāya baḷisalaggam āmisam khipati, evam tayā pasamsamānena ete rūpā sattānam vadhāya khittāti vadati.

Mānavagāmiyoti ayaṃ kira devaputto Buddhupaṭṭhāko. **Rājagahīyānanti** Rājagahapabbatānam. **Setoti** Kelāso. **Aghagāminanti** ākāsagāmīnam. **Udadhinanti** udakanidhānānam. Idam vuttam hoti—yathā rājagahīyānam pabbatānam Vipulo seṭṭho, Himavantapabbatānam Kelāso, ākāsagāmīnam ādicco, udakanidhānānam samuddo, nakkhattānam cando, evam sadevakassa lokassa Buddho seṭṭhoti. . Dasamam.

Tatiyo vaggo.

Devaputtasaṃyuttavaṇṇanā niṭṭhitā.

3. Kosalasaṃyutta

1. Paṭhamavagga

1. Daharasuttavaṇṇanā

112. Kosalasaṃyuttassa paṭhame **Bhagavatā saddhiṃ sammodīti** yathā khamanīyādīni pucchanto Bhagavā tena, evaṃ sopi Bhagavatā saddhiṃ samappavattamodo ahosi. Sītodakaṃ viya uṇhodakena sammoditaṃ ekībhāvaṃ agamāsi. Yāya ca “kacci bho Gotama khamanīyaṃ, kacci yāpanīyaṃ, kacci bhoto Gotamassa sāvakānañca¹ appābādham appātankaṃ lahuṭṭhānaṃ balaṃ phāsuvihāro”ti-ādikāya kathāya sammodi, taṃ pītipāmojjasaṅkhātasammodajananato sammodituṃ yuttabhāvato ca **sammodanīyaṃ**, atthabyañjanamadhuratāya cirampi kālaṃ sāretuṃ nirantaraṃ pavattetuṃ araharūpato saritabbabhāvato ca **sāraṇīyaṃ**. Suyyamānasukhato ca sammodanīyaṃ, anussariyamānasukhato sāraṇīyaṃ. Tathā byañjanaparisuddhatāya sammodanīyaṃ, atthaparisuddhatāya sāraṇīyanti evaṃ anekehi pariyāyehi sammodanīyaṃ kathaṃ sāraṇīyaṃ vītisāretvā pariyosāpetvā niṭṭhapetvā ito pubbe Tathāgatassa adiṭṭhattā guṇāguṇavasena gambhīrabhāvaṃ vā uttānabhāvaṃ vā ajānanto ekamantaṃ nisīdī, ekamantaṃ nisinno kho yaṃ ovaṭṭikasāraṃ katvā āgato lokanissaraṇabhavokkantipaṇhaṃ Satthu Sammāsambuddhataṃ pucchituṃ **bhavampi noti-ādimāha**.

Tattha **bhavampi**ti pi-kāro sampiṇḍanatthe nipāto, tena ca cha Satthāre sampiṇḍeti. Yathā pūraṇādayo “Sammāsambuddhamhā”ti paṭijānanti, evaṃ bhavampi nu paṭijānātīti attho. Idaṃ pana rājā na attano laddhiyā, loke mahājanena gahitapaṭiññāvasena pucchati. Atha Bhagavā Buddhasīhanādaṃ nadanto **yaṃ hi taṃ mahārājāti-ādimāha**. Tattha **ahaṃ hi mahārājāti** anuttaraṃ sabbaseṭṭhaṃ sabbaññutaññāṇasaṅkhātaṃ sammāsambodhiṃ ahaṃ abhisambuddhoti attho. **Samaṇabrāhmaṇāti**

1. Gotamasāvakānañca (Sī, Syā)

pabbajjūpagamanena samaṇā, jātivasena brahmaṇā. **Saṅghinoti**-ādīsu pabbajitasamūhasaṅkhāto Saṅgho etesaṃ atthīti **saṅghino**. Sveva gaṇo etesaṃ atthīti **gaṇino**. Ācārasikkhāpanavasena tassa gaṇassa ācariyāti **gaṇācariyā**. **Ñātāti** paññātā pākaṭā. “Appicchā santuṭṭhā appicchatāya vatthampina nivāsentī”ti evaṃ samuggato yaso etesaṃ atthīti **yasassino**. **Titthakarāti** laddhikarā. **Sādhusammatāti** “santo sappurisā”ti evaṃ sammatā. **Bahujanassāti** assutavato andhabālaputhujjanassa. **Pūraṇoti**-ādīni tesāṃ nāmagottāni. **Pūraṇoti** hi nānameva. Tathā **makkhalīti**. So pana gosālāya jātattā **gosāloti** vutto. **Nātaputtoti** Nāṭassa putto. **Belatṭhaputtoti** Belatṭhassa putto. **Kaccāyanoti** Pakudhassa gottāṃ. Kesakambalassa dhāraṇato **Ajito Kesakambaloti** vutto.

Tepi mayāti kappakolāhalaṃ Buddhakolāhalaṃ cakkavattikolāhalanti tīṇi kolāhalāni. Tattha “vassasatasahassamatthakekappuṭṭhānaṃ bhavissatī”ti kappakolāhalaṃ nāma hoti, “ito vassasatasahassamatthake loko vinassissati, mettāṃ mārisā bhāvētha, karuṇaṃ muditaṃ upekkhaṇaṃ”ti manussappathe devatā ghosentiyo vicaranti. “Vassasahassamatthake pana Buddho uppajjissatī”ti Buddhakolāhalaṃ nāma hoti, “ito vassasahassamatthake Buddho uppajjivā dhammānudhammapaṭipadaṃ paṭipannaṃ saṅgharatanena parivārito dhammaṃ desento vicarissatī”ti devatā ugghosenti. “Vassasatamatthake pana cakkavattī uppajjissatī”ti cakkavattikolāhalaṃ nāmahoti, “ito vassasatamatthake sattaratanasampanno catuddīpissaro sahassa¹ puttaparivāro vehāsaṅgamo cakkavattirājā uppajjissatī”ti devatā ugghosenti.

Imesu tīsu kolāhalesu ime cha Satthāro Buddhakolāhalaṃ sutvā ācariye payirupāsivā cintāmaṇivijjādīni uggaṇhitvā “mayāṃ Buddhamhā”ti paṭiññāṃ katvā mahājanaparivutā janapadaṃ vicarantā anupubbena Sāvatthiyaṃ pattā. Tesāṃ upaṭṭhākā rājānaṃ upasaṅkamtivā “mahārāja Pūraṇo Kassapo -pa- Ajito Kesakambalo Buddho kira sabbaññū kirā”ti ārocesuṃ. Rājā “tumheva ne nimantetvā ānethā”ti

1. Parosahassa (Syā)

āha. Te gantvā tehi “rājā vo nimanteti, rañño gehe bhikkhaṃ gaṇhathā”ti vuttā gantum na ussahanti¹, punappunam vuccamānā upaṭṭhākānam cittānurakkhaṇatthāya adhvāsetvā sabbe ekatova agamaṃsu. Rājā āsanāni paññāpetvā “nisīdantū”ti āha. Nigguṇānam² attabhāve rājasmā nāma pharati, te mahārahesu āsanesu nisīditum asakkontā phalakesu ceva bhūmiyam ca nisīdīmsu.

Rājā “ettakeneva natthi tesam anto sukkadhammo”ti vatvā āhāram adatvāva tālato patitam muggarena pothento viya “tumhe Buddhā, na Buddhā”ti pañham pucchi. Te cintayīmsu “sace ‘Buddhamhā’ti vakkhāma, rājā Buddhavisaye pañham pucchitvā kathetum asakkonte ‘tumhe mayam Buddhāti mahājanam vañcetvā ahiṇḍathā’ti jivhampi chindāpeyya, aññampi anatham kareyyā”ti sakapaṭiññāya eva “na mayam Buddhā”ti vadīmsu. Atha ne rājā gehato nikaḍḍhāpesi. Te rājagharato nikkhante upaṭṭhākā pucchīmsu “kiṃ ācariyā rājā tumhe pañham pucchitvā sakkārasammānam akāsī”ti. Rājā “Buddhā tumhe”ti pucchi, tato mayam “sace ayam rājā Buddhavisaye pañham kathiyamānam ajānanto amhesu manam padosessati, bahum apuññam pasavissati”ti rañño anukampāya “na mayam Buddhā”ti vadīmā, mayam pana Buddhā eva, amhākam Buddhabhāvo udakena dhovitvāpi haritum na sakkāti. Iti bahiddhā “Buddhamhā”ti āhamāsu, rañño santike “na mayam Buddhā”ti vadim sūti, idam gahetvā rājā evamāha. Tattha **kiṃ pana bhavam Gotamo daharo ceva jātiyā, navo ca pabbajjāyāti** idam attano paṭiññam gahetvā vadati. Tattha **kinti** paṭikkhepavacanam. Ete jātimahallakā ca cirapabbajitā ca “Buddhamhā”ti na paṭijānanti, bhavam Gotamo jātiyā ca daharo pabbajjāya ca navo kiṃ paṭijānāti, mā paṭijānāhīti attho.

Na uññātabbāti na avajānitabbā. Na paribhotabbāti na paribhavitabbā. **Katame cattāro**ti kathetukamyatāpucchā. **Khattiyoti** rājakumāro. **Uragoti** āsīviso. **Aggīti** aggiyeva. **Bhikkhūti** imasmim pana pade desanākusalatāya attānam abbhantaram katvā sīlavantam pabbajitam dasseti.

1. Na ussahantā (Ka)

2. Nigaṇṭhānam (Syā)

Ettha ca daharaṃ rājakumāraṃ disvā ukkamitvā maggaṃ adento pārūpanaṃ anapanento nisinnāsanato anuṭṭhahanto hatthipiṭṭhādīhi anotaranto heṭṭhā katvā maññanavasena aññaṃpi evarūpaṃ anācāraṃ karonto khattiyāṃ avajānāti nāma. “Bhaddako vatāyaṃ rājakumāro mahākaṇḍo¹ mahodaro kiṃ nāma yaṃkiñci corūpaddavaṃ vūpasametum yathā katthaci ṭhāne rajjaṃ anusāsituṃ sakkhissatī”ti-ādīni vadanto paribhoti nāma. Añjanisalākamattampi āsīvisapotakaṃ kaṇṇādīsu piḷandhanto aṅhulimpi jivhampi ḍaṃsāpento uragaṃ avajānāti nāma. “Bhaddako vatāyaṃ āsīviso udakadeḍḍubho viya kiṃ nāma kiñcadeva ḍaṃsītuṃ kassacideva kāye visaṃ pharītuṃ sakkhissatī”ti-ādīni vadanto paribhoti nāma. Khajjopanakamattampi aggim gahetvā hatthena kīlanto bhaṇḍukkhalikāya khipanto cūḷāya vā sayanapiṭṭhasātakapasibbakādīsu vā ṭhapento² aggim avajānāti nāma. “Bhaddako vatāyaṃ aggi kataraṃ nu kho yāgubhattaṃ pacissati, kataraṃ macchamaṃsaṃ, kassa sītaṃ vinodessatī”ti-ādīni vadanto paribhoti nāma. Daharasāmaṇerampi pana disvā ukkamitvā maggaṃ adentoti rājakumāre vuttaṃ anācāraṃ karonto bhikkhuṃ avajānāti nāma. “Bhaddako vatāyaṃ sāmaṇero mahākaṇṭho mahodaro yaṃkiñci Buddhavacanaṃ uggahetuṃ yaṃkiñci araññaṃ ajjhegāhetvā vasītuṃ sakkhissati, saṃghattherakāle manāpo bhavissatī”ti-ādīni vadanto paribhoti nāma. Taṃ sabbampi na kātabbanti dassento **na uññātabbo na paribhotabboti** āha.

Etadavocāti etaṃ gāthābandhaṃ avoca. Gāthā ca nāmetā tadatthadīpanāpi honti visatthadīpanāpi, tatrīmā tadatthampi visatthampi dīpentiyeva. Tattha **khattiyanti** khettānaṃ adhipatim. Vuttaṃ hetam “khettānaṃ adhipatīti kho Vāseṭṭha ‘khattiyō khattiyō’ tveva dutiyaṃ akkharaṃ upanibbattaṃ”ti³. **Jātisampannanti** tāyeva khattiyajātiyā jātisampannaṃ. **Abhijātanti** tīṇi kulāni atikkamitvā jātam.

Ṭhānaṃ hīti kāraṇaṃ vijjati. **Manujindoti** manussajettako. **Rājadaṇḍenāti** rañño uddhaṭadaṇḍena, so appako nāma na hoti, dasasahassavīsatisahassappamāṇo hotiyeva. **Tasmim pakkamate**

1. Mahākaṇḍo (Sī), mahāgaṇḍo (Syā)

2. Khipanto (Syā)

3. Dī 3. 77 piṭṭhe.

bhusanti tasmim̐ puggale balava-upakkamaṃ upakkamati. **Rakkhaṃ jīvitamattanoti** attano jīvitam̐ rakkhamāno tam̐ khattiyam̐ parivajjeyya na ghaṭṭeyya.

Uccāvacehīhi nānāvidhehi. **Vaṇṇehī**ti saṅṭhānehi. Yena yena¹ hi vaṇṇena caranto gocaram̐ labhati, yadi sappavaṇṇena, yadi deḍḍubhavaṇṇena, yadi dhamanivaṇṇena, antamaso kalandakavaṇṇenapi caratiyeva. **Āsajjā**ti patvā. **Bālanti** yena bālena ghaṭṭito, tam̐ bālam̐ naram̐ vā nārim̐ vā ḍamseyya.

Pahūtabhakkhanti bahubhakkham̐. Aggissa hi abhakkham̐ nāma natthi. **Jālinanti** jālavantam̐. **Pāvakanti** aggin̐. Pāvagantipi pāṭho. **Kaṇhavattaninti** vattanīti maggo, ²agginā gatamaggo² kaṇho hoti kāḷako, tasmā “kaṇhavattani”ti vuccati.

Mahā hutvānāti mahanto hutvā. Aggi hi ekadā yāvabrahmalokappamāṇopi hoti. **Jāyanti tattha pārohāti** tattha agginā daḍḍhavane pārohā jāyanti. Pārohāti tiṇarukkhādayo vuccanti. Te hi agginā daḍḍhaṭṭhāne mūlamattepi avasiṭṭhe pādato rohanti jāyanti vaḍḍhanti, tasmā “pārohā”ti vuccanti. Puna rohanatthena vā **pārohā**. **Ahorattānamaccayeti** rattindivānam̐ atikkame. Nidāghepi deve vuṭṭhamatte jāyanti.

Bhikkhu ḍahati tejasāti ettha akkosantam̐ paccakkosanto bhaṇḍantam̐ paṭibhaṇḍanto paharantam̐ paṭipaharanto bhikkhu nāma kiñci bhikkhutejasā ḍahituṃ na sakkoti. Yo pana akkosantam̐ na paccakkosati, bhaṇḍantam̐ na paṭibhaṇḍati, paharantam̐ na paṭipaharati, tasmim̐ vippaṭipanno tassa sīlatejena ḍayhati. Tenevetam̐ vuttam̐. **Na tassa puttā pasavoti** tassa puttadhītaropi gomahimsakukkuṭasūkarādayo pasavopi³ na bhavanti, vinassantīti attho. **Dāyādā vindare dhananti** tassa dāyādāpi dhanam̐ na vindanti. **Tālāvatthū bhavanti teti** te bhikkhutejasā daḍḍhā vatthumattāvasiṭṭho matthakacchinnatālo viya bhavanti, puttadhītādivasena na vaḍḍhantīti attho.

1. Yena kenaci (Syā)

2-2. So (Ka)

3. Sabbepi (Syā)

Tasmāti yasmā samaṇatejena daḍḍhā matthakacchinnatālo viya aviruḷhidhammā bhavanti, tasmā. **Sammadeva samācareti** sammā samācareyya. Sammā samācarantena pana kim kātabbanti? Khattiyam tāva nissāya laddhabbam gāmanigamayānavāhanādi-ānisaṃsam, uragam nissāya tassa kīḷāpanena laddhabbam vatthahiraññasuvaṇṇādi-ānisaṃsam, aggim nissāya tassānubhāvena patabbam yāgubhattapacanasītavinodanādi-ānisaṃsam, bhikkhum nissāya tassa vasena patabbam asutasavanasutapariyodapanasaggamaggādhigamādi-ānisaṃsam sampassamānena “ete nissāya pubbe vuttappakāro ādīnavo atthi, kim imehi”¹ti na sabbaso¹ pahātabbā². Issariyatthikena pana vuttappakāram avajānanañca paribhavanañca akatvā pubbuṭṭhāyīpacchānipātītādīhi upāyehi khattiyakumāro tosetabbo, evam tato issariyam adhigamissati. Ahituṇḍikena urage vissāsam akatvā nāgavijjam parivattetvā ajapadena daḍḍena gīvāya gahetvā visaharena mūlena dāṭhā dhovivā peḷāyam pakkhipivā kīḷāpentena caritabbam. Evam tam nissāya ghāsacchādanādīni labhissati. Yāgupacanādīni kattukāmena aggim vissāsenā bhaṇḍukkhālikādīsū apakkhipivā hatthehi anāmasantena gomayacuṇṇādīhi jāletvā yāgupacanādīni kattabbāni, evam tam nissāya ānisaṃsam labhissati. Asutasavanādīni patthayantenapi bhikkhum ativissāsenā vejjakammanavakammādīsū³ ayojetvā catūhi paccayehi sakkaccam upaṭṭhātabbo, evam tam nissāya asutapubbam Buddhavacanam asutapubbam pañhāvinicchayam diṭṭhadhammikasamparāyikam attham tisso kulasampattiyo⁴ cha kāmasaggāni nava ca brahmaloke patvā amatamahānibbānadassanampi labhissatīti imamattham sandhāya **sammadeva samācareti** āha.

Etadvocāti dhammadesanam sutvā pasanno pasādam āvikaronto etam “abhikkantan”⁵ti-ādivacanam avoca. Tattha **abhikkantanti** abhikantam⁵ atīṭṭham atimanāpaṃ, atisundaranti attho. Ettha ekena abhikkantasaddena desanam thometi “abhikkantam bhante yadidaṃ Bhagavato dhammadesanā”⁵ti. Ekena

1. Na sabbasova (Sī, Syā)

2. Pahātabbo (Syā)

3. Vejjakammadūtakammādīsū (Sī), vejjakammadūtakammanavakammādīsū (Syā)

4. Kusalasampattiyo (Sī, Syā)

5. Atikantam (Syā)

attano pasādaṃ “abhikkantaṃ bhante yadidaṃ Bhagavato dhammadesanaṃ āgamma mama pasādo”ti.

Tato paraṃ catūhi upamāhi desanaṃyeva thometi. Tattha **nikkujjinti** adhomukhaṭṭhapitaṃ, heṭṭhāmukhajātaṃ vā. **Ukkujjeyyāti** uparimukhaṃ kareyya. **Paṭicchannanti** tiṇapaṇṇādichāditaṃ¹. **Vivareyyāti** ugghāteyya. **Mūlhassāti** disāmūlhasa. **Maggam ācikkheyyāti** hatthe gahetvā “esa maggo”ti vadeyya. **Andhakāreti** kālapakkhacātuddasī-aḍḍharattaghanavanasañḍameghapaṭalehi caturaṅge tame². Idaṃ vuttaṃ hoti—yathā koci nikkujjitaṃ ukkujjeyya, evaṃ saddhammavimukhaṃ asaddhamme patitaṃ maṃ asaddhammā vuṭṭhāpentena, yathā paṭicchannaṃ vivareyya, evaṃ Kassapassa Bhagavato sāsanaṃtaradhānā pabhuti micchāditiṭṭhigahanapaṭicchannaṃ sāsanaṃ vivarantena, yathā mūlhassa maggaṃ ācikkheyya, evaṃ kummaggamicchāmaggaṇipannassa me saggamokkhamaggaṃ āvikarontena, yathā andhakāre telapajjotaṃ dhāreyya, evaṃ mohandhakāre nimuggassa³ me Buddhādiratanarūpāni apassato tappaṭicchādakamohandhakāraviddhaṃsakadesanāpajjotaṃ dhārentena⁴ mayhaṃ Bhagavatā etehi pariyāyehi pakāsītattā anekapariyāyena dhammo pakāsītoti.

Evaṃ desanaṃ thometvā imāya desanāya ratanattaye pasannacitto pasannākāraṃ karonto **esāhanti**-ādimāha. Tattha **esāhanti** eso ahaṃ. **Bhagavantaṃ saraṇaṃ gacchāmi dhammañca bhikkhusaṃghaṅcāti** Bhagavantañca dhammañca bhikkhusaṃghaṅcāti imaṃ ratanattayaṃ saraṇaṃ gacchāmi. **Upāsakaṃ maṃ bhante Bhagavā dhāretūti** maṃ Bhagavā “upāsako ayan”ti evaṃ dhāretu, jānātūti attho. **Ajjataggeti** ajjataṃ ādim katvā. Ajjadaggeti vā pāṭho, da-kāro padasandhikaro, ajja aggaṃ katvāti attho. **Pāṇupetanti** pāṇehi upetaṃ. Yāva me jīvitaṃ pavattati, tāva upetaṃ anaññasatthukaṃ tīhi saraṇagamanehi saraṇaṃ gataṃ upāsakaṃ kappiyakāraṃ maṃ Bhagavā dhāretūti ayamettha saṅkhepo, vitthāro pana Sumaṅgalavilāsiniyā Dīghanikāyaṭṭhakathāya Sāmaññaphalasutte sabbākārena vuttoti. . Paṭhamāṃ.

1. Tiṇādichāditaṃ (Syā), tiṇapaṇṇādīhi chāditaṃ (Ka)

3. Mohandhakāranimuggassa (Sī, Ka)

2. Caturaṅgatamasi (Ka)

4. ...pajjotadhāraṇena (Ka)

2. Purisasuttavaṇṇanā

113. Dutiye **abhivādetvā**ti purimasutte saraṇagatatā idha abhivādesi. **Ajjhattanti** niyakajjhataṃ, attano santāne uppajjantīti attho. **Lobhādīsu** lubbhanalakkhaṇo lobho, dussanalakkhaṇo doso, muyhanalakkhaṇo mohoti. **Himsantīti** viheṭhenti nāsenti vināsenti. **Attasambhūtā**ti attani sambhūtā. **Tacasāraṃva samphalanti**¹ yathā tacasāraṃ veḷum vā naḷaṃ vā attano phalaṃ himsati vināseti, evaṃ himsanti vināsenti. . Dutiyaṃ.

3. Jarāmarāṇasuttavaṇṇanā

114. Tatiye **aññatra jarāmarāṇā**ti jarāmarāṇato mutto nāma atthīti pucchati. **Khattiyamahāsālā**ti khattiyamahāsālā nāma mahāsārappattā khattiyā. Yesaṃ hi khattiyānaṃ heṭṭhimantena koṭisataṃ nidhānagataṃ hoti, tayo kahāpaṇakumbhā valañjanatthāya gehamajjhe rāsiraṃ katvā ṭhapitā honti, te **khattiyamahāsālā** nāma. Yesaṃ brāhmaṇānaṃ asītikoṭidhanaṃ nihitaṃ hoti, diyaḍḍho kahāpaṇakumbho valañjanatthāya gehamajjhe rāsiraṃ katvā ṭhapito hoti, te **brāhmaṇamahāsālā** nāma. Yesaṃ gahapatīnaṃ cattālīsakoṭidhanaṃ nihitaṃ hoti, kahāpaṇakumbho valañjanatthāya gehamajjhe rāsiraṃ katvā ṭhapito hoti, te **gahapatimahāsālā** nāma.

Adḍhāti issarā. Nidhānagatatadhanassa² mahantatāya **mahaddhanā**. Suvaṇṇarajatabhājanādīnaṃ upabhogabhaṇḍānaṃ mahantatāya **mahābhogā**. Anidhānagatassa jātarūparajatassa pahūtātāya **pahūtajātarūparajatā**. Vittūpakaraṇassa tuṭṭhikaraṇassa³ pahūtātāya **pahūtavittūpakaraṇā**. Godhanādīnaṃca sattavidhadhaññānaṃca pahūtātāya **pahūtadhanadhaññā**. **Tesampi jātānaṃ natthi aññatra jarāmarāṇā**ti tesampi evaṃ issarānaṃ jātānaṃ nibbattānaṃ natthi aññatra jarāmarāṇā, jātattāyeva jarāmarāṇato makkho nāma natthi, antojaramaraṇeyeva teti⁴.

1. Vaṃsaphalanti (Syā)

3. Tuṭṭhikāraṇassa (Syā)

2. Nidhānagatassa (Syā)

4. Hoti (Sī)

Arahantoti-ādīsu ārakā kilesahīti arahanto. Khīṇā etesaṃ cattāro āsavāti **khīṇāsavā**. Brahmācariyavāsaṃ vuṭṭhā pariniṭṭhitavāsāti **vusitavanto**. Catūhi maggehi karaṇīyaṃ etesaṃ katanti **katakaraṇīyā**. Khandhabhāro kilesabhāro abhisankhārabhāro kāmaguṇabhāroti ime ohitā bhārā etesanti **ohitabhārā**. Anupatto arahattasankhāto sako attho etesanti **anuppattasadatthā**. Dasavidhampi parikkhīṇaṃ bhavasamyojanaṃ etesanti **parikkhīṇabhavasamyojanā**. Sammā karaṇehi jānitvā vimuttāti **sammadaññāvimuttā**. Maggapaññāya catusaccadhammaṃ ñatvā phalavimuttiyā vimuttāti attho. **Bhedanadhammoti** bhijjanasabhāvo. **Nikkhepanadhammoti**¹ nikkhipitabbasabhāvo. Khīṇāsavassa hi ajīraṇadhammopi atthi, ārammaṇato paṭividdhaṃ nibbānaṃ, taṃ hi² na jīrati. Idha panassa jīraṇadhammaṃ dassento evamāha. Atthuppattiko kirassa suttassa nikkhepo. Sivikasālāya nisīditvā kathitanti vadanti. Tattha Bhagavā citrāni rathayānādīni disvā diṭṭhameva upamaṃ katvā “jīranti ve rājarathā”ti gāthamāha.

Tattha **jīrantīti** jaraṃ pāpuṇanti. **Rājarathāti** rañño abhirūhanarathā. **Sucittāti** suvaṇṇarajatādīhi suṭṭhu cittitā³. **Atho sarīrampi jaraṃ upetīti** evarūpesu anupādiṇṇakesu sārādārumayesu rathesu jīrantesu imasmiṃ ajjhattike upādiṇṇake maṃsalohitādīmāye sarīre kiṃ vattabbaṃ, sarīrampi jaraṃ upetiyevāti attho. **Santo have sabbhi pavedayantīti** santo sabbhīhi⁴ saddhiṃ sataṃ dhammo na jaraṃ upetīti evaṃ pavedayanti. Sataṃ dhammo nāma nibbānaṃ, taṃ na jīrati, ajaraṃ amatanti⁵ evaṃ kathentīti attho. Yasmā vā nibbānaṃ āgamma sīdanasabhāvā kilesā bhijjanti, tasmā taṃ sabbhīti vuccati. Iti purimāpadassa karaṇaṃ dassento “santo have sabbhi pavedayantī”ti āha. Idam hi vuttaṃ hoti—sataṃ dhammo na jaraṃ upeti, tasmā⁶ santo sabbhi pavedayanti, ajaraṃ nibbānaṃ sataṃ dhammoti ācikkhantīti attho. Sundārādhivācanaṃ vā etaṃ sabbhīti. Yaṃ sabbhidhammabhūtaṃ nibbānaṃ santo pavedayanti kathayanti, so sataṃ Dhammo na jaraṃ upetītipi attho. . Tatiyaṃ.

1. Nikkhepanasabhāvoti (Syā)

2. Tampi (Ka)

3. Cittā (Syā)

4. Sabbhi (Syā)

5. Amaranti (Syā)

6. Kasmā (Syā)

4. Piyasuttavaṇṇanā

115. Catutthe **rahogatassāti** rahasi gatassa. **Paṭisallīnassāti** nilīnassa ekībhūtaṃ. **Evametam mahārājāti** idha¹ Bhagavā imam suttaṃ sabbaññubhāsitaṃ karonto āha. **Antakenādhīpannassāti** maraṇena ajjhotthaṭṭassa. . Catuttham.

5. Attarakkhitasuttavaṇṇanā

116. Pañcame **hatthikāyoti** hatthighaṭṭa². Sesesupi eseva nayo. **Samvaroti** pidahanam. **Sādhu sabbattha samvaroti** iminā kamma pathabhedam apattassa kammaṃ samvaram dasseti. **Lajjīti** hirimā. Lajjigahaṇena cettha ottappampi gahitameva hoti. . Pañcamaṃ.

6. Appakasuttavaṇṇanā

117. Chaṭṭhe **ulāre ulāretipaṇīte** ca bahuke ca. **Majjintīti** mānamajjanena majjanti. **Atisāranti** atikkamaṃ. **Kūṭanti** pāsam. **Pacchāsanti** pacchā tesam. . Chaṭṭham.

7. Aḍḍakaraṇasuttavaṇṇanā

118. Sattame **kāmahetūti** kāmamūlakam. **Kāmanidānanti** kāmappaccayā. **Kāmādhikaraṇanti** kāmakaraṇā. Sabbāni hetāni aññaṃaññavevacanāneva. **Bhadramukhoti** sundaramukho. Ekadivasam kira rājā aḍḍakaraṇe³ nisīdi. Tattha paṭhamataram laṅgam gahetvā nisinnā amaccā assāmikepi sāmike karimsu. Rājā tam nītvā “mayham tāva pathavissarassa sammukhāpete evam karonti, parammukhā kim nāma na karissanti, paññāyissati dāni Viṭaṭubho⁴ senāpati sakena rajjena, kim mayham evarūpehi laṅgakhādakehi musāvādīhi saddhim ekatṭhāni nisajjāyā”ti cintesi. Tasmā evamāha. **Khippamva oḍḍitanti** kuminam viya oḍḍitam. Yathā macchā oḍḍitam kuminam pavisantā na jānanti, enam sattā kilesakāmena vatthukāmaṃ vītikkamantā na jānantīti attho. . Sattamaṃ.

1. Iti (Sī)

2. Hatthighaṭṭo (Ka)

3. Atthakaraṇe (Sī, Syā)

4. Viṭaṭa bho (Sī), Viḍḍabho (Syā)

8. Mallikāsuttavaṇṇanā

119. Aṭṭhame **atthi nu kho te Malliketi** kasmā pucchati? Ayam kira Mallikā duggatamālākārassa dhītā, ekadivasam āpaṇato pūvaṃ gahetvā “mālārāmaṃ gantvāva khādissāmi”¹ti gacchantī paṭipathe bhikkhusaṃghaparivāraṃ Bhagavantaṃ bhikkhācāraṃ pavisantaṃ disvā pasannacittā taṃ Bhagavato adāsi, Satthā nisīdanākāraṃ dassesi. Ānandatthero cīvaraṃ paññāpetvā adāsi. Bhagavā tattha nisīditvā taṃ pūvaṃ paribhuñjitvā mukhaṃ vikkhāletvā sitaṃ pātvākāsi. Thero “imissā bhante ko vipāko bhavissati”²ti pucchi. Ānanda ajjesā¹ Tathāgatassa paṭhamabhोजनाṃ adāsi, ajjeva Kosalarañño aggamahesī bhavissatīti. Taṃdivasameva ca rājā Kāsigāme bhāgineyyena yuddhena² parājito palāyitvā nagaraṃ āgacchanto mālārāmaṃ pavisitvā balakāyassa āgamaṇaṃ āgamesi. Tassa sā vattaṃ akāsi. So tāya vatte³ pasīditvā taṃ antepuraṃ atihārāpetvā taṃ aggamahesiṭṭhāne ṭhapesi.

Athekadivasam cintesi “mayā imissā duggatakulassa dhītuyā mahantaṃ issariyaṃ dinnam, yaṃnūnāhaṃ imaṃ puccheyyaṃ ‘ko te piyo’⁴ti. Sā ‘tvaṃ me mahārāja piyo’⁴ti vatvā puna maṃ pucchissati, athassāhaṃ ‘mayhampi tvaṃyeva piyā’⁴ti vakkhāmi”⁴ti. Iti so aññamaññaṃ vissāsajananatthaṃ sammodanīyaṃ kathaṃ kathento pucchati. Sā pana devī paṇḍitā Buddhupaṭṭhāyikā dhammupaṭṭhāyikā saṃghupaṭṭhāyikā mahāpaññā⁴, tasmā evaṃ cintesi “nāyaṃ pañho rañño mukhaṃ oloketvā kathetabbo”⁴ti. Sā saraseneva kathetvā rājānaṃ pucchi. Rājā tāya sarasena kathitattā nivattitum alabhanto sayampi daraseneva kathetvā “sakāraṇaṃ idaṃ, Tathāgatassa naṃ ārocessāmi”⁴ti gantvā Bhagavato ārocesi. **Nevajjhagāti** nādhigacchati. **Evaṃ piyo puthu attā paresanti** yathā ekassa attā piyo, evaṃ paresaṃ puthusattānampi⁵ attā piyoti attho. . Aṭṭhamaṃ.

1. Ajjeva (Syā)

2. Yuddhe (Syā)

3. Katavatte (Syā)

4. Mahāpuññā (Syā, Ka)

5. Puthuttānaṃ (Syā)

9. Yaññasuttavaṇṇanā

120. Navame **thūṇūpanītānī**ti thūṇaṃ upaṅtāni, thūṇāya baddhāni honti. **Parikammāni karontī**ti ettāvataṃ tehi bhikkhūhi rañño¹ āradhayañño Tathāgatassa ārocito. Kasmā pana raññā ayaṃ yañño āradhho? Dussupinapaṭighātāya. Ekadivasam kira rājā sabbālaṅkārappaṭimaṇḍito hatthikkhandhavaragato nagaram anusaṅcaranto vātapānam vivarivā olokayamānam ekam itthim disvā tassā paṭibaddhacitto tatova paṭinivattivā antepuram pavisitvā ekassa purisassa tamattham ārocetvā “gaccha tassā sassāmikabhāvaṃ vā assāmikabhāvaṃ vā jānāhi”ti pesesi. So gantvā² pucchi. Sā “eso me sāmiko āpaṇe nisinno”ti dassesi. Rājapuriso rañño tamattham ācikkhi, rājā tam purisam pakkosāpetvā “maṃ upaṭṭhahā”ti āha. Nāham deva upaṭṭhahitum³ jānāmīti ca vutte “upaṭṭhānam nāma na ācariyassa santike uggahetabban”ti balakkārena āvudhaphalakaṃ gāhāpetvā upaṭṭhākaṃ akāsi. Upaṭṭhahitvā geham gatamattameva ca nam puna pakkosāpetvā “upaṭṭhākena nāma rañño vacanam kattabham, gaccha ito yojanamatte⁴ amhākaṃ sīsadhovanapokkharanī atthi, tato aruṇamattikaṅca lohituppalamālaṅca gaṇhitvā ehi. Sace ajjeva nāgacchasi, rājadaṇḍam karissāmi”ti vatvā pesesi. So rājabhayena nikkhamitvā gato.

Rājāpi tasmiṃ gate dovārikaṃ pakkosāpitvā “ajja sāyanheyeva dvāram pidahitvā ‘aham rājadūto’ti vā ‘uparajadūto’ti vā bbaṇṇatānampi mā vivarī”ti āha. So puriso mattikaṅca uppalāni ca gahetvā dvāre pihitamatte⁵ āgantvā bahum vadantopi dvāram alabhitvā parissayabhayena Jetavanam gato. Rājāpi rāgapariḷāhena⁶ abhibhūto kāle nisīdati, kāle tiṭṭhati, kāli nipajjati, sannitṭhānam⁷ alabhanto yattha katthaci nisinnakova makkaṭaniddāya niddāyati.

1. Raññā (Syā)

2. Tam gantvā (Syā)

3. Upaṭṭhātum (Sī, Syā)

4. Yojanamagge (Syā), yojanamattake (Ka)

5. Pidahitamatte (Sī)

6. Balavapariṭṭhāhena (Sī, Syā)

7. Nisinnatṭhānam (Sī)

Pubbe ca¹ tasmiṃyeva nagare cattāro seṭṭhiputtā paradārikakammaṃ² katvā Nandopanandāya nāma Lohakumbhiyā nibbattiṃsu. Te pheṇuddehakaṃ paccamānā tiṃsavassasahassāni heṭṭhā gacchantā kumbhiyā talam pāpuṇanti, tiṃsavassasahassāni upari gacchantā matthakaṃ pāpuṇanti. Te taṃ divasaṃ ālokaṃ oloketvā attano dukkaṭabhayena ekekaṃ gātham vattukāmā vattum asakkontā ekekaṃ akkhameva āhaṃsu. Eko sa-kāraṃ, eko so-kāraṃ, eko na-kāraṃ, eko du-kāraṃ āha. Rājā tesam nerayikasattānaṃ saddaṃ sutakālato paṭṭhāya sukhaṃ avindamānova tamrattāvasesaṃ vītināmesi.

Aruṇe uṭṭhite purohito āgantvā taṃ sukhasayyaṃ pucchi. So “kuto me ācariya sukhaṃ”ti vatvā “supine evarūpe sadde assosiṃ”ti ācikkhi. Brahmaṇo “imassa rañño iminā supinena vuḍḍhi vā hāni vā natthi, apica kho pana yaṃ imassa gehe atthimtaṃ samaṇassa Gotamassa hoti, Gotamasāvakaṇaṃ hoti, brāhmaṇā kiñci na labhanti, brāhmaṇaṇaṃ bhikkhaṃ³ uppādessāmi”ti “bhāriyo ayaṃ mahārāja supino tisu jānīsu ekā paññāyati, rajjantarāyo vā bhavissati jīvitantarāyo vā, devo vā na vassissati”ti āha. Kathaṃ sotthi bhaveyya ācariyāti. Mantetvā nātum sakkā mahārājāti. Gacchatha ācariyehi saddhiṃ mantetvā amhākaṃ sotthiṃ karothāti.

So Sivikasālāyaṃ brāhmaṇe sannipātetvā tamatthaṃ ārocetvā “visum visum gantvā evaṃ vadathā”ti tayo vagge akāsi. Brāhmaṇā pavisitvā rājānaṃ sukhasayyaṃ pucchiṃsu. Rājā purohitassa kathitaniyāmeneva kathetvā “kathaṃ sotthi bhaveyyā”ti pucchi. Mahābrāhmaṇā “sabbapañcasataṃ⁴ yaññaṃ yajitvā etassa kammaṃ sotthi bhaveyya, evaṃ mahārāja ācariyā kathenti”ti āhaṃsu. Rājā tesam sutvā anabhinanditvā appaṭikkositvā tuṇhī ahosi. Atha dutiyavaggabrāhmaṇāpi āgantvā tatheva kathesum. Tathā tatiyavaggabrāhmaṇāpi. Atha rājā “yaññaṃ karontū”ti āṇāpesi. Tato paṭṭhāya brāhmaṇā usabhādayo paṇe āgarāpesum, nagare mahāsaddo

1. Pubbepi (Syā)

2. Paradārikakammaṃ (Sī), paradārikakammaṃ (Syā)

3. Bhakkhaṃ (Syā)

4. Sabbapañcapañcasataṃ (Syā)

udapādi. Taṃ pavattim̄ ñatvā Mallikā rājānaṃ Tathāgatassa santikaṃ pesesi. So gantvā Bhagavantaṃ vanditvā ekamantaṃ nisīdi. Atha naṃ Bhagavā “handa kuto nu tvaṃ mahārāja āgacchasi divādivassā”ti āha. Rājā “ajja me bhante supinake¹ cattāro saddā sutā, sohaṃ brāhmaṇe pucchim̄, brāhmaṇā ‘bhāriyo mahārāja supino, sabbapañcasataṃ yaññaṃ yajitvā paṭikammaṃ karomāti āraddhā’ti” āha². Kinti te mahārāja saddā sutāti. So yathāsutaṃ ārocesi. Atha naṃ Bhagavā āha—pubbe mahārāja imasmim̄ yeva nagare cattāro seṭṭhiputtā paradārikā hutvā Nandopanandāya Lohakumbhiyā nibbattā saṭṭhivassasahassamatthake uggacchimsu³.

Tattha eko—

“Saṭṭhivassasahassāni, paripuṇṇāni sabbaso.

Niraye paccamānānaṃ, kadā anto bhavissati”ti⁴—

Imaṃ gāthaṃ vattukāmo ahosi. Duttiyo—

“Sohaṃ nūna ito gantvā, yonim̄ laddhāna mānusiṃ.

Vadaññū silasampanno, kāhāmi kusalaṃ bahun”ti⁴—

Imaṃ. Tatiyo—

“Natthi anto kuto anto, na anto paṭidissati.

Tadā⁵ hi pakataṃ pāpaṃ, mama tuyhañca mārisā”ti⁴—

Imaṃ. Catuttho—

“Dujjīvitamajjivimhā, ye sante na dadamhase.

Vijjamānesu bhogesu, dīpaṃ nākamha attano”ti⁴—

Imaṃ. Te imā gāthā vattuṃ asakkontā ekekaṃ akkharaṃ vatvā tattheva nimuggā. Iti mahārāja te nerayikasattā yathākammaṃ niraviṃsu. Tassa saddassa sutapaccayā tuyhaṃ hāni vā vuḍḍhi vā natthi. Ettakānaṃ pana pasūnaṃ ghātanakammaṃ nāma bhāriyanti nirayabhayena tajjetvā

1. Supinakā (Ka) 2. Āhaṃsu (Syā) 3. Ummujjimsu (Syā), uppajjimsu (Ka)
4. Khu 2. 216; Khu 5. 100 piṭṭhe Jātaka. 5. Tathā (Syā)

dhammakathaṃ kathesi. Rājā Dasabale pasīditvā “muñcāmi, nesaṃ jīvitam dadāmi, haritāni ceva tiṇāni khādantu¹, sītalāni ca pānīyāni pivantu, sīto ca nesaṃ vāto upavāyatū”ti vatvā “gacchatha hāretvā”ti manusse āṇāpesi. Te gantvā brāhmaṇe palāpetvā taṃ pāṇasaṅghaṃ bandhanato mocetvā nagare dhammabheriṃ carāpesuṃ.

Atha rājā Dasabalassa santike nisinno āha “bhante ekaratti nāma tiyāmā hoti, mayhaṃ pana ajja dve rattiyo ekato ghaṭitā viya ahesun”ti. Sopi puriso tattheva nisinno āha “bhante yojanaṃ nāma catugāvutaṃ hoti, mayhaṃ pana ajja dve yojanāni ekato katāni viya ahesun”ti. Atha Bhagavā “jāgarassa tāva rattiyā dīghabhāvo pākaṭo, santassa yojanassa dīghabhāvo pākaṭo, vaṭṭapatitassa pana bālaputhujjanassa anamataggasaṃsāraṇaṃ ekantadīghamevā”ti rājānaṃca taṅca purisaṃ nerayikasatte ca ārabha Dhammapade imāṃ gāthaṃ abhāsi—

“Dīghā jāgarato ratti, dīghaṃ santassa yojanaṃ.

Dīgho bālāna saṃsāro, saddhammaṃ avijānatan”ti².

Gāthāpariyosāne so itthisāmiko puriso sotāpattiphale patiṭṭhahi.
Etamatthaṃ viditvāti etaṃ kāraṇaṃ jānitvā.

Assamedhanti-ādīsu porāṇarājakāle kira sassamedhaṃ purisamedhaṃ sammāpāsāṃ vācāpeyyanti cattāri saṅghavattūhi ahesuṃ, yehi rājāno lokāṃ saṅgaṇhiṃsu. Tattha nipphannaśassato dasamabhāgaggaṇaṃ **sassamedhaṃ** nāma, sassasampādane medhāvitāti attho. Mahāyodhānaṃ chamāsikaṃ bhata³ vetanānuppādānaṃ **purisamedhaṃ** nāma, purisaśaṅgaṇhane medhāvitāti attho. Daliddamanussānaṃ hatthato⁴ lekhaṃ gahetvā tiṇi vassāni vināva vaḍḍhiyā saḥassadvisaḥsamattadhaṇānuppādānaṃ **sammāpāsāṃ** nāma. Tañhi sammā manusse pāseti, hadaye bandhitvā viya ṭhapeti, tasmā sammāpāsanti vuccati. “Tāta mātulā”ti-ādinā nayena saṅghavācābhaṇaṇaṃ vācāpeyyaṃ nāma, piyavācāti attho. Evaṃ catūhi saṅghavattūhi saṅghitaṃ raṭṭhaṃ

1. Dadantu (Syā)

3. Chamāsikabhati (Syā)

2. Khu 1. 22 piṭṭhe.

4. Pothake (Ka)

iddhañceva hoti phītañca pahūta-annapānaṃ khemaṃ nirabbudaṃ, manussā mudā modamānā ure putte naccantā apārutagharadvārā¹ viharanti. Idaṃ gharadvāresu aggaḷānaṃ abhāvato **niraggalanti** vuccati. Ayaṃ porāṇikā pavenī.

Aparabhāge pana Okkākarājakāle brāhmaṇā imāni cattāri saṅgahavatthūni imañca raṭṭhasampattim parivattetvā uddhammūlakam katvā assamedham purisamedhanti-ādike pañca yaññe nāma akaṃsu. Tesu assamettha medhanti vadhantīti **assamedho**. Dvīhi pariyaññehi yajitabbassa ekavīsatiyūpassa ekasmiṃ majjhimadivaseyeva sattanavuttipaṇcapasusataghātabhimsanassa ṭhapetvā bhūmiñca purise ca avasesasabbavibhavadakkhiṇassa yaññassetam adhivacanam. Purisamettha medhantīti **purisamedho**. Catūhi pariyaññehi yajitabbassa saddhim bhūmiyā assamedhe vuttavibhavadakkhiṇassa yaññassetam adhivacanam. Sammamettha pāsenti **sammāpāso**. Divase divase sammam² khipitvā tassa patitokāse vedim katvā saṃhārimehi yūpādīhi sarassatinadiyā nimuggokāsato pabhuti paṭilomam gacchantena yajitabbassa satrayāgassetam adhivacanam. Vājettha pivantīti **vājapeyyo**. Ekena pariyaññena sattarasahi pasūhi yajitabbassa beluvayūpassa sattarasakadakkhiṇassa yaññassetam adhivacanam. Natthi ettha aggaḷāti **niraggaḷo**. Navahi pariyaññehi yajitabbassa saddhim bhūmiyā ca purisehi ca assamedhe vuttavibhavadakkhiṇassa sabbamedhapariyāyanāmassa assamedhavikappassevetam adhivacanam. **Mahārambhāti** mahākiccā mahākaraṇiyā. **Sammaggatāti** sammāpaṭipannā Buddhādayo. **Nirārambhāti** appatthā appakiccā. **Yajanti anukulanti** anukulesu yajanti, yaṃ niccabhattādi pubbapurisehi paṭṭhapitam, tam aparāparam anupacchinnattā manussā dadantīti attho. . Navamam.

10. Bandhanasuttavaṇṇanā

121. Dasame **idha bhante raññāti** idaṃ te bhikkhū tesu manussesu Ānandattherassa sukatakāraṇam³ ārocentā ārocesum. Rañño kira Sakkena Kusarājassa dinno atṭhavaṅko maṇi paveniyā āgato. Rājā alaṅkaraṇakāle tam maṇim āharathāti āha. Manussā

1. Apārutagharā (Syā, Ka)

2. Yugacchigale pavesanadaṇḍasankhātam sammam (Syā)

3. Sukāraṇam (Sī)

“ṭhapitaṭṭhāne na passāmā”ti ārocesum. Rājā antogharacārino “maṇim pariyesitvā dethā”ti bandhāpesi. Ānandatthero te disvā maṇipaṭisāmakānam¹ ekaṃ upāyaṃ ācikkhi. Te rañño ārocesum. Rājā “paṇḍito thero, therassa vacanaṃ karoṭhā”ti. Paṭisāmakamanussā rājaṅgaṇe udakacāṭim ṭhapetvā sāṇiyā parikkhipāpetvā te manusse āhaṃsu “sāṭakaṃ pārupitvā ettha gantvā hatthaṃ otārethā”ti. Maṇicoro cintesi “rājabhaṇḍaṃ vissajjetum vā valañjetum vā na sakkā”ti. So gehaṃ gantvā maṇim upakacchake ṭhapetvā sāṭakaṃ pārupitvā āgamma udakacāṭiyaṃ pakkhipitvā pakkāmi. Mahājane paṭikkante rājamanussā cāṭiyaṃ hatthaṃ otāretvā maṇim disvā āharitvā rañño adāmsu. “Ānandattherena kira dassitanayena maṇi diṭṭho”ti mahājano kolāhalaṃ akāsi. Te bhikkhū taṃ kāraṇaṃ Tathāgatassa ārocentā imaṃ pavattim ārocesum. Satthā “anacchariyaṃ bhikkhave, yaṃ Ānando manussānaṃ hatthāruḷhamaṇim āharāpeyya, yattha pubbe paṇḍitā attano ñāṇe ṭhatvā ahetukapaṭisandhiyaṃ nibbattānaṃ tiracchānagatānampi hatthāruḷhaṃ bhaṇḍaṃ āharāpetvā rañño adāmsū”ti vatvā—

“Ukkatṭhe sūramicchanti, mantīsu akutūhalaṃ.

Piyaṅca annapānamhi, atthe jāte ca paṇḍitaṃ”ti²—

Mahāsārajātakam kathesi.

Na taṃ dalhanti taṃ bandhanaṃ thiranti na kathenti. **Yadāyasanti** yaṃ ayasā kataṃ. **Sārattarattāti** suṭṭhu rattarattā, sārattena vā rattā sārattarattā, sāraṃ idanti maññanāya³ rattāti attho. **Apekkhāti** ālayo nikanti. **Āhūti** kathenti. **Ohārinanti** catūsu apāyesu ākaḍḍhanakam. **Sithilanti** na āyasādibandhanaṃ viya iriyāpathaṃ nivāretvā ṭhitaṃ. Tena hi bandhanaena buddhā paradesampi gacchantiyeva. **Duppamuñcanti** aññatra lokuttaraññena muñcituṃ asakkuṇeyyanti. . Dasamaṃ.

Paṭhamo vaggo.

1. Sāṇiyā parikkhipāpetvā paṭisāmakānam (Syā)

2. Khu 5. 22 piṭṭhe Jātake.

3. Maññamānā (Sī)

2. Dutiyavagga

1. Sattajaṭilasuttavaṇṇanā

122. Dutiyavaggassa paṭhame **Pubbārāme Migāramātupāsādeti** Pubbārāmasaṅkhāte vihāre Migāramātuyā¹ pāsāde. Tatrāyaṃ anupubbikathā—atīte sataśahassakappamatthake ekā upāsikā Padumuttaraṃ Bhagavantaṃ nimantetvā Buddhappamukhassa bhikkhusaṃghassa sataśahassadānaṃ datvā Bhagavato pādamūle nipajjitvā “anāgate tumhādisassa Buddhassa aggupaṭṭhāyikā homī”ti patthanaṃ akāsi. Sā kappasataśahassaṃ devesu ca manussesu ca saṃsaritvā amhākaṃ Bhagavato kāle Bhaddiyanagare Meṇḍakaputtassa Dhanañcayaseṭṭhino² gehe Sumanadeviyā kucchismiṃ paṭisandhiṃ gaṇhi. Jātakāle cassā Visākhāti nāmaṃ akāmsu. Sā yadā Bhagavā Bhaddiyanagaraṃ agamāsi, tadā pañcahi dārikāsatehi saddhiṃ Bhagavato paccuggamaṃ gatā paṭhamadassanamhiyeva sotāpannā ahoṣi. Aparabhāge Sāvatthiyaṃ Migāraseṭṭhiputtassa Puṇṇavaḍḍhanakumārassa gehaṃ gatā. Tattha naṃ Migāraseṭṭhi mātiṭṭhāne³ ṭhapesi, tasmā Migāramātāti vuccati. Tāya kārite pāsāde.

Bahi dvārakoṭṭhaketi pāsādadvārakoṭṭhakassa bahi, na vihāradvārakoṭṭhakassa. So kira pāsādo lohapāsādo viya samantā catudvārakoṭṭhakayuttena pākārena parikkhitto. Tesu pācīnadvārakoṭṭhakassa bahi pāsādacchāyāyaṃ pācīnalokadhātum olokento paññatte varabuddhāsane nisinno hoti.

Parūḷhakacchanakhalomāti parūḷhakacchā parūḷhanakhā parūḷhalomā, kacchādāsi dīghalomā dīghanakhā cāti attho. **Khārivividhanti** vividhakhāriṃ nānappakāraṃ pabbajitaparikkhārabhaṇḍakaṃ. **Avidūre atikkamantī**ti avidūramaggena nagaraṃ pavisanti. **Rājāhaṃ bhanteti** ahaṃ bhante rājā Pasenadi Kosalo, mayhaṃ nāmaṃ tumhe jānāthāti. Kasmā pana rājā loka aggapuggalassa santike nisinno evarūpānaṃ naggabhogganissirikānaṃ añjalim paggaṇhātīti. Saṅgaṇhanatthāya. Evaṃ hissa ahoṣi “sacāhaṃ ettakampi etesaṃ na

1. Migāramātā (Syā)

2. Dhanañjayaseṭṭhino (Sī, Syā)

3. Mātuṭṭhāne (Sī)

karissāmi, ‘mayam puttadāram pahāya etassatthāya dubbhojanadukkhaseyyādīni anubhoma, ayam amhākaṃ añjalimattampi na karotī’ti attanā diṭṭham sutam paṭicchādetvā na katheyyum, evam kate pana anigūhitvā kathessanti’¹ti. Tasmā evamakāsi. Apica Satthu ajjhāsayaajānanattham evamakāsi.

Kāsikacandananti saṅhacandanam. **Mālāgandhavilepananti** vaṇṇagandhatthāya¹ mālam, sugandhabhāvathāya gandham, vaṇṇagandhatthāya vilepanaṅca dhārentena.

Saṃvāsenāti saṅvāsenā. **Sīlam veditabbanti** ayam susīlo vā dussīlo vāti saṃvasantena upasaṅkamantena jānitabbo. **Taṅca kho dīghena addhunā na ittaranti** taṅca sīlam dīghena kālena veditabbanam, na ittarena. Dvīhatīhañhi saṃyatākāro ca saṃvutindriyākāro ca na sakkā dassetuṃ. **Manasikarotāti** sīlamassa pariggahessāmīti manasikarontena paccavekkhanteneva sakkā jānitum, na itarena. **Paññavatāti** tampi sappaññeneva paṇḍitena. Bālo hi manasikarontopi jānitum na sakkoti.

Saṃvohārenāti kathanena.

“Yo hi koci manussesu, vohāram upajīvati.

Evam Vāsetṭha jānāhi, vāṇijo so na brāhmaṇo”²—

Ettha hi byavahāro vohāro nāma. “Cattāro ariyavohārā cattāro anariyavohārā”³ti³ ettha cetanā. “Saṅkhā samaññā paññatti vohāro”⁴ti⁴ ettha paññatti. “Vohāramattena so vohareyyā”⁵ti⁵ ettha kathā vohāro. Idhāpi esova adhippeto. Ekaccassa hi sammukhā kathā parammukhāya kathāya na sameti parammukhā kathā ca sammukhāya kathāya, tathā purimakathā ca pacchimakathāya, pacchimakathā ca purimakathāya. So kathenteneva sakkā jānitum “asuci eso puggalo”⁵ti. Sucisīlassa pana purimam pacchimana, pacchimaṅca purimena sameti, sammukhākathitam parammukhākathitena, parammukhākathitaṅca sammukhākathitena, tasmā kathentena sakkā sucibhāvo jānitunti pakāsentō evamāha.

1. Vaṇṇagahaṇatthāya (Sī)

2. Ma 2. 409 piṭṭhe.

3. Dī 3. 193 piṭṭhe.

4. Abhi 1. 256 piṭṭhe.

5. Saṃ 1. 14 piṭṭhe.

Thāmoti nāṇathāmo. Yassa hi nāṇathāmo natthi, so uppannesu upaddavesu gahetabbagahaṇaṃ kattabbakiccaṃ apassanto advāragharaṃ pavittḥo viya carati. Tenāha **āpadāsu kho mahārāja thāmo veditabboti**. **Sākacchāyāti** saṃkathāya. Duppaññassa hi kathā udake geṇḍu¹ viya uppalavati, paññavato kathentassa paṭibhānaṃ anantaraṃ² hoti. Udakavipphanditeneva hi maccho khuddako vā mahanto vāti nāyati. **Ocarakāti** heṭṭhācarakā. **Carā**³ hi pabbatamatthakena carantāpi heṭṭhācarakāva honti. **Ocaritvāti** avacaritvā vīmaṃsitvā, taṃ taṃ pavattim nātvāti attho. **Rajojallanti** rajaṅca jallaṅca. **Vañṇarūpenāti** vañṇasaṅṭhānena. **Ittaradassanenāti** lahukadassanena. **Viyañjanenāti** parikkhārabhaṇḍakena. **Patirūpako mattikākunḍalovāti** suvañṇakunḍalapatirūpako mattikākunḍalova. **Lohaḍḍhamāsoti** lohaḍḍhamāsako⁴. . Paṭhamam.

2. Pañcarājasuttavañṇanā

123. Dutiye **rūpātinīlapitādibhedam rūpārammaṇam**. **Kāmānam agganti** etaṃ kāmānam uttamam seṭṭhanti rūpagaruko āha. Sesesupi eseva nayo. **Yatoti yadā**. **Manāpapariyantanti** manāpanipphattikaṃ manāpakoṭikaṃ. Tattha dve manāpāni puggalamanāpaṃ sammutimanāpaṅca. Puggalamanāpaṃ nāma yaṃ ekassa puggalassa iṭṭham kantaṃ hoti, tadeva aññassa aniṭṭham akantaṃ. Paccantavāsīnaṃhi gaṇḍupādāpi iṭṭhā honti kantā manāpā, Majjhimadesavāsīnaṃ atijegucchā. Tesaṅca moramaṃsādīni iṭṭhāni honti, itaresaṃ tāni atijegucchāni. Idaṃ puggalamanāpaṃ. Itaram sammutimanāpaṃ.

Iṭṭhāniṭṭhārammaṇam nāma loke paṭivibhattam natthi, vibhajitvā pana dassetabbaṃ. Vibhajantena ca na ati-issarānam Mahāsammatamahāsudassanadhammāsokādīnam vasena vibhajitabbaṃ. Tesaṅhi dibbakappampi ārammaṇam amanāpaṃ upaṭṭhāti. Atiduggatānam dullabhannaṇāpānānam vasenapi na vibhajitabbaṃ. Tesaṃ hi kaṇājakabhattasitthānīpi pūtimaṃsassa rasopi atimadhuro amatasadiso hoti. Majjhimānam pana gaṇaka⁵Mahāmattaseṭṭhi kuṭumbikavāṇijādīnam

1. Geṇḍuko (Syā)

2. Anantaṃ (Ka)

3. Corā (Sī), cārā (Syā)

4. Lohamāsako (Sī, Syā)

5. Gaṇika (Syā)

kālena iṭṭhaṃ kālena aniṭṭhaṃ labhamānānaṃ vasena vibhajitabbaṃ. Tañca panetaṃ ārammaṇaṃ javanaṃ paricchindituṃ na sakkoti. Javanaṃ hi iṭṭhepi rajjati aniṭṭhepi, iṭṭhepi dussati aniṭṭhepi. Ekantato pana vipākacittam iṭṭhāniṭṭhaṃ paricchindati. Kiñcāpi hi micchādiṭṭhikā Buddhaṃ vā¹ saṃghaṃ vā mahācetiyaḍḍini vā ulārāni ārammaṇāni disvā akkhīni pidahanti domanassaṃ āpajjanti, dhammasaddaṃ sutvā kaṇṇe thakenti, cakkhuviññāṇasotaviññāṇāni² pana tesam kusalavipākāneva honti. Kiñcāpi gūthasūkarādayo gūthagandhaṃ ghāyitvā khādituṃ labhissāmāti somanassajātā honti, gūthadassane pana nesaṃ cakkhuviññāṇaṃ, tassa gandhaghāyane ghānaviññāṇaṃ, rāsasāyane jivhāviññāṇaṃ ca akusalavipākameva hoti. Bhagavā pana puggalamanāpataṃ sandhāya **te ca mahārāja rūpāti-ādimāha.**

Candanaṅgalikoti³ idaṃ tassa upāsakassa nāmaṃ. **Paṭibhāti maṃ Bhagavāti** Bhagavā mayhaṃ ekaṃ kāraṇaṃ upaṭṭhāti paññāyati. Tassa te pañca⁴ rājāno āmuttamaṅkicuṇḍale sajjitāya āpānabhūmiyā nisinnavaseneva⁵ mahatā rājānubhāvena paramena issariyavibhāvena āgantvāpi Dasabalassa santike thitakālato paṭṭhāya divā paḍiṇe viya udakābhisitte aṅgāre viya sūriyutṭhāne khajjopānake viya ca hatappabhe hatasobhe taṃ Tathāgatañca tehi sataguṇena sahasaguṇena virocamaṇaṃ disvā “mahantā vata bho Buddhā nāmā”ti paṭibhānaṃ udapādi. Tasmā evamāha.

Kokanadanti padumassevetaṃ vevacanaṃ. **Pātoti** kālasseva. **Siyāti** bhaveyya. **Avītagandhanti** avigatagandhaṃ. **Aṅgīrasanti** Sammāsambuddhaṃ. Bhagavato hi aṅgato rasmiyo⁶ nikkhamanti, tasmā aṅgīrasoti vuccati. Yathā kokanadasaṅkhātāṃ padumaṃ pātova phullaṃ avītagandhaṃ⁷ siyā, evameva Bhagavantaṃ aṅgīrasaṃ tapantaṃ ādiccamiva antalikkhe virocamaṇaṃ passāti ayamettha saṅkhepattho. **Bhagavantaṃ acchādesīti** Bhagavato adāsīti attho. Lokavohārato panettha īdisaṃ vacanaṃ hoti. So kira upāsako “ete Tathāgatassa guṇesu pasīditvā mayhaṃ pañca

1. Sambuddhaṃvā (Sī), Buddhaṃ vā dhammaṃ vā (Syā)

2. Cakkhuviññāṇāḍḍini (Ka)

4. Tassa te ca (Sī), Tassa pañca (Syā)

6. Raṃsiyo (Syā)

3. Candanaṅgaliyo (Syā)

5. Sanniveseneva (Syā)

7. Avītagandhaṃ sugandhaṃ (Syā)

uttarāsaṅge denti, ahampi te¹ Bhagavatova dassāmi”ti cintetvā adāsi. .
Dutiyāṃ.

3. Doṇapākasuttavaṇṇanā

124. Tatiye **doṇapākakuranti** doṇapākaṃ kuram, doṇassa taṇḍulānam pakkabhataṃ tadupiyañca sūpabyañjanam bhuñjatīti attho. **Bhuttāvīti** pubbe bhattasammadaṃ vinodetvā muhuttaṃ vissamitvā Buddhupaṭṭhānam gacchati, taṃdivasaṃ pana bhuñjanto’va Dasabalaṃ saritvā hatthe dhovitvā agamāsi. **Mahassāsīti** tassa gacchato balavā bhattapariḷāho udapādi, tasmā mahantehi assāsehi assasati, gattatopi’ssa sedabindūni muccanti, tamenam ubhosu passesu ṭhatvā yamakatālavaṇḍehi bījanti, Buddhagāravena pana nipajjitum na ussahatīti idaṃ sandhāya “mahassāsī”ti vuttaṃ. **Imam gātham abhāsīti** “rājā bhojane amattaññutāya kilamati, phāsu vihāram dānissa karissāmi”ti cintetvā abhāsi. **Manujassāti** sattassa. **Kahāpaṇasatanti** pātarāse paṇṇāsaṃ sāyamāse paṇṇāsanti evaṃ kahāpaṇasataṃ. **Pariyāpuṇitvāti** Rañña saddhim thokaṃ gantvā “imam maṅgala-asim kassa dhammi mahārājā”ti. “Asukassa nāma dehi”ti² so taṃ asim datvā³ Dasabalassa santikaṃ āgamma vanditvā ṭhitako’va “gātham vadatha bho Gotamā”ti vatvā Bhagavato vuttaṃ pariyāpuṇitvāti attho.

Bhattābhīhāre sudam bhāsatiti katham bhāsati? Bhagavatā anusitṭhīniyāmena. Bhagavā hi naṃ evaṃ anusāsi “māṇava imam gātham naṭo viya pattapattaṭṭhāne mā avaca, Rañño bhuñjanaṭṭhāne ṭhatvā paṭhamapiṇḍādīsupi avatvā vosānapiṇḍe gahite vadeyyāti, Rājā sutvā’va bhattapiṇḍam chaḍḍessati, atha rañño hatthesu dhotesu pātim⁴ apantvā sitthāni gaṇetvā tadupiyam byañjanam ñatvā punadivase tāvatake taṇḍule hāreyyāsi, pātarāse ca vatvā sāyamāse mā vadeyyāsi”ti. So “sādhū”ti paṭissuṇitvā taṃdivasaṃ rañño pātarāsaṃ bhutvā gatattā sāyamāse Bhagavato⁵ anusitṭhīniyāmena gātham

1. Aham etc (Syā)

2. Asukassa nāmāti vutte (Syā)

3. Aññassa datvā (Sī), datvā nivattitvā (Syā)

4. Cāṭim (Syā)

5. Bhagavatā(Sī)

abhāsi. Rājā Dasabalassa vacanam saritvā bhattapiṇḍam pātiyaṃyeva chaḍḍesi. Rañño hatthesu dholesu pātim apanetvā sitthāni gaṇetvā tadupiyaṃ byañjanam ñatvā punadvase tattake taṇḍule harimsu.

Nāḷikodanaparamatāya saṅghāsīti so kira māṇavo divase divase Tathāgatassa santikaṃ gacchati, Dasabalassa vissāsiko ahoṣi. Atha naṃ ekadvasam pucchi “rājā kittakam bhujjati”ti. So “nāḷikodanan”ti āha. “Vaṭṭissati ettāvata, purisabhāgo esa, ito paṭṭhāya gātham mā vadī”ti. Iti Rājā tath’eva saṅghāsi. **Diṭṭhadhammikenā ceva atthena samparāyikenā cāti** ettha sallikhitasarīratā diṭṭhadhammikatto nāma, sīlam samparāyikattho. Bhojane mattaññutā hi sīlaṅgam nāma hotīti. . Tatiyaṃ.

4. Paṭhamasaṅgāmasuttavaṇṇanā

125. Catutthe **Vedehiputtoti vedehīti** paṇḍitādhivacanametam, Paṇḍititthiyā puttoti attho. **Caturāṅgininti** hatthi-assarathapattisaṅkhātehi catūhi aṅgehi samannāgatam. **Sannayhitvāti** cammapaṭimuñcanādīhi sannāham kāretvā. **Saṅgāmesunti** yujjhimṣu. Kena kāraṇena? Mahākosalarāññā kira Bimbisārassa dhītaram dentena dvinnam rajjānam antare satasahassuṭṭhāno Kāsīgāmo nāma dhītu dinno. Ajātasattunā ca pitari mārite mātāpissa rañño viyogasokena nacirasseva matā. Tato rājā Pasenadi Kosalo “Ajātasattunā mātāpitaro māritā, mayham pitu santako gāmo”ti tassatthāya aḍḍam karoti. Ajātasattupi “mayham mātu santako”ti tassa gāmassatthāya dvepi mātulabhāgineyyā yujjhimṣu.

Pāpā Devadattādayo mittā assāti **pāpamitto**. Teyevassa sahāyāti **pāpasahāyo**. Tesvevassa cittaṃ ninnam sampavaṅkanti **pāpasampavaṅko**. Pasenadissa Sāriputtattherādīnam vasena kalyāṇamittādītā vedotabbā. **Dukkham setīti** jītāni hatthi-ādīni anusocanto dukkham sayissati¹. Idam Bhagavā puna tassa jayakāraṇam disvā āha. **Jayam veram pasavatīti** jinanto veram pasavati, veripuggalam² labhati. . Catuttham.

1. Sayati (Ka)

2. Veripuggale (Sī, Syā)

5. Dutiyasaṅgāmasuttavaṇṇanā

126. Pañcame **abbhuyyāsīti** parājaye garahappatto “ārāmaṃ gantvā bhikkhūnaṃ kathāsallāpaṃ suṇāthā”ti rattibhāge Buddharakkhitena nāma vuḍḍhapabbajitena dhammarakkhitassa vuḍḍhapabbajitassa “sace rājā imaṅca upāyaṃ katvā gaccheyya, puna jineyyā”ti vuttajayakāraṇaṃ sutvā abhi-uyyāsi.

Yāvassa upakappatīti yāva tassa upakappati sayhaṃ hoti. **Yadā caññeti** yadā aññe. **Vilumpantīti** taṃ vilumpitvā ṭhitapuggalaṃ vilumpanti. **Viluppatīti** vilumpiyati. **Ṭhānaṃ hi maññatīti** “kāraṇaṃ”ti hi maññati. **Yadāti** yasmim kāle. **Jetāraṃ labhate jayanti** jayanto puggalo pacchā jetāraṃpi labhati. **Rosetāraṃti** ghaṭṭetāraṃ. **Rosakoti** ghaṭṭako. **Kammavivaṭṭenāti** kamma pariṇāmena, tassa vilumpanakammaṃ vipākadānena. **So vilutto viluppatīti** so vilumpako vilumpiyati. . Pañcamaṃ.

6. Mallikāsuttavaṇṇanā

127. Chaṭṭhe **upasaṅkamīti** Mallikāya deviyā gabbhavuṭṭhānakāle sūtiḡharaṃ¹ paṭijaggāpetvā ārakkhaṃ datvā upasaṅkami. **Anattamaṃ ahoṣīti** “duggatakulassa me dhītu mahantaṃ issariyaṃ dinnāṃ, sace puttāṃ alabhiṃ, mahantaṃ sakkāraṃ adhigamissa², tato dāni parihīnā”ti anattamaṃ ahoṣi. **Seyyāti** dandhapaññasmā elamūgaputtato ekaccā itthīyeva seyyā. **Posāti** posehi. **Janādhipātīti** janādhibhūṃ rājānaṃ³ ālapati. **Sassudevātīti** sassusuradevatā. **Disampatīti** disaṅjeṭṭhaka. **Tādisā subhagiyātīti**⁴ tādisāya subharyāya. . Chaṭṭhaṃ.

7. Appamādasuttavaṇṇanā

128. Sattame **samadhigayhāti** samadhiggaṅhitvā, ādiyitvāti attho. **Appamādoti** kārāpaka-appamādo. **Samodhānanti** samavadhānaṃ upakkhepaṃ. **Evameva khoti** hatthipadaṃ viya hi kārāpaka-appamādo, sesapadaḡātāni viya avasesā catubhūmakā⁵ kusaladhammā. Te hatthipade sesapadāni

1. Pasūtiḡharaṃ(Syā)

3. Janābhibhūṃ rājānaṃ (Sī), Janādhiparājānaṃ (Syā)

4. Subharyātīti (Syā)

2. Addhā gamissa (Syā)

5. Catūbhūmikā (Syā)

viya appamāde samodhānaṃ gacchanti, appamādassa anto parivattanti. Yathā ca hatthipadaṃ sesapadānaṃ aggaṃ seṭṭham¹, evaṃ appamādo sesadhammānanti dasseti. Mahaggatalokuttaradhammānampi hesa paṭilābhakaṭṭhena lokiyopi samāno aggova hoti.

Appamādaṃ pasamsantiti “etāni āyu-ādīni patthayantena appamādova kātabbo”ti appamādameva pasamsanti. Yasmā vā puññakiriyāsu paṇḍitā appamādaṃ pasamsanti, tasmā āyu-ādīni patthayantena appamādova kātabboti attho. **Atthābhisamayā**ti atthapaṭilābhā. . Sattamaṃ.

8. Kalyāṇamittasuttavaṇṇanā

129. Aṭṭhame so ca kho kalyāṇamittassāti so cāyaṃ dhammo kalyāṇamittasseva svākkhāto nāma hoti, na pāpamittassāti. Kiñcāpi hi dhammo sabbesampi svākkhātova, kalyāṇamittassa pana sussūsantassa saddahantassa atthaṃ pūreti bhesajjaṃ viya vaḷaṅjantassa na itarassāti. Tenetaṃ vuttaṃ. **Dhammoti** cettha desanādhammo veditabbo.

Upaḍḍhamidanti thero kira rahogato cintesi “ayaṃ samaṇadhammo nāma ovādake anusāsake kalyāṇamitte sati paccattapurisakāre ṭhitassa sampajjati, upaḍḍhaṃ kalyāṇamittato hoti, upaḍḍhaṃ paccattapurisakārato”ti. Athassa etadahosi “ahaṃ padesañāṇe ṭhito nippadesaṃ cintetuṃ na sakkomi, Satthāraṃ pucchitvā nikkaṅkho bhavissāmi”ti. Tasmā Satthāraṃ upasaṅkamitvā evamāha.

Brahmacariyassāti ariyamaggassa. **Yadidaṃ kalyāṇamittatāti** yā esā kalyāṇamittatā nāma, sā upaḍḍhaṃ, tato upaḍḍhaṃ āgacchatīti attho. Iti therena “upaḍḍhupaḍḍhā sammādiṭṭhi-ādayo kalyāṇamittato āgacchanti, upaḍḍhupaḍḍhā paccattapurisakārato”ti vuttaṃ. Kiñcāpi therassa ayaṃ manoratho, yathā pana bahūhi silāthambhe ussāpīte “ettakaṃ ṭhānaṃ asukena ussāpitaṃ, ettakaṃ asukenā”ti vinibbhogo natthi, yathā ca mātāpitaro nissāya uppannesu puttesu² “ettakaṃ mātito nibbattaṃ, ettakaṃ pitito”ti vinibbhogo natthi, evaṃ idhāpi. Avinibbhogadhammo hesa, “ettakaṃ

1. Seṭṭham mahantaṃ (Syā)

2. Uppanne putte (Syā)

sammādiṭṭhi-ādīnaṃ kalyāṇamittato nibbattaṃ, ettakaṃ paccattapurisakārato”ti na sakkā laddhuṃ, kalyāṇamittatāya pana upaḍḍhagūṇo labbhatīti¹ therassa ajjhāsayena **upaḍḍham** nāma jātaṃ, sakalagūṇo paṭilabbhatīti Bhagavato ajjhāsayena **sakalam** nāma jātaṃ. **Kalyāṇamittatā**ti cetam pubbhāgapaṭilābhaṅgam² nāmāti gahitaṃ. Atthato kalyāṇamittaṃ nissāya laddhā sīlasamādhivipassanāvasena cattāro khandhā. Saṅkhārakkhandhotipi vadantiyeva.

Mā hevaṃ Ānandāti Ānanda mā evaṃ abhaṇi, bahussuto tvaṃ sekhapāṭisambhidappatto aṭṭha vare gahetvā maṃ upaṭṭhasasi, catūhi acchariyabbhutatammehi samannāgato, tādisassa evaṃ kathetuṃ na vaṭṭati. **Sakalameva hidaṃ Ānanda brahmacariyaṃ, yadidaṃ kalyāṇamittatā**ti idaṃ Bhagavā “cattāro maggā cattāri phalāni tisso vijjā cha abhiññā sabbaṃ kalyāṇamittamūlakameva hoti”ti³ sandhāyāha. Idāni vacībhedeneva kāraṇaṃ dassento **kalyāṇamittassetanti**-ādīmāha. Tattha **pāṭikaṅkhanti** pāṭikaṅkhitabbaṃ, avassambhāvīti attho.

Idhāti imasmiṃ sāsane. **Sammādiṭṭham bhāvetī**ti-ādīsu aṭṭhannaṃ ādīpadānaṃyeva tāva ayaṃ saṅkhepavaṇṇanā—sammā dassanalakkhaṇā sammādiṭṭhi. Sammā abhiniropanalakkhaṇo sammāsaṅkappo. Sammā pariggahaṇalakkhaṇā sammāvācā. Sammā samuṭṭhāpanalakkhaṇo sammākammanto. Sammā vodāpanalakkhaṇo sammā-ājīvo. Sammā paggahalakkhaṇo sammāvāyāmo. Sammā upaṭṭhānalakkhaṇā sammāsati. Sammā samādhānalakkhaṇo sammāsamādhi. Tesu ekekassa tīṇi kiccāni honti. Seyyathidaṃ? Sammādiṭṭhi tāva aññehipi attano paccanīkakilesehi saddhiṃ micchādiṭṭhiṃ pajahati, nirodhaṃ ārammaṇaṃ karoti, sampayuttadhamme ca passati tappaṭicchādakamohavidhamanavasena⁴ asammohato. Sammāsaṅkappādayopi tatheva micchāsaṅkappādīni ca pajahanti, nirodhaṃca ārammaṇaṃ karonti. Visesto panettha sammādiṭṭhi saha-jātadhamme sammā dasseti, sammāsaṅkappo saha-jātadhamme abhiniropeti, sammāvācā sammā pariggaṇhāti, sammākammanto

1. Upaḍḍhagūṇe labhatīti (Ka)

3. Hoti taṃ (Ka)

2. Pubbhāgapaṭilābhaṃ (Syā)

4. ...viddhamśanavasena (Sī)

sammā samuṭṭhāpeti, sammā-ājīvo sammā vodāpeti, sammāvāyāmo sammā paggaṇhāti, sammāsati sammā upaṭṭhāpeti, sammāsamādhi sammā dahati.

Apicesā sammādiṭṭhi nāma pubbabhāge nānākhaṇā nānārammaṇā hoti, maggakāle¹ ekakkhaṇā ekārammaṇā. Kiccato pana sammādiṭṭhi dukkhe ñāṇanti-ādīni cattāri nāmāni labhati. Sammāsaṅkappādayopi pubbabhāge nānākhaṇā nānārammaṇā honti, maggakāle ekakkhaṇā ekārammaṇā. Tesu sammāsaṅkappo kiccato nekkhammasaṅkappoti-ādīni tīṇi nāmāni labhati. Sammāvācādayo tayo viratiyopi honti cetanāyopi, maggakkhaṇe pana viratiyova. Sammāvāyāmo sammāsātīti idampī dvayaṃ kiccato sammappadhanasatipaṭṭhānavasena cattāri nāmāni labhati, sammāsamādhi pana pubbabhāgepi maggakkhaṇepi sammāsamādhiyeva.

Evam tāva “sammādiṭṭhin”ti-ādīnā nayena vuttānaṃ aṭṭhannaṃ ādīpadānaṃyeva atthavaṇṇanaṃ ñatvā idāni **bhāveti vivekanissitanti**-ādīsu evaṃ ñātabbā. **Bhānetīti** vaḍḍheti, attano cittasantāne punappunaṃ janeti, abhinibbatteṭīti attho. **Vivekanissitanti** vivekaṃ nissitaṃ, viveke vā nissitanti vivekanissitaṃ. **Vivekoti** vivittatā. Vivittatā cāyaṃ tadaṅgaviveko vikkhambhana, samuccheda, paṭippassaddhi, nissaraṇavivekoti pañcavidho. evametasmīṃ pañcavidhe viveke. **Vivekanissitanti** tadaṅgavivekanissitaṃ samucchedaṃvivekanissitaṃ nissaraṇavivekanissitaṃca sammādiṭṭhiṃ bhāvetīti ayamatto veditabbo. Yathā hi ayam² ariyamaggabhāvanānuyutto yogī vipassanākkhaṇe kiccato tadaṅgavivekanissitaṃ, ajjhāsayato nissaraṇavivekanissitaṃ, maggakāle pana kiccato samucchedaṃvivekanissitaṃ, ārammaṇato nissaraṇavivekanissitaṃ, maggakāle pana kiccato samucchedaṃvivekanissitaṃ, ārammaṇato nissaraṇavivekanissitaṃ sammādiṭṭhiṃ bhāveti. Esa nayo **virāganissitā**dīsu. Vivekatthā eva hi virāgādayo.

Kevalañcetta vossaggo duvidho pariccāgavossaggo ca pakkhandanavossaggo cāti. Tattha **pariccāgavossaggoti** vipassanākkhaṇe ca tadaṅgavasena, maggakkhaṇe ca samucchedavasena kilesappahānaṃ. **Pakkhandanavossaggoti** vipassanākkhaṇe tanninnabhāvena, maggakkhaṇe pana ārammaṇakaraṇena nibbānapakkhandanaṃ. Tadubhayampi imasmīṃ lokiya-

1. Maggakkhaṇe (Ka)

2. Yathā cāyaṃ (Sī), tathāyaṃ (Syā)

lokuttaramissake atthavaṇṇanānaye vaṭṭati. Tathā hi ayaṃ sammādiṭṭhi yathāvuttena pakārena kilese ca pariccajati, nibbānaṅca pakkhandati.

Vossaggapariṇāminti iminā pana sakalena vacanena vossaggattham pariṇamantaṃ pariṇataṅca, paripaccantaṃ¹ paripakkaṅcāti idaṃ vuttaṃ hoti. Ayaṃ hi ariyamaggabhāvanānuyutto bhikkhu yathā sammādiṭṭhi kilesapariiccāgavossaggattham nibbānapakkhandanavossaggatthaṅca paripaccati, yathā ca paripakkā hoti, tathā naṃ bhāvetīti. Esa nayo sesamaggaṅgesu.

Āgammāti ārabha sandhāya paṭicca. **Jātidhammāti** jātisabhāvā jātipakatikā. **Tasmāti** yasmā sakalo ariyamaggopi kalyāṇamittaṃ nissāya labbhati, tasmā. **Handāti** vavassaggatthe² nipāto. **Appamādaṃ pasamsantīti** appamādaṃ vaṇṇayanti, tasmā appamādo kātabbo. **Atthābhisamayāti** atthapaṭilābhā. . Aṭṭhamam.

9. Paṭhama-aputtakasuttavaṇṇanā

130. Navame **divā divassāti** divasassa divā, majjhanhikasamayeti attho. **Sāpateyyanti** dhanam. **Ko pana vādo rūpiyassāti** suvaṇṇarajatatambalohakāḷalohaphālakacchapakādibhedassa ghanakatassa³ ceva paribhogabhājanādibhedassa ca rūpiyabhaṇḍassa pana ko⁴ vādo, “ettakaṃ nāmā”ti kā paricchedakathāti attho. **Kaṇājakanti** sakuṇḍakabhattaṃ. **Bilaṅgadutiyaṃti** kaṅjikadutiyaṃ. **Sāṇanti** sāṇavākamayaṃ. **Tipakkhavasanaṃti** tīṇi khaṇḍāni dvīsu ṭhānesu sibbitvā katanivāsanam.

Asappurisoti lāmakapuriso. **Uddhaggikanti**-ādīsu uparūparibhūmīsu phaladānavasena uddham aggamassāti **uddhaggikā**. Saggassa hitā tatrūpapattijananaṃtosi **sovaggikā**. Nibbattaṭṭhānesu⁵ sukho vipāko assāti **sukhavipākā**. Suṭṭhu aggānaṃ dibbavaṇṇādīnaṃ visesānaṃ nibbattanato **saggasaṃvattanikā**. Evarūpaṃ dakkhiṇadānaṃ na paṭiṭṭhapetīti.

Sātodakāti madhurodakā. **Setodakāti** vīcīnaṃ bhinnaṭṭhāne udakassa setatāya setodakā. **Supatitthāti** sundaratitthā. **Tam**

1. Paccantaṃ (Syā, Ka)

2. Vacasāyatthe (Ka)

3. Ghanakassa (Sī)

4. Kopana (Syā)

5. Nibbattanibbattaṭṭhānesu (Syā)

janoti yena udakena sātodakā, taṃ udakaṃ jano bhājanāni pūretvā neva hareyya. **Na yathāpaccayaṃ vā kareyyāti** yaṃ yaṃ udakena udakakiccaṃ kātabbaṃ, taṃ taṃ na kareyya. **Tadapeyyamānanti** taṃ apeyyamānaṃ. **Kiccakaro ca hotīti** attanā kattabbakiccakaro ceva kusalakiccakaro ca, bhuñjati ca, kammante ca payojeti, dānañca detīti attho. . Navamaṃ.

10. Dutiya-aputtakasuttavaṇṇanā

131. Dasame **piṇḍapātena patipādesīti** piṇḍapātena saddhiṃ saṃyojesi, piṇḍapātaṃ adāsīti attho. **Pakkāmīti** kenacideva rājupaṭṭhānādīnā kiccena gato. **Pacchā vippaṭisārī ahoṣīti** so kira aññesupi divasesu taṃ paccakasambuddhaṃ passati, dātuṃ panassa cittaṃ na uppajjati. Tasmim̐ pana divase ayaṃ Padumavatideviyā tatiyaputto Taggarasikhī Paccekabuddho Gandhamādanapabbate phalasaṃpattisukhena vītināmetvā pubbaṇhasamaye vuṭṭhāya Anotattadahe mukhaṃ dhovitvā manosilātale nivāsetvā kāyabandhanaṃ bandhitvā pattacīvaramādāya abhiññāpādaṃ catutthajjhānaṃ samāpajjitvā iddhiyā vehāsaṃ abbhuggantvā nagaradvāre oruyha cīvaraṃ pārupitvā pattamādāya nagaravāsīnaṃ gharadvāresu sahasabhaṇḍikaṃ ṭhapento viya pāsādikehi abhikkantādīhi anupubbena seṭṭhino gharadvāraṃ sampatto. Taṃdivasañca seṭṭhi pātova uṭṭhāya paṇītabhojanaṃ bhuñjitvā gharadvārakoṭṭhake āsanaṃ paññāpetvā dantantarāni sodhento nisinno hoti. So Paccekabuddhaṃ disvā taṃdivasaṃ pāto bhutvā nisinnattā dānacittaṃ uppādetvā bhariyaṃ pakkosāpetvā “imassa samaṇassa piṇḍapātaṃ dehi”ti vatvā pakkāmi.

Seṭṭhibharyiā cintesi “mayā ettakena kālena imassa ‘dethā’ti vacanaṃ na sutapubbaṃ, dāpentopi ca ajja na yassa vā tassa vā dāpeti, vītarāgadosamohassa vantakilesassa ohitabhārassa Paccekabuddhassa dāpeti, yaṃ vā taṃ vā adatvā paṇītaṃ piṇḍapātaṃ dassāmi”ti gharā nikkhamma Paccekabuddhaṃ pañcapaṭiṭṭhitena vanditvā pattaṃ ādāya antonivesane paññattāsane nisīdāpetvā suparisuddhehi sālitaṇḍulehi bhattaṃ sampādetvā tadanurūpaṃ khādanīyaṃ byañjanaṃ supeyyañca sallakkhetvā pattaṃ pūretvā bahi gandhehi samalaṅkaritvā¹ Paccekabuddhassa

1. Alaṅkaritvā (Sī, Syā)

hatthesu patiṭṭhapetvā vandi. Paccekabuddho “aññesampi Paccekabuddhānaṃ saṅghaṃ karissāmi”ti aparibhuñjitvāva anumodanaṃ katvā pakkāmi. Sopi kho seṭṭhi bāhirato āgacchanto Paccekabuddhaṃ disvā mayāṃ “tumhākaṃ piṇḍapātaṃ dethā”ti vatvā pakkantā, api vo laddhoti. Āma seṭṭhi laddhoti. “Passāmi”ti gīvaṃ ukkhipitvā olokesi. Athassa piṇḍapātagandho utṭhahitvā nāsāpuṭaṃ pahari. So cittaṃ saṃyametaṃ asakkonto pacchā vippaṭisārī ahoṣīti.

Varametanti-ādi vippaṭisārassa uppannākāradassanaṃ. **Bhātu ca pana ekaputtakaṃ sāpateyyassa kāraṇā jīvītā voropesīti** tadā kirassa avibhatteyeva kuṭumba mātāpitaro ca jeṭṭhabhātā ca kālamakaṃsu. So bhātujāyāya saddhiṃyeva saṃvāsaṃ kappesi. Bhātu panassa eko putto hoti, taṃ vīthiyā kīlantaṃ manussā vadanti “ayaṃ dāso ayaṃ dāsī idaṃ yānaṃ idaṃ dhanāṃ tava santakaṃ”ti. So tesāṃ kathaṃ gahetvā “ayaṃ dāso¹ mayhaṃ santakaṃ”ti-ādīni katheti.

Athassa cūḷapitā cintesi “ayaṃ dārako idāneva evaṃ kathesi, mahallakakāle kuṭumbaṃ majjhe bhindāpeyya², idānevassa kattabbaṃ karissāmi”ti ekadivasāṃ vāsīṃ ādāya “ehi putta araṇṇāṃ gacchāma”ti taṃ araṇṇāṃ netvā viravantaṃ viravantaṃ māretvā āvāṭe pakkhipitvā paṃsunā paṭicchādesi. Idaṃ sandhāyetaṃ vuttaṃ. **Sattakkhattunti** sattavāre. Pabbapacchimacetaṇāvasena cettha attho vedītabbo. Ekapiṇḍapātadānasmīhi ekāva cetanā dve paṭisandhiyo na deti, pubbapacchi macetaṇāhi panesa sattakkhattuṃ sagge, sattakkhattuṃ seṭṭhikule nibbatta. **Purāṇanti** paccekasambuddhassa dinnapiṇḍapātacetanākammaṃ.

Pariggahanti pariggahitavatthu. **Anujīvinoti** ekaṃ mahākulaṃ nissāya paṇṇāsampi saṭṭhipi kulāni jīvanti, te manusse sandhāyetaṃ vuttaṃ. **Sabbaṃ nādāya gantabbanti** sabbametaṃ na ādiyitvā gantabbaṃ. **Sabbaṃ nikkhippagāminanti**³ sabbametaṃ nikkhippasabhāvaṃ⁴, pariccajitabbasabhāvamevāti attho. . Dasamaṃ.

Dutiyo vaggo.

1. Ayaṃ dāsī (Sī, Syā)

2. Chindāpeyya (Syā)

3. Nikkhippagāmiyanti (Sī), nikkhepagāminanti (Syā)

4. Nikkhepasabhāvaṃ (Syā)

3. Tatiyavagga

1. Puggalasuttavaṇṇanā

132. Tatiyavaggaṣṣa paṭhame “nīce kule paccājāto”ti-ādikena tamena yuttoti **tamo**. Kāyaduccaritādīhi puna nirayatamūpagamanato **tamaparāyaṇo**. Iti ubhayenapi khandhatamova kathito hoti. “Ucce kule paccājāto”ti-ādikena jotinā yuttato **joti**, ālokībhūtoti¹ vuttaṃ hoti. Kāyasucaritādīhi puna saggūpapattijotibhāvūpagamanato **jotiparāyaṇo**. Iminā nayena itarepi dve veditabbā.

Venakuleti vilīvakārakule. **Nesādakuleti** migaluddakādīnaṃ kule. **Rathakārakuleti** cammakārakule. **Pukkusakuleti** pupphachaddakakule. **Kasiravuttiketi** dukkhavuttike. **Dubbaṇṇoti** paṃsupisācako viya jhāmakhāṇuvaṇṇo. **Duddasikoti** vijātamātuyāpi amanāpadassano. **Okoti** lakunḍako². **Kāṇoti** ekakkhikāṇo vā ubhayakkhikāṇo vā. **Kuṇṭi** ekahatthakuṇi vā ubhayahatthakuṇi vā. **Khañjoti** ekapādakhañjo vā ubhayapādakhañjo vā. **Pakkhahatoti** hatapakkho pīṭhasappi. **Padīpeyyassāti** telakapallakādino padīpa-upakaraṇassa. **Evaṃ kho mahārājāti** ettha eko puggalo bahiddhā ālokaṃ adisvā mātukucchismiṃ yeva kālaṃ katvā apāyesu nibbantanto sakalaṃ kappampi saṃsarati, sopi tamotamaparāyaṇova. So pana kuhakapuggalo bhavye. Kuhakassa hi evarūpā nibbatti hotīti vuttaṃ.

Ettha ca “nīce kule paccājāto hoti caṇḍālakule vā”ti-ādīhi āgamanavipatti ceva pubbuppannapaccayavipatti ca dassitā. **Daliddeti**-ādīhi pavattapaccayavipatti. **Kasiravuttiketi**-ādīhi ājīvupāyavipatti.

1. Ālokabhūtoti (Syā)

2. Lakuṇṭako (Sī)

Dubbaṇṇoti-ādīhi attabhāvavipatti. **Bavhābādhoti**-ādīhi dukkhakāraṇasamāyogo. **Na lābhīti**-ādīhi sukhakāraṇavipatti ceva upabhogavipatti ca. **Kāyena duccharitanti**-ādīhi tamaparāyaṇabhāvassa kāraṇasamāyogo. **Kāyassa bhedāti**-ādīhi samparāyikatamūpagamo. Sukkapakkho vuttapaṭipakkhanayena veditabbo.

Akkosatīti dasahi akkosavatthūhi akkosati. **Paribhāsātīti** “kasmā tiṭṭhatha, kiṃ tumhehi amhākaṃ kasikammādīni katāni”ti-ādīhi paribhavavacanehi paribhāsati. **Rosakoti** ghaṭṭako¹. **Abyaggamanasoti** ekagacitto. . Paṭhamam.

2. Ayyikāsuttavaṇṇanā

133. Dutiye **jiṇṇāti** jarājiṇṇā. **Vuḍḍhāti** vayovuḍḍhā. **Mahallikāti** jātimahallikā. **Addhagātīti** addham ciraḷālaṃ² atikkantā. **Vayo-anuppattāti** pacchimavayaṃ sampattā. **Piyā manāpāti** rañño kira mātari matāya ayyikā mātuṭṭhāne ṭhatvā paṭijaggi, tenassa ayyikāya balavapemaṃ uppajji. Tasmā evamāha. **Hatthiratanenāti** satasahassagghanako³ hatthī satasahassagghanakena alaṅkārena alaṅkato hatthiratanam nāma. **Assaratanepi** eseva nayo. **Gāmaropī** satasahassuṭṭhānakagāmo. **Sabbāni tāni bhedanadhammānīti** tesu hi kiñci kariyamānameva⁴ bhijjati, kiñci katapariyositaṃ cakkato anapanītameva, kiñci apanetvā bhūmiyaṃ ṭhapitamattaṃ, kiñci tato paraṃ, evameva sattesupi koci paṭisandhim gahetvā marati, koci mūḷhagabbhāya mātari mātukucchito anikkhantova, koci nikkhantamatto, koci tato paranti. Tasmā evamāha. Tatiye sabbam uttānameva. . Tatiyam.

4. Issattasuttavaṇṇanā

135. Catutthassa aṭṭhuppattiko nikkhepo. Bhagavato kira paṭhamabodhiyaṃ mahālābhasakkāro udapādi bhikkhusaṅghassa ca. Titthiyā hatalābhasakkārā hutvā kulesu evaṃ kathentā vicaranti—“samaṇo

1. Rosetīti ghaḍḍeti (Sī, Syā)

3. Satasahassagghaniko (Syā)

2. Dīghakālaṃ (Syā)

4. Kayiramānameva (Syā)

Gotamo evamāha ‘mayhameva dānaṃ dātabbaṃ, na aññesaṃ dānaṃ dātabbaṃ. Mayhameva sāvakaṇaṃ dānaṃ dātabbaṃ, na aññesaṃ sāvakaṇaṃ dānaṃ dātabbaṃ. Mayhameva dannaṃ mahapphalaṃ, na aññesaṃ dannaṃ mahapphalaṃ. Mayhameva sāvakaṇaṃ dannaṃ mahapphalaṃ, na aññesaṃ sāvakaṇaṃ dannaṃ mahapphalaṃ’ti, yuttaṃ nu kho sayampi bhikkhācāranissitena paresaṃ bhikkhācāranissitānaṃ catunnaṃ paccayānaṃ antarāyaṃ kātuṃ, ayuttaṃ karoti ananucchavikaṃ”ti. Sā kathā pattharamānā rājakulaṃ sampattā. Rājā sutvā cintesi “aṭṭhānametaṃ yaṃ Tathāgato paresaṃ lābhantarāyaṃ kareyya, ete Tathāgatassa alābhāya ayasāya parisakkanti. Sacāhaṃ idheva ṭhatvā ‘mā evaṃ avocuttha, na Satthā evaṃ kathetī”ti vadeyyaṃ, evaṃ sā kathā nijjhattim¹ na gaccheyya, imassa mahājanassa sannipatitakāleyeva naṃ nijjhāpessāmī”ti² ekaṃ chaṇadivasaṃ āgamento tuṅhī ahoṣi.

Aparena samayena mahāchaṇe sampatte “ayaṃ imassa kālo”ti nagare bherim carāpesi—“saddhā vā assaddhā vā sammādiṭṭhikā vā micchādiṭṭhikā vā geharakkhake dārake vā mātugāme vā ṭhapetvā avasesā ye vihāraṃ nāgacchanti, paññāsaṃdaṇḍo”ti. Sayampi pātova nhatvā katapātarāso sabbābharaṇapaṭimaṇḍito mahatā balakāyena saddhim vihāraṃ agamāsi. Gacchanto ca cintesi—“Bhagavā tumhe kira evaṃ vadatha ‘mayhameva dānaṃ dātabbaṃ -pa- na aññesaṃ sāvakaṇaṃ dannaṃ mahapphalaṃ’ti evaṃ pucchituṃ ayuttaṃ, pañhameva pucchissāmi, pañhaṃ kathento ca me³ Bhagavā avasāne titthiyānaṃ vādaṃ bhañjissatī”ti⁴. So pañhaṃ pucchanto **kattha nu kho bhante dānaṃ dātabbanti** āha. **Yatthāti** yasmim puggale cittaṃ pasīdati, tamim dātabbaṃ, tassa vā dātabbanti attho.

Evaṃ vutte rājā yehi manussehi titthiyānaṃ vacanaṃ ārocitaṃ, te olokesi. Te raññā olokitamattāva maṅkubhūtā adhomukhā pādaṅguṭṭhakena bhūmim lekhamānā aṭṭhaṃsu. Rājā “ekapadeneva bhante hatā titthiyā”ti mahājanaṃ sāvento mahāsaddena abhāsi. Evañca pana⁵ bhāsivā “Bhagavā cittaṃ nāma Nigaṇṭhācelakaparibbājakādīsu yattha katthaci

1. Niruddhaṃ (Sī), nijjhaggiṃ (Syā)

2. Nirujjhāpessāmīti (Sī), nijjhattim labhissāmīti (Ka)

4. Bhajjissatīti (Syā)

3. Kathentova (Sī)

5. Evaṃ vacanaṃ (Syā)

pasīdati, kattha pana bhante dinnam mahapphalan”ti pucchi. **Aññam kho etanti** “mahārāja aññam tayā paṭhamam pucchitam, aññam pacchā, sallakkhehi etam, pañhākathanam pana mayham bhāro”ti vatvā **sīlavato khoti**-ādimāha. Tattha **idha tyassāti** idha te assa. **Samupabyūḥhoti** rāsibhūto. **Asikkhitoti** dhanusippe asikkhito. **Akatahatthoti** muṭṭhibandhādivasena asampāditaattho. **Akatayoggoti** tiṇapuñjamattikāpuñjādīsu akataparicayo. **Akatūpāsanoti** rājarājamahāmatānam adassitasarakkhepo. **Chambhīti** pavedhitakāyo.

Kāmacchando pahīnoti-ādīsu arahattamaggena kāmacchando pahīno hoti, anāgāmimaggena byāpādo, arahattamaggena thinamiddham, tathā uddhaccam¹, tatiyeneva kukkucam, paṭhamamaggena vicikicchā pahīnā hoti. **Asekkhena sīlakkhandhenāti** asekkhassa sīlakkhandho asekkho sīlakkhandho nāma. Esa nayo sabbattha. Ettha ca purimehi catūhi padehi lokiyalokuttarasīlasamādhīpaññāvīmuttiyo kathitā. Vimuttiñānadassanam paccavekkhañāñānam hoti, tam lokiyameva.

Issatthanti² ususippam. **Balavīriyanti** ettha balam nāma vāyodhātu, **vīriyam** kāyikacetāsikavīriyameva. **Bharetī** bhareyya. **Nāsūram jātipaccayāti** “ayam jātisampanno”ti evam jātikāraṇā asūram na bhareyya.

Khantisoraccanti ettha **khantīti** adhvāsānakhanti, **soraccanti** arahattam. **Dhammāti** ete dve dhammā. **Assameti** āvasathe. **Vivaneti** araññatṭhāne, nirudake araññe caturassapokkharāṇi-ādīni kārayeti attho. **Duggeti** visamaṭṭhāne. **Saṅkamanānīti** paṇṇāsahatthasatṭhihatthāni samokiṇṇaparīsuddhavālikāni saṅkamanāni kareyya.

Idāni etesu araññāsenāsanesu vasantānam bhikkhūnam bhikkhācāravattam ācikkhanto **annam pānanti**-ādimāha. Tattha **senāsanānīti** mañcapīṭhādīni. **Vippasannenāti** khīṇāsavassa dentopi saṅkheṇa kilesamalinena citthena adatvā vippasanneneva cittena dadeyya. **Thanayanti** gajjanto. **Satakkakūti** satasikharo, anekakūṭoti attho. **Abhisāṅkhaccāti** abhisāṅkharitvā samodhānetvā rāsīm katvā.

1. Uddhaccam dutiyena (Sī)

2. Issatthanti (Sī), issatṭhanti (Syā)

Āmodamānoti tuṭṭhamānaso hutvā. **Pakiretīti** dānagge vicirati, pakiranto viya vā dānaṃ deti. **Puññadhārāti** anekadānacetanāmayā puññadhārā. **Dātāraṃ abhivassatīti** yathā ākāse samuṭṭhitameghato nikkhantā udakadhārā pathaviṃ sinehayantī tementī kiledayantī abhivassati, evameva ayampi dāyakassa abbhantare uppannā puññadhārā tameva dātāraṃ anto sineheti pūreti abhisandeti. Tena vuttaṃ “dātāraṃ abhivassatī”ti. . Catutthaṃ.

5. Pabbatūpamasuttavaṇṇanā

136. Pañcame **buddhāvasittānanti** khattiyābhisekena muddhani avasittānaṃ katābhisekānaṃ. **Kāmagedhapariyuṭṭhitānanti** kāmesu gedhena pariyuṭṭhitānaṃ abhibhūtānaṃ. **Janapadatthāvariyaṭṭhānanti** janapade thirabhāvappattānaṃ. **Rājakaraṇīyānīti** rājakammāni rājūhi kattabbakiccāni. **Tesu khvāhanti** tesu ahaṃ. **Ussukkamāpannoti** byāpāraṃ āpanno. Esa kira rājā divasassa tikkhattuṃ Bhagavato upaṭṭhānaṃ gacchati, antarāgamanāni bahūnipi honti. Tassa nibaddhaṃ gacchato balakāyo mahāpi hoti appopi. Athekadivasam pañcasatā corā cintayimsu¹ “ayaṃ rājā avelāya appena balena samaṇassa Gotamassa upaṭṭhānaṃ gacchati, antarāmagge naṃ gahetvā rajjaṃ gaṇhissāmā”ti. Te andhavane niliyimsu. Rājāno ca nāma mahāpuññā honti. Atha tesameva abbhantarato eko puriso nikkhamitvā rañño ārocesi. Rājā mahantaṃ balakāyaṃ ādāya andhavanam parivāretvā te sabbe gahetvā andhavanato yāva nagaradvārā maggassa ubhosu passesu yathā aññamaññaṃ cakkhunā cakkhuṃ upanibandhitvā olokenti, evaṃ āsannāni sūlāni ropāpetvā sūlesu uttāsesi. Idaṃ sandhāya evamāha.

Atha Satthā cintesi “sacāhaṃ vakkhāmi ‘mahārāja mādisse nāma Sammāsambuddhe dhuravihāre vasante tayā evarūpaṃ dāruṇaṃ kammaṃ kataṃ, ayuttaṃ te katan’ti, athāyaṃ rājā maṅku hutvā santhambhituṃ² na sakuṇeyya, pariyāyena dhammaṃ kathentasseva me sallakkhessatī”ti dhammadesanaṃ

1. Mantayimsu (Sī)

2. Saṅkhambhituṃ (Syā), saṅṭhambhituṃ (Ka)

ārabhanto **taṃ kiṃ maññasīti**-ādimāha. Tattha **saddhātikoti** saddhātabbo, yassa tvaṃ vacanaṃ saddahasīti attho. **Paccayikoti** tasseva vevacanaṃ, yassa vacanaṃ pattiyāyasīti¹ attho. **Abbhasamanti** ākāsasamaṃ. **Nipphotheno āgacchatīti** pathavitalato yāva Akaniṭṭhabrahmalokā sabbe satte saṅhakaraṇīyaṃ tiṇacuṇṇaṃ viya karonto pisanto² āgacchati.

Aññaṭṭha dhammacariyāyāti ṭhapetvā dhammacariyaṃ aññaṃ kātappaṃ natthi, dasakusalakammaṭṭhasaṅkhātā dhammacariyāva kattabbā bhanteti. **Samacariyādīni** tasseva vevacanaṇi. **Āroccemīti** ācikkhāmi. **Paṭivedayāmīti** jānāpemi. **Adhivattatīti** ajjhottharati. **Hatthiyuddhānīti** Nāḷāgirisadisase hemakappane nāge abhiruyha yujjhitabbayuddhāni³. **Gatīti** nipphatti. **Visayoti** okāso, samatthabhāvo vā. Na hi sakkā tehi jarāmaṇaṃ paṭibāhituṃ. **Mantino mahāmattāti** mantasampannā Mahālohakumbhiyo pūretvā bhūmiyaṃ ṭhapitaṃ. **Vehāsaṭṭhanti** cammapasibbake pūretvā tulāsaṅghāṭādisu laggetvā ceva niyyuhādīsu ca pūretvā ṭhapitaṃ. **Upalāpetunti** aññaṃaññaṃ bhindituṃ. Yathā dve janā ekena maggena na gacchanti, evaṃ kātuṃ.

Nabhaṃ āgaccāti ākāsaṃ pūretvā. **Evaṃ jarā ca maccu cāti** idha⁴ dveyeva pabbatā gahitā, rājovāde pana “jarā āgacchati sabbayobbanāṃ vilumpamānā”ti evaṃ jarā maṇaṃ byādhi vipattīti cattāropete āgatāva. **Tasmāti** yasmā hatthiyuddhādīhi jarāmaṇaṃ jinituṃ na sakkā, tasmā. **Saddhaṃ nivesayeti** saddhaṃ niveseyya patitṭhāpeyyāti. . Pañcamāṃ.

Tatiyo vaggo.

Kosalasaṃyuttavaṇṇanā niṭṭhitā.

1. Paṭiyāyasīti (Syā)

3. Yujjhitabbayuttāni (Syā, Ka)

2. Pimsanto (Syā)

4. Ime (Sī), idha pana (Ka)

4. Mārasamyutta

1. Paṭhamavagga

1. Tapokammasuttavaṇṇanā

137. Mārasamyuttassa paṭhame **Uruvelāyaṃ viharatīti** Paṭividdhasabbaññutaññāṇo Uruvelagāmaṃ upanissāya viharati. **Paṭhamābhisambuddhoti** abhisambuddho hutvā paṭhamam̐ antosattāhasmim̐yeva¹. **Dukkarakārikāyāti** chabbassāni katāya dukkarakārikāya. **Māro pāpimāti** attano visayaṃ atikkamitum̐ paṭipanne satte māretīti **māro**. Pāpe niyojeti, sayam̐ vā pāpe niyuttoti **pāpimā**. Aññānipissa kaṇho, adhipati², vasavattī, antako, namuci, pamattabandhūti-ādīni bahūni nāmāni, idha pana nāmadvayameva gahitaṃ. **Upasaṅkamīti** “ayaṃ samaṇo Gotamo ‘muttosmī’ti maññati³, amuttabhāvamassa kathessāmī”ti cintetvā upasaṅkami.

Tapokammā apakkammāti tapokammato apakkamitvā. **Aparaddhoti** “dūre tvaṃ suddhimaggā”ti vadati. **Amaram̐ tapanti** amaratapam̐⁴ amarabhāvattthāya kataṃ lūkhatapam̐, attakilamathānuyogo. **Sabbānatthāvahaṃ hotīti** “sabbaṃ tapam̐ mayham̐ atthāvahaṃ na bhavati”ti⁵ ñatvā. **Phiyārittam̐va dhammanīti** araññe thale phiyārittam̐ viya. Idam̐ vuttam̐ hoti—yathā araññe thale nāvaṃ ṭhapetvā bhaṇḍassa pūretvā mahājanā abhirūhitvā⁶ phiyārittam̐ gahetvā saṅkaḍḍheyyum̐ ceva uppīleyyum̐ ca⁷, so mahājanassa vāyāmo ekaṅguladvaṅgulamattampi nāvāya gamanam̐ asādhento niratthako bhavyeya anattthāvaho, evameva aham̐ “sabbaṃ amaram̐ tapam̐ anattthāvahaṃ hotī”ti ñatvā vissajjesinti.

1. Antosattasattāhasmim̐yeva (Sī, Syā)

2. Pajāpati (?)

3. Paññapeti (Syā)

4. Amaraṇatapam̐ (Sī)

5. Na bhavissatīti (Syā)

6. Mahājano abhiruḷho (Sī), mahājane abhiruḷhe (Syā)

7. Ākaḍḍheyya ceva uppīleyya ca (Sī)

Idāni taṃ amaraṃ tapaṃ pahāya yena maggena Buddho jāto, taṃ dassento **sīlanti**-ādimāha. Tattha **sīlanti** vacanena sammāvācākammantājīvā gahitā, **samādhinā** sammāvāyāmasatisamādhayo, **paññāya** sammādiṭṭhisāṅkappā. **Maggam bodhāya bhāvayanti** imaṃ aṭṭhaṅgikameva ariyamaggaṃ bodhatthāya bhāvayanto. Ettha ca **bodhāyāti** maggatthāya. Yathā hi yāgutthāya yāgumeva pacanti, pūvatthāya pūvameva pacanti, na aññaṃ kiñci karonti, evaṃ maggameva maggatthāya bhāveti. Tenāha “maggam bodhāya bhāvayan”ti. **Paramam suddhinti** arahattaṃ. **Nihatoti** tvaṃ mayā nihato parājito. . Paṭhamam.

2. Hatthirājavaṇṇasuttavaṇṇanā

138. Dutiye **rattandhakāratimisāyanti** rattim¹ andhabhāvakārake mahātame caturaṅge tamasi. **Abbhokāse nisinno hotīti** Gandhakuṭito nikkhamitvā caṅkamanakoṭiyam pāsāṇaphalake mahācīvaram sīse ṭhapetvā padhānam pariggaṇhamāno nisinno hoti.

Nanu ca Tathāgatassa abhāvito vā maggo, appahīnā vā kilesā, appaṭividdham vā akuppaṃ, asacchikato vā nirodho natthi, kasmā evamakāsīti? Anāgate kulaputtānam aṅkusattham. “Anāgate hi kulaputtā mayā gatamaggaṃ āvajjitvā abbhokāsavāsam vasitabbaṃ maññaṃ mānā padhānakammaṃ karissanti”ti sampassamāno Satthā evamakāsi. **Mahāti** mahanto. **Ariṭṭhakoti** kāḷako. **Maṇīti** pāsāṇo. **Evamassa sīsam hotīti** evarūpaṃ tassa kāḷavaṇṇam kūṭāgārappamāṇam mahāpāsāṇasadisaṃ sīsam hoti.

Subhāsubhanti dīghamaddhānam saṃsaranto sundarāsundaram vaṇṇam katvā āgatosīti vadati. Atha vā **saṃsaranti** saṃsaranto āgacchanto. **Dīghamaddhānanti** Vasavattiṭṭhānato yāva Uruvelāya² dīghamaggaṃ, pure bodhāya vā chabbassāni dukkarakārikasamayasaṅkhātā dīghakālam. **Vaṇṇam katvā subhāsubhanti** sundaraṅca asundaraṅca nānappakāram vaṇṇam katvā anekavāram mama santikaṃ āgatosīti attho. So kira vaṇṇo nāma natthi,

1. Ratti (Sī)

2. Uruvelā (Ka)

yena vaṇṇena māro vibhimsakatthāya Bhagavato santikaṃ na āgatapubbo.
Tena taṃ Bhagavā evamāha. **Alaṃ te tenāti** alaṃ tuyhaṃ etena māravibhim
sākāradassanabyāpārena. . Dutiyāṃ.

3. Subhasuttavaṇṇanā

139. Tatiye **susaṃvutāti** supihitā. **Na te māravasānugāti** māta te tuyhaṃ
vasānugā na honti. **Na te māraṣa baddhagūti** te tuyhaṃ māraṣa baddhacarā
sissā antevāsikā na honti. . Tatiyāṃ.

4. Paṭhamamārapāsasuttavaṇṇanā

140. Catutthe **yoniso manasikārāti** upāyamanasikārena. **Yoniso
sammappadhānāti** upāyavīriyena kāraṇavīriyena. **Vimuttīti**
arahattaphalavimuttī. **Ajjhabhāsīti** “ayaṃ attanā vīriyaṃ katvā arahattaṃ
patvāpi na tussati, idāni aññesampi ‘pāpuṇāthā’ti ussāhaṃ karoti,
paṭibāhessāmi naṃ”ti cintetvā abhāsi.

Mārapāsenāti kilesapāsenā. **Ye dibbā ye ca mānūsāti** ye
dibbā kāmagaṇasaṅkhātā mānūsā kāmagaṇasaṅkhātā ca mārapāsā nāma
atthi, sabbehi tehi tvaṃ baddhoti vadati. **Mārabandhanabaddhoti**
mārabandhanena baddho, mārabandhane vā baddho. **Na me samaṇa
mokkhasīti** samaṇa tvaṃ mama visayato na muccissasi. . Catutthāṃ.

5. Dutiyamārapāsasuttavaṇṇanā

141. Pañcame **muttāhanti** mutto ahaṃ. Purimaṃ suttaṃ antovasse
vuttaṃ, idaṃ pana pavāretvā vuṭṭhavassakāle. **Cārikanti**
anupubbagamanacārikaṃ. (Pavāretvā)¹ divase divase² yojanaparamaṃ
gacchantā carathāti vadati. **Mā ekena dveti** ekamaggena dve janā mā
agamittha. Evañhi gatesu ekasmiṃ dhammaṃ desente ekena tuṇhībhūtena
ṭhātappaṃ hoti. Tasmā evamāha.

Ādikalyāṇanti-ādimhi kalyāṇaṃ sundaraṃ bhaddakaṃ. Tatthā
majjha³pariyosānesu. Ādimajjhāpariyosānaṅca nāmetaṃ sāsanaṣa ca
desanāya

1. () natthi Sī-Syā-potthakesu.

2. Divasaṃ (Sī, Syā)

3. Majjhima (Syā)

ca vasena duvidham. Tattha sāsanassa sīlaṃ ādi, samathavipassanāmaggā majjham, phalanibbānāni pariyosānaṃ. Sīlasamādhayo vā ādi, vipassanāmaggā majjham, phalanibbānāni pariyosānaṃ. Sīlasamādhivipassanā vā ādi, maggo majjham, phalanibbānāni pariyosānaṃ. Desanāya pana catuppadikāya gāthāya tāva paṭhamapādo ādi, dutiyatatiyā majjham, catuttho pariyosānaṃ. Pañcapadachappadānaṃ paṭhamapādo ādi, avasānapādo pariyosānaṃ, avasesā majjham. Ekānusandhikasuttassa nidānaṃ ādi, “idamavocā”ti pariyosānaṃ, sesaṃ majjham. Anekānusandhikassa majjhe bahūpi anusandhi majjhameva, nidānaṃ ādi, “idamavocā”ti pariyosānaṃ.

Sāthanti sāthakaṃ katvā desetha. **Sabyañjananti** byañjanehi ceva padehi ca paripūraṃ katvā desetha. **Kevalaparipuṇṇanti** sakalaparipuṇṇaṃ. **Parisuddhanti** nirupakkilesaṃ. **Brahmacariyanti** sikkhattayasaṅgahaṃ sāsanabrahmacariyaṃ. **Pakāsethāti** āvikarotha.

Apparajakkhajātikāti paññācakkhumhi appakilesarajasabhavā, dukūlasāṇiyā paṭicchannā viya catuppadikagāthāpariyosāne arahattaṃ pattuṃ samatthā¹ santīti attho. **Assavanatāti** assavanatāya. **Parihāyantīti** alābhaparihāniyā dhammato parihāyanti. **Senānigamoti** paṭhamakappikānaṃ senāya nivīṭṭhokāse patiṭṭhitagāmo, Sujātāya vā pitu Senāni nāma nigamo. **Tenupasaṅkamissāmīti** nāhaṃ tumhe uyyojetvā pariveṇādīni kāretvā upaṭṭhākādīhi paricariyamāno viharissāmi, tiṇṇaṃ pana jaṭilānaṃ aḍḍhuḍḍhāni pāṭihāriyasahassāni dassetvā dhammameva desetum upasaṅkamissāmīti. **Tenupasaṅkamīti** “ayaṃ samaṇo Gotamo mahāyuddham vicārento viya ‘mā ekena dve agamittha, dhammaṃ desethā’ti saṭṭhi jane uyyojeti, imasmiṃ pana ekasmimpi dhammaṃ desente mayhaṃ cittassādam natthi, evaṃ bahūsu desentesu kuto bhavissati, paṭibhāmi nan”ti cintetvā upasaṅkami. . Pañcamam.

6. Sappasuttavaṇṇanā

142. Chaṭṭhe **soṇḍikākilañjanti** surākārakānaṃ piṭṭhapattharaṇakakilañjaṃ. **Kosalikā**² **kāmsapātīti**³ Kosalarañño rathacakkappamāṇā

1. Arahattapattasamatthā sattā (Sī, Syā) 2. Kosalakā (Ka) 3. Kāmsacāṭīti (Syā)

paribhogapāti. **Gaḷagalāyanteti** gajjante. **Kammāraggariyāti** kammāruddhanapaṇāḷiyā. **Dhamamānāyāti** bhastavātena¹ pūriyamānāya. **Iti viditvāti** “samaṇo Gotamo padhānamanuyutto sukhena nisinno, ghaṭṭayissāmi nan”ti vuttappakāraṃ attabhāvaṃ māpetvā niyāmbhūmiyaṃ² ito cito ca sañcarantaṃ³ vijjulatālokena disvā “ko nu kho eso satto”ti āvajjento “Māro ayan”ti evaṃ viditvā.

Suññagehānīti suññāgārāni. **Seyyāti** seyyatthāya, ṭhassāmi caṅkamissāmi nisīdissāmi nipajjissāmīti etadatthāya yo suññāgārāni sevātīti attho. **So muni attasaññatoti** so Buddhamuni hatthapādakukkucābhāvena saṃyatattabhāvo. **Vossajja careyya tattha soti** so tasmim attabhāve ālayaṃ nikantiṃ vossajjitvā pahāya careyya. **Patirūpaṃ hi tathāvidhassa tanti** tādisassa taṃsañṭhitassa Buddhamunino taṃ attabhāve nikantiṃ vossajjitvā caraṇaṃ nāma patirūpaṃ yuttaṃ anucchavikaṃ.

Carakāti sīhabyagghādikā dañcaraṇasattā. **Bheravāti** saviññāṇaka-aviññāṇakabheravā. Tattha saviññāṇakā sīhabyagghādayo, aviññāṇakā rattibhāge khāṇuvammikādayo. Tepi hi tasmim kāle yakkhā viya upaṭṭhahanti, rajjuvallyādīni sabbāni sappā viya upaṭṭhahanti. **Tatthāti** tesu bheravesu suññāgāragato Buddhamuni lomacalanamattakampi⁴ na karoti.

Idāni aṭṭhānaparikappaṃ dassento **nabhaṃ phaleyayāti** ādimāha. Tattha **phaleyayāti** kākapadaṃ viya hīrahīraso phaleyya. **Caleyayāti** pokkharapatte vātāhato udakabindu viya caleyya. **Sallampi ce urasi pakappayeyyunti** tikhiṇasattisallaṃ cepi urasmim cārayeyyum⁵. **Upadhīsūti** khandhūpadhīsu. **Tāṇaṃ na karontīti** tikhiṇe salle⁶ urasmim cāriyamāne⁷ bhayena gumbantarakandarādīni⁸ pavisantā tāṇaṃ karonti nāma. Buddhā pana samucchinnasabbabhayā evarūpaṃ tāṇaṃ nāma na karonti. .
Chaṭṭhaṃ.

1. Tassā vātena (Sī)

3. Saṃsarantaṃ (Saṃ)

5. Dhāreyyūṃ (Syā)

7. Dhārayamāne (Syā)

2. Padhānabhūmiyaṃ (Sī)

4. Lomahaṃsanamattakampi (Syā)

6. Saṃsarantaṃ (Sī)

8. Guyhantarakuṇṭantarādīni (Syā)

7. Supatisuttavaṇṇanā

143. Sattame **pāde pakkhāletvā**ti utugāhāpanattham dhovivā.
 Buddhānam pana sarīre rajojallam na upalimpati, udakampi pokkharapatte
 pakkhittam viya vivatṭitvā gacchati. Apica kho dhotapādake gehe pāde
 dhovivā pavisanam pabbajitānam vattam. Tattha Buddhānam vattabhedo
 nāma natthi, vattasīse pana ṭhatvā dhovanti. Sace hi Tathāgato neva
 nhāyeyya, na pāde dhoveyya, “nāyam manusso”ti vadeyyum. Tasmā
 manussakiriyaṃ amuñcanto dhovati. **Sato sampajānoti** soppapariggāhakena
 satisampajāññena samannāgato. **Upasaṅkamīti** samaṇo Gotamo sabbarattim
 abbhokāse caṅkamtivā Gandhakuṭim pavisitvā niddāyati, ativiya sukhasayito
 bhavissati, ghaṭṭayissāmi nanti cintetvā upasaṅkami.

Kim soppasīti kim supasi, kim soppam nāmidam tavāti vadati. **Kim nu**
soppasīti kasmā nu supasi. **Dubbhago**¹ **viyāti** mato viya visaññī viya ca.
Suññamagāranti suññam me gharam laddhanti soppasīti vadati. **Sūriye**
uggateti sūriyamhi utṭhite. Idāni hi aññe bhikkhū sammajjanti, pāṇīyam
 upaṭṭhapenti, bhikkhācāragamanasajjā bhavanti, tvam kasmā soppasiyeva.

Jālinīti tayo bhave ajjhottharivā ṭhitena “ajjhaticassupādāya
 aṭṭhārasatanṭhāvicarītāni”ti-ādinā² tena tena attano koṭṭhāsabhūtena jālena
 jālinī. **Visattikāti** rūpādisu tattha tattha visattatāya³ visamūlatāya
 visaparibhogatāya ca visattikā. **Kuhiñcinetaveti** katthaci nehum.
Sabbūpadhi⁴ **parikkhayāti** sabbesam
 khandhakilesābhisaṅkhārakāmaguṇabhedānam upadhīnam parikkhayā. **Kim**
tavettha mārāti māra tuyham kim ettha, kasmā tvam uṇhayāguyam nilīyitum
 asakkontī khuddakamakkhikā viya antanteneva ujjhāyanto āhiṇḍasīti. .
 Sattamam.

8. Nandatisuttavaṇṇanā

144. Aṭṭhamam Devatāsaṃyutte vuttatthameva. . Aṭṭhamam.

1. Dubbhato (Syā)

3. Vissajjatāya (Syā)

2. Abhi 2. 362 piṭṭhe.

4. Sabbūpadhīnam (Sī, Syā)

9. Paṭhama-āyusuttavaṇṇanā

145. Navame **appam̐ vā bhiiyyoti** bhiiyyo jīvanto aparaṃ vassasataṃ jīvitum̐ na sakkoti, paṇṇāsaṃ vā saṭṭhi vā vassāni jīvati. **Ajjhabhāsīti** samaṇo Gotamo “manussānaṃ appamāyū”ti katheti, dīghabhāvamassa kathessāmīti paccanīkasātātāya abhibhavitvā¹ abhāsi.

Na nam̐ hīleti taṃ āyum̐ “appakamidan”ti na hīleyya. **Khīramattovāti** yathā daharo kumāro uttānaseyyako khīraṃ pivitvā dukūlacumbaṭake nīpanno asaṇṇī viya niddāyati, kassaci āyum̐ appam̐ vā dīgham̐ vāti na cinteti, evaṃ sappuriso. **Careyyādittasīsovāti** āyum̐ parittanti ñatvā pajjalitasīso viya careyya. . Navamaṃ.

10. Dutīya-āyusuttavaṇṇanā

146. Dasame **nemīva rathakubbaranti** yathā divasaṃ gacchantassa rathassa cakkanemi kubbaraṃ anupariyāyati na vijahati, evaṃ āyu anupariyāyatīti. . Dasamaṃ.

Paṭhamo vaggo.

2. Dutiyavagga

1. Pāsāṇasuttavaṇṇanā

147. Dutiyavaggassa paṭhame **nisinnoti** pubbe vuttanayeneva padhānaṃ pariggaṇhanto nisinno. Māropissa sukhanisinnabhāvaṃ ñatvā ghaṭṭayissāmīti upasaṅkamanto. **Padālesīti**² pabbatapiṭṭhe ṭhatvā pavijjhi. Pāsāṇā nirantarā aṇṇamaṇṇaṃ abhihanantā patanti. **Kevalanti** sakalaṃ. **Sabbanti** tasseva vevacanaṃ. . Paṭhamaṃ.

2. Kinnusīhasuttavaṇṇanā

148. Dutīye **vicakkhukammāyāti** parisāya paṇṇācakkhum̐³ vināsetukamyatāya. Buddhānaṃ panesa paṇṇācakkhum̐ vināsetum̐ na sakkoti, parisāya

1. Adhibhavitvā (Ka)

2. Paggalesīti (Syā)

3. Paṇṇāya paṇṇācakkhum̐ (Syā)

bheravārammaṇaṃ sāvento vā dassento vā sakkoti. **Vijitāvī nu maññasīti** kiṃ nu tvaṃ “vijitavijayo ahan”ti maññasī, mā evaṃ maññī, natthi te jayo. **Parisāsūti** aṭṭhasu parisāsu. **Balappattāti** dasabalappattā. . Dutiyaṃ.

3. Sakalikasuttavaṇṇanā

149. Tatiye **mandiyā nūti**¹ mandabhāvena momūhabhāvena. **Udāhu kaveyyamattoti** udāhu yathā kavi kabbam² cintento tena kabbakaraṇena matto sayati, evaṃ sayasi. **Sampacurāti** bahavo. **Kimidaṃ soppase vāti** kasmā idaṃ soppaṃ soppasiyeva. **Atthaṃ sameccāti** atthaṃ samāgantvā pāpūṇitvā. Mayhaṃ hi asaṅgaho nāma saṅgahavipanno³ vā attho natthi. **Sallanti** tikhiṇaṃ sattisallaṃ. **Jaggam na saṅketi**⁴ yathā ekacco sīhathādīsū jagganto saṅkati, tathā ahaṃ jaggantopi na saṅkāmi. **Napi bhemi sottunti** yathā ekacco sīhathādīsuyeva supitum bhāyati, evaṃ ahaṃ supitumpi na bhāyāmi. **Nānutapanti māmanti** yathā ācariyassa vā antevāsikassa vā aphāsuke jāte uddesaparipucchāya ṭhitattā antevāsīm⁵ rattindivā⁶ atikkamantā anutapanti⁷, evaṃ maṃ nānutapanti. Na hi mayyaṃ kiñci apariniṭṭhitakammaṃ nāma atthi. Tenevāha “hāniṃ na passāmi kuhiñci loke”ti. . Tatiyaṃ.

4. Patirūpasuttavaṇṇanā

150. Catutthe **anurodhavirodhesūti** rāgapatighesu. **Mā sajjittho**⁸ **tadācaranti** evaṃ⁹ dhammakathaṃ ācaranto mā laggi. Dhammakathaṃ kathentassa hi ekacce sādhuṅkāraṃ dadanti, tesu rāgo uppajjati. Ekacce asakkaccaṃ suṇanti, tesu paṭigho uppajjati. Iti dhammakathiko anurodhavirodhesu sajjati nāma. Tvaṃ evaṃ mā sajjitthoti vadati. **Yadaññamanusāsati**ti yaṃ aññaṃ anusāsati, taṃ. Sambuddho hitānukampī hitena anupakampati. Yasmā ca

1. Mandiyā nusesīti (Syā)

3. Asaṅgato nāma saṅgatavipanno (Syā)

5. Antevāsiko (Syā)

7. Anutapati (Syā)

2. Kathitabbaṃ (Syā)

4. Na saṅkemīti (Syā)

6. Ratti vā divā vā (Ka)

9. Etaṃ (Syā)

8. Mā sajjittha (Syā)

hitānukampī, tasmā anurodhavirodhehi vippamutto Tathāgatoti. .
Catuttham.

5. Mānasasuttavaṇṇanā

151. Pañcame ākāse carante pi bandhatīti **antalikkhacaro**. **Pāsoti** rāgapāso. **Mānasoti** manasampayutto. . Pañcamaṃ.

6. Pattasuttavaṇṇanā

152. Chaṭṭhe **pañcannaṃ upādānakkhandhānaṃ upādāyāti** pañca upādānakkhandhe ādiyivā, sabhāvasāmaññalakkhaṇavasena nānappakārato vibhajivā dassento. **Sandassetīti** khandhānaṃ sabhāvalakkhaṇādīni dasseti. **Samādapetīti** gaṇhāpeti. **Samuttejetīti** samādānamhi ussāhaṃ janeti. **Sampahaṃsetīti** paṭividdhaguṇena vodāpeti jotāpeti. **Aṭṭhiṃ katvāti** atthikaṃ katvā, “ayaṃ no adhigantabbo attho”ti evaṃ sallakkhetvā tāya desanāya atthikā hutvā. **Manasi katvāti** citte ṭhapetvā. **Sabbacetasā¹ samannāharitvāti** sabbena tena kammakāracittena samannāharitvā. **Ohitasotāti** ṭhāpitasotā. **Abbhokāse nikkhittāti** otāpanatthāya ṭhapitā.

Rūpaṃ vedayitaṃ saññāti ete rūpādayo tayo khandhā². **Yañca saṅkhatanti** iminā saṅkhārakkhandho gahito. **Evaṃ tattha virajjatīti** “eso ahaṃ na homi, etaṃ mayhaṃ na hotī”ti passanto evaṃ tesu³ khandhesu virajjati. **Khemattanti** khemābhūtaṃ⁴ attabhāvaṃ. Iminā phalakkhaṇaṃ⁵ dasseti. **Anvesanti** bhavayonigatiṭṭhitasattāvāsasaṅkhātesu sabbaṭṭhānesu pariyesamānā. **Nājjhagāti** na passīti. . Chaṭṭham.

7. Chaphassāyatanasuttavaṇṇanā

153. Sattame **phassāyatanānanti** sañjātisamosaraṇaṭṭhena chadvārikassa phassassa āyatanānaṃ. **Bhayabheravaṃ saddanti** meghadundubhi-
asanipātasaddasadiṣaṃ bhayaajanakaṃ saddaṃ. **Pathavī maññe undrīyatīti** ayaṃ mahāpathavī

1. Sabbacetaso (Sī, Syā)

2. Khandhe (Sī, Syā, Ṭikā)

3. Tesu (Ka)

4. Khemabhūtaṃ (Ka)

5. Phalalakkhaṇaṃ (Sī)

paṭapaṭasaddaṃ kurumānā viya ahosi. **Ettha loko vimucchitoti**¹ etesu chasu ārammaṇesu loko adhimucchito. **Māradheyyanti** mārassa ṭhānabhūtaṃ tebhūmakavaṭṭaṃ. . Sattamaṃ.

8. Piṇḍasuttavaṇṇanā

154. Aṭṭhame **pāhunakāni bhavanti**ti tathārūpe nakkhatte tattha tattha pesetabbāni pāhunakāni bhavanti, āgantukapaṇṇākāradānāni vā. Sayamcaraṇadivase² samavayajātigottā kumārakā tato tato sannipatanti. Kumārikāyopi attano attano vibhavānurūpena alaṅkatā taḥaṃ taḥaṃ vicaranti. Tatra kumārikāyopi yathārucitānaṃ kumārakānaṃ paṇṇākāraṃ pesenti, kumārakāpi kumārikānaṃ aññasmiṃ asati antamaso mālāguḷeṇapi parikkhipanti. **Anvāviṭṭhāti** anu āviṭṭhā. Taṃdivasaṃ kira pañcasatā kumārikāyo uyyānakīlaṃ gacchantiyo paṭipathe Satthāraṃ disvā chaṇapūvaṃ³ dadeyyuṃ, Satthā tāsāṃ dānānumodanattamaṃ pakiṇṇakadhammadesanaṃ deseyya, desanāpariyosāne sabbāpi sotāpattiphale paṭiṭṭhaheyyuṃ, māro tāsāṃ sampattiyā antarāyāṃ karissāmīti anvāvisi. Pāliyaṃ pana **mā samaṇo Gotamo piṇḍamalattthāti** ettakaṃyeva vuttanti.

Kim pana Satthā mārāvaṭṭanaṃ ajānitvā pavīṭṭhoti. Āma ajānitvā. Kasmā? Anāvajjanatāya. Buddhānaṃ hi “asukatṭhāne bhattaṃ labhissāma, na labhissāmā”ti āvajjanaṃ ananucchavikaṃ. Pavīṭṭho pana manussānaṃ upacārabhedāṃ disvā “kim idan”ti āvajjento ñatvā “āmisatthaṃ mārāvaṭṭanaṃ bhindituṃ ananucchavikan”ti abhinditvāva nikkhanto.

Upasaṅkamīti amittavijayena viya tuṭṭho sakalagāme kaṭacchumattampi bhattaṃ alabhitvā gāmato nikkhamantaṃ Bhagavantaṃ gāmiyamanussavesena upasaṅkami. **Tathāhaṃ karissāmīti** idan so musā bhāsati. Evaṃ kirassa ahosi “mayā evaṃ vutte pana pavissati, atha naṃ gāmadārakā ‘sakalagāme caritvā kaṭacchubhikkhampi alabhitvā gāmato nikkhamma puna

1. Dhimucchitoti (Sī)

2. Sayam jānitvā chaṇadivaso kireso (Sī) sayamcaraṇadivaso kira so(Syā)

3. Mandapuvaṃ (Syā)

paviṭṭhosi'ti-ādīni vatvā uppaṇḍessanti'ti. Bhagavā pana "sacāyaṃ maṃ evaṃ viheṭṭhessati, muddhamasseva sattadhā phalissati'ti tasmim̐ anukampāya apavisitvā gāthādvayamāha.

Tattha **pasavīti** janesi nipphādesi. **Āsajjāti** āsādetvā ghaṭṭetvā. **Na me pāpaṃ vipaccatīti** mama pāpaṃ na paccati. **Nippahalaṃ etanti** kim̐ nu tvam̐ evaṃ maññasi, mā evaṃ maññi¹, atthi tayā katassa pāpassa phalanti dīpeti. **Kiñcananti** madditum̐ samattham̐ rāgakiñcanādi kilesajātam̐. **Ābhassarā yathāti** yathā ābhassarā devā sappītikajjhānena yāpentā pītibhakkhā nāma honti, evaṃ bhavissāmāti. . Aṭṭhamam̐.

9. Kassakasuttavaṇṇanā

155. Navame **nibbānapaṭisaṃyuttāyāti** nibbānam̐ apadisitvā pavattāya. **Haṭṭhaṭṭakesoti** purimakese pacchato, pacchimakese purato, vāmapassakese dakkhiṇato, dakkhiṇapassakese vāmato pharitvā pharitvā² vippakiṇṇakeso. **Mama cakkhusamphassaviññāṇāyatananti** cakkhuviññāṇena sampayutto cakkhusamphassopi viññāṇāyatanampi mamevāti. Ettha ca cakkhusamphassena viññāṇasampayuttakā dhammā gahitā, viññāṇāyatanena sabbānipi cakkhudvāre uppannāni āvajjanādiviññāṇāni. Sotadvārādīsupi eseva nayo. Manodvāre pana **manoti** sāvajjanakam̐ bhavaṅgacittam̐. **Dhammāti** ārammaṇadhammā. **Manosamphassoti** sāvajjanena bhavaṅgena sampayuttaphasso. **Viññāṇāyatananti** javanacittam̐ tadārammaṇampi vaṭṭati.

Taveva pāpima cakkhūti yaṃ loka timirakācādīhi upaddutam̐ anekarogāyatanam̐ upakkavipakkam̐³ antamaso kāṇacakkhupi, sabbam̐ tam̐ taveva bhavatu. Rūpādīsupi eseva nayo.

Yaṃ vadantīti yaṃ bhaṇḍakam̐ "mama idan'ti vadanti. **Ye vadanti mamanti cāti** ye ca puggalā "maman'ti vadanti. **Ettha ce te mano atthīti** etesu ca ṭhānesu yaḍi cittam̐ atthi. **Na me samaṇa makkhasītisamaṇamayham̐** visayato na muccissasi. **Yaṃ vadantīti** yaṃ bhaṇḍakam̐ vadanti, na tam̐ mayham̐. **Ye vadantīti** yepi puggalā evam̐ vadanti, na te aham̐. **Na me maggampi dakkhasīti** bhavayonigati-ādīsū mayham̐ gatamaggampi na passasi. . Navamam̐.

1. Maññasi (Syā)

2. Pasāritvā pasāritvā (Syā), haritvā (Syā)

3. Opakkavipakkam̐ (Sī)

10. Rajjasuttavaṇṇanā

156. Dasame **ahanam aghātayanti** ahanantena aghātayantena. **Ajinam ajāpayanti** parassa dhanajānim akarontena akārāpentena. **Asocam asocāpayanti** asocantena asocāpayantena. Iti Bhagavā adhammikarājūnam rajje vijite daṇḍakarapīlite manusse disvā kāruṇavasena evam cintesi. **Upasaṅkamīti** “samaṇo Gotamo ‘sakkā nu kho rajjam kāretun’ti cintesi, rajjam kāretukāmo bhavissati, rajjañca nāmetaṃ pamādaṭṭhānam, rajjam kārente sakkā otāram labhitum, gacchāmi ussāhamassa janessāmī”ti cintetvā upasaṅkami. **Iddhipādāti** ijghanakakoṭṭhāsā. **Bhāvitāti** vaḍḍhitā. **Bahulikatāti** punappunam katā. **Yānikatāti** yuttayānam viya katā. **Vatthukatāti** patiṭṭhaṭṭhena vatthukatā. **Anuṭṭhitāti** avijahitā niccānubaddhā. **Paricitāti** sātaccakiriyāya supericitā katā issāsassa avirādhitavedhihattho viya. **Susamāradhāti** suṭṭhu samāradhā paripuṇṇabhāvanā. **Adhimucceyyāti** cinteyya.

Pabbatassāti pabbato bhaveyya. **Dvittāvāti** tiṭṭhatu eko pabbato, dvikkhattumpi tāva mahanto suvaṇṇapabbato ekassa nālam, na pariyattoti attho. **Iti vidvā samañcareti** evam jānanto samam careyya. **Yatonidānanti** dukkham nāma pañcakāmaguṇanidānam, tam yatonidānam hoti¹, evam yo adakkhi. **Katham nameyyāti** so jantu tesu dukkhassa nidānabhūnesu kāmesu kena kāraṇena nameyya. **Upadhim veditvāti** kāmaguṇa-upadhim “saṅgo eso, lagganametam”ti evam veditvā. **Tasseva jantu vinayāya sikkheti** tasseva upadhissa vinayāya sikkheyya. . Dasamam.

Dutiyo vaggo.

3. Tatiyavagga

1. Sambahulasuttavaṇṇanā

157. Tatiyavaggaṃ paṭhame **jaṭaṇḍuvenāti** jaṭacumbaṭakena². **Ajinakkhipanivatthoti** sakhuram ajinacammam ekam nivattho ekam pāruto.

1. Hotīti (Syā)

2. Jaṭacumbiṭena (Syā)

Udumbaradaṇḍanti appicchabhāvappakāsanattham̐ īsakaṃ vaṅkaṃ udumbaradaṇḍaṃ gahetvā. **Etadavocāti** lokebrāhmaṇassavacanaṃ nāma sussūsanti, brāhmaṇesupi pabbajitassa, pabbajitesupi mahallakassāti mahallakabrāhmaṇassa pabbajitavesaṃ gahetvā padhānabhūmiyaṃ kammaṃ karonte te bhikkhū¹ upasaṅkamtivā hatthaṃ ukkhipitvā etaṃ “daharā bhavanto”ti-ādivacanaṃ avoca. **Okampetvāti** hanukena uraṃ² paharanto adhonataṃ katvā. **Jivhaṃ nillāletvāti** kabaramahājivhaṃ nīharitvā uddhamadho ubhayapassesu ca lāletvā³. **Tivisākhanti** tisākhaṃ. **Nalāṭikanti** bhakuṭim̐, nalāṭe uṭṭhitaṃ valittayanti attho. **Pakkāmīti** tumhe jānantānaṃ vacanaṃ akatvā attanova tele paccissathāti⁴ vatvā ekaṃ maggaṃ gahetvā gato. . Paṭhamaṃ.

2. Samiddhisuttavaṇṇanā

158. Dutiye **lābhā vata me, suladdham̐ vata meti** evarūpassa Satthu ceva dhammassa ca sabrahmacārīnaṅca laddhattā mayhaṃ lābhā mayhaṃ suladdhant. So kirāyasmā pacchā mūlakammaṭṭhānaṃ sammasitvā “arahattaṃ gahessāmi”ti pāsādikaṃ tāva kammaṭṭhānaṃ gahetvā Buddhadhammasaṅghaguṇe āvajjetvā cittakallataṃ uppādetvā cittaṃ hāsetvā tosetvā nisinno. Tenassa evamahosi. **Upasaṅkamīti** “ayaṃ samiddhi bhikkhu pāsādikaṃ kammaṭṭhānaṃ gahetvā nisinnasadiṣo, yāva mūlakammaṭṭhānaṃ gahetvā arahattaṃ na gaṇhāti, tāvassa antarāyaṃ karissāmi”ti upasaṅkamaṃ. **Gacchatvanti** Satthā sakalajambudīpaṃ olokento “tasmiṃyeva ṭhāne tassa kammaṭṭhānaṃ sappāyaṃ bhavissatī”ti addasa, tasmā evamāha. **Satipaṇṇā ca me Buddhāti** mayā⁵ sati ca paṇṇā ca ñātā. **Karassu⁶ rūpānīti** bahūnīpi vibhimsakārahāni rūpāni⁷ karassu. **Neva maṃ byādhayissasīti** maṃ neva vedhayissasi na kampassesī. . Dutiyaṃ.

1. Bhikkhū (Ka)

3. Palāpetvā (Syā), cāletvā (Ka)

5. Yā mayhaṃ (Ka)

7. Vibhimsakakarāni rūpāni (Sī), vibhimsakarūpāni (Ka)

2. Udaraṃ (Syā)

4. Leṇe pavisathāti (Ka)

6. Kāmaṃ karassu (Syā)

3. Godhikasuttavaṇṇanā

159. Tatiye **Isigilipasseti** Isigilissa nāma pabbatassa passe. **Kālasilāyanti** kāḷavaṇṇāya silāyaṃ. **Sāmāyikaṃ**¹ cetivimuttinti appitappitakkhaṇe² paccanīkadhammehi vimuccati, ārammaṇe ca adhimuccatīti lokiyasamāpatti sāmāyikā cetovimutti nāma. **Phusīti** paṭilabhi. **Parihāyīti** kasmā yāva chaṭṭhaṃ parihāyi? Sābādhattā. Therassa kira vātapittasemhavasena anusāyiko ābādho atthi, tena samādhissa sappāye upakāradhamme pūretuṃ na sakkoti, appitappitāya samāpattiyā parihāyati.

Yaṃnūnāhaṃ satthaṃ āhareyyanti so kira cintesi, yasmā parihīnajjhānassa hīnajjhānassa kālaṅkaroto anibaddhā gati hoti, aparihīnajjhānassa nibaddhā gati hoti, brahmaloke nibbattati, tasmā satthaṃ āharitukāmo ahosi. **Upasaṅkamīti** “ayaṃ samaṇo satthaṃ āharitukāmo, satthāharaṇaṅca nāmetaṃ kāye ca jīvite ca anapekkhassa hoti, yo evaṃ kāye ca jīvite ca anapekkho hoti, so mūlakammaṭṭhānaṃ sammasitvā arahattampi gahetuṃ samattho hoti, mayā pana paṭibāhitopi esa na oramissati, Satthārā paṭibāhito oramissatī”ti therassa atthakāmo viya hutvā yena Bhagavā tenupasaṅkami.

Jalāti jalamāna³. **Pāde vandāmi cakkhumāti** pañcahi cakkhūhi cakkhuma tava pāde vandāmi. **Jutindharāti** ānubhāvadhara. **Appattamānasoti** appatta-arahatto. **Sekhoti** sīlādīni sikkhamāno sakaraṇīyo. **Jane sutāti** jane vissuta. **Satthaṃ āharitaṃ hotīti** thero kira “kiṃ mayhaṃ iminā jīvitena”ti uttāno nipajjitvā satthena galanāḷim chindi, dukkhā vedanā uppajjimsu. Thero vedanaṃ vikkhambhetvā taṃyeva vedanaṃ pariggahetvā satim upaṭṭhapetvā mūlakammaṭṭhānaṃ sammasanto arahattaṃ patvā samasīsī hutvā parinibbāyi. **Samasīsī** nāma tividho hoti iriyāpathasamasīsī rogasamasīsī jīvitasamasīsīti.

1. Sāmāyikaṃ (Syā)

2. Appitakkhaṇe (Syā)

3. Jalanti jalamānaṃ (Sī, Syā)

Tattha yo ṭhānādīsu iriyāpathesu aññataram adhiṭṭhāya “imam akopetvā arahattam pāpuṇissamī”ti vipassanam paṭṭhpeti, athassa arahattappatti ca iriyāpathakopanañca ekappahārenea hoti. Ayaṃ **iriyāpathasamasī** nāma. Yo pana cakkhurogādīsu aññatarasmim sati “ito anuṭṭhitova arahattam pāpuṇissamī”ti vipassanam paṭṭhpeti, athassa arahattappatti ca rogato vuṭṭhānañca ekappahārenea hoti. Ayaṃ **rogasamasī** nāma. Keci pana tasmim yeva iriyāpathe tasmīñca roge parinibbānavasenettha samasītam paññāpentī. Yassa pana āsavakkhaya ca jīvitakkhaya ca ekappahārenea hoti. Ayaṃ **jīvitasamasī** nāma. Vuttampi cetam “yassa puggalassa apubbam acarimam āsavapariyādānañca hoti jīvitapariyādānañca, ayaṃ vuccati puggalo samasī”ti¹.

Ettha ca pavattisīsam kilesasīsanti dve sīsāni. Tattha **pavattisīsam** nāma jīvitindriyam, **kilesasīsam** nāma avijjā. Tesu jīvitindriyam cuticittam khepeti, avijjā maggacittam. Dvinnam cittānam ekato uppādo natthi. Maggānantaram pana phalam, phalānantaram bhavaṅgam, bhavaṅgato vuṭṭhāya paccavekkhaṇam, tam paripuṇṇam vā hoti aparipuṇṇam vā. Tikhiṇena asinā sīse chijjantepi hi eko vā dve vā paccavekkhaṇavārā² avassam uppajjantiyeva, cittānam pana lahuparivattitāya āsavakkhaya ca jīvitapariyādānañca ekakkhaṇe viya paññāyati.

Samūlam taṇhamabbuyhāti avijjāmūlena samūlakam taṇham arahattamaggena uppāṭetvā. **Parinibbutoti** anupādisesanibbānena parinibbuto.

Vivattakkhandhanti parivattakkhandham³. **Semānanti**⁴ uttānam hutvā sayitam hoti⁵. Thero pana kiñcāpi uttānako sayito, tathāpissa dakkhiṇenapassena paricitasayanattā sīsam dakkhiṇatova parivattitvā ṭhitam. **Dhūmāyitanti** dhūmāyitabhāvam. Tasmim hi khaṇe dhūmavalāhakā viya timiravalāhakā viya ca uṭṭhahimsu. **Viññānam samanvesatīti** paṭisandhicittam pariyesati. **Appatiṭṭhitenāti** paṭisandhiviññānena appatiṭṭhitena, appatiṭṭhitakāraṇāti attho. **Beluvapaṇḍuvīnanti** beluvapakkam viya paṇḍuvaṇṇam suvaṇṇamahāvīṇam. **Ādāyāti** kacche ṭhapetvā. **Upasaṅkamīti** “Godhikattherassa nibbattaṭṭhānam

1. Abhi 3. 116 piṭṭhe.

2. Paccavekkhaṇā (Ka)

3. Parivaṭṭakkhandham (Sī)

4. Soppamānanti (Sī), Seyyamānanti (Syā)

5. Sayati (Syā)

na jānāmi, samaṇaṃ Gotamaṃ pucchitvā nikkāṅkho bhavissāmī”ti khuddakadārakavaṇṇī¹ hutvā upasaṅkama. **Nādhigacchāmī**ti na passāmi. **Sokaparetassā**ti sokena phuṭṭhassa. **Abhassathā**ti pādapiṭṭhiyaṃ patitā. . Tatiyaṃ.

4. Sattavassānubandhasuttavaṇṇanā

160. Catutthe **satta vassānī**ti pure bodhiyā chabbassāni, bodhito pacchā ekam vassaṃ. **Otārāpekkhoti** “sace samaṇassa Gotamassa kāyadvārādīsu kiñcideva ananucchavikaṃ passāmi, codessāmi nan”ti evaṃ vivaraṃ² apekkhamāno. **Alabhamānoti** rathareṇumattampi³ avakkhalitaṃ apassanto. Tenāha—

“Satta vassāni Bhagavataṃ, anubandhiṃ padāpadaṃ.
Ohāraṃ nādhigacchissāṃ, Sambuddhassa satīmato”ti⁴.

Upasaṅkamīti “ajja samaṇaṃ Gotamaṃ atigahetvā gamisāmī”ti⁵ upasaṅkama.

Jhāyasīti jhāyanto avajjhāyanto⁶ nisinnosīti vadati. **Vittaṃ nu jīnoti** sataṃ vā sahaṃ vā jītosī nu. **Āguraṃ nu gāmasminti** kiṃ nu antogāme pamāṇātikantaṃ pāpakammaṃ akāsi, yena aññesaṃ mukhaṃ oloketuṃ avisahanto araññe vicarasi. **Sakkhinti** mittabhāvaṃ.

Palikhāyāti khaṇitvā. **Bhavalobhajappanti** bhavalobhasaṅkhātaṃ taṇhaṃ. **Anāsavo jhāyāmī**ti nittaṇho hutvā dvīhi jhānehi jhāyāmi. Pamattabandhūti māraṃ ālapati. So hi yekeci loke pamattā, tesāṃ bandhu.

Sace maggaṃ anubuddhanti yadi tayā maggo anubuddho. **Apehīti** apayāhi. **Amaccudheyanti** maccuno anokāsabhūtaṃ nibbānaṃ. **Pāragāminoti** yepi pāraṃ gatā, tepi pāragāmino. Yepi pāraṃ gacchissanti, yepi pāraṃ gantukāmā, tepi pāragāmino.

1. Khuddakadārakavaṇṇo (Syā)

2. Cirāṃ (Syā)

3. Rajareṇumattampi (Syā)

4. Khu 1. 343 piṭṭhe Suttanipāte.

5. Atigahetvā āgamissāmīti (Sī), abhivādetvā āgamissāmīti (Syā)

6. Apajjhāyanto (Sī)

Visūkāyikānīti māraṅvisūkāni. **Visevitānī**ti viruddhasevitāni, “appamāyu manussānaṃ, accayanti ahorattā”ti vutte “dīghamāyu manussānaṃ, nāccayanti ahorattā”ti-ādīni paṭilomakāraṇāni. **Vipphanditānī**¹ tamhi tamhi kāle hatthirājavaṇṇasappavaṇṇādiddassanāni. **Nibbejanīyāti** ukkaṇṭhanīyā.

Anupariyagāti-ādīsu kiñcāpi atītavacanaṃ kataṃ, attho pana vikappavasena veditabbo. Idaṃ vuttaṃ hoti—yathā medavaṇṇaṃ pāsāṇaṃ vāyaso disvā “api nāmettha² muduṃ vindeyyāma, api assādo siyā”ti anupariyagaccheyya, atha so tatha assādaṃ alabhivāva vāyaso etto apakkameyya, tato pāsāṇā apagaccheyya, evaṃ mayampi so kāko viya selam Gotamaṃ āsajja assādaṃ vā santhavaṃ vā alabhantā Gotamā³ nibbindivā apagacchāma. . Catuttham.

5. Māradhītusuttavaṇṇanā

161. Pañcame **abhāsivāti** ettha a-kāro nipātamattaṃ, bhāsivāti attho. Abhāsayitvātipi⁴ pāṭho. **Upasaṅkamimsūti** “gopālakadāraṅkaṃ viya daṇḍakena bhūmiṃ lekhaṃ datvā ativiya dummano hutvā nisinna, ‘kinnu kho kāraṇaṃ’ti pucchitvā jānissāmā”ti upasaṅkamimsu.

Socasīticintesi. Araññamiva kuñjaranti yathā araññato pesitagaṇikārahathhiniyo⁵ araññakaṃ kuñjaraṃ itthikuttadassanena palobhetvā bandhitvā ānanti, evaṃ ānāyissāma. **Māradheyyanti** tebhūmakavaṭṭam.

Upasaṅkamimsūti “tumhe thokaṃ adhvāsetha, mayaṃ taṃ ānessāmā”ti pitaraṃ samassāsetvā upasaṅkamimsu. **Uccāvacāti** nānāvidhā. **Ekasataṃ ekasatanti** ekekaṃ sataṃ sataṃ katvā. **Kumārivaṇṇasatanti** iminā nayena kumāri-attabhāvānaṃ sataṃ.

1. Vipphanditāni kānīci kānīcīti (Sī, Ka)

3. Gotamaṃ (Syā, Ka)

5. Araññaṃ tosetvā pesitā gaṇikāhatthiniyo (Sī)

2. Apettha (Syā)

4. Bhāsivātipi pāṭho (Syā)

Atthassa pattim hadayassa santintidvīhipi padehi arahattameva kathesi. **Senanti** kilesasenam. Sā hi piyarūpasātarūpā nāma. **Ekohaṃ jhāyanti** eko ahaṃ jhāyanto. **Sukhamanubodhinti** arahattasukhaṃ anubujjhim. Idaṃ vuttaṃ hoti—piyarūpaṃ sātarūpaṃ senaṃ jinitvā ahaṃ eko jhāyanto “atthassa pattim hadayassa santin”ti saṅkhaṃ gataṃ arahattasukhaṃ anubujjhim, tasmā janena mittasanthavaṃ na karomi, teneva ca me kāraṇena kenaci saddhim sakkhī na sampajjatīti.

Kathaṃvihārībahuloti katamena vihārena bahulaṃ viharanto. **Aladdhāti** alabhitvā. **Yoti** nipātamattaṃ. Idaṃ vuttaṃ hoti—katamena jhānena bahulaṃ jhāyantaṃ taṃ puggalaṃ kāmasaññā alabhitvāva paribāhirā¹ honṭīti.

Passaddhakāyoti catutthajjhānena assāsapassāsakāyassa passaddhattā passaddhakāyo. **Suvmuttacittoti** arahattaphalavimuttiyā suṭṭhu vimuttacitto. **Asaṅkharānoti** tayo kammābhisaṅkhāre anabhisaṅkharonto. **Anokoti** anālayo. **Aññāya dhammanti** catusaccadhammaṃ jānitvā. **Avitakkajhāyīti** avitakkena catutthajjhānena jhāyanto. **Na kuppātīti**—ādisu dosena na kuppāti, rāgena na sarati, mohena na thīno. Imesu tīsu mūlakilesesu gahitesu diyaḍḍhakilesasahassaṃ gahitameva hoti. Paṭhamapadena vā byāpādanīvaraṇaṃ gahitaṃ, dutiyena kāmacchandanīvaraṇaṃ, tatiyena thinaṃ ādiṃ katvā sesanīvaraṇāni. Iti iminā nīvaraṇappahānena khīṇāsavaṃ dasseti.

Pañcoghatīṇoti pañcadvārikaṃ kilesoghaṃ tiṇṇo. **Chaṭṭhanti** manodvārikampi chaṭṭhaṃ kilesoghaṃ atari. Pañcoghaggahaṇena vā pañcorambhāgiyāni saṃyojanāni, chaṭṭhaggahaṇena pañcuddhambhāgiyāni veditabbāni. **Gaṇasaṃghacārīti** gaṇeca saṃghe ca caratīti Satthā gaṇasaṃghacārī nāma. **Addhā carissantīti** aññepi saddhā² bahujanā ekamsena carissanti. **Ayanti** ayaṃ Satthā. **Anokoti** anālayo.

1. Paribāhirā aparikkhārā (Syā)

2. Addhā aññepi (Si)

Acchejja nessesatīti acchinditvā nayissati, maccurājassa hatthato acchinditvā nibbānapāram nayissatīti vuttam hoti. **Nayamānānanti** nayamānesu.

Selaṃva sirasūhacca, pātāle gādhamesathāti mahantam kūṭāgarappamaṇam silam sise ṭhapetvā pātāle patiṭṭhagavesanam viya. **Khāṇumva urasāsajjāti** urasi khāṇum paharivā viya. **Apethāti** apagacchatha. Imasmim ṭhāne saṅgītikārā “idamavocā”ti desanam niṭṭhapetvā **daddallamānāti** gātham āhamsu. Tattha **daddallamānāti** ativiya jalamānā sobhamānā. **Āgañchunti** āgatā. **Panudīti** nīhari. **Tūlam bhaṭṭhamva mālutoti** yathā phalato bhaṭṭham simbalitūlam vā potakitūlam vā vāto panudati nīharati, evam panudīti. . Pañcamam.

Tatiyo vaggo.

Mārasamyuttavaṇṇanā niṭṭhitā.

5. Bhikkhunīsamyutta

1. Ālavikāsuttavaṇṇanā

162. Bhikkhunīsamyuttassa paṭhame **ālavikā**ti Ālavīyaṃ jātā Ālavīnagaratoyeva ca nikkhamma pabbajitā. **Andhavananti** Kassapasammāsambuddhassa cetiye navakammatthāta dhanāṃ samādapetvā āgacchantassa Yasodharassa nāma dhammabhāṇakassa ariyapuggalassa akkhīni uppāṭetvā tattheva akkhibhedappattehi pañcahi corasatehi nivutthattā tato paṭṭhāya “Andhavanan”ti saṅkham gataṃ vanāṃ. Taṃ kira sāvattitho dakkhiṇapasse gāvutamatte hoti rājārakkhāya guttaṃ. Tattha pavivekakāmā bhikkhū ca bhikkhuniyo ca gacchanti. Tasmā ayampi kāyavivekatthini¹ yena taṃ vanāṃ, tenupasaṅkami. **Nissaraṇanti** nibbānaṃ. **Paññāyāti** paccavekkhaṇāñāṇena. **Na tvaṃ jānāsi taṃ padanti** tvaṃ etaṃ nibbānapadaṃ vā nibbānagāmiyapadaṃ vā na jānāsi. **Sattisūlūpamā**ti vinivijjhanatthena sattisūlasadisā. **Khandhāsaṃ adhikuṭṭanā**ti khandhā tesāṃ adhikuṭṭanabhaṇḍikā. . Paṭhamāṃ.

2. Somāsuttavaṇṇanā

163. Dutīye **thānanti** arahattaṃ. **Durabhisambhavanti** duppasahaṃ. **Dvaṅgulapaññāyāti** parittapaññāya. Yasmā vā dvīhi aṅgulehi kappāsavaṭṭiṃ gahetvā suttāṃ kantanti, tasmā itthi “dvaṅgulapaññā”ti vuccati. **Ñāṇamhi vattamānamhī**ti phalasaṃpattiñāṇe pavattamāne. **Dhammaṃ vipassatoti** catusaccadhammaṃ vipassantassa, pubbabhāge vā vipassanāya ārammaṇabhūtaṃ khandhapañcakameva. **Kiñci vā pana aññasmī**ti aññaṃ vā kiñci “ahaṃ asmī”ti taṇhāmānadiṭṭhivasena yassa siyā. . Dutīyaṃ.

3. Kisāgotamīsuttavaṇṇanā

164. Tatiye **Kisāgotamī**ti appamaṃsalohitatāya kisā, Gotamīti panassā nāmaṃ. Pubbe kira Sāvattiyāṃ ekasmiṃ kule² asītikoṭṭidhanaṃ sabbaṃ aṅgārāva jātā³. Kuṭumbiko “aṅgārājātāni⁴

1. Ālavikā vivekatthikini (Syā), kayavivekatthikini (Ka)

3. Aṅgārāva jātā (Syā)

2. Kulaghare (Sī, Syā)

4. Aṅgārā jātā (Ka)

anīharitvā¹ “avassam koci puññavā bhavissati, tassa puññena puna pākatikam bhavissati”ti suvaṇṇahiraññassa cāṭiyo pūretvā āpaṇe ṭhapetvā samīpe nisīdi. Athekā duggatakulassa dhītā “aḍḍhamāsakam gahetvā dārusākam āharissāmī”ti vīthim gatā tam disvā kuṭumbikam āha “āpaṇe tāva dhanam ettakam, gehe kittakam bhavissati”ti. Kim disvā amma evam kathesīti. Imam hiraññasuvaṇṇanti. So “puññavatī esā bhavissati”ti tassā vasanaṭṭhānam pucchitvā āpaṇe bhaṇḍam paṭisāmetvā tassā mātāpitaro upasaṅkamitvā evamāha “amhākam gehe vayappatto dārako atthi, tassetam dārikam dethā”ti. Kim sāmī duggatehi saddhim keḷim karosīti. Mittasanthavo nāma duggatehipi saddhim hoti, detha nam, kuṭumbasāminī bhavissatīti nam gahetvā gharam ānesi². Sā samvāsamanvāya puttam vijātā. Putto padasā āhiṇḍanakāle kalamakāsi. Sā duggatakule uppajjitvā mahākulam gantvāpi “puttavināsam pattāmhi”ti uppanabalavasokā puttassa sarīrakiccam vāretvā tam matakalevaram ādāya nagare vippalapantī carati.

Ekadivasam mahatiyā Buddhavīthiyā Dasabalassa santikam gantvā “puttassa me arogabhāvattathāha bhesajjam detha Bhagavā”ti āha. Gaccha Sāvattim āhiṇḍitvā yasmin gehe matapubbo natthi, tato siddhatthakam āhara, puttassa te bhesajjam bhavissatīti. Sā nagaram pavisitvā dhuragehato paṭṭhāya Bhagavatā vuttanayena gantvā siddhatthakam yācantī ghare ghare “kuto tvaṃ evarūpaṃ gharam passissasi”ti vuttā katipayāni gehāni āhiṇḍitvā “sabbesampi kirāyam dhammatā, na mayham puttassevā”ti sālāyam chavam chaḍḍetvā pabbajjam yāci. Satthā “imam pabbājetū”ti bhikkhuni-upassayam pesesi. Sā khuraggeyeva arahattam pāpuṇi. Imam therim sandhāya “atha kho Kisāgotamī”ti vuttam.

Ekamāsīti ekā āsi. **Rudammukhīti** rudamānamukhī viya. **Accantam mataputtāmhīti** ettha antam atītam accantam, bhāvanapumsakametaṃ. Idam vuttam hoti—yathā puttamaraṇam antam atītam hoti, evam mataputtā aham, idāni mama puna puttamaraṇam nāma natthi. **Purisā etadantikāti** purisāpi me

1. Āharitvā (Sī)

2. Abhinesi (Sī), atiharati (Ka)

etadantikāva. Yo me puttamaṇassa anto, purisānampi me esevanto, abhabbā ahaṃ idāni purisaṃ gavesitunti. **Sabbattha vihatā nandīti** sabbesu khandhāyatanadhātubha-vayonigatiṭhitinivāsesu mama taṇhānandī vihatā. **Tamokkhandhoti** avijjākhandho. **Padālitoti** nāṇena bhinno. . Tatiyaṃ.

4. Vijayāsuttavaṇṇanā

165. Catutthe **pañcaṅgikenāti** ātataṃ vitataṃ ātatavitataṃ ghaṇaṃ susiranti evaṃ pañcaṅgasamannāgatena. **Niyyātayāmi tuyhevāti** sabbe tuyhaṃyeva demi. **Nāhaṃ tenatthikāti** nāhaṃ tena atthikā. **Pūtikāyenāti** suvaṇṇavaṇṇopi kāyo niccaṃ uggharitaṃ paggharitaṭṭhena pūtikāyova, tasmā evamāha. **Bhindaṇenāti** bhijjanasabhāvena. **Pabhaṅgunāti** cuṇṇavicuṇṇaṃ āpajjanadhammena. **Aṭṭiyāmi** aṭṭā pīlitā homi. **Harāyāmi** lajjāmi. **Santā samāpattīti** aṭṭhavidhā lokiyasamāpattī ārammaṇasantatāya aṅgasantatāya ca santāti vuttā. **Sabbatthāti** sabbesu rūpārūpabhavesu, tesāṃ dvinnāṃ bhavānaṃ gahitattā gahite kāmaṃbhava aṭṭhasu ca samāpattīsūti etesu sabbesu ṭhānesu mayhaṃ avijjātamo vihatoti vadati. . Catutthaṃ.

5. Uppalavaṇṇāsuttavaṇṇanā

166. Pañcame **supupphitaganti** aggato paṭṭhāya suṭṭhu pupphitaṃ sālārakkhaṃ. **Na catthi te dutiyā vaṇṇadhātūti** tava vaṇṇadhātusadisā dutiyā vaṇṇadhātu natthi, tayā sadisā aññā bhikkhūnī natthīti vadati. **Idhāgatā tādisikā bhaveyyunti** yathā tvaṃ idhāgatā kiñci santhavaṃ vā sinehaṃ vā na labhasi, evamevaṃ tepi tayāva sadisā bhaveyyuṃ. **Pakhumantarikāyanti** dvinnāṃ akkhīnaṃ majjhe nāsavaṃsepi tiṭṭhantiṃ maṃ na passasi. **Vasībhūtami**ti vasībhūtā asmi. . Pañcamaṃ.

6. Cālāsuttavaṇṇanā

167. Chaṭṭhe **ko nu taṃ idamādapayīti** ko nu mandabuddhi bālo taṃ evaṃ gāhāpesi. **Pariklesanti** aññampi nānappakāraṃ upaddavaṃ. Idāni yaṃ māro

āha “ko nu taṃ idamādapayī”ti, taṃ maddantī “na maṃ andhabālo ādapesi, loke pana aggapuggalo Satthā dhammaṃ desesī”ti dassetuṃ **Buddhoti-**ādimāha. Tattha **sacce nivesayī**ti paramatthasacce nibbāne nivesesi. **Nirodhaṃ appajānantā**ti nirodhasaccaṃ ajānantā. . Chaṭṭhaṃ.

7. Upacālāsuttavaṇṇanā

168. Sattame **enti māravasaṃ punāti** punappunaṃ maraṇamāraḱilesamāra-devaputtamārānaṃ vasaṃ āgacchanti. **Padhūpitoti** santāpito. **Agati yattha māressāti** yattha tuyhaṃ māressa agati. **Tatthāti** tasmim nibbāne. . Sattamaṃ.

8. Sīsūpacālāsuttavaṇṇanā

169. Aṭṭhame **samaṇī viya dissasī**ti samaṇisadisā dissasi. **Kimiva carasi momūhāti** kimkāraṇā momūhā viya carasi. **Ito bahiddhāti** imamhā sāsanā bahi. Pāsaṃ ḍentīti¹ **pāsaṇḍā**, sattānaṃ cittesu diṭṭhipāsaṃ khipantīti attho. Sāsanaṃ pana pāse moceti, tasmā pāsaṇḍoti na vuccati, ito bahiddhāyeva pāsaṇḍā honti. **Pasīdantī**ti saṃsīdanti lagganti.

Idāni “kaṃ nu uddissa muṇḍāsī”ti pañhaṃ kathentī **atthi Sakyakule jātoti**-ādimāha. Tattha **sabbābhibhūti** sabbāni khandhāyatanadhātubhavayonigati-ādīni abhibhavivā ṭhito. Maraṇamārādayo nudi nīharīti **māranudo**. **Sabbatthamaparājitoti** sabbesu rāgādīsū vā mārayuddhe vā ajito. **Sabbattha muttoti** sabbesu khandhādīsū mutto. **Asitoti** taṇhādiṭṭhinissayena anissito. **Sabbakammakkhayaṃ pattoti** sabbakammakkhayaṣaṅkhātāṃ arahattaṃ patto. **Upadhisāṅkhayeti** upadhisāṅkhayaṣaṅkhāte nibbāne āramaṇato vimutto. . Aṭṭhamaṃ.

9. Selāsuttavaṇṇanā

170. Navame **kenidaṃ pakatanti** kena idaṃ kataṃ. **Bimbanti** attabhāvaṃ sandhāya vadati. **Aghanti** dukkhapatiṭṭhānattā attabhāvameva vadati. **Hetubhaṅgāti** hetunirodhena paccayavekallena. . Navamaṃ,

1. Oḍḍentīti (Sī)

10. Vajirāsuttavaṇṇanā

171. Dasame **nayidha sattupalabbhatī** imasmiṃ suddhasaṅkhārapuñje paramatthato satto nāma na upalabbhati. **Khandhesu santesūti** pañcasu khandhesu vijjamānesu tena tenākārena vavatthitesu. **Sammutīti** sattoti samaññāmatameva hoti. **Dukkanti** pañcakkhandhadukkhaṃ. **Nāññatra dukkhāti** ṭhapetvā dukkhaṃ añño¹ neva sambhoti na nirujjhatīti. .
Dasamaṃ.

Bhikkhunīsamyuttavaṇṇanā niṭṭhitā.

1. Aññaṃ (Sī)

6. Brahmaṣaṃyutta

1. Paṭhamavagga

1. Brahmāyācanasuttavaṇṇanā

172. Brahmaṣaṃyuttassa paṭhame **parivitaḅko udapāḁīti** sabbabuddhānaṃ āciṅṅasaṃāciṅṅo ayaṃ cetaso vitakko udapāḁi. Kadā udapāḁīti? Buddhabhūtaṣṣa aṭṭhame sattāhe Rājāyatanamūle Sakkena Devānamindena ābhataṃ dantakaṭṭhaṅca osadhaharītaḁca khāditvā mukhaṃ dhovivā catūhi lokapālehi upanīte paccagghe selamayapatte Tapussabhallikānaṃ piṅḁapātaṃ paribhuñjitvā puna paccāgantvā Ajapālanigrodhe nisinnamattassa.

Adhigatoti paṭividdho. Dhammoti catusaccadhammo. **Gambhīroti** uttānapaṭikkhepavacanametam. **Duddasoti** gambhīratāva duddaso dukkhena daṭṭhabbo, na sakkā sukhena daṭṭhum. Duddasattāva **duranubodho** dukkhena avabujjhitabbo, na sakkā sukhena avabujjhitum. **Santoti** nibbuto. **Paṇītoti** atappako. Idam dvayaṃ lokuttarameva sandhāya vuttam. **Atakkāvacaroti** takkena avacaritabbo ogāhitabbo na hoti, nāṇeneva avacaritabbo. **Nipuṇoti** saṅho. **Paṇḁitavedanīyoti** sammāpaṭipadam paṭipannehi paṇḁitehi veditabbo. **Ālayarāmāti** sattā paṅcasu kāmaguṅesu allīyanti, tasmā te **ālayāti** vuccanti. Aṭṭhasatataṅhāvicarītāni vā allīyanti, tasmāpi ālayāti vuccanti. Tehi ālayehi ramantīti **ālayarāmā**. Ālayesu ratāti **ālayaratā**. Ālayesu suṭṭhu muditāti **ālayasammuditā**. Yatheva hi susajjitam pupphaphalabharitarukkhādisampannam uyyānam pavitṭho rājā tāya tāya sampattiyā ramati, sammudito āmoditapamodito¹ hoti, na ukkaṅṭhati, sāyampi nikkhamitum na icchatī, evamimehipi kāmalāyatanṅhālayehi sattā ramanti, saṃsāravaṭṭe sammuditā anukkaṅṭhitā vasanti. Tena tesam Bhagavā duvidham ālayam uyyānabhūmim viya dassento “ālayarāmā”ti-ādimāha.

Tattha **yadidanti** nipāto, tassa ṭhānam sandhāya “yaṃ idan”ti, paṭiccasamuppādam sandhāya “yo ayan”ti evamattho daṭṭhabbo. **Idappaccayatāpaṭiccasamuppādoti**

1. Āmoditasammodito (Ka)

imesaṃ paccayā idappaccayā, idappaccayā eva idappaccayatā,
 idappaccayatā casā paṭiccasamuppādocāti **idappaccayatāpaṭiccasamuppādo**.
 Saṅkhārādipaccayānaṃ etaṃ adhivacanaṃ. **Sabbasaṅkhārasamatho**-ādi
 sabbaṃ nibbānameva. Yasmā hi taṃ āgamma sabbasaṅkhāravipphanditāni
 samanti vūpasammanti, tasmā **sabbasaṅkhārasamatho** vuccati. Yasmā ca
 taṃ āgamma sabbe upadhayo paṭinissaṭṭhā honti, sabbā taṇhā khīyanti,
 sabbe kilesarāgāviraḅjanti, sabbaṃ dukkhaṃ nirujjhati, tasmā
sabbūpadhipaṭinissaggo taṇhākkhayo virāgo nirodhoti vuccati. Yā panaesā
 taṇhā bhavena bhavaṃ, phalena vā saddhiṃ kammaṃ vinati saṃsibbatīti
 katvā **vānanti** vuccati, tato nikkhantaṃ vānatoti **nibbānaṃ**. **So mama**
kilamathoti yā ajānantānaṃ desanā nāma, so mama kilamatho assa, sā
 mama vihesā assāti attho. Kāyakilamatho ceva kāyavihesā ca assāti vuttaṃ
 hoti. Citte pana ubhayampetaṃ Buddhānaṃ natthi. **Apissūti** anubrūhanatthe
 nipāto, so “na kevalaṃ ayaṃ parivitakko udapādi, imaṃpi gāthā
 paṭibhaṃsū”ti dīpeti. **Anacchariyāti** anu-acchariyā. **Paṭibhaṃsūti**
 paṭibhānasaṅkhātassa nāṇassa gocarā ahesuṃ, parivitakkayitabbaṃ
 pāpuṇiṃsu.

Kicchenāti dukkhena, na dukkhāya paṭipadāya¹. Buddhānaṃ hi
 cattāropi maggā sukhaṃpaṭipadāva honti. Pāramipūraṇakāle pana
 sarāgasadosasamohasseva sato āgatāgatānaṃ yācakānaṃ alaṅkatapaṭiyattaṃ
 sīsaṃ kantitvā galalohitaṃ nīharitvā su-añjitaṃ akkhīni uppāṭetvā
 kulavaṃsappadīpaṃ puttaṃ manāpacāriṇiṃ bhariyanti evamādīni dentassa
 aññāni ca khantivādisadisesu attabhāvesu chejjabhejjādīni pāpuṇantassa
 āgamaṇīyapaṭipadaṃ sandhāyetaṃ vuttaṃ. **Halanti** ettha **ha**-kāro
 nipātamatto, alanti attho. **Pakāsītuntī** desitūṃ, evaṃ kicchena adhigatassa
 alaṃ desitūṃ, pariyaṭtaṃ desitūṃ, ko attho desitenāti vuttaṃ hoti.
Rāgadosaparetehiti rāgadosaphuṭṭhehi rāgadosānugatehi vā.

Paṭisotagāminti niccādīnaṃ paṭisotaṃ “aniccaṃ dukkhamanattā
 asubhaṃ”ti evaṃ gataṃ catusaccadhammaṃ. **Rāgarattāti** kāmarāgena
 bhavarāgena diṭṭhirāgena ca rattā. **Na dakkhantīti** aniccaṃ dukkhamanattā
 asubhanti iminā sabhāvena na

1. Kicchenāti dukkhāya paṭipadāya (Sī, Syā)

passissanti, te apassante ko sakkhissati evaṃ gāhāpetuṃ. **Tamokhandhena āvuṭṭati** avijjārāsinaṃ ajjhotthaṭṭhā.

Appossukkatāyāti nirussukkabhāvena, adesetukāmatāyāti attho. Kasmā panassa evaṃ cittaṃ nami, nanu esa “mutto mocessāmi, tiṇṇo tāressāmi,

Kim me aññātaveseṇa, dhammaṃ sacchikatenidha.

Sabbaññutaṃ pāpuṇitvā, tārayissaṃ sadevakan”¹—

Patthanaṃ katvā pāramiyo pūretvā sabbaññutaṃ pattoti? Saccametam, tadevaṃ paccavekkhaṇānubhāvena panassa evaṃ cittaṃ nami. Tassa hi sabbaññutaṃ patvā sattānaṃ kilesagahanataṃ, dhammassa ca gambhīrataṃ paccavekkhantassa sattānaṃ kilesagahanatā ca dhammagambhīratā ca sabbākārena pākaṭā jātā, athassa “ime sattā kañjiyapuṇṇā lābu viya, takkabharitā cāṭi viya, vasātelapītapilotikā viya, añjanamakkhitahattho viya ca kilesabharitā atisaṃkiliṭṭhā rāgarattā dosaduṭṭhā mohamuḷhā, te kim nāma paṭivijjhissanti”²ti cintayato kilesagahanapaccavekkhaṇānubhāvenāpi evaṃ cittaṃ nami.

“Ayañca dhammo pathavīsandhāraka-udakakkhandho viya gambhīro, pabbatena paṭicchādetvā ṭhapito sāsapo viya duddaso, satadhā bhinnassa vālassa koṭiyā koṭipaṭipādanaṃ viya duranubodho, nanu mayā hi imaṃ dhammaṃ paṭivijjhitaṃ vāyamantena adinnaṃ dānaṃ nāma natthi, arakkhitaṃ sīlaṃ nāma natthi, aparipūritā kāci pāramī nāma natthi, tassa me nirussāhaṃ viya mārabalaṃ vidhamantassāpi pathavī na kampittha, paṭhamayāme pubbenivāsaṃ anussārantassāpi na kampittha, majjhimayāme dibbacakkuṃ visodhentassāpi na kampittha, pacchimayāme pana paṭiccasamuppādaṃ paṭivijjhantasseva me dasasahassilokadhātu kampittha. Iti mādisenāpi tikkhaññāṇena kicchenevāyaṃ dhammo paṭividdho, taṃ lokiyamahājanā kathaṃ paṭivijjhissanti”³ti dhammagambhīrapaccavekkhaṇānubhāvenāpi evaṃ cittaṃ namīti veditabbaṃ.

Apica brahmunā yācite desetukāmatāyapissa evaṃ cittaṃ nami. Jānāti hi Bhagavā “mama appossukkatāya citte namamāne maṃ mahābrahmā

1. Khu 4. 310 piṭṭhe thokaṃ visadisam.

dhammadesanaṃ yācissati, ime ca sattā brahmagarukā, te ‘Sattā kira dhammaṃ na desetukāmo ahosi, atha naṃ mahābrahmā yācitvā desāpesi, santo vata bho dhammo, paṇīto vata bho dhammo’ti maññamānā sussūsissanti”ti. Idampissa kāraṇaṃ paṭicca appossukkatāya cittaṃ nami, no dhammadesanaṃyāti vedītabbaṃ.

Sahampatissāti so kira Kassapassa Bhagavato sāsane Sahako nāma thero paṭhamajjhānaṃ nibbattetvā paṭhamajjhānabhūmiyaṃ kappāyukabrahmā hutvā nibbatto, tatra naṃ “Sahampatibrahmā”ti paṭisañjānanti, taṃ sandhāyāha “brahmuno Sahampatissā”ti. **Nassati vata bhoti** so kira imaṃ saddaṃ tathā nicchāresi, yathā dasasahasilokadhātubrahmāno sutvā sabbe sannipatiṃsu. **Yatra hi nāmāti** yasmim nāma loke. **Purato pāturahosīti** tehi dasahi brahmasahashehi saddhiṃ pāturahosi. **Apparajakkhajātikāti** paññāmaye akkhiṃhi appaṃ parittaṃ rāgadosamoharajaṃ etesaṃ evaṃsabhāvāti **apparajakkhajātikā**. **Assavanatāti** assavanatāya. **Bhavissantīti** purimabuddhesu dasapuññakiriyavasena katādhikārā paripākagatā padumāni viya sūriyasmisamphassaṃ, dhammadesanaṃyeva ākaṅkhamānā catuppadikagāthāvasāne ariyabhūmiṃ okkamaṇārahā na eko, na dve, anekasatasahassā dhammassa aññātāro bhavissantīti dasseti.

Pāturahosīti pātubhavi. **Samalehi cintitoti** samalehi chahi Sattārehi cintito. Te hi puretaraṃ uppajjitvā sakalajambudīpe kaṇṭake pattharamānā viya, visaṃ siñcamānā viya ca samalaṃ micchādiṭṭhidhammaṃ desayiṃsu. **Apāpuretanti** vivara etaṃ. **Amatassa dvāranti** amatassa nibbānassa dvārabhūtaṃ ariyamaggaṃ. **Suṇantu dhammaṃ vimalenānubuddhanti** ime sattā rāgādimalānaṃ abhāvato vimalena Sammāsambuddhena anubuddhaṃ catusaccadhammaṃ suṇantu tāva Bhagavāti yācati.

Sele yathā pabbatamuddhaniṭṭhitoti selamaye ekagghane pabbatamuddhani yathāṭhitova¹. Na hi tassa ṭhitassa dassanattaṃ gīvukkipanapasāraṇādikkiccaṃ atthi. **Tathūpamanti** tappaṭibhāgaṃ selapabbatūpamaṃ. Ayaṃ panettha saṅkhepattho—yathā selapabbatamuddhani ṭhitova cakkhumā puriso samantato janataṃ

1. Ṭhito ca (Syā)

passeyya, tathā tvampi Sumedha sundarapañña sabbaññutaññāṇena samantacakkhu Bhagavā dhammamayaṃ pāsādamāruyha sayam apetasoko sokāvatiṇṇaṃ jātijarābhibhūtaṃ¹ janataṃ avekkhassu² upadhāraya upaparikkha. Ayaṃ panettha adhippāyo—yathā hi pabbatapāde samantā mahantaṃ khettaṃ katvā tattha kedārapāḷisu kuṭikāyo katvā rattiṃ aggim jāleyyūṃ, caturaṅgasamannāgatañca andhakāraṃ assa, atha tassa pabbatassa matthake ṭhatvā cakkhumato purisassa bhūmiṃ olokayato neva khettaṃ na kedārapāḷiyo na kuṭiyo na tattha sayitamanussā paññāyeyyūṃ. Kuṭikāsu pana aggijālāmattakameva paññāyeyya, evaṃ dhammapāsādaṃ āruya sattanikāyaṃ olokayato Tathāgatassa ye te akatakalyaṇā sattā, te ekavihāre dakkhiṇājāṇupasse nisinnāpi Buddhacakkhussa āpāthaṃ nāgacchanti, rattiṃ khittā sarā viya honti. Ye pana katakalyaṇā veneyyapuggalā, te evassa dūrepi ṭhitā āpāthaṃ āgacchanti so aggi viya Himavantapabbato viya ca. Vuttampi cetam—

“Dūre santo pakāsentī, Himavantova pabbato.

Asantettha na dissanti, rattiṃ khittā yathā sarā”ti³.

Ajjhesananti yācanaṃ. **Buddhacakkhunāti** indriyaparopariyattañāṇena ca āsayānusayañāṇena ca. Imesaṃ hi dvinnaṃ ñāṇānaṃ “Buddhacakkhū”ti nāmaṃ, sabbaññutaññāṇassa “samantacakkhū”ti, tiṇṇaṃ maggañāṇānaṃ “dhammacakkhū”ti. **Apparajakkheti**-ādīsu yesaṃ vuttanayeneva paññācakkhumhi rāgādirajaṃ appaṃ, te **apparajakkhā**. Yesaṃ taṃ mahantaṃ, te **mahārajakkhā**. Yesaṃ saddhādīni indriyāni tikkhāni, te **tikkhindriyā**. Yesaṃ tāni mudūni, te **mudindriyā**. Yesaṃ teyeva saddhādayo ākāraṃ dundarā, te **svākārā**. Ye kathitakāraṇaṃ sallakkhenti, sukkena sakkā honti viññāpetuṃ, te **suviññāpayā**. Ye paralokañceva vajjañca bhayato passanti, te **paralokavajjabhayadassāvino** nāma.

Ayaṃ panettha Pāḷi—“saddo puggalo apparajakkho, assaddho puggalo mahārajakkho. Āraddhavīriyo, kusīto. Upaṭṭhitassati, muṭṭhassati.

1. Jātijarābhibhūtaṃ ca (Syā)

2. Apekkhassu (Syā)

3. Khu 1. 56 piṭṭhe.

Samāhito, asamāhito. Paññavā, duppañño puggalo mahārajakkho. Tathā saddho puggalo tikkhindriyo -pa-. Paññavā puggalo paralokavajjabhayadassāvī, duppañño puggalo na paralokavajjabhayadassāvī. Lokoti khandhaloko, āyatanaloko, dhātuloko, sampattibhavaloko, sampattisambhavaloko, vipattibhavaloko, vipattisambhavaloko, eko loko sabbe sattā āhāraṭṭhitikā. Dve lokā nāmañca rūpañca. Tayo lokā tisso vedanā. Cattāro lokā cattāro āhārā. Pañca lokā pañcupādānakkhandhā. Cha lokā cha ajjhāttikāni āyatanāni. Satta lokā satta viññāṇaṭṭhitiyo. Aṭṭha lokā aṭṭha lokadhammā. Nava lokā nava sattāvāsā. Dasa lokā dasāyatanāni. Dvādasa lokā dvādasāyatanāni. Aṭṭhārasa lokā aṭṭhārasa dhātuyo. Vajjanti sabbe kilesā vajjā, sabbe duccharitā vajjā, sabbe abhisankhārā vajjā, sabbe bhavagāmikammā vajjā, iti imasmiñca loke imasmiñca vaje tībā bhayasaññā paccupaṭṭhitā hoti, seyyathāpi ukkhittāsike vadhake. Imehi paññāsāya ākārehi imāni pañcendriyāni jānāti passati aññāsi paṭivijjhi. Idam Tathāgatassa indriyaparopariyatte ñāṇan”ti¹.

Uppaliniyanti uppalavane. Itaresupi eseva nayo. **Antonimuggaposīnīti** yāni anto nimuggāneva posiyanti. **Udakam accuggamma ṭhitānīti** udakam atikkamitvā ṭhitāni. Tattha yāni accuggamma ṭhitāni, tāni sūriyarasmisamphassam āgamayamānāni ṭhitāni ajjapupphanakāni. Yāni pana samodakam ṭhitāni, tāni sve pupphanakāni. Yāni udakānuggatāni antonimuggaposīni, tāni tatiyadivase pupphanakāni. Udakā pana anuggatāni aññānīpi saroga-uppalādīni² nāma atthi, yāni neva pupphissanti, macchakacchapabhakkhāneva bhavissanti, tāni pālīm nāruḷhāni. Āharitvā pana dīpetabbānīti dīpitāni. Yatheva hi tāni catubbidhāni pupphāni, evamevaṃ ugghaṭṭitaññū vipañcitaññū neyyo padaparamoti cattāro puggalā.

Tattha “yassa puggalassa saha udāhaṭṭavelāya dhammābhisamayo hoti, ayaṃ vuccati puggalo **ugghaṭṭitaññū**. Yassa puggalassa saṃkhittena

1. Khu 9. 116 piṭṭhe.

2. Saroja-uppalādīni (Syā)

bhāsitassa vitthārena atthe vibhajiyamāne dhammābhisamayo hoti, ayaṃ vuccati puggalo **vipañcitaññū**. Yassa puggalassa uddesato paripucchato yoniso manasikaroto kalyānamitte sevato bhajato payirupāsato anupubbena dhammābhisamayo hoti, ayaṃ vuccati puggalo **neyyo**. Yassa puggalassa bahumpi suṇato bahumpi bhaṇato bahumpi dhārayato bahumpi vācayato na tāya jātiyā dhammābhisamayo hoti, ayaṃ vuccati puggalo **padaparamo**¹. Tattha Bhagavā uppalavanādisadisam dasasahasilokadhātum olokeno “ajja pupphanakāni viya ugghaṭitaññū, sve pupphanakāni viya vipañcitaññū, tatiyadivase pupphanakāni viya neyyo, macchakacchapabhakkhāni pupphāni viya padaparamo”ti addasa. Passanto ca “ettakā apparajakkhā, ettakā mahārajakkhā, tatrāpi ettakā ugghaṭitaññū”ti evaṃ sabbākāratova addasa.

Tattha tiṇṇaṃ puggalānaṃ imasmiṃ yeva attabhāve Bhagavato dhammadesanā atthaṃ sādheti. Padaparamānaṃ anāgatattāya vāsanā² hoti. Atha Bhagavā imesaṃ catunnaṃ puggalānaṃ atthāvahaṃ dhammadesanaṃ veditvā desetukamyataṃ uppādetvā pana sabbepi tīsu bhavesu satte bhabbābhabbavasenadve koṭṭhāse akāsi. Ye sandhāya vuttaṃ “katame sattā abhabbā, ye te sattākammāvaraṇena samannāgatā kilesāvaraṇena samannāgatā vipākāvaraṇena samannāgatā assaddhā acchandikā duppaññā abhabbā niyāmaṃ okkamitum kusalesu dhammesu sammattaṃ, ime te sattā abhabbā. Katame sattā bhabbā, ye te sattā na kammāvaraṇena -pa- ime te sattā bhabbā”ti³. Tattha sabbepi abhabbapuggale pahāya bhabbapuggaleyeva ñāṇena pariggahetvā “ettakā rāgacaritā ettakā dosamohacaritā vitakkasaddhābuddhacaritā”ti chakoṭṭhāse akāsi. Evaṃ katvā dhammaṃ desessāmīti cintesi.

Paccabhāsīti pati-abhāsi. **Apārutāti** vivaṭā. **Amatassa dvārāti** arīyamaggo. So hi amataśākhātassa nibbānassa dvāraṃ, so mayā vivaritvā ṭhapitoti dasseti. **Pamuñcantu saddhanti** sabbe attano saddhamā

1. Abhi 3. 147 piṭṭhe.

2. Anāgate vāsanattāya (Dī-Ṭṭha 2. 60; Ma-Ṭṭha 2. 86 piṭṭhesu) Ṭṭikā pana passitabbā.

3. Abhi 2. 355; Khu 9. 119 piṭṭhesu.

pamuñcantu vissajjentu. Pacchimapadadvaye ayamattho—ahañhi attano paguṇaṃ suppvattitampi imaṃ paṇītaṃ uttamaṃ dhammaṃ kāyavācākilamathasaññī hutvā na bhāsim. Idāni pana sabbo jano saddhābhājanaṃ upanetu, pūressāmi tesāṃ saṅkappanti.

Antaradhāyīti Satthāraṃ gandhamālādīhi pūjetvā antarahito, sakaṭṭhānameva gatoti attho. Gate ca pana tasmim Bhagavā “kassa nu kho ahaṃ paṭhamaṃ dhammaṃ deseyyan”ti Āḷārudakānaṃ kālaṅkatabhāvaṃ, pañcavaggiyānañca bahūpakārabhāvaṃ ñatvā tesāṃ dhammaṃ desetukāmo Bārāṇasiyaṃ Isipatanaṃ gantvā dhammacakkaṃ pavattesīti. . Paṭhamaṃ.

2. Gāravasuttavaṇṇanā

173. Dutiye **udapādīti** ayam vitakko pañcame sattāhe udapādi. **Agāravoti** aññasmiṃ gāravarahito, kañci garuṭṭhāne aṭṭhapetvāti attho. **Appatissoti** patissayarahito, kañci jeṭṭhakaṭṭhāne aṭṭhepetvāti attho.

Sadevaketi-ādīsu saddhim devehi **sadevake**. Devaggahaṇena cettha mārabrahmesu gahitesupi māro nāma Vasavattī sabbesaṃ upari vasaṃ vatteti, brahmā nāma mahānubhāvo ekaṅguliyā ekasmim cakkavāḷasahassee ālokaṃ pharati. Dvīhi dvīsu -pa- dasahi aṅgulīhi dasasupi cakkavāḷasahassee ālokaṃ pharati, so iminā sīlasampannataroti vattum mā labhatūti¹ **samārake sabrahmaketi** visuṃ vuttaṃ. Tathā samaṇā nāma ekanikāyādivasena bahussutā sīlavanto paṇḍitā, brāhmaṇāpi vatthuvijjādivasena bahussutā paṇḍitā, te iminā sīlasampannatarāti vattum mā labhantūti **sassamaṇabrāhmaṇiyā pajāyāti** vuttaṃ. **Sadevamanussāyāti** idaṃ pana nippadesato dassanatthaṃ gahitameva gahetvā vuttaṃ. Apicettha purimāni tīṇi padāni lokavasena vuttāni, pacchimāni dve pajāvasena. Sīlasampannataranti sīlena sampannataram, adhikataranti attho. Sesesupi eseve nayo. Ettha ca sīlādayo cattāro dhammā lokiyalokuttarā kathitā, vimuttiñānadassanaṃ lokiyameva. Paccavekkhaṇaṇānaṃ hetāni.

1. Labhantūti (Sī)

Pāturahosīti “ayaṃ Satthā Avīcīto yāva Bhavaggā sīlādīhi attanā¹ adhikatarāṃ apassanto ‘mayā paṭividdhaṃ navalokuttaradhamameva sakkatvā garuṃ katvā upanissāya viharissāmi’ti cinteti, kāraṇaṃ Bhagavā cinteti, atthaṃ vuḍḍhivisesaṃ² cinteti, gacchāmiṃsa ussāhaṃ janessāmi”ti cintetvā purato pākaṭo ahosi, abhimukhe aṭṭhāsīti attho.

Viharanti cāti ettha yo vadeyya “viharantīti vacanato paccuppannepi bahū Buddhā”ti, so “Bhagavāpi bhante etarahi Arahaṃ Sammāsambuddho”ti iminā vacanena paṭibāhitabbo.

Na me ācariyo atthi, sadiso me na vijjati.

Sadevakasmīṃ lokasmīṃ, natthi me paṭipuggalo”ti³—

ādīhi cassa suttehi aññesaṃ Buddhānaṃ abhāvo dīpetabbo.

Tasmāti yasmā sabbepi Buddhā saddhammagaruno, tasmā.

Mahattamabhikaṅkhatāti mahantabhāvaṃ patthayamānena. **Saraṃ Buddhāna sāsananti** Buddhānaṃ sāsaṇaṃ sarantena. . Dutiyāṃ.

3. Brahmadevasuttavaṇṇanā

174. Tatiye ekoti ṭhānādīsu iriyāpathesu ekako, ekavīhārīti attho.

Vūpakatṭhoti kāyena vūpakatṭho nissaṭo. **Appamattoti** satiyā avippavāse ṭhito. **Ātāpīti** vīriyātāpena samannāgato. **Pahitattoti** pesitatto. **Kulaputtāti** ācārakulaputtā. **Sammadevāti** na iṇaṭṭā na bhayaṭṭā na jīvitapakatā hutvā, yathā vā tathā vā pabbajitāpi ye anulomapaṭipadaṃ pūrenti, te sammadeva agārasmā anagāriyaṃ pabbajanti nāma. **Brahmacariyapariyosānanti** maggabrahmacariyassa pariyosānabhūtaṃ ariyaphalaṃ. **Diṭṭheva dhammeti** imasmīmyeva attabhāve. **Sayaṃ abhiññā sacchikatvāti** sāmaṃ jānitvā paccakkhaṃ katvā. **Upasampajjāti** paṭilabhitvā sampādetvā vihāsi. Evaṃ viharanto ca **khīṇā jāti -pa- abbaññāsīti**. Etenassa paccavekkhaṇabhūmi dassitā.

1. Attano (Syā)

2. Atthavuḍḍhivisesaṃ (Sī), atthavisesaṃ (Syā), atthaṃ vuḍḍhiṃ visesaṃ (Ṭikā)

3. Vi 3. 12; Ma 1. 227 piṭṭhesu.

Katamā panassa jāti khīṇā, kathaṅca naṃ abbhaññāsīti? Vuccate, na tāvassa atītā jāti khīṇā pubbeva khīṇattā, na anāgatā tattha vāyāmābhāvato, na paccuppannāvijjamānattā. Maggassa pana abhāvitattā yā uppajjeyya ekacatupaṅcavokā-rabhavesu ekacatupaṅcakkhandhappabhedā jāti, sā maggassa bhāvitattā anuppādadhammataṃ āpajjanena khīṇā, taṃ so maggabhāvanāya pahīnakilese paccavekkhitvā “kilesābhāve vijjamānampi kammaṃ āyatim appaṭisandhikaṃ hoti”ti jānanto jānāti.

Vusitanti vutthaṃ parivutthaṃ, kataṃ caritaṃ niṭṭhāpitanti attho. **Brahmacariyanti** maggabrahmacariyaṃ. **Kataṃ karaṇīyanti** catūsu saccesu catūhi maggehi pariññāpahānasacchi kiriyabhāvanāvasena soḷasavidhampi kiccaṃ niṭṭhāpitanti attho. **Nāparaṃ itthattāyāti** idāni puna itthabhāvāya evaṃ soḷasakiccabhāvāya, kilesakkhayāya vā katamaggabhāvanā natthīti. Atha vā **itthattāyāti** itthattabhāvato, imasmā evaṃpakārā idāni vattamānakkhandhasantānā aparaṃ khandhasantānaṃ natthi, ime pana paṅcakkhandhā pariññātā tiṭṭhanti chinnaṃ rūkko viyāti abbhaññāsi. **Aññataroti** eko. **Arahatanti** arahantānaṃ, Bhagavato sāvakaṇaṃ arahataṃ abbhantaro ahoṣi.

Sapadānanti sapadānacāraṃ, sampattaḡharaṃ anukkamma paṭipāṭiyā caranto. **Upasaṅkamīti** upasaṅkamanto. Mātā panassa puttaṃ disvāva gharā nikkhamma pattaṃ gaheṭvā antonivesanaṃ pavesetvā paññattāsane nisīdāpesi.

Āhutiṃ niccaṃ paggaṇhātīti niccakāle āhutipiṇḍaṃ paggaṇhāti. Taṃdivasaṃ pana tasmaṃ ghare bhūtabalikammaṃ hoti. Sabbagehaṃ haritupalittaṃ vippakiṇṇalājaṃ vanamālaparikkhittaṃ ussittaddhajapaṭākaṃ tattha tattha puṇṇaghare ṭhapetvā daṇḍadīpikā¹ jāletvā gandhacūṇṇamālādīhi alaṅkataṃ, samantato sañchādiyamānā dhūmakaṭacchu² ahoṣi. Sāpi brāhmaṇī kālasseva vuṭṭhāya soḷasahi gandhodakaghaṭehi nhāyitvā sabbālaṅkārena attabhāvaṃ alaṅkari. Sā tasmaṃ samaye mahākhiṇāsavaṃ nisīdāpetvā yāgu uḷuṅkamattampi adatvā “mahābrahmaṇaṃ bhojessāmi”ti suvaṇṇapāṭiyaṃ

1. Daṇḍadīpakāni (Syā)

2. Sañchādiyamānadhūmakaṭacchu (Sī), sandhāriyamānā dhūmakapacchi (Syā)

pāyāsam¹ pūretvā sappimadhusakkharādīhi yojetvā nivesanassa pacchābhāge haritupalittabhāvādīhi alaṅkatā bhūtapīṭhikā atthi, sā taṃ pātim ādāya tattha gantvā catūsu koṇesu majjhe ca ekekaṃ pāyāsaṇḍam ṭhapetvā ekaṃ ṇḍam hatthena gahetvā yāva kapparā sappinā paggharantena pathaviyaṃ jāṇumaṇḍalam patiṭṭhāpetvā “bhuñjatu bhavaṃ mahābrahmā, sāyatu bhavaṃ mahābrahmā, tappetu bhavaṃ mahābrahmā”ti vadamānā brahmānaṃ bhojeti.

Etadahosīti mahākhīṇāsavassa silagandham chadevaloke ajjhottharivā brahmalokaṃ upagataṃ ghāyamānassa etaṃ ahosi. **Samvejeyyanti** codeyyaṃ, sammāpaṭipattiyaṃ yojeyyaṃ. Ayaṃ hi evarūpaṃ aggadakkhiṇeyyaṃ mahākhīṇāsavaṃ nisīdāpetvā yāgu-uḷuṅkamattampi adatvā “mahābrahmaṃ bhojessāmī”ti tulaṃ pahāya hatthena tulayantī viya, bherim pahāya kucchim vādentī viya, aggim pahāya khajjopanakaṃ dhamamānā viya bhūtabalim kurumānā āhiṇḍati, gacchāmissā micchādassanaṃ bhinditvā apāyamaggato uddharitvā yathā asītikotiḍhanaṃ Buddhasāsane vippakiritvā saggamaggaṃ ārohati, tathā karomīti vuttaṃ hoti.

Dūre itoti imamahā ṭhānā dūre brahmaloko. Tato² hi kūṭāgāramattā silā pātītā ekena ahorattena aṭṭhacattālīsajoyanasahassāni khepayamānā catūhi māsehi pathaviyaṃ patiṭṭhaheyya, sabbahetṭhimopi brahmaloko evaṃ dūre. **Yassāhutinti** yassa brahmuno āhutiṃ paggaṇhāsi, tassa brahmaloko dūreti attho. **Brahmapathanti** ettha brahmapatho nāma cattāri kusalajjhānāni, vipākajjhānāni pana nesaṃ jīvitapatho nāma, taṃ brahmapathaṃ ajānantī tvaṃ kim jappasi vippalapasi. Brahmāno hi sappītikajjhānena yāpenti, na etaṃ tiṇabījāni pakkhipitvā randham goyūsam khādanti, mā akāraṇā kilamasīti.

Evaṃ vatvā puna³ so mahābrahmā añjalim paggayha avakujjo hutvā theram upadisanto **eso hi to brāhmaṇi brahmadevoti**-ādimāha. Tattha **nirūpadhikoti** kilesābhisaṅkhārakāmaguṇopadhīhi virahito. **Atidevapattoti** devānaṃ atidevabhāvaṃ brahmānaṃ atibrahmabhāvaṃ patto.

1. Suvaṇṇacāṭim pāyāsassa (Syā)

2. Brahmalokato (Sī, Syā)

3. Pana (Ka)

Anaññapositi ṭhapetvā imaṃ attabhāvaṃ aññassa attabhāvassa vā puttadārassa vā aposanatāya anaññaposi.

Āhuneyyoti āhunapiṇḍam¹ paṭiggahetum yutto. **Vedagūti** catumaggasaṅkhātehi vedehi dukkhassantaṃ gato. **Bhāvitattoti** attānaṃ bhāvetvā vaḍḍhetvā ṭhito. **Anūpalittoti** taṇhādīhi lepehi² alitto. **Ghāsesanaṃ iriyatīti** āhārapariyesanaṃ carati.

Na tassa pacchā na puratthamatthīti pacchā vuccati atītaṃ, purattham vuccati anāgataṃ, atītānāgatesu khandhesu chandarāgavirahitassa pacchā vā purattham vā natthīti vadati. **Santoti**-ādīsu rāgādisantaṭāya santo. Kodhadhūmavigamā **vidhūmo**, dukkhābhāvā **anīgho**, kattaradaṇḍādīni gahetvā vicarantopi vadhakacetanāya abhāvā **nikkhittadaṇḍo**. **Tasathāvaresūti** ettha pana puthujjanā tasā nāma, khīṇāsavā thāvarā nāma. Satta pana sekhā tasāti vattum na sakkā, thāvarā na honti, bhajamānā pana thāvarapakkhameva bhajanti. **So tyāhutinti** so te āhutim.

Visenibhūtoti kilesasenāya viseno jāto. **Anejoti** nittaṇho. **Susīloti** khīṇāsavasīlena susīlo. **Suvimuttacittoti** phalavimuttiyā suṭṭhu vimuttacitto. **Oghatiṇṇanti** cattāro oghe tiṇṇam. Ettakena kathāmaggena brahmā therassa vaṇṇam kathento āyatane brāhmaṇim niyojesi. Avasānagāthā pana saṅgītikārehi ṭhapitā. **Paṭiṭṭhapesi dakkhiṇanti** catupaccayadakkhiṇam paṭiṭṭhapesi. **Sukhamāyatikanti** sukhāyatikaṃ āyatim sukhavipākam, sukhāvahanti attho. . Tatiyam.

4. Bakabrahmasuttavaṇṇanā

175. Catutthe **pāpakaṃ diṭṭhigatanti** lāmikā sassatadiṭṭhi. **Idaṃ niccanti** idaṃ saha kāyena³ brahmaṭṭhānaṃ aniccaṃ “niccaṃ”ti vadati. Dhuvādīni tasseva vevacanāni. Tattha **dhuvanti** thiraṃ. **Sassatanti** sadā vijjamānaṃ. **Kevalanti** akhaṇḍam sakalam. **Acavanadhammanti** acavanasabhāvaṃ. **Idaṃ hi na jāyatīti**-ādīsu imasmim ṭhāne koci jāyanaṃ vā jīyanaṃ vā mīyanaṃ vā

1. Āhunapiṇḍam pāhunapiṇḍam (Syā)

2. Kilesehi (St)

3. Sahokāsena (Syā)

cavanako vā upapajjanako vā natthi, taṃ sandhāya vadati. **Ito ca panaññanti** ito sahakāyā¹ brahmaṭṭhānā uttari aññaṃ nissaraṇaṃ nāma natthīti evamassa thāmagatā sassatadiṭṭhi uppannā hoti. Evaṃvādī ca pana so upari tisso jhānabhūmiyo cattāro magge cattāri phalāni nibbānanti sabbaṃ paṭibāhati. Kadā panassa sā diṭṭhi uppannāti? Paṭhamajjhānabhūmiyaṃ nibbattakāle. Dutiyajjhānabhūmiyanti eke.

Tatrāyaṃ anupubbikathā—heṭṭhupapattiko kiresa brahmā anuppanno Buddhuppāde² isipabbajjaṃ pabbajitvā kasiṇaparikkammaṃ katvā samāpattiyo nibbattetvā aparihīnajjhāno kālaṃ katvā catutthajjhānabhūmiyaṃ Vehapphalabrahmaloke pañcakappasatikāṃ āyuraṃ gahetvā nibbatti. Tattha yāvatāyukaṃ ṭhatvā heṭṭhupapattikaṃ katvā tatiyajjhānaṃ paṇītaṃ bhāvetvā Subhakiṇhabrahmaloke catusaṭṭhikappaṃ āyuraṃ gahetvā nibbatti. Tattha dutiyajjhānaṃ bhāvetvā Ābhassare aṭṭha kappe āyuraṃ gahetvā nibbatti. Tattha paṭhamajjhānaṃ bhāvetvā paṭhamajjhānabhūmiyaṃ kappāyuko hutvā nibbatti. So paṭhamakāle attanā katakammaṇca nibbattaṭṭhānaṇca aññāsi, kāle pana gacchante gacchante ubhayaṃ pamussitvā sassatadiṭṭhiṃ uppādesi.

Avijjāgatoti avijjāya gato samannāgato aññāṇī andhībhūto. **Yatra hi nāmāti** yo nāma. **Vakkhatīti** bhaṇati. “Yatrā”ti nipātayogena pana anāgatavacanāṃ kataṃ.

Evaṃ vutte so brahmā yathā nāma maggacoro³ dve tayo pahāre adhivāsento sahāye anācikkhitvāpi uttari pahāraṃ pahariyamāno “asuko ca asuko ca mayhaṃ sahāyo”ti ācikkhati, evameva Bhagavatā santajjiyamāno satim labhitvā “Bhagavā mayhaṃ padānupadaṃ pekkhanto maṃ nippīlitukāmo”ti bhīto attano sahāye ācikkhanto **dvāsattatīti**-ādīmāha. Tassattho—bho Gotama mayaṃ dvāsattati janā **puññakammā** tena puññakammena idha nibbattā, **vasavattino** sayāṃ aññesaṃ vase avattitvā pare attano vase vatteṃ, jātiṇca jaraṇca atītā, ayaṃ no vedehi gatattā “vedagū”ti saṅkhaṃ gatā Bhagavā antimā brahmupapatti. **Asmābhijappanti janā anekāti** anekajanā

1. Sahokāsā (Syā)

2. Buddhē (Sī)

3. Magge corō (Sī, Syā, Ka)

amhe abhijappanti. “Ayaṃ kho bhavaṃ brahmā mahābrahmā abhibhū anabhibhūto aññadattthudaso Vasavattī issaro kattā nimmātā seṭṭho sajitā vasī pitā bhūtabhabyānan”ti evaṃ patthenti pihentīti.

Atha naṃ Bhagavā **appaṃ hi etanti**-ādimāha. Tattha **etanti** yaṃ tvaṃ idha tava āyuraṃ “dīghaṃ”ti maññasi, etaṃ appaṃ parittakaṃ. **Sataṃ sahasānaṃ nirabbudānanti** nirabbudagaṇānāya satahasānanirabbudānaṃ. **Āyuraṃ pajānāmīti** “idāni tava avasiṭṭhaṃ ettakaṃ āyū”ti ahaṃ jānāmi. **Anantadassī Bhagavāhamasmīti** Bhagavā tumhe “ahaṃ anantadassī jāti-ādāni upātivatto”ti vadatha. **Kiṃ me purāṇanti** yadi tvaṃ anantadassī, evaṃ sante idaṃ me ācikkha, kiṃ mayhaṃ purāṇaṃ. **Vatasīlavattanti** sīlameva vuccati. **Yamaṃ vijaññāti** yaṃ ahaṃ tayā kathitaṃ jāneyyaṃ. Taṃ me ācikkhāti vadati.

Idānissa ācikkhanto Bhagavā **yaṃ tvaṃ apāyesīti**-ādimāha. Tatrāyaṃ adhippāyo—pubbe kiresa kulaghare nibbattitvā kāmesu ādīnavaṃ disvā “jātijarāmarāṇassa antaṃ karissāmī”ti nikkhamma isipabbajjaṃ pabbajitvā samāpattiyo nibbattetvā abhiññāpādakajjhānassa lābhī hutvā Gaṅgāre paṇṇasālaṃ kāretvā jhānaratiyā vītināmeti. Tadā ca kālenakālaṃ sattāvāhā pañcahi sakaṭasatehi marukantāraṃ paṭipajjanti. Marukantāre pana divā na sakkā gantuṃ, rattiṃ gamaṇaṃ hoti. Atha purimasakaṭassa aggayuge yuttabalibaddā gacchantā gacchantā nivattitvā āgatamaggābhimukhā ahesuṃ, sabbasakaṭāni tatheva nivattitvā aruṇe uggate nivattitabhāvaṃ jāniṃsu. Tesaṃ tadā kantāraṃ atikkamanadivaso ahoṣi, sabbaṃ dārudakaṃ parikkhīṇaṃ. Tasmā “natthi dāni amhākaṃ jīvitaṃ”ti cintetvā goṇe cakkesu bandhitvā manussā sakaṭacchāyaṃ pavisitvā nipajjīṃsu.

Tāpasopi kālasseva paṇṇasālato nikkhamitvā paṇṇasāladvāre nisinna Gaṅgaṃ olokayamāno addasa Gaṅgaṃ mahatā udakoghena pūriyamānaṃ pavattitamaṇikkhandhaṃ viya āgacchantaṃ, disvā cintesi “atthi nu kho imasmiṃ loke evarūpassa madhurodakassa alābhena kilissamānā¹ sattā”ti. So evaṃ āvajjento marukantāre taṃ satthaṃ disvā “ime sattā² mā nassantū”ti “ito cito ca mahā-udakakkhandho chijjitvā

1. Piḷiyamānā (Sī)

2. Satthā (Sī)

marukantāre Satthābhimukho gacchatū”ti abhiññācittena adhiṭṭhāsi. Saha cittuppādena mātikāruḷhaṃ viya udakaṃ tattha agamāsi. Manussā udakasaddena vuṭṭhāya udakaṃ disvā haṭṭhatuṭṭhā nhāyitvā pivitvā goṇepi pāyevā sotthinā icchitaṭṭhānaṃ agamaṃsu. Satthā taṃ brahmuno pubbakammaṃ dassento paṭhamāṃ gāthamāha. Tattha **apāyesīti** pāyesi. Akāro nipātamattam. **Gammanīti** gimhe. **Sampareteti** gimhātapena phuṭṭhe anugate.

Aparasmimpi samaye tāpaso Gaṅgātīre paṇṇasālaṃ māpetvā araññagāmakāṃ nissāya vasati. Tena ca samayena corā taṃ gāmaṃ paharivā hatthasāraṃ gahetvā gāviyo ca karamare ca gahetvā gacchanti. Gāvopi sunakhāpi manussāpi mahāviraṃ viravanti. Tāpaso taṃ saddaṃ sutvā “kinnu kho etan”ti āvajjento “manussānaṃ bhayaṃ uppannaṃ”ti ñatvā “mayi passante ime sattā mā nassantū”ti abhiññāpādakajjhānaṃ samāpajjitvā vuṭṭhāya abhiññācittena corānaṃ paṭipathe caturaṅginīṃ senāṃ māpesi. Kammasajjā āgacchantā corā disvā “rājā maññe āgato”ti vilopaṃ chaḍḍetvā pakkamaṃsu. Tāpaso “yaṃ yassa santakaṃ, taṃ tasseva hotū”ti adhiṭṭhāsi, taṃ tatheva ahoṣi. Mahājano sotthibhāvaṃ pāpuṇi. Satthā idampi tassa pubbakammaṃ dassento dutiyaṃ gāthamāha. Tattha **eṇikūlasminti** Gaṅgātīre. **Gayhakaṃ nīyamānanti** gahetvā nīyamānaṃ, karamaṃ nīyamānantipi attho.

Puna ekasmiṃ samaye uparigaṅgāvāsikaṃ ekaṃ kulāṃ heṭṭhāgaṅgāvāsikena kulena saddhiṃ mittasanthavaṃ katvā nāvāsaṅghātaṃ bandhitvā bahuṃ khādanīyaṃceva bhojanīyaṃca gandhamālādīni ca āropetvā Gaṅgāsotena āgacchati. Manussā khādamānā bhuñjamānā naccantā gāyantā devavimānena gacchantā viya balavasomanassā¹ ahesuṃ. Gaṅgeyyako nāgo disvā kupito “ime mayi saññampi na karonti, idāni ne samuddameva pāpessāmi”ti mahantaṃ attabhāvaṃ māpetvā udakaṃ dvidhā bhinditvā uṭṭhāya phaṇaṃ katvā susukāraṃ² karonto aṭṭhāsi. Mahājano disvā bhīto vissaramakāsi³. Tāpaso paṇṇasālāyaṃ nisinna sutvā “ime gāyantā naccantā somanassajātā āgacchanti, idāni pana bhayaravaṃ raviṃsu, kinnu kho”ti

1. Balavasomanassajātā (Syā)

2. Sūsūkāraṃ (Sī), sussūkāraṃ (Syā)

3. Viravamakāsi (Sī)

āvajjento nāgarājam disvā “mayi passante sattā mā nassantū”ti abhiññāpādakajjhānam samāpajjitvā attabhāvaṃ pajahitvā supaṇṇavaṇṇam māpetvā nāgarājassa dassesi. Nāgarājā bhīto phaṇam saṃharitvā udakaṃ pavittḥo, mahājano sotthibhavaṃ pāpuṇi. Sathā idampi tassa pubbakammaṃ dassento tatiyaṃ gāthamāha. Tattha **luddenā**ti dāruṇena. **Manussakamyā**ti manussakāmatāya, manusse viheṭhetukāmatāyāti attho.

Aparasmimpi samaye esa isipabbajjam pabbajitvā Kesavo nāma tāpaso ahoṣi. Tema samayena amhākaṃ Bodhisatto Kappo nāma māṇavo kesavassa baddhacaro antevāsiko hutvā ācariyassa kimkārapaṇissāvī manāpacārī buddhisampanno atthacaro ahoṣi. Kesavo tena vinā vasitum na sakkoti, tam nissāyeva jīvikam kappesi. Sathā idampi tassa pubbakammaṃ dassento catuttham gāthamāha.

Tattha **baddhacaroti** antevāsiko, so pana jeṭṭhantevāsiko ahoṣi. **Sambuddhimantaṃ vatinaṃ amaññīti** “sammā buddhimā vatasampanno ayan”ti evam maññamāno kappo tava antevāsiko ahoṣim aham so tena samayenāti dasseti. **Aññepi¹ jānāsīti** na kevalam mayham āyumeva, aññepi¹ tvam jānāsīyeva. **Tathā hi Buddhoti** tathā hi tvam Buddho, yasmā Buddho, tasmā jānāsīti attho. **Tathā hi tyāyaṃ jalitānubhāvoti** yasmā ca tvam Buddho, tasmā te ayaṃ jalito ānubhāvo. **Obhāsayaṃ tiṭṭhatīti** sabbam brahmalokaṃ obhāsayaṃ tiṭṭhati. . Catuttham.

5. Aññatarabrahmasuttavaṇṇanā

176. Pañcame **tejodhātuṃ samāpajjitvā**ti tejokasiṇaparikkammaṃ katvā padakajjhānato vuṭṭhāya “sarīrato jālā nikkhamantū”ti adhiṭṭhahanto adhiṭṭhānacittānubhāvena sakalasarīrato jālā nikkhamanti, evam tejodhātuṃ samāpanno nāma hoti, tathā samāpajjitvā. **Tasmim brahmaloketi** kasmā therō tattha agamāsi? Therassa kira tejodhātuṃ samāpajjitvā tassa brahmuno upari nisinnam Tathāhataṃ disvā

1. Aññampi (Sī)

“aṭṭhivedhī ayaṃ puggalo, mayāpettha gantabban”ti ahosi, tasmā agamāsi. Sesānaṃ gamanepi eseva nayo. So hi¹ brahmā Tathāgatassa ceva Tathāgatasāvakaṇāṇca ānubhāvaṃ adisvā abhabbo vinayaṃ upagantum, tena so sannipāto ahosi. Tattha Tathāgatassa sarīrato uggatajalā sakalabrahmalokaṃ atikkamitvā ajaṭṭakāse pakkhandā, tā ca pana chabbaṇṇā ahesum, Tathāgatassa sāvakaṇaṃ ābhā pakativaṇṇāva.

Passasi vītivattantanti imasmim brahmaloke aññabrahmasarīravimānālaṅkāradīnaṃ pabhā atikkamamānaṃ Buddhassa Bhagavato pabhassaraṃ pabhaṃ passasīti pucchati. **Na me mārisa sā diṭṭhīti** yā mesā “idhāgantum samattho añño samaṇo vā brāhmaṇo vā natthi”ti pure diṭṭhi, natthi me sā. **Kathaṃ vajjanti** kena kāraṇena vadeyyaṃ. **Nicomhi sassatoti** imassa kira brahmuno laddhidiṭṭhi sassatadiṭṭhi cāti dve diṭṭhiyo, tatrāssa² Tathāgataṇceva Tathāgatasāvake ca passato laddhidiṭṭhi pahīnā. Bhagavā panettha mahantaṃ dhammadesanaṃ desesi, brahmā desanāpariyosāne sotāpattiphale patiṭṭhahi. Itissa maggena sassatadiṭṭhi pahīnā, tasmā evamāha.

Brahmapārisajjanti brahmapāricārikaṃ. Therānañhi bhaṇḍagāhakaharā viya brahmānampi pārisajjā brahmāno nāma honti. **Tenupasaṅkamāti** kasmā therasseva santikaṃ pesesi? There kirassa tattakeneva kathāsallāpena vissāso udapādi, tasmā tasseva santikaṃ pesesi. **Aññepīti** yathā tumhe cattāro janā, kinu kho evarūpā aññepi atthi, udāhu tumhe cattāro eva³ mahiddhikāti. **Tevijjāti** pubbenivāsadibbacakkhu-āsavakkhayasaṅkhātāhi tīhi vijjāhi samannāgatā. **Iddhipattāti** iddhividhañāṇaṃ pattā. **Cetopariyāyakovidāti** paresaṃ cittācāre⁴ kusalā. Evamettha pañca abhiññāpi sarūpena vuttā. Dibbasotaṃ pana tāsāṃ vasena āgatameva hoti. **Bahūti** evarūpā chaḷabhiññā Buddhasāvakaṃ bahū gaṇanapathaṃ atikkantā, sakalaṃ Jambudīpaṃ kāsāvapajjotaṃ katvā vicarantīti. . Pañcamaṃ.

1. Sopi (Syā)

3. Evaṃ (Syā)

2. Tatrāyaṃ (Syā)

4. Cittavāre (Syā)

6. Brahmāloka-suttavaṇṇanā

177. Chaṭṭhe **paccekaṃ dvārabāhanti** ekeko ekekaṃ dvārabāhaṃ niṣṣāya dvārapālā viya aṭṭhaṃsu. **Iddhoti** jhānasukhena samiddho. **Phītoti** abhiññāpupphēhi supupphito. **Anadhivāsentoti** asahanto. **Etadavocāti** etesaṃ nimmitabrāhmānaṃ majjhe nisinna etaṃ “passasi me”ti-ādivacanaṃ avoca.

Tayo supaṇṇāti gāthāya **pañcasatāti** satapadaṃ rūpavasena vā pantivasena vā yojetabbaṃ. Rūpavasena tāva **tayo supaṇṇāti** tīṇi supaṇṇarūpasatāni. **Caturo ca haṃsāti** cattāri haṃsarūpasatāni. **Byagghīnisā pañcasatāti** byagghasadisā ekacce migā byagghīnisā nāma, tesāṃ byagghīnisārūpakānaṃ pañcasatāni, pantivasena **tayo supaṇṇāti** tīṇi supaṇṇapantisatāni, **caturo haṃsāti** cattāri haṃsapantisatāni. **Byagghīnisā pañcasatāti** pañca byagghīnisā pantisatāni. **Jhāyīnoti** jhāyissa mayhaṃ vimāne ayaṃ vibhūtīti dasseti. **Obhāsayanti** obhāsayamānaṃ. **Uttarassaṃ disāyanti** taṃ kira kanakavimānaṃ¹ tesāṃ mahābrahmānaṃ ṭhitaṭṭhānato uttaradisāyaṃ hoti, tasmā evamāha. Ayaṃ panassa adhippāyo—evarūpe kanakavimāne vasanto ahaṃ kassa aññassa upaṭṭhānaṃ gamissāmīti. **Rūpe raṇaṃ disvāti** rūpamhi jātījarābhaṅgasāṅkhātāṃ dosaṃ disvā. **Sadā pavedhitanti** sītādīhi ca niccaṃ pavedhitāṃ calitaṃ ghaṭṭitaṃ rūpaṃ disvā. **Tasmā na rūpe ramatī sumedhoti** yasmā rūpe raṇaṃ passati, sadā pavedhitaṅca rūpaṃ passati, tasmā Sumedho sundarapañño so Sattā rūpe na ramatīti. . Chaṭṭhaṃ.

7. Kokālikasuttavaṇṇanā

178. Sattame **appameyyaṃ paminantoti** appameyyaṃ khīṇāsavapuggalaṃ “ettakaṃ sīlaṃ, ettako samādhi, ettakā paññā”ti evaṃ minanto. **Kodha vidvā vikappayeti** ko idha vidvā medhāvī vikappeyya, khīṇāsavova khīṇāsavaṃ minanto kappeyyāti dīpeti. **Nivutaṃ taṃ maññeti** yo pana puthujjano taṃ pametuṃ ārabhati, taṃ nivutaṃ avakujjapaññaṃ maññāmīti. .Sattamaṃ.

1. Kanakamahavimānaṃ (Syā)

8. Katamodakatissasuttavaṇṇanā

179. Aṭṭhame **akissavanti** kissavā vuccati paññā, nippaññoti attho. .
Aṭṭhamam.

9. Turūbrahmasuttavaṇṇanā

180. Navame **ābādhikoti** “sāsapamattīhi pīlakāhī”ti-ādinā nayena anantarasutte āgatena ābādhena ābādhiko. **Bālhagilānoti** adhimattagilāno. **Turūti** Kokālikassa upajjhāyo Turutthero nāma anāgāmiphalaṃ patvā brahmaloke nibbato. So bhūmaṭṭhakadevatā ādim katvā “ayuttaṃ Kokālikena kataṃ aggasāvake antimavatthunā abbhācikkhantena”ti paramparāya brahmalokasampattaṃ Kokāsikassa pāpakammaṃ sutvā “mā mayhaṃ passantasseva varāko nassi, ovadissāmi naṃ thesesu cittapasādatthāyā”ti āgantvā tassa purato aṭṭhāsi. Tam sandhāya vuttaṃ “Turū paccekabrahmā”ti. **Pesalāti** piyasīlā. **Kosi tvaṃ āvusoti** nipannakova kabarakkhīni ummīletvā evamāha. **Passa yāvañca teti** passa yattakaṃ tayā aparaddhaṃ, attano nalāṭe mahāgaṇḍaṃ apassanto sāsapamattāya pīlakāya maṃ codetabbaṃ maññasīti āha.

Atha naṃ “adiṭṭhippatto ayaṃ varāko, gilaviso viya kassaci vacanaṃ na karisatī”ti ṇatvā **purisassa hīti**-ādimāha. Tattha **kuṭṭhārīti** kuṭṭhārisadisā pharusā vācā. **Chindatīti** kusalamūlasaṅkhāte mūleyeva nikantati. **Nindiyanti** ninditabbaṃ dussīlapuggalaṃ. **Pasaṃsatīti** uttamatthe sambhāvetvā khīṇāsavoti vadati. **Taṃ vā nindati yo pasaṃsiyoti** yo vā pasaṃsitabbo khīṇāsavo, taṃ antimavatthunā codento “dussīlo ayaṃ”ti vadati. **Vicināti mukhena so kalinti** so taṃ aparādhaṃ mukhena vicināti nāma. **Kalinā tenāti** tena aparādhena sukhaṃ na vindati. Nindiyapasamsāya hi pasaṃsiyanindāya ca samakova vipāko.

Sabbassāpi sahāpi attanāti sabbena sakenapi attanāpi saddhim yo akkhesu dhanaparājayo nāma, ayaṃ appamattako aparādho.

Yo sugatesūti yo pana sammaggatesu puggalesu cittaṃ padusseyya, ayaṃ cittapadosova tato kalito mahantataro¹ kali.

Idāni tassa mahantatarabhāvaṃ dassento **sataṃ saḥassānanti**-ādimāha. Tattha **sataṃ saḥassānanti** nirabbudagaṇanāya sataḥassam. **Chattimsatīti** aparāni chattimsati nirabbudāni. **Pañca cāti** abbudagaṇanāya pañca abbudāni. **Yamariyagarahīti** yaṃ ariye garahanto nirayaṃ upapajjati, tattha ettakaṃ āyuppamāṇanti. . Navamaṃ.

10. Kokālikasuttavaṇṇanā

181. Dasame **Kokāliko bhikkhu yena Bhagavā tenupasaṅkamīti** ko ayaṃ Kokāliko, kasmā ca upasaṅkami? Ayaṃ kira Kokālikaraṭṭhe Kokālikanagare Kokālikaseṭṭhissa putto pabbajitvā pitarā kārāpīte vihāre paṭivasati Cūḷakokālikoti nāmena, na Devadattassa sisso. So hi brāhmaṇaputto Mahākokāliko nāma. Bhagavati pana Sāvattthiyaṃ viharante dve aggasāvaka pañcamattehi bhikkhusatehi saddhiṃ janapadacārikaṃ caramānā upakaṭṭhāya vassūpanāyikāya vivekāvāsaṃ vasitukāmā te bhikkhū uyyojetvā attano pattacīvaramādāya tasmīṃ janapade taṃ nagaraṃ patvā taṃ vihāraṃ agamaṃsu. Tattha nesam Kokāliko vattaṃ dassesi. Te tena saddhiṃ sammoditvā “āvuso mayam idha temāsaṃ vasissāma, mā kassaci ārocehī”ti paṭiññaṃ gahetvā vasīmsu. Vasitvā pavāraṇādivase pavāretvā “gacchāma mayam āvuso”ti Kokālikaṃ āpucchīmsu. Kokāliko “ajjekadivasam āvuso vasitvā sve gamissathā”ti vatvā dutiyadivase nagaraṃ pavisitvā manusse āmantesi “āvuso tumhe aggasāvake idhāgantvā vasamānepi na jānātha, na ne koci paccayenāpi nimanteti”ti. Nagaravāsino “kahaṃ bhante therā, kasmā no na ārocayitthā”ti. Kim āvuso ārocitena, kim na passatha dve bhikkhū therāsane nisīdante, ete aggasāvakāti. Te khippam sannipatitvā sappiphāṇitādīni ceva cīvaradussāni ca saṃharīmsu.

1. Mahattataro (Ka)

Kokāliko cintesi “paramappicchā aggasāvakaḥ payuttavācāya uppannaṃ lābhaṃ na sādīyissanti, asādīyanta ‘āvāsikassa dethā’ti vakkhanti”ti taṃ taṃ lābhaṃ gāhāpetvā therānaṃ santikaṃ agamāsi. Therā disvāva “ime paccayā neva amhākaṃ, na Kokālikassa kappanti”ti paṭikkhipitvā pakkamiṃsu. Kokāliko “kathaṃ hi nāma attanā aḡaṇhantā mayhampi adāpetvā pakkamissanti”ti āghātaṃ uppādesi. Tepi Bhagavato santikaṃ gantvā Bhagavantaṃ vanditvā puna attano parisāṃ ādāya janapadacārikaṃ carantā anupubbena tasmim raṭṭhe tameva nagaraṃ paccāgamimṃsu. Nāgarā there sañjānitvā saha parikkhārehi dānaṃ sajjitvā nagaramajjhe maṇḍapaṃ katvā dānaṃ adamsu, therānaṃca parikkhāre upanāmesuṃ. Therā Bhikkhusaṃghassa niyyādayimṃsu. Taṃ disvā Kokāliko cintesi “ime pubbe appicchā ahesuṃ, idāni pāpicchā jātā, pubbepi appicchasantuṭṭhapavivittasadisā maññe”ti there upasaṅkamitvā “āvuso tumhe pubbe appicchā viya, idāni pana pāpabhikkhū jātā”ti vatvā “mūlaṭṭhāneyeva nesāṃ patiṭṭhaṃ bhindissāmi”ti taramānarūpo nikkhamitvā Sāvattim gantvā yena Bhagavā tenupasaṅkami. Ayameva Kokāliko iminā ca kāraṇena upasaṅkamīti veditabbo.

Bhagavā taṃ turitaturitaṃ āgacchantāṃ disvāva āvajjento aññāsi “ayaṃ aggasāvake akkositukāmo āgato”ti. “Sakkā nu kho paṭisedhetuṃ”ti ca āvajjento “na sakkā paṭisedhetuṃ, thesu aparajjhivā kālaṅkato¹ ekamsena Padumaniraye nibbattissati”ti disvā “Sāriputtamoggallānēpi nāma² garahantaṃ sutvā na nisedheti”ti vādamocanattaṃ ariyūpavādassa ca mahāsāvajjabhāvadassanattaṃ **mā hevanti** tikkhattuṃ paṭisedhesi. Tattha **mā hevanti** mā evaṃ abhaṇi. **Saddhāyikoti** saddhāya ākaro³ pasādāvaho, saddhātabbavacano vā. **Paccayikoti** pattiyāyitabbavacano.

Pakkāmīti kammānubhāvena codiyamāno pakkāmi. Okāsakataṃ hi kammaṃ na sakkā paṭibāhituṃ, taṃ tassa tattha ṭṭhatuṃ na adāsi. **Acirapakkantassāti** pakkantassa sato na cireneva. **Sabbo kāyo**

1. Āgato (Sī, Syā)

2. Nāma param (Sī), aparaṃ (Ka)

3. Āgamakaro (Sī, Syā) Am-ṭṭha 3 Dasakanipātavaṇṇanāyaṃ ca.

phuṭo ahoṣīti kesaggamattampi okāsaṃ avajjetvā sakalasarīraṃ aṭṭhīni bhinditvā uggatāhi pīlakāhi ajjhotthaṭaṃ ahoṣi. Yasmā pana Buddhānubhāvena tathārūpaṃ kammaṃ Buddhānaṃ sammukhībhāve vipākaṃ na deti, dassanūpacāre vijahitamatte deti, tasmā tassa acirapakkantassa pīlakā uṭṭhāhimṃsu. **Kalāyamattiyoti** caṇakamattiyō¹. **Beluvasalāṭukamattiyoti** taruṇabeluvamattiyō. (**Billamattiyoti** mahābeluvamattiyō.)² **Pabhijjimsūti** bhijjimsu. Tāsu bhinnāsu sakalasarīraṃ panasapakkaṃ viya ahoṣi. So pakkena gattena Jetavanadvārakoṭṭhake visagilito maccho viya kadalipattesu sayi. Atha dhammassavanatthaṃ āgatāgatā manussā “dhi Kokālika, dhi Kokālika ayuttamakāsi, attanoyeva mukhaṃ nissāya anayabyasanaṃ patto”ti āhaṃsu. Tesāṃ sutvā ārakkhadevatā dhi-kāraṃ akaṃsu. Ārakkhadevatānaṃ ākāsadevatāti iminā upāyena yāva Akaniṭṭhabhavanā ekadhikāro udapādi. Athassa upajjhāyo āgantvā ovādaṃ agaṇhantaṃ ṇatvā garahitvā pakkāmi.

Kālamakāsīti upajjhāye pakkante kālamakāsi. **Padumaṃ nirayanti** pāṭiyekko Padumanirayo nāma natthi, Avīcimahānirayamhiyeva pana padumagaṇanāya paccitabbe ekasmiṃ ṭhāne nibbatti.

Vīsatikhārikoti Māgadhakena patthena cattāro patthā Kosalaraṭṭhe ekaapattho hoti, tena patthena cattāro pattā āḷhakaṃ, cattāri āḷhakāni doṇaṃ, catudoṇā mānikā, catumānikā khārī, tāya khāriyā vīsatikhāriko. **Tilavāhoti** Māgadhakānaṃ sukhumatilānaṃ tilasakaṭaṃ. **Abbudo nirayoti** Abbudo nāma pāṭiyekko nirayo natthi, Avīcimhiyeva pana abbudagaṇanāya paccitabbaṭṭhānassetāṃ nāmaṃ. **Nirabbudā**dīsipi eseva nayo.

Vassagaṇanāpi panettha evaṃ veditabbā—yatheva hi satāṃ sataṣahassāni koṭi hoti, evaṃ satāṃ sataṣahassakoṭiyo pakoṭi nāma hoti, satāṃ sataṣahassapakoṭiyo koṭipakoṭi nāma, satāṃ

1. Valākamattiyō (Syā), calākamattiyō (Ka)

2. (Billmattiyoti taruṇaveḷuggamattiyō) (Ka). Sī-Syā potthakesu pana idaṃ vacanaṃ na dissati.

satasahassakoṭipakoṭiyo nahutaṃ, sataṃ satasahassanahutāni ninnahutaṃ,
sataṃ satasahassaninnahutāni ekaṃ abbudaṃ, tato vīsatiḅuṇaṃ nirabbudaṃ.
Eseva nayo sabbatthāti. . Dasamaṃ.

Paṭhamo vaggo.

2. Dutiyavagga

1. Sanaṅkumārasuttavaṇṇanā

182. Dutiyavaggassa paṭhame **sappinīṭireti** Sappinīnāmikāya nadiyā tīre. **Sanaṅkumāro**ti so kira Pañcasikhakumārakakāle jhānaṃ bhāvetvā brahmaloke nibbatta kumārakavaṇṇeneva vicarati, tena naṃ “kumāro”ti sañcānanti, porāṇakattā pana “Sanaṅkumāro”ti vuccati. **Janetasminti** janitasmim, pajāyāti attho. **Ye gottapaṭisārīnoti** ye Janetasmim gottam paṭisaranti, tesu loke gottapaṭisārīsu khattiyo seṭṭho. **Vijjācaraṇasampannoti** Bhayabheravasuttapariyāyena¹ pubbenivāsādīhi vā tīhi, Ambaṭṭhasuttapariyāyena² vipassanāñāṇaṃ manomayiddhi cha abhiññāyoti imāhi vā aṭṭhahi vijjāhi, sīlesu paripūrakārītā indriyesu guttadvārātā bhojane mattaññutā jāgariyānuyogo satta saddhammā cattāri rūpāvacarajjhānānīti evaṃ pannarasadhammabhedena caraṇena ca samannāgato. **So seṭṭho devamānuseti** so khīṇāsavabrāhmaṇo devesu ca manussesu ca seṭṭho uttamoti. . Paṭhamaṃ.

2. Devadattasuttavaṇṇanā

183. Dutiye **acirapakkanteti** saṅghaṃ bhinditvā nacirasseva Veḷuvanato Gayāsisaṃ gate. **Assatarinti** gadrabhassa vaḷavāya jātaṃ. . Dutiyaṃ.

1. Ma 1. 26 piṭṭhe.

2. Dī 1. 93 piṭṭhe.

3. Andhakavindasuttavaṇṇanā

184. Tatiye **Andhakavindanti** evaṃnāmakam gāmaṃ. **Upasaṅkamīti** “Sathā idānipi vīriyaṃ karoti padhānamanuyuñjati, gacchāmissa santike ṭhatvā sāsānānucchavikam vīriyapaṭisaṃyuttam gātham vakkhāmī”¹ti upasaṅkami.

Pantānīti janatam atikkamitvā manussānam anupacāre ṭhitāni. **Saṃyojanavippamokkhāti** tāni ca senāsānāni sevamāno na cīvarādīnam atthāya seveyya, atha kho dasasaṃyojanavippamokkhatthāya careyya. **Saṃghe vaseti** tesu senāsanesu ratiṃ alabhanto upaṭṭhākādīnam cittānurakkhaṇattham gadrabhapiṭṭhe rajam viya uppatanto araṇṇe acaritvā¹ saṃghamajjhe vaseyya. **Rakkhitatto satīmāti** tatha ca vasanto sagavacaṇḍo goṇo viya sabrahmacārino avijjhanto aghaṭṭento rakkhitatto satipaṭṭhānaparāyaṇo hutvā vaseyya.

Idāni saṃghe vasamānassa bhikkhuno bhikkhācāravattam ācikkhano **kulākulanti-ādimāha**. Tatha **piṇḍikāya carantoti** piṇḍatthāya caramāno. **Sevetha pantāni senāsānānīti** saṃghamajjham otarivā vasamānopi dhurapariveṇe tālanālikera-ādīni ropetvā upaṭṭhākādīsaṃsaṭṭho na vaseyya, cittakallatam pana janetvā cittam hāsetvā tosetvā puna pantasenāsane vaseyyāti araṇṇasseva vaṇṇam katheti. **Bhayāti** vaṭṭabhayato. **Abhayeti** nibbāne. Vimuttoti adhimutto hutvā vaseyya.

Yattha bheravāti yasmim ṭhāne bhayajanakā saviññāṇakā sīhabyagghādayo, aviññāṇakā rattibhāge khāṇuvalli-ādayo bahū atthi. **Sarīsapāti** dīghajātikādīsarīsapā. **Nisīdi tatha bhikkhūti** tādise ṭhāne bhikkhu nisinnō. Iminā idam dīpeti—Bhagavā yathā tumhe etarahi tatraṭṭhakabheravārammaṇāni ceva sarīsape ca vijjunicchāraṇādīni ca amanasikatvā nisinnā, evamevaṃ padhānamanuyuttā bhikkhū nisīdantīti.

Jātu me diṭṭhanti ekaṃsena mayā diṭṭham. **Na yidam itihīhanti** idam itihāti na takkahetu vā nayahetu vā piṭakasampadānena

1. Avasitvā (Syā)

vā ahaṃ vadāmi. **Ekasmim brahmacariyasminti** ekāya dhammadesanāya. Dhammadesanā hi idha brahmacariyanti adhippetā. **Maccuhāyinenti** maraṇapariccāgināṃ khīṇāsavānaṃ.

Dasā ca dasadhā dasāti ettha **dasāti** daseva, **dasadhā dasāti** satam, aññe ca dasuttaraṃ sekhasataṃ passāmīti vadati. **Sotasamāpannāti** maggasotaṃ samāpannā. **Atiracchānagāminoti** desanāmetam¹, avinipātadhammāti attho. **Saṅkhātum nopi sakkomīti** musāvādabhayena ettakā nāma puññabhāgino sattāti gaṇetum na sakkomīti bahum brahmadhammadesanaṃ sandhāya evamāha. . Tatiyaṃ.

4. Aruṇavatīsuttavaṇṇanā

185. Catutthe **Abhibhūsambhavanti** Abhibhū ca Sambhavo ca. Tesu Abhibhūthero Sāriputtatthero viya paññāya aggo, Sambhavatthero Mahāmoggallāno viya samādhinā aggo. **Ujjhāyantīti** avajjhāyanti, lāmakato vā cintenti. **Khiyyantīti** kinnāmetam kinnāmetanti aññamaññaṃ kathenti. **Vipācentīti** vitthārayantā² punappunam kathenti. **Heṭṭhimena upaḍḍhakāyenāti** nābhito paṭṭhāya heṭṭhimakāyena. Pāḷiyam ettakameva āgataṃ. Thero pana “pakativāṇṇam vijahitvā nāgavaṇṇam gahetvā dasseti, supaṇṇavaṇṇam gahetvā vā dasseti”ti-ādinā³ nayena āgataṃ anekappakāraṃ iddhivikubbanam dassesi. **Imā gāthāyo abhāsīti** thero kira cintesi “katham desitā nu kho dhammadesanā sabbesaṃ piyā assa manāpā”ti. Tato āvajjento “sabbepi pāsaṇḍā sabbe devamanussā attano attano samaye purisakāraṃ vaṇṇayanti, vīriyassa avaṇṇavādī nāma natthi, vīriyapaṭisaṃyuttaṃ katvā desessāmi, evaṃ ayaṃ dhammadesanā sabbesaṃ piyā bhavissati manāpā”ti ñatvā tīsu piṭakesu vicinitvā imā gāthā abhāsī.

Tattha **ārambhathāti** ārambhavīriyam karotha. **Nikkamathāti** nikkamavīriyam karotha. **Yuñjathāti** payogaṃ karotha parakkamatha. **Maccuno senanti** maccuno senā nāma kilesasenā, tam dhunātha. **Jātisamsāranti**

1. Desanāsīsametaṃ (Syā)

2. Vitthārayanti (Syā)

3. Khu 9. 388 piṭṭhe Paṭisambhidāmagge.

jātiṅca saṃsāraṅca, jātiṣaṅkhātāṃ vā saṃsāraṃ. **Dukkhassantaṃ karissatīti** vaṭṭadukkhassa paricchedaṃ karissati. Kiṃ pana katvā thero saḥsilokadhātum viññāpesīti? Nīlakasiṇaṃ tāva samāpajjitvā sabbattha ālokaṭṭhāne andhakāraṃ phari, odātakasiṇaṃ samāpajjitvā andhakāraṭṭhāne obhāsaṃ. Tato “kimidaṃ andhakāraṃ”ti sattānaṃ ābhoge uppanne ālokaṃ dassesi. Ālokaṭṭhāne ālokakiccaṃ natti, “kimāloko ayaṃ”ti vicinantānaṃ attānaṃ dassesi. Atha tesāṃ theroti vadantānaṃ imā gāthāyo abhāsi, sabbe oṣāṭṭhāya parisāya majjhe nisīditvā dhammaṃ desentassa viya saddaṃ suṇiṃsu. Atthopi nesaṃ pākaṭṭha ahoṣi. . Catutthaṃ.

5. Parinibbānasuttavaṇṇanā

186. Pañcame **upavattane Mallānaṃ sālavaneti** yatheva hi Kadambanadītīrato rājamātuvihāradvārena Thūpārāmaṃ gantabbaṃ hoti, evaṃ Hiraññavatikāya nāma nadiyā pārimatīrato sālavanaṃ uyyānaṃ. Yathā Anurādhapurassa Thūpārāmo, evaṃ taṃ Kusinārāya hoti. Yathā Thūpārāmato dakkhiṇadvārena nagaraṃ pavisaṇamaggo pācīnamukho gantvā uttarena nivattati, evaṃ uyyānato sālapanāni pācīnamukhā gantvā uttarena nivattā. Tasmā taṃ “upavattanaṃ”ti vuccati. Tasmim upavattane Mallānaṃ sālavane. **Antarena yamakasālānanti** mūlakhandhaviṭṭapapattehi aññamaññaṃ saṃsibbitvā ṭhitasālānaṃ antarikāya. **Appamādena sampādehāti** sati-avippavāseṇa kattabbakiccāni sampādayatha. Iti Bhagavā yathā nāma maraṇamañce nipanno mahaddhano kuṭumbiko puttānaṃ dhanasāraṃ ācikkheyya, evamevaṃ parinibbānamañce nipanno pañcacattālīsa vassāni dinnānaṃ ovādaṃ sabbānaṃ ekasmiṃ appamādapadeyeva pakkhipitvā abhāsi. **Ayaṃ Tathāgatassa pacchimā vācāti** idaṃ pana saṅgītikārānaṃ vacanaṃ.

Ito paraṃ yaṃ parinibbānaparikkammaṃ katvā Bhagavā parinibbuto, taṃ dassetuṃ **atha kho Bhagavā paṭhamaṃ jhānanti-**ādi vuttaṃ. Tattha saññāvedayitanirodhaṃ samāpanne Bhagavati assāsapassāsānaṃ appavattim disvā “parinibbuto Satthā”ti saññāya devamanussā ekappahārena viraviṃsu, Ānandattheropi “parinibbuto nu kho bhante Anuruddha Bhagavā”ti

theraṃ pucchi. Thero “na kho āvuso Ānanda Tathāgato parinibbuto, apica saññāvedayitanirodhaṃ samāpanno”ti āha. Kathaṃ pana so aññāsi? Thero kira Satthārā saddhimyeva taṃ taṃ samāpattim samāpajjanto yāva nevasaññānāsaññāyatanavuṭṭhānaṃ, tāva gantvā “idāni Bhagavā nirodhaṃ samāpanno, antonirodhe ca kālaṃkiriya nāma natthi”ti aññāsi.

Atha kho Bhagavā saññāvedayitanirodhasamāpattito vuṭṭhahitvā nevasaññānāsaññāyatanam samāpajji -pa- tatiyajjhānā vuṭṭhahitvā catutthamjhānam samāpajjīti ettha pana Bhagavā catuvīsatiyā ṭhānesu paṭhamam jhānam samāpajji, terasasu ṭhānesu dutiyam jhānam, tathā tatiyam, pannarasasu ṭhānesu catuttham jhānam samāpajji. Kathaṃ? Dasasu asubhesu dvattim sākāre aṭṭhasu kasiṇesu mettākaraṇāmuditesu ānāpāne paricchedākāseti imesu tāva catuvīsatiyā ṭhānesu paṭhamam jhānam samāpajji. Ṭhapetvā pana dvattim sākāraṇa dasa ca asubhāni sesesu terasasu dutiyam jhānam. Tesuyeva tatiyam jhānam samāpajji. Aṭṭhasu pana kasiṇesu upekkhābrahmavihāre ānāpāne paricchedākāse catūsu arūpesūti imesu pannarasasu ṭhānesu catuttham jhānam samāpajji. Ayampi ca saṅkhepakathāva. Nibbānapuram pavisanto pana Bhagavā Dhammassāmi sabbāpi catuvīsatikoṭisatasahassasaṅkhā¹ samāpattiyo pavisitvā videsam gacchanto ñātijanam āliṅgetvā viya sabbasamāpattisukham anubhavitvā pavitṭho.

Catutthajjhānā vuṭṭhahitvā samanantarā Bhagavā parinibbāyīti ettha ca jhānasamanantaram paccavekkhaṇasamanantaranti dve samanantarāni. Catutthajjhānā vuṭṭhāya bhavaṅgam otiṇṇassa tattheva parinibbānam **jhānasamanantaram** nāma, catutthajjhānā vuṭṭhahitvā puna jhānaṅgāni paccavekkhitvā bhavaṅgam otiṇṇassa tattheva parinibbānam **paccavekkhaṇasamanantaram** nāma. Imāni dvepi samanantarāneva. Bhagavā pana jhānam samāpajjitvā jhānā vuṭṭhāya jhānaṅgāni paccavekkhitvā bhavaṅgacittena abyākatena dukkhasaccena parinibbāyi. Ye hi keci Buddhā vā Paccekabuddhā vā ariyasāvaka vā antamaso kunthakipillikaṃ upādāya sabbe bhavaṅgacitteneva abyākatena dukkhasaccena kālam karonti.

1. ...sahassasaṅkhātā (Sī, Syā)

Bhūtāti sattā. **Appatīpuggaloti** paṭibhāgapuggalavirahito. **Balappattoti** dasavidhaṃ ñāṇabalaṃ patto. **Uppādavayadhamminoti** uppādavayasabhāvā. **Tesaṃ vūpasamoti** tesaṃ saṅkhārānaṃ vūpasamo. **Sukhoti** asaṅkhataṃ nibbānameva sukhanti attho. **Tadāsīti** “saha parinibbānā mahābhūmicālo ahoṣī”ti evaṃ mahāparinibbāne¹ vuttaṃ bhūmicālaṃ sandhāyāha. So hi lomahaṃsanako ca bhīṃsanako ca āsi. **Sabbākāravarūpeteti** sabbākāravaraguṇūpete². **Nāhu assāsapassāsoti** na jāto assāsapassāso. **Anejoti** taṅhāsaṅkhātāya ejāya abhāvena anejo. **Santimārabbhāti** anupādisesaṃ nibbānaṃ ārabbha paṭicca sandhāya. **Cakkhumāti** pañcahi cakkhūhi cakkhumā. **Parinibbutoti** khandhaparinibbānena parinibbuto. **Asallīnenāti** anallīnena asaṅkuṭitena³ suvikasiteneva cittena. **Vedanaṃ ajjhavāsayīti** vedanaṃ adhivāsesi, na vedanānuvattī hutvā ito cito samparivatti. **Vimokkhoti** kenaci dhammena anāvaraṇavimokkho sabbaso apaññattibhāvūpagamo pajjotanibbānasadiso jātoti. . Pañcamaṃ.

Dutiyo vaggo.

Brahmasaṃyuttavaṇṇanā niṭṭhitā.

1. Dī 2. 128 piṭṭhe.

2. Sabbavarakāraṇūpete (Sī, Syā) Dī-Ṭṭha 2. 187 piṭṭhe ca, Ṭṭikā pana passitabbā.

3. Asaṅkucitena (Sī)

7. Brahmaṇasaṃyutta

1. Arahantavagga

1. Dhanañjānīsuttavaṇṇanā

187. Brāhmaṇasaṃyuttassa¹ paṭhame **dhanañjānī**ti dhanañjānigottā. Ukkatṭhagottā kiresā. Sesabrāhmaṇā kira² brahmuno mukhato jātā, dhanañjānigottā matthakaṃ bhinditvā nikkhantāti tesam laddhi. **Udānam udānesī**ti kasmā udānesi? So kira brāhmaṇo micchādīṭṭhiko “Buddho dhammo saṃgho”ti vutte kaṇṇe pidahati, thaddho khadirakhāṇusadiso. Brāhmaṇī pana sotāpannā ariyasāvika. Brāhmaṇo dānaṃ dento pañcasatānaṃ brāhmaṇānaṃ appodakaṃ pāyāsaṃ deti, brāhmaṇī Buddhappamukhassa saṃghassa nānārasabhojanaṃ. Brāhmaṇassa dānadivase brāhmaṇī tassa vasavattitāya pahīnamaccheratāya³ ca sahatthā parivisati. Brāhmaṇiyā pana dānadivase brahmaṇo pātova gharā nikkhamitvā palāyati. Athekadivasaṃ brāhmaṇo brāhmaṇiyā saddhiṃ asammantetvā⁴ pañcasate brāhmaṇe nimantetvā brāhmaṇiṃ āha “sve bhoti amhākaṃ ghare pañcasatā brāhmaṇā bhuñjissanti”ti. Mayā kiṃ kātappaṃ brāhmaṇāti. Tayā aññaṃ kiñci kātappaṃ natthi, sabbaṃ pacanaparivesanaṃ añña karissanti, yaṃ pana tvaṃ ṭhitāpi nisinnāpi khipitvāpi ukkāsitvāpi⁵ “namo Buddhassā”ti tassa muṇḍakassa samaṇakassa namakkāraṃ karosi, taṃ sve ekadivasaṃmattaṃ mā akāsi. Taṃ hi sutvā brāhmaṇā anattamaṇā honti, mā maṃ brāhmaṇehi bhindasīti. Tvaṃ brāhmaṇehi vā bhijja devehi vā, ahaṃ pana Satthāraṃ anussaritvā na sakkomi anamassamaṇā saṅghātunti. Bhoti kulasantike⁶ gāme gāmadvāraṃpi tāva pidahitum vāyamaṇti, tvaṃ dvīhaṅgulehi pidahitappaṃ mukhaṃ brāhmaṇānaṃ bhojanakālamattaṃ pidahitum na sakkosīti. Evaṃ punappunaṃ kathetvāpi so nivāretum⁷ asakkoṃto ussīsaṃ ṭhapitaṃ maṇḍalaggakaggamaṃ gahetvā “bhoti sace sve brāhmaṇesu nisinnesu

1. Arahantavaggassa (Syā)

3. Bāhiramaccheratāya (Ka)

5. Kāsivāpi (Sī, Ka)

7. Sinchena vāretum (Syā)

2. Hi (Ka)

4. Mantetvā (Sī), āmantetvā (Syā)

6. Kulasantake (Sī, Ka)

taṃ muṇḍasamaṇakaṃ namassasi, iminā taṃ khaggena pādatalato paṭṭhāya yāva kesamatthakā kaḷīraṃ viya koṭṭetvā rāsiṃ karissāmi”ti imaṃ gātham abhāsi—

“Iminā maṇḍalaggena¹, pādato yāva matthakā.

Kaḷīramiva chejjāmi, yadi micchaṃ na kāhasi.

Sace Buddhoti bhaṇasi, sace dhammoti bhāsasi.

Sace saṃghoti kittesi, jīvantī me nivesane”ti.

Ariyasāvīkā pana pathavī viya duppakampā, Sineru viya dupparivattiyā. Sā tena naṃ evamāha—

“Sace me aṅgamaṅgāni, kāmaṃ chejjasi brāhmaṇa.

Nevāhaṃ viramissāmi, Buddhasettḥassa sāsana.

Nāhaṃ okkā varadharā, sakkā rodhayitum jinā.

Dhītāhaṃ Buddhasettḥassa, chinda vā maṃ vadhassu vā”ti.

Evam dhanañjānigajjitaṃ nāma² gajjantī³ pañca gāthāsātāni abhāsi. Brāhmaṇo brāhmaṇiṃ parāmasitum vā paharitum vā asakkonto “bhoti yaṃ te ruccati, taṃ karohī”ti vatvā khaggaṃ sayane khipi. Punadivase gehaṃ haritupalittaṃ kārāpetvā lājāpuṇṇaghaṭamālāgandhādīhi tattha tattha alaṅkārapetā pañcannaṃ brāhmaṇasātānaṃ navasappisakkharamadhuyuttaṃ⁴ appodakapāyāsam paṭiyādāpetvā kālam ārocāpesi.

Brāhmaṇīpi pātova gandhodakena sayam nhāyitvā saḥassagghanaṃ ahatavatthaṃ nivāsetvā pañcasatagghanaṃ ekaṃsam katvā sabbālaṅkārapaṭimaṇḍitā suvaṇṇakaṭacchum gahetvā bhattagge brāhmaṇe parivisaṃmānā tehi saddhiṃ ekapantiyaṃ nisinnassa tassa brāhmaṇassa bhattaṃ upasaṃharantī dunnikkhitte dārubhaṇḍe pakkhali. Pakkhalanaghaṭṭanāya dukkhā vedanā uppajji. Tasmim samaye Dasabalaṃ sari. Satisampannatāya pana pāyāsapātim⁵ achaddetvā saṇikaṃ otāretvā bhūmiyaṃ saṇṭhapetvā pañcannaṃ brāhmaṇasātānaṃ majjhe sirasi añjalim ṭhapetvā yena Veḷuvanaṃ, tenañjalim paṇāmetvā imaṃ udānaṃ udānesi.

1. Iminā pana khaggana (Syā) 2. Dhanañjānigajjitaṃ nāma (Syā) 3. Tajjantī (Syā)

4. Navasappisakkharamadhuhāṇitayuttaṃ (Sī),

navanītasappisakkharamadhurayuttaṃ (Syā)

5. Pāyāsacāṭim (Syā)

Tasmim ca samaye tesu brāhmaṇesu keci bhuttā¹ honti, keci bhuñjamānā, keci hatthe otāritamattā, kesañci bhojanam purato ṭhapitamattam hoti. Te tam saddam sutvāva Sinerumattena muggarena sīse pahaṭā viya kaṇṇesu sūlena viddhā viya dukkhadomanassam paṭisamvediyamānā “iminā aññaladdhikena mayam gharam pavesitā”²ti kujjhitvā hatthe² piṇḍam chaḍḍetvā mukhena gahitam niṭṭhubhitvā³ dhanum disvā kākā viya brāhmaṇam akkosamānā disāvidisā pakkamimsu. Brāhmaṇo evam bhijjivā gacchante brāhmaṇe disvā brāhmaṇim sīsato paṭṭhāya oloketvā “idameva bhayam sampassamānā mayam hiyyo paṭṭhāya bhotim yācantā na labhimhā”³ti nānappakārehi brāhmaṇim akkositvā etam “evamevam panā”³ti-ādivacanam avoca.

Upasaṅkamīti “samaṇo Gotamo gāmanigamaratṭhapūjito, na sakkā gantvā yam vā tam vā vatvā santajjetum, ekameva nam pañham pucchissāmi”³ti gacchantova “kim su chetvā”³ti gātham abhisāṅkharitvā “sace ‘asukassa nāma vadham rocemī’³ti vakkhati, atha nam ‘ye tuyham na ruccanti, te māretukāmosi, lokavadhāya uppanno, kim tuyham samaṇabhāvenā’³ti niggahessāmi. Sace ‘na kassaci vadham rocemī’³ti vakkhati, atha nam ‘tvaṃ rāgādīnampi vadham na icchasi, kasmā samaṇo hutvā āhiṇḍasi’³ti niggahessāmi. Iti imam ubhatokoṭikam pañham samaṇo Gotamo neva gilitum na uggilitum sakkhissatī”³ti cintetvā upasaṅkami. **Sammodīti** attano paṇḍitatāya kuddhabhāvam adassetvā madhurakatham kathento sammodi. Pañho Devatāsamyutte kathito. Sesampi heṭṭhā vitthāritamevāti. . Paṭhamam.

2. Akkosasuttavaṇṇanā

188. Dutiye **Akkosakabhāradvājoti** Bhāradvājova so, pañcamattehi pana gāthāsatehi Tathāgataṃ akkosanto āgatoti “Akkosakabhāradvājō”³ti tassa saṅgītikārehi nāmaṃ gahitam. **Kupito anattamanoti** “samaṇena Gotamena mayham jeṭṭhakabhātaram

1. Bhuttāvino (Sī)

2. Hattena (Syā)

3. Nuṭṭhubhitvā (Sī), nuṭṭhuhitvā (Ka)

pabbājentena jāni katā, pakkho bhinno”ti kodhena kupito domanassena ca anattamano hutvāti attho. **Akkosatīti** “corosi, bālosi, mūḷhosi, thenosi, oṭṭhosi, meṇḍosi, goṇosi, gadrabhosi, tiracchānagatosi, nerayikosī”ti¹ dasahi akkosavatthūhi akkosati. **Paribhāsati** “hotu muṇḍakasamaṇaka, ‘adaṇḍo ahan’ti karosi, idāni te rājakulaṃ gantvā daṇḍaṃ āropessāmi”ti-ādīni vadanto paribhāsati nāma.

Sambuñjatiti ekato bhuñjati. **Vītiharati**ti katassa paṭikāraṃ karoti. **Bhagavantaṃ kho Gotamanti** kasmā evamāha? “Tavevetam brāhmaṇa, tavevetam brāhmaṇā”ti kirassa sutvā “isayo nāma kupitā samaṇaṃ² denti kisavacchādayo viyā”ti anussavavasena “sapati maṃ naññe samaṇo Gotamo”ti bhayaṃ³ uppajji. Tasmā evamāha.

Dantassāti nibbisevanasa. **Tādinoti** tādilakkhaṇaṃ pattassa. **Tasseva tena pāpiyoti** tasseva puggalassa tena kodhena pāpaṃ hoti. **Sato upasammatīti** satiyā samannāgato hutvā adhivāseti . **Ubhinnaṃ tikicchantaṇanti** ubhinnaṃ tikicchantaṃ⁴. Ayameva vā pāṭho. Yo puggalo sato upasammati, ubhinnaṃ carati tikicchati sādheti, taṃ puggalaṃ janā bāloti maññanti. Kīdisā janā? **Ye dhammassa akovidā**⁵. **Dhammassāti** pañcakkhandhadhammassa vā catusaccadhammassa vā. **Akovidāti** tasmīṃ dhamme akusalā andhabālaputhujjanā. . Dutiyaṃ.

3. Asurindakasuttavaṇṇanā

189. Tatiye **Asurindakabhāradvājoti** Akkosakabhāradvājassa kaniṭṭho. **Kupitoti** teneva kāraṇena kuddho. **Jayañcevassa taṃ hotīti** asseva taṃ jayaṃ hoti, so jayo hotīti attho. Katamassāti? Yā titikkhā vijānato adhivāsanāya guṇaṃ vijānantassa titikkhā adhivāsanā, ayaṃ tassa vijānatova jayo.

1. Nerayikosi, tiracchānagatosi, natthi tuyhaṃ sugati, duggatīyeva tuyhaṃ pāṭikānkāhāti (Syā)

2. Sāpaṃ (Sī, Syā)

4. Tikicchataṃ (Syā)

3. Mahabbhayaṃ (Sī), sāpabhayaṃ (Syā)

5. Akovidāti (Syā)

Bālo pana pharusam̐ bhaṇanto “mayham̐ jayo”ti kevalam̐ jayam̐ maññati. .
Tatīyam̐.

4. Bilaṅgīkasuttavaṇṇanā

190. Catutthe **Bilaṅgīkabhāradvājoti** Bhāradvājova so, nānappakāram̐
pana suddhañca sambhārayuttañca kañjikam̐ kāretvā vikkiṇāpento
bahudhanam̐ saṅkharīti¹ “Bilaṅgīkabhāradvājō”ti tassa Saṅgītikārehi nāmaṃ
gahitam̐. **Tuṇhībhūtoti** “tayo me jeṭṭhakabhātaro iminā pabbājita”ti ativiya
kuddho kiñci vattum̐ asakkonto tuṇhībhūto aṭṭhāsi. Gāthā pana
Devatāsamyutte kathitāva. . Catuttham̐.

5. Ahimsakasuttavaṇṇanā

191. Pañcame **Ahimsakabhāradvājoti** Bhāradvājovesa,
Ahimsakapañham̐ pana pucchi, tenassetam̐ saṅgītikārehi nāmaṃ gahitam̐.
Nāmena vā esa Ahimsako, gottena Bhāradvājō. **Ahimsakāhanti**² Ahimsako
aham̐, iti me bhavam̐ Gotamo jānātūti āha. **Tathā cassāti** tathā ce assa,
bhaveyyāsīti attho. **Na himsatīti** na viheṭṭheti na dukkhāpeti. . Pañcamam̐.

6. Jaṭāsuttavaṇṇanā

192. Chaṭṭhe **Jaṭābhāradvājoti** Bhāradvājovesa, jaṭāpañhassa pana
pucchitattā saṅgītikārehi evam̐ vutto. Sesam̐ Devatāsamyutte kathitameva. .
Chaṭṭham̐.

7. Suddhikasuttavaṇṇanā

193. Sattame **Suddhikabhāradvājoti** ayampi bhāradvājova,
suddhikapañhassa pana pucchitattā saṅgītikārehi evam̐ vutto. **Sīlavāpi**
tapokaranti sīlasampannopi tapokammam̐ karonto. **Vijjācaraṇasampannoti**
ettha **vijjāti** tayo vedā. **Caraṇanti** gottacaraṇam̐. **So sujjhati na aññā itarā**
pajāti so tevijjo brāhmaṇo sujjhati, ayam̐ pana aññā

1. Saṅgharīti (Syā)

2. Ahimsakvāhanti (Sī) Ṭikāyam̐ ca.

nāmikā¹ pajā na sujġhatīti vadati. **Bahumpi palapaṃ jappanti** bahumpi palapaṃ jappanto, “brāhmaṇova sujġhatī”ti evaṃ vacanasahassampi bhaṇantoti attho. **Antokasambūti** anto kilesapūṭisabhāvena pūṭiko. **Saṃkiliṭṭhoti** kiliṭṭhehi kāyakammādīhi samannāgato. . Sattamaṃ.

8. Aggikasuttavaṇṇanā

194. Aṭṭhame **Aggikabharadvājoti** ayampi Bhāradvājova, aggiparicaraṇavasena panassa saṅgītikārehi etaṃ nāmaṃ gahitaṃ. **Sannihito hotīti** saṃyojito hoti. **Aṭṭhāsīti** kasmā tatha aṭṭhāsī? Bhagavā kira paccūsasamaye lokaṃ olovento imaṃ brahmaṇaṃ dīsvā cintesi “ayaṃ brāhmaṇo evarūpaṃ aggapāyāsaṃ gahetvā ‘mahābrahmānaṃ bhojemī’²ti² aggimhi jhāpento aphalaṃ karoti apāyamaggaṃ okkamati, imaṃ laddhiṃ avissajjanto apāyapūrakova bhavissati, gacchāmiṣṣa Dhammadesanāya, micchādīṭṭhiṃ bhinditvā pabbājetvā cattāro magge ceva cattāri ca phalāni demī”ti, tasmā pubbaṇhasamaye Rājagahaṃ pavisitvā tatha aṭṭhāsī.

Tīhi vijjāhīti tīhi vedehi. **Jātimāti** yāva sattamā pitāmahayugā parisuddhāya jātiyā samannāgato. **Sutavā bahūti** bahū nānappakāre ganthe sutavā. **Somaṃ bhūñjeyyāti** so tevijjo brāhmaṇo imaṃ pāyāsaṃ bhūñjitum yutto, tumhākaṃ panesa pāyāso ayuttoti vadati.

Vedīti pubbenivāsañāṇena jāni³ paṭivijjhi. **Saggāpāyanti** dibbena cakkhunā saggampi apāyampi passati. **Jātikkhayanti** arahattaṃ. **Abhiññāvositoti** jānitvā vositavosāno. **Brāhmaṇo bhavanti** Avīcīto yāva Bhavaggā bhotā Gotamena sadiso jātisampanno khīṇāsavabrāmaṇo natthi, bhavaṃyeva brāhmaṇoti.

Evañca pana vatvā suvaṇṇapātīm pūretvā Dasabalassa pāyāsaṃ upanamesi. Sathā uppattīm dīpetvā bhojanaṃ paṭikkhipanto **gāthābhigītaṃ meti-ādimāha**. Tatha **gāthā bhigītanti** gāthāhi abhigītaṃ. **Abhojaneyyanti**

1. Aññānamigā (Ka)

2. Bhojessāmīti (Sī)

3. Jātim (Sī)

abhuñjitabbaṃ¹. Idaṃ vuttaṃ hoti—tvaṃ brāhmaṇa mayhaṃ ettakaṃ kālaṃ bhikkhācāravattena ṭhitassa kaṭacchumattampi dātuṃ nāsakkhi, idāni pana mayā tuyhaṃ kilanjamhi tile vitthārentena viya sabbe Buddhagūṇā pakāsītā, iti gāyanena gāyivā laddhaṃ viya idaṃ bhojanaṃ hoti, tasmā idaṃ gāthābhigītaṃ me abhojaneyyanti. **Sampassataṃ brāhmaṇa nesa dhammoti** brāhmaṇa atthañca dhammañca sampassantānaṃ “evarūpaṃ bhojanaṃ bhuñjitabbaṃ”ti esa dhammo na hoti. Sudhābhojanampi **gāthābhigītaṃ panudanti Buddhā**, gāthāhi gāyivā laddhaṃ Buddhā nīharantiyeva. **Dhamme sati brāhmaṇa vuttiresāti** brāhmaṇa dhamme sati dhammaṃ apekkhitvā dhamme patiṭṭhāya jīvitāṃ kappentānaṃ eṣā vutti ayaṃ ājīvo—evarūpaṃ nīharitvā dhammaladdhameva bhuñjitabbanti.

Atha brāhmaṇo cintesi—ahaṃ pubbe samaṇassa Gotamassa guṇe vā aguṇe vā na jānāmi, idāni pañassāhaṃ guṇe ñatvā mama gehe asītikotiṃmattaṃ dhanāṃ sāsane vippakiritukāmo jāto, ayañca “mayā dinnapaccayā akappiyā”ti vadati, appiṭiggayho ahaṃ samaṇena Gotamenāti. Atha Bhagavā sabbaññutaññānaṃ pesetvā tassa cittācāraṃ vīmaṃsanto “ayaṃ sabbepi attanā dinnapaccaye ‘akappiyā’² sallakkheti. Yaṃ hi bhojanaṃ ārabha kathā uppannā, etadeva na vaṭṭati, sesā niddosā”ti brāhmaṇassa catunnaṃ paccayānaṃ dānadvāraṃ dassento **aññena cāti-ādimāha**. Tattha **kukkucavūpasantanti** hatthakukkucādīnaṃ³ vasena vūpasantakukkucānaṃ. **Annena pānenāti** desanāmettaṃ. Ayaṃ panattho—aññehi tayā “pariccajissāmī”ti sallakkhitehi cīvarādīhi paccayehi upaṭṭhahassu. **Khettaṃ hi taṃ puññapekkhassa hotīti** etaṃ⁴ Tathāgatasāsanānaṃ nāma puññapekkhassa puññatthikassa tuyhaṃ⁵ appepi bīje bahusassaphaladāyakaṃ sukhettaṃ viya paṭiyattaṃ hoti. . Aṭṭhamāṃ.

9. Sundarikasuttavaṇṇanā

195. Navame **Sundarikabhāradvājoti** Sundarikāya nadiyā tīre aggijuhaṇena evaṃladdhanāmo. **Sundarikāyāti** evaṃnāmikāya nadiyā.

1. Na bhuñjitabbaṃ (Syā, Ka)

3. Akukkucādīnaṃ (Sī)

5. Na tuyhaṃyeva (Sī), tuyhaṃyeva (Ka)

2. Akappiyeti (Syā, Ka)

4. Evaṃ (Sī, Syā)

Aggim̄ juhātī āhutiṃ pakkhipanena jāleti. **Aggihuttaṃ paricaratī** ayyāyatanam̄ sammajjanupalepanabalikammādinā payirupāsati. **Ko nu kho imaṃ habyasesam̄ bhūñjeyyā**ti so kira brāhmaṇo aggimhi hutāvasesam̄ pāyāsam̄ disvā cintesi “aggimhi tāva pakkhittapāyāso mahābrahmunā bhutto, ayam̄ pana avaseso atthi, tam̄ yadi brahmuno mukhato jātassa brāhmaṇassa dadeyyam̄, evam̄ me pitarā saha puttopi santappito bhaveyya, suvisodhito cassa brahmalokagāmimaggo”¹. So brāhmaṇassa dassanattam̄ uṭṭhāyāsanaṃ catuddisā anuvilokesi “ko nu kho imaṃ habyasesam̄ bhūñjeyyā”ti.

Rukkhamūleti tasmim̄ vanasaṅḍe jeṭṭhakarukkhasa mūle. **Sasīsam̄ pārūtam̄ nisinnanti** saha sīsenā pārutakāyam̄ nisinnam̄. Kasmā pana Bhagavā tattha nisīdi? Bhagavā kira paccūsasamaye lokam̄ olokeno imaṃ brāhmaṇam̄ disvā cintesi—ayam̄ brāhmaṇo evarūpaṃ aggapāyāsam̄ gahetvā “mahābrahmānam̄ bhojemī”ti aggimhi jhāpento aphalam̄ karoti -pa- cattāro magge ceva cattāri ca phalāni demīti. Tasmā kālasseva vuṭṭhāya sarīrapaṭijagganam̄ katvā pattacīvaram̄ ādāya gantvā vuttanayena tasmim̄ rukkhamūle nisīdi. Atha kasmā sasīsam̄ pārupīti? Himapātassa ca sītavātassa ca paṭibāhaṇattam̄, paṭibalova etaṃ Tathāgato adhivāsesum̄. Sace pana apārupitvā nisīdeyya, brāhmaṇo dūrayova sañjānitvā nivatteyya, evam̄ sati kathā nappavatteyya. Iti Bhagavā “brāhmaṇe āgate sīsam̄ vivarissāmi, atha mam̄ so disvā katham̄ pavattessati, tassāham̄ kathānusārena dhammam̄ desessāmi”ti kathāpavattanattam̄ evamakāsi.

Upasaṅkamīti brāhmaṇo “ayam̄ sasīsam̄ pārupitvā sabbarattim̄ padhānamanuyutto, imassa dakkhiṇodakam̄ datvā imaṃ habyasesam̄ dassāmi”ti brāhmaṇasaññī hutvā upasaṅkami. **Muṇḍo ayam̄ bhavam̄, muṇḍako ayam̄ bhavanti** sīse vivaritamatte nīcakesantam̄ disvā “muṇḍo”²ti āha. Tato suṭṭhutaram̄ olokeno pavattamattampi sikham̄ adisvā hīlento “muṇḍko”ti āha. **Tatovāti** yatthaṭhito addasa, tamhāva padesā. **Muṇḍāpi hīti** kenaci kāraṇena muṇḍitasīsāpi honti.

1. Brahmalokamaggoti (Syā)

2. Tam̄ so muṇḍoti (Syā)

Mā jātim pucchāti yadi dānassa mahapphalatam paccāsīsasi, jātim mā puccha. Akāraṇam hi dakkhiṇeyyabhāvassa jāti. **Caraṇaṇca pucchāti** apica kho silādiguṇabhedam caraṇam puccha. Etam hi dakkhiṇeyyabhāvassa kāraṇam. Idānissa tamattham vibhāvento **kaṭṭhā have jāyati jātavedoti-ādimāha**. Tatrāyam adhippāyo—idha kaṭṭhā aggi jāyati, na ca so sālādikaṭṭhā jātova aggikiccam karoti, sāpāna¹ doṇi-ādikaṭṭhā jāto na karoti, attano pana acciyādiguṇasampattiyā yato vā tato vā jāto karotiyeva. Evaṃ na brāhmaṇakulādīsu jātova dakkhiṇeyyo hoti, caṇḍalakuḷādīsu jāto na hoti, apica kho nīcakulinopi uccakulinopi khīṇāsavamuni dhitimā hirīnisedho ājānīyo hoti, imāya dhitihipamokkhāya guṇasampattiyā jātimā uttamadakkhiyyo hoti. So hi dhitiyā guṇe dhāreti, hiriyā dose nisedhetīti. Apicettha **munīti** monadhammena samannāgato. **Dhitimāti** vīriyavā. **Ājānīyoti** kāraṇā kāraṇajānanako². **Hirīnisedhoti** hiriyā pāpāni nisedhetvā ṭhito.

Saccena dantoti paramatthasaccena danto. **Damasā upetoti** indriyadamena upeto. **Vedantagūti** catunnam maggavedānam antam, catūhi vā maggavedehi kilesānam antam gato. **Vusitabrahmacariyoti** maggabrahmacariyavāsam vuttho. **Yaññopanītoti** upanītayañño paṭiyādītayañño ca. **Tamupavhayethāti** yena yañño paṭiyādīto, so tam paramatthabrāhmaṇam avhayeyya. “Indamavhayāma, somamavhayāma, varuṇamavayāma, īsānamavhayāma, yāmamavhayāmā”ti idam pana avhānam niratthakam. **Kālenāti** avhayanto ca “kālo bhante niṭṭhitam bhattan”ti antomajjhanhikakāleyeva tam upavhayeyya. **So juhāti dakkhiṇeyyeti** yo evam kāle khīṇāsavam āmantetvā tattha catupaccayadakkhiṇampatiṭṭhapesi, so dakkhiṇeyyejuhati nāma, na acetane aggimhi pakkhipanto.

Iti brāhmaṇo Bhagavato katham suṇanto pasīditvā idāni attano pasādam āvikaronto **addhā suyitṭhanti-ādimāha**. Tassattho—addhā mama yidam idāni suyitṭhaṇca suhutaṇca bhavissati, pubbepana aggimhi jhāpitam niratthakam ahoṣīti. **Añño janoti** “aham brāhmaṇo, aham brāhmaṇo”ti

1. Pāsāṇa (Sī, Syā)

2. Kāraṇam jānanto (Syā)

vadanto andhabālaputhujjano. **Habyasesanti** hutasesaṃ. **Bhuñjatu bhavanti-**
ādi purimasutte vuttanayeneva veditabbaṃ.

Na khvāhanti na kho ahaṃ. Kasmā panevamāhāti? Tasmim kira
bhojane upaḥamatteva “Satthā bhuñjissatī”ti saññāya catūsu mahādīpesu
dvīsu parittadīpasahassesu devatā pupphaphalādīni ceva
sappinavanītatelamadhuphāṇitādīni ca ādāya madhupaḥalaṃ piḷetvā madhum
gaṇhantiyo viya dibbānubhāvena nibbattitojameva gahetvā pakkhipiṃsu.
Tena taṃ sukhumattaṃ gataṃ, manussānañca oḷārikaṃ vatthūti tesā tāva
oḷārikavatthutāya sammā pariṇāmaṃ na ghacchati. Goyūse pana tilabījāni¹
pakkhipitvā pakkattā oḷārikamissakaṃ jātaṃ, devānañca sukhumaṃ vatthūti
tesā sukhumavatthutāya sammā pariṇāmaṃ na gacchati.
Sukkhavipassakakhīṇāsavassāpi kucchiyaṃ na pariṇamati.
Aṭṭhasamāpattilābhīkhīṇāsavassa pana samāpattibalena pariṇāmeyya.
Bhagavato pana pākatikeneva kammajatejena pariṇāmeyya.

Appahariteti aharite. Sace hi garitesu tiṇesu pakkhipeyya,
siniddhapāyāsena tiṇāni pūṭīni bhavyeyyūṃ. Buddhā ca
Bhūtagāmasikkhāpadaṃ na vītikkamanti, tasmā evamāha. Yattha pana
galappamāṇāni mahātiṇāni, tādise ṭhāne pakkhipitum vaṭṭati. **Appāṇaketi**
sappāṇakasmim hi parittake uduke pakkhitte pāṇakā maranti, tasmā
evamāha. Yaṃ pana gambhīraṃ mahā-udakaṃ hoti, pātisatepi pātisahassepī
pakkhitte na āluḷati, tathārūpe uduke vaṭṭati. **Opilāpesīti** suvaṇṇapāṭiyā
saddhimyeva nimujjāpesi. **Cicciṭāyati** ciṭciṭāyatīti evarūpaṃ saddaṃ karoti.
Kim panesa pāyāsassa ānubhāvo, udāhu Tathāgatassāti? Tathāgatassa. Ayaṃ
hi brāhmaṇo taṃ pāyāsaṃ opilāpetvā ummaggaṃ āruyha Satthu santikaṃ
anāgantvāva gaccheyya, atha Bhagavā “ettakaṃ acchariyaṃ disvā mama
santikaṃ āgamissati, athassāhaṃ dhammadesanāya micchādīṭṭhigahaṇaṃ
bhinditvā sāsane otāretvā amatapānaṃ pāyessāmi”ti adhiṭṭhānabalena²
evamakāsi.

1. Tiṇi bijāni (Syā)

2. Adhiṭṭhānavasena (Sī)

Dāru samādahānoti dāruṃ jhāpayamāno. **Bahiddhā hi etanti** etaṃ dārujjhāpanaṃ nāma ariyadhammato bahiddhā. Yadi etena suddhi bhaveyya, ye davaḍāhakādayo¹ bahūni dārūni jhāpenti, te paṭhamataram sujheyym. **Kusalāti** khandhādīsu kusalā. **Ajjhattamevujjalayāmi jotinti** niyakajjhatte attano santānasmim yeva ñāṇajotiṃ jālemi. **Niccagginīti** āvajjanapaṭibaddhena sabbaññutaññāṇena niccaṃ pajjalitaggi. **Niccasamāhitattoti** niccaṃ sammā ṭhapitacitto. **Brahmacariyaṃ carāmīti** Bodhimaṇḍe caritaṃ brahmacariyaṃ gahetvā evaṃ vadati.

Māno hi te brāhmaṇa khāribhāroti yathā khāribhāro khandhena vayhamāno² upari ṭhitopi akkantakkantaṭṭhāne pathaviyā saddhim phuseti, evameva jātigottakulādini mānavatthūni nissāya ussāpito mānopi tattha tattha issaṃ uppādentō catūsu apāyesu saṃsīdāpeti. Tenāha “māno hi te brāhmaṇa khāribhāro”ti. **Kodho dhumoti** tava ñāṇaggissa upakkilesaṭṭhena kodho dhumo. Tena hi te upakkiliṭṭho ñāṇaggi na virocāti. **Bhasmani mosavajjanti** nirojaṭṭhena³ musāvādo chārikā nāma. Yathā hi chārikāya paṭicchanno aggi na joteti, Evaṃ te musāvādena paṭicchannaṃ ñāṇanti dasseti. **Jivhā sujāti** yathā tuyhaṃ suvaṇṇarajatalohakaṭṭhamattikāsu aññataramayā yāgayajanatthāya⁴ sujā hoti, evaṃ mayhaṃ dhammayāgam yajanatthāya pahūtajivhā sujāti vadati. **Hadayaṃ jotiṭṭhānanti** yathā tuyhaṃ nadīṭire jotiṭṭhānaṃ, evaṃ mayhaṃ dhammayāgassa yajanaṭṭhānatthena sattānaṃ hadayaṃ jotiṭṭhānaṃ. **Attāti** cittaṃ.

Dhammo rahadoti yathā tvaṃ aggiṃ paricaritvā dhūmachārikasedakiliṭṭhasarīro sundarikaṃ nadiṃ otaritvā nhāyasi, evaṃ mayhaṃ sundarikāsadisena bāhirena rahadena attho natthi, aṭṭhaṅgikamaggadhammo pana mayhaṃ rahado, tatrāhaṃ pāṇasatampi pāṇasahassampi caturāsītipāṇasahassānipi ekappahārena nhāpemi. **Silatitthoti** tassa pana me dhammarahadassa catupārisuddhisīlaṃ titthanti dasseti. **Anāviloti** yathā tuyhaṃ sundarikā nadī catūhi pañcahi ekato nhāyantehi heṭṭhupariyavālikā āluḷā

1. Chavaḍāhakādayo (Sī)

2. Vuyhamāno (Sī, Syā)

3. Nijotaṭṭhena (Ka)

4. Aññatarā mahāyāgam yajanatthāya (Sī)

hoti, na evaṃ mayhaṃ rahado, anekasatasahassesupi pāṇesu otarivā
nhāyantesu so anāvilo vippasannova hoti. **Sabbhi satam pasatthoti** paṇḍitehi
paṇḍitānaṃ pasattho. Uttamatthena vā so sabbhīti vuccati, paṇḍitehi
pasatthattā satam pasattho. **Taranti pāranti** nibbānapāraṃ gacchanti.

Idāni ariyamaggarahadassa aṅgāni uddharivā dassento **saccam dhammoti**-ādimāha. Tattha **saccanti** vacīsaccam. **Dhammoti** iminā
diṭṭhisāṅkappavāyāmasatisamādhayo dasseti. **Saṃyamoti** iminā
kammantājīvā gahitā. **Saccanti** vā iminā maggasaccam gahitam. Sā atthato
sammādiṭṭhi. Vuttam hetam “sammādiṭṭhi maggo ceva hetu cā”¹.
Sammādiṭṭhiyā pana gahitāya taggatikkattā sammāsāṅkappo gahitova hoti.
Dhammoti iminā vāyāmasatisamādhayo. **Saṃyamoti** iminā
vācākammantājīvā². Ivampi aṭṭhaṅgiko maggo dassito hoti. Atha vā **saccanti**
paramatthasaccam, tam atthato nibbānam. **Dhammotipadena** diṭṭhi saṅkappo
vāyāmo sati samādhīti pañcaṅgāni gahitāni. **Saṃyamoti** vācā kammanto
ājīvoti tīni. Evampi aṭṭhaṅgiko maggo dassito hoti. Brahmācariyanti etaṃ
brahmācariyam nāma. **Majjhe sitāti** sassatucchede vajjetvā majjhe nissitā.
Brahmapattīti seṭṭhapattī. **Sa tujjuhūtesu namo karohīti** ettha ta-kāro
padasandhikaro, sa tvaṃ ujubhūtesu namo karohīti ettha ta-kāro
padasandhikaro, sa tvaṃ urubhūtesu khīṇāsavesu namo karohīti attho.
Tamahaṃ naram dhammasārīti brūmīti yo evaṃ paṭipajjati, tamahaṃ
puggalaṃ “dhammasārī eso dhammasāriyā paṭicchanno”³ ca
“kusaladhammehi akusaladhamme sāretvā ṭhito”³ ti vāti vadāmīti. .
Navamaṃ.

10. Bahudhītarasuttavaṇṇanā

196. Dasame **aññatarasmim vanasaṇḍeti** paccūsasamaye lokam
olokento tassa brāhmaṇassa arahattassa upanissayam disvā “gacchāmissa
saṅgahaṃ karissāmī”¹ ti gantvā tasmim vanasaṇḍe viharati. **Naṭṭhā hontīti**
kasitvā vissatṭhā aṭavimukhā caramānā brāhmaṇe bhuñjitum gate palātā
hontī. **Pallaṅkanti** samantato ūrubaddhāsanam. **Ābhujitvāti**

1. Abhi 1. 212 piṭṭhe.

2. Vācākammantājīvāti (Syā)

3. Paṭipannoti (Syā)

bandhitvā. **Ujum kāyam pañdhāyāti** uparimaṃ sarīraṃ ujukaṃ ṭhapetvā aṭṭhārasa piṭṭhikaṇṭake koṭiyā koṭim paṭipādetvā. **Parimukhaṃ satim upaṭṭhapetvāti** kammaṭṭhānābhimukhaṃ satim ṭhapayitvā, mukhasamīpe vā katvāti attho. Teneva vibhaṅge vuttam “ayam sati upaṭṭhitā hoti sūpaṭṭhitā nāsikagge vā mukhanimitte vā, tena vuccati parimukhaṃ satim upaṭṭhapetvā”¹. Atha vā “**parīti** pariggahaṭṭho. **Mukhanti** niyyānaṭṭho. **Satīti** upaṭṭhānaṭṭho. Tena vuccati parimukhaṃ satim upaṭṭhapetvā”²ti evaṃ paṭisambhidāyaṃ² vuttanayenapettha attho daṭṭhabbo. Tatrāyaṃ saṅkhepo “pariggahitaniyyānaṃ satim katvā”³ti. Evaṃ nisīdanto ca pana chabbaṇṇā ghanabuddharasmiyo vissajjetvā nisīdi. **Upasaṅkamīti** domanassābhībhūto āhiṇḍanto “sukhena vatāyaṃ samaṇo³ nisinno”³ti cintetvā upasaṅkami.

Ajjasatṭhim na dissantīti ajja chadivasamattakā paṭṭhāya na dissanti. **Pāpakāti** lāmakā tilakhāṇukā. Tena kira tilakhette vapite tadaheva devo vassitvā tile paṃsumhi osīdāpesi, pupphaṃ vā phalaṃ vā gahetum nāsakkhimsu. Yepi vaḍḍhimsu, tesam upari pāṇakā patitvā paṇṇāni khādimsu, ekapaṇṇadupaṇṇā khāṇukā avasissimsu. Brāhmaṇo khettaṃ oloketum gato te disvā “vaḍḍhiyā me tilā gahitā, tepi naṭṭhā”⁴ti domanassajāto ahosi, taṃ gahetvā imaṃ gāthamāha.

Ussolīkāyāti ussāhena kaṇṇanaṅguṭṭhādīni ukkhipitvā vicarantā⁴ uppatanti. Tassa kira anupubbena bhogesu parikkhīṇesu pakkhipitabbassa abhāvena tucchakoṭṭhā ahesum. Tassa ito cito ca sattahi gharehi āgatā mūsikā te tucchakoṭṭhe⁵ pavisitvā uyyānakīlaṃ kīlantā viya naccanti, taṃ gahetvā evamāha.

Uppātakehi sañchannoti uppātakapāṇakehi sañchanno. Tassa kira brāhmaṇassa sayanattāya santhataṃ tiṇapaṇṇasanthāraṃ koci antarantarā paṭijagganto natthi. So divasaṃ araṇṇe kammaṃ katvā sāyaṃ āgantvā tasmim nipajjati. Athassa uppātakapāṇakā sarīraṃ ekacchannaṃ karontā khādanti, taṃ gahetvā evamāha.

1. Abhi 2. 261 piṭṭhe jhānavibhaṅge.

3. Samaṇo Gotamo (Syā)

4. Viravantā (Sī)

2. Khu 9. 174 piṭṭhe.

5. Tucchakoṭṭhāni (Ka)

Vidhavāti matapatikā. Yāva kira tassa brāhmaṇassa gehe vibhavamattā¹ ahosi, tāva tā vidhavāpi hutvā patikulesu vasitum labhiṃsu. Yadā pana so niddhano jāto, tadā tā “pitugharam² gacchathā”ti sassusasurādīhi nikkaddhitā tato tasseva gharam āgantvā vasantiyo brāhmaṇassa bhojanakāle “gacchatha ayyakena saddhim bhuñjathā”ti putte pesenti, tehi pātiyaṃ hatthesu otāritesu brāhmaṇo hatthassa okāsaṃ na labhati. Taṃ gahetvā imaṃ gāthamāha.

Piṅgalāti kaḷārapīṅgalā. **Tilakāhatāti** kāḷasetādivaṇṇehi tilakehi āhatagattā. **Sottam pādena bodhetīti** niddaṃ okkantaṃ pādena paharitvā pabodheti. Ayaṃ kira brāhmaṇo mūsikasaddena ubbālho uppātakehi ca khajjamāno sabbarattim niddaṃ alabhitvā paccūsakāle niddāyati. Atha naṃ akkhīsu nimmilitamattesveva “kiṃ karosi brāhmaṇa, pacchā ca pubbe ca gahitassa iṇassa vaḍḍhi matthakaṃ pattā, satta dhītaro posetabbā, idāni iṇāyikā āgantvā gehaṃ parivāressanti, gaccha kammaṃ karohī”ti pādena paharitvā pabodheti. Taṃ gahetvā imaṃ gāthamāha.

Iṇāyikāti yesaṃ anena hatthato iṇaṃ gahitaṃ. So kira kassaci hatthato ekaṃ kahāpaṇaṃ kassaci dve kassaci dasa -pa- kassaci satanti evaṃ bahūnaṃ gatthato iṇaṃ aggahesi, te divā brāhmaṇaṃ apassantā “gehato taṃ nikkhantameva gaṇhissāmā”ti balavapaccūse gantvā codenti. Taṃ gahetvā imaṃ gāthamāha.

Bhagavā tena brāhmaṇena imāhi sattahi gāthāhi dukkhe kathite “yaṃ yaṃ brāhmaṇa tayā dukkhaṃ kathitaṃ, sabbametaṃ mayhaṃ natthī”ti dassento paṭigāthāhi brāhmaṇassa dhammadesanaṃ vaḍḍhesi. Brāhmaṇo tā gāthā sutvā Bhagavati pasanno saraṇesu patitthāya pabbajitvā arahattaṃ pāpuṇi. Taṃ dassetuṃ **evaṃ vutte bhāradvājagottoti**-ādi vuttaṃ. Tattha **alattthāti** labhi.

Taṅca pana brāhmaṇaṃ Bhagavā pabbājetvā ādāya Jetavanaṃ gantvā punadivase tena therena pacchāsamaṇena Kosalarañño gehadvāraṃ

1. Vibhavappattā (Ka)

2. Mātāpitugharam (Sī)

agamāsi. Rājā “Satthā āgato”ti sutvā pāsādā oruyya vanditvā hatthato pattam gahetvā Tathāgataṃ uparipāsādaṃ āropetvā varāsane nisīdāpetvā gandhodakena pāde dhovitvā satapākatelena makkhetvā yāguṃ āharāpetvā rajatadaṇḍaṃ suvaṇṇakaṭacchum gahetvā Satthu upanāmesi. Satthā pattam pidahi. Rājā Tathāgataṃ pādesu patitvā “sace me bhante doso atthi, khamathā”ti āha. Natthi mahārājāti. Atha kasmā yāguṃ na gaṇhathāti. Palibodho atthi mahārājāti. Kim pana bhante yāguṃ agaṇhanteheva labhitabbo esa palibodho, paṭibalo ahaṃ palibodhaṃ dātum¹, gaṇhatha² bhanteti. Satthā aggahesi. Mahallakattheropi dīgharattaṃ chāto yāvadattaṃ yāguṃ pivi. Rājā khādanīyabhojanīyaṃ datvā bhattakiccāvasāne Bhagavantaṃ vanditvā āha—“Bhagavā tumhe paveniyā āgate Okkākavaṃse uppajjitvā cakkavattisiriṃ pahāya pabbajitvā loke aggataṃ patto, ko nāma bhante tumhākaṃ palibodho”ti. Mahārāja etassa mahallakattherassa palibodho amhākaṃ palibodhasadisovāti.

Rājā theram vanditvā “ko bhante tumhākaṃ palibodho”ti pucchi. Iṇapalibodho mahārājāti. Kittako bhanteti. Gaṇehi mahārājāti. Rañño “ekam dve sataṃ sahasan”ti gaṇentassa aṅguliyo nappahonti. Athekam purisaṃ pakkosivā “gaccha bhaṇe nagare bherim carāpehi ‘sabbe bahudhītikabrāhmaṇassa iṇāyikā rājaṅgaṇe sannipatantū’ti”. Manussā bherim sutvā sannipatimsu. Rājā tesam hatthato paṇṇāni āharāpetvā sabbesaṃ anūnaṃ dhanamadāsi. Tattha suvaṇṇameva sataṃ sahasagghanaṃ ahoṣi. Puna rājā pucchi “aññopi atthi bhante palibodho”ti. Iṇam nāma mahārāja datvā muccitum sakkā, etā pana satta dārikā mahāpalibodhā mayhanti. Rājā yānāni pesetvā tassa dhītaro āharāpetvā attano dhītaro katvā tam tam kulagharaṃ pesetvā “aññopi bhante atthi palibodho”ti pucchi. Brāhmaṇī mahārājāti. Rājā yānaṃ pesetvā tassa brāhmaṇim āharāpetvā ayyikaṭṭhāne ṭhapetvā puna pucchi “aññopi bhante atthi palibodho”ti.

1. Kātum (Syā)

2. Yāguṃ gaṇhatha (Syā)

Natthi mahārājāti vutte rājāpi cīvaradussāni dāpetvā “bhante mamasantakaṃ tumhākaṃ bhikkhubhāvaṃ jānāthā”ti āha. Āma mahārājāti. Atha naṃ rājā āha “bhante cīvarapiṇḍapātādayopi sabbe paccayā amhākaṃ santakā bhavissanti, tumhe Tathāgatassa manaṃ gahetvā samaṇadhammaṃ karothā”ti. Thero tatheva appamatto samaṇadhammaṃ karonto nacirasseva āsavakkhayaṃ pattoti. . Dasamaṃ.

Paṭhamo vaggo¹.

2. Upāsakavagga

1. Kasibhāradvājasuttavaṇṇanā

197. Dutiyavaggassa² paṭhame **Magadhesūti** evaṃnāmake janapade. **Dakkhināgirisminti** Rājagahaṃ parivāretvā ṭhitassa girino dakkhiṇabhāge janapado atthi, tasmim̐ janapade, tattha vihārassāpi tadeva nāmaṃ. **Ekanālayaṃ brāhmaṇagāmeti** Ekanālayāni tassa gāmassa nāmaṃ. Brāhmaṇā panettha sambahulā paṭivasanti, brāhmaṇabhogo eva vā so³. Tasmā “Brāhmaṇagāmo”ti vuccati.

Tena kho pana samayenāti yaṃ samayaṃ Bhagavā Magadharatṭhe Ekanālayaṃ brāhmaṇagāmaṃ upanissāya Dakkhināgirimahāvihāre brāhmaṇassa indriyaparipākaṃ āgamayamāno viharati, tena samayena. **Kasibhāradvājassāti** so brāhmaṇo kasiṃ nissāya jīvati, bhāradvājoti cassa gottaṃ. **Pañcamattānīti** pañca pamāṇāni, anūnāni anadhikāni pañcanaṅgalasatānīti vuttaṃ hoti. **Payuttānīti** yojitāni, balībaddānaṃ khandhesu ṭhapetvā yuge yottehi yojitānīti attho.

Vappakāleti vappanakāle bījanikkhepasamaye. Tattha dve vappāni kalalavappaṇca paṃsuvappaṇca. Paṃsuvappaṃ idha adhippetam̐, taṇca kho paṭhamadivase maṅgalavappaṃ. Tatthāyaṃ upakaraṇasampadā—tīṇi balībaddasahassāni upaṭṭhāpitāni honti, sabbesaṃ suvaṇṇamayāni siṅgāni paṭimukkāni, rajatamayā khurā,

1. Arahantavaggo (Syā)

2. Upāsakavaggassa (Syā)

3. Brāhmaṇabhogova heso (Ka)

sabbe setamālāhi ceva gandhapañcaṅgulīhi ca alaṅkatā paripuṇṇapañcaṅgā¹
 sabbalakkhaṇasampannā, ekacce kāḷā añjanavaṇṇā², ekacce setā
 phalikavaṇṇā³, ekacce rattā pavāḷavaṇṇā, ekacce kammāsā
 masāragallavaṇṇā. Evaṃ pañcasatā kassakā sabbe ahatasetavattā
 gandhamālālaṅkatā dakkhiṇa-aṃsakūṭesu patiṭṭhitapupphacumbaṭakā
 haritālananosilālañjanujjalagattā⁴ dasa dasa naṅgalā ekekagumbā hutvā
 gacchanti. Naṅgalānaṃ sīsaṅca yugaṅca patodā ca suvaṇṇakhacitā.
 Paṭhamanaṅgale aṭṭha balībaddhā yuttā, sesesu cattāro cattāro, avasesā
 kilantaparivattanattamaṃ ānītā. Ekekagumbe ekekabījasakaṭamaṃ ekeko kasati,
 ekeko vappati.

Brāhmaṇo pana pageva massukammaṃ kārāpetvā nhāyivā
 sugandhagandhehi vilitto pañcasatagghanakaṃ vatthamaṃ nivāsetvā
 sahasagghanakaṃ ekaṃsaṃ karitvā ekekissā aṅguliyaṃ dve dveti vīsati
 aṅgulimuddikāyo kaṇṇesu sīhakuṇḍalāni sīse brahmaveṭṭhanaṃ paṭimuñcivā
 suvaṇṇamālāmaṃ kaṇṭhe katvā brāhmaṇagaṇaparivuto kammantaṃ vosāsati.
 Athassa brāhmaṇī anekasatabhājanesu pāyāsamaṃ pacāpetvā mahāsakaṭesu
 āropetvā gandhodakena nhāyivā sabbālaṅkāravibhūsitā
 brāhmaṇīgaṇaparivutā kammantaṃ agamāsi. Gehampissa haritupalittamaṃ
 vipākinaḷājaṃ puṇṇaghatakadaliḍhajapaṭākāhi alaṅkataṃ
 gandhapupphādīhi sukatabalikammaṃ, khettaṅca tesu tesu ṭhānesu
 samussitaddhajapaṭākamaṃ ahosi. Parijanakammakārehi saddhimaṃ oṣaṭaparisaṃ
 adḍhateyyasahassā ahosi, sabbe ahatavattā, sabbesaṃ pāyāsabhojanameva
 paṭiyattaṃ.

Atha brāhmaṇo suvaṇṇapātiṃ dhovāpetvā pāyāsassa pūretvā
 sappimadhuphāṇitehi abhisāṅkharitvā naṅgalabalikammaṃ kārāpesi.
 Brāhmaṇī pañcannaṃ kassakasatānaṃ suvaṇṇarajatakaṃsatambalohamayāni
 bhājanāni dāpetvā suvaṇṇakaṭacchumaṃ gahetvā pāyāsena parivisaṅgā
 gacchati⁵. Brāhmaṇo pana balikammaṃ kāretvā rattabandhikāyo⁶
 upāhanāyo ārohitvā rattasuvaṇṇadaṇḍakaṃ gahetvā “idha pāyāsamaṃ detha,
 idha

1. Paripuṇṇaṅgapaccaṅgā (Sī)
 3. Balākavaṇṇā (Sī), balāhakavaṇṇā (Syā)
 5. Parivisaṅgā (Ka)

2. Ajinavaṇṇā (Ka)
 4. ...añjanujjalagattā (Ṭikā)
 6. Rattabaddhakāyo (Syā)

sappiṃ detha, idha sakkharaṃ dethā”ti vosāsamāno vicarati. Ayaṃ tāva kammante pavatti.

Vihāre pana yattha yattha Buddhā vasanti, tattha tattha nesam devasikaṃ pañca kiccāni bhavanti. Seyyathidaṃ? Purebhattakiccaṃ pacchābhattakiccaṃ purimayāmakiccaṃ majjhimayāmakiccaṃ pacchimayāmakiccanti.

Tatridaṃ purebhattakiccaṃ—Bhagavā hi pātova uṭṭhāya upaṭṭhākānuggahatthaṃ sarīraphāsukatthañca mukhadhovanādīparikammaṃ katvā yāva bhikkhācāraṇelā, tāva vivittāsane vītināmetvā bhikkhācāraṇelāya nivāsetvā kāyabandhanaṃ bandhitvā cīvaraṃ pārupitvā pattamādāya kadāci ekako, kadāci bhikkhusaṃghaparivuto gāmaṃ vā nigamaṃ vā piṇḍāya pavisati kadāci pakatiyā, kadāci anekehi pāṭihāriyehi vattamānehi. Seyyathidaṃ? Piṇḍāya pavisato Lokanāthassa purato purato gantvā mudugatiyo vātā¹ pathaviṃ sodhenti, valāhakā udakaphusitāni muñcantā magge reṇuṃ vūpasamētvā upari vitānaṃ hutvā tiṭṭhanti, apare vātā pupphāni upaharitvā² magge okiranti. Unnatā bhūmippadesā onamanti, onatā unnamanti. Pādanikkhepasamaye samāva bhūmi hoti, sukhasamphassāni padumapupphāni vā pāde sampāṭicchanti. Indakhīlassa anto ṭhapitamatte dakkhiṇapāde sarīrā chabbaṇṇarasmiyo nikkhamitvā suvaṇṇarasasiñcanāni³ viya citrapaṭaparikkhittāni viya ca pāsādakūṭāgārādīni karontiyo⁴ ito cito ca vidhāvanti. Hatthi-assavihaṅgādayo sakasakaṭṭhānesu ṭhitāyeva madhurenākārena saddaṃ karonti, tathā bherivīṇādīni tūriyāni manussānañca kāyūpagāni ābharaṇāni. Tena saññāṇena manussā jānanti “ajja Bhagavā idha piṇḍāya pavitṭho”ti. Te sunivatthā supārutā gandhapupphādīni ādāya gharā nikkhamitvā antaravīthiṃ paṭipajjitvā Bhagavantaṃ gandhapupphādīhi sakkaccaṃ pūjetvā vanditvā “amhākaṃ bhante dasa bhikkhū, amhākaṃ vīsati, amhākaṃ bhikkhusataṃ dethā”ti yācitvā Bhagavatopi pattamā gahetvā āsanaṃ paññāpetvā sakkaccaṃ paṇḍapātena paṭimānenti.

1. Mudugataṇḍā (Syā)

3. Suvaṇṇarasapiṇḍarāni (Sī, Syā)

2. Upari haritvā (Syā)

4. Alaṅkarontiyo (Ka)

Bhagavā katabhattakicco tesam santānāni oloketvā tathā dhammam deseti, yathā keci saraṇagamane paṭiṭṭhahanti, keci pañcasu sīlesu, keci sotāpattisakadāgāmi-anāgāmiphalaṇam aññatarasmim, keci pabbajitvā aggaphale arahatteti. Evaṃ mahājanam anuggahetvā uṭṭhāyāsana vihāram gacchati. Tattha gandhamaṇḍalamāle paññattavarabuddhāsane nisīdati bhikkhūnam bhattakiccapariyosānam āgamayamāno. Tato bhikkhūnam bhattakiccapariyosāne upaṭṭhāko Bhagavato nivedeti. Atha Bhagavā Gandhakuṭim pavisati. Idam tāva **purebhattakiccam**.

Atha Bhagavā evam katapurebhattakicco Gandhakuṭiyā upaṭṭhāne nisīditvā pāde pakkhāletvā pādapiṭṭhe ṭhatvā bhikkhusamgham ovadati “bhikkhave appamādena sampādettha, dullabho Buddhuppādo lokasmim, dullabho manussattaṭṭhālabho, dullabhā saddhāsampatti¹, dullabhā pabbajjā, dullabham saddhammassavanam”ti. Tattha keci Bhagavantam kammaṭṭhānam pucchanti. Bhagavā tesam cariyānurūpam kammaṭṭhānam deti. Tato sabbepi Bhagavantam vanditvā attano attano rattiṭṭhānadivāṭṭhānāni gacchanti, keci araṇṇam, keci rukkhamūlam, keci pabbatādīnam aññataram, keci Cātumahārājikabhavanam -pa- keci Vasavattibavananti. Tato Bhagavā Gandhakuṭim pavisitvā sace ākaṅkhati, dakkhiṇena passena sato sampajāno muhuttam sīhaseyam kappeti. Atha samassāsita kāyo uṭṭhahitvā dutiyabhāge lokam voloketi. Tatiyabhāge yam gāmam vā nigamam vā upanissāya viharati, tattha mahājano purebhattam dānam datvā pacchābhattam sunivattho supāruto gandhapupphādini ādāya vihāre sannipatati. Tato Bhagavā sampattaparisāya anurūpena pāṭihāriyena gantvā dhammasabhāyam paññattavarabuddhāsane nisajja dhammam deseti kālayuttam samayayuttam. Atha kālam viditvā parisam uyyojeti, manussā Bhagavantam vanditvā pakkamanti. Idam **pacchābhattakiccam**.

So evam niṭṭhitapacchābhattakicco sace gattāni osiñcitukāmo hoti, Buddhāsana vuṭṭhāya nhānakoṭṭhakam pavisitvā upaṭṭhākena paṭiyādita-udakena gattāni ñaturam gāhāpeti. Upaṭṭhākopi Buddhāsanam ānetvā papphoṭetvā Gandhakuṭipariveṇe paññāpeti. Bhagavā surattadupaṭṭam² nivāsetvā kāyabandhanam bandhitvā uttarāsaṅgam katvā tattha āgantvā

1. Saddhāsampadā (Ka), sampatti (Dī-Ṭṭha 1. 47 piṭṭhe) 2. Rattadupaṭṭam (Sī, Syā)

nisīdati ekakova muhuttaṃ paṭisallīno. Atha bhikkhū tato tato āgamma Bhagavato upaṭṭhānaṃ gacchanti. Tattha ekacce pañhaṃ pucchanti, ekacce kammaṭṭhānaṃ, ekacce dhammassavanaṃ yācanti. Bhagavā tesāṃ adhippāyaṃ sampādentō purimayāmaṃ vītināmeti. Idam **purimayāmakiccaṃ**.

Purimayāmakiccapariyosāne pana bhikkhūsu Bhagavantaṃ vanditvā pakkamantesu sakaladasasahasilokadhātudevatāyo okāsaṃ labhamānā Bhagavantaṃ upasankamitvā pañhaṃ pucchanti yathābhisankhataṃ antamaso caturakkharampi. Bhagavā tāsāṃ tāsāṃ devatānaṃ pañhaṃ vissajjento majjhimayāmaṃ vītināmeti. Idam **majjhimayāmakiccaṃ**.

Pacchimayāmaṃ pana tayo koṭṭhāse katvā purebhattato paṭṭhāya nisajjāpīlitassa sarīrassa kilāsubhāvamocanattaṃ ekaṃ koṭṭhāsaṃ caṅkamaṇa vītināmeti. Dutiyakoṭṭhāse Gandhakuṭṭim pavisitvā dakkhiṇena passena sato sampajāno sīhaseyyaṃ kappeti. Tatiyakoṭṭhāse paccuṭṭhāya nisīditvā purimabuddhānaṃ santike dānasīlādivasena katādhikārapuggaladassanattaṃ Buddhacakkhunā lokam oloketi. Idam **pacchimayāmakiccaṃ**.

Tadāpi evaṃ olokeno Kasibhāradvājam brāhmaṇaṃ arahattassa upanissayasampannaṃ disvā “tattha mayi gate kathā pavattissati, kathāvasāne dhammadesanaṃ suttvā eso brāhmaṇo saputtadāro tīsu saraṇesu paṭiṭṭhaya asītikōṭṭidhanaṃ mama sāsane vippakiritvā aparabhāge nikkhamma pabbajitvā arahattaṃ pāpuṇissatī”ti ñatvā tattha gantvā kathaṃ samuṭṭhāpetvā dhammaṃ desesi. Etamattaṃ dassetuṃ **atha kho Bhagavāti-** ādi vuttaṃ.

Tattha **pubbaṇhasamayanti** bhummatthe upayogavacanaṃ, pubbaṇhasamayeti attho. **Nivāsetvāti** paridahitvā. Vihāracīvaraparivattanavasenetam vuttaṃ. **Pattacīvaramādāyāti** pattam hatthehi, cīvaraṃ kāyena ādiyitvā, sampaṭicchitvā dhāretvāti attho. Bhagavato kira piṇḍāya pavisitukāmassa bhamaro viya vikasitapadumadvayamajjham, indanīlamaṇivaṇṇaselayapatto hatthadvayamajjham āgacchati. Tam evamāgataṃ pattam hatthehi sampaṭicchitvā cīvaraṇca parimaṇḍalam pārutaṃ kāyena dhāretvāti vuttaṃ hoti.

Tenupasaṅkamīti yena maggena kammanto gantabbo, tena ekakova upasaṅkami. Kasmā pana naṃ bhikkhū nānubandhim sūti? Yadā hi Bhagavā ekakova katthaci gantukāmo hoti, yāva bhikkhācāavelā¹ dvāraṃ pidahitvā Antogandhakuṭiyāṃ nisīdati. Bhikkhū tāya saññāya jānanti “ajja Bhagavā ekakova piṇḍāya caritukāmo, addhā kañci eva² vinetabbapuggalaṃ addassā”ti. Te attano pattacīvaraṃ gahetvā Gandhakuṭim padakkhiṇaṃ katvā vanditvā bhikkhācāraṃ gacchanti. Tadā ca Bhagavā evamakāsi, tasmā bhikkhū nānubandhimsūti.

Parivesanā vattatīti tesam suvaṇṇabhājanādīni gahetvā nisinnānaṃ pañcasatānaṃ kassakānaṃ parivisanā vippakatā hoti. **Ekamantaṃ aṭṭhāsīti** yattha ṭhitāṃ brāhmaṇo passati, tathārūpe dassanūpacāre kathāsavanaphāsuke uccaṭṭhāne aṭṭhāsī. Thatvā ca³ rajatasuvaṇṇarasapiṇjaraṃ candimasūriyānaṃ pabhaṃ atirocamānaṃ samantato sarīrapabhaṃ muñci, yāya ajjhotthaṭatthā brāhmaṇassa kammantasālābhittirukkhakasitamattikapīṇḍādayo suvaṇṇamayā viya ahesuṃ. Atha manussā bhuñjantā ca kasantā ca sabbakiccāni pahāya asīti-anubyañjanaparivāraṃ dvattimsamahāpurisalakkhaṇapaṭimaṇḍitaṃ sarīraṃ byāmapabhāparikkhepavibhūsitāṃ bāhuyugalaṃ jaṅgamaṃ viya⁴ padumasaraṃ, rasmijālasamujjalitatārāgaṇamiva gagaṇatalaṃ, vijjulātāvinaddhamiva ca kanakasikharaṃ⁵ siriyā jalamānaṃ Sammāsambuddhaṃ ekamantaṃ ṭhitāṃ disvā hatthapāde dhovitvā añjalim paggayha samparivāretvā aṭṭhaṃsu. Evaṃ tehi samparivāritaṃ addasā kho Kasibbāradvājo brāhmaṇo Bhagavantaṃ piṇḍāya ṭhitāṃ, disvāna Bhagavantaṃ etadavoca **ahaṃ kho samaṇa kasāmi ca vapāmi cāti**.

Kasmā panāyaṃ evamāha, kiṃ samantapāsādike pasādanīye uttamadamathasamathanuppattepi Tathāgate appasādena, udāhu aḍḍhatiyānaṃ janasaḥassānaṃ pāyāsaṃ paṭiyādetvāpi kaṭacchubhikkhāya maccherenāti? Ubhayathāpi no, Bhagavato panassa dassanena atittāṃ nikkhattakammantaṃ janaṃ disvā “kammabhaṅgaṃ me kātuṃ āgato”ti anattamanatā ahosi,

1. Bhikkhācāavelāya (Syā)

2. Ekam (Syā)

3. Gantvā (Syā)

4. Sassiṅgataradassanaṃ jaṅgamamiva (Sī)

5. Kanakagirisikharaṃ (Sī), pavarakanakasikharaṃ (Syā)

tasmā evamāha. Bhagavato ca lakkhaṇasampattiṃ disvā “sacāyaṃ kammante appayojayissa, sakalajambudīpe manussānaṃ sīse cūḷāmaṇi viya abhavissa, ko nāmassa attho na sampajjissati, evamevaṃ alasaṭāya kammante appayojetvā vappamaṅgalādīsu piṇḍāya caratī”tipissa anattamanatā ahosi. Tenāha “ahaṃ kho samaṇa kasāmi ca vapāmi ca, kasitvā ca vapiṭvā ca bhuñjāmi”ti.

Ayaṃ kirassa adhippāyo—mayhampi tāva kammantā na byāpajjanti, na camhi yathā tvaṃ evaṃ lakkhaṇasampanno, tvampi kasitvā ca vapiṭvā ca bhuñjassu, ko te attho na sampajjeyya evaṃ lakkhaṇasampannassāti. Apicāyaṃ assosi “Sakyarājakule kira kumāro uppanno, so cakkavattirajjaṃ pahāya pabbajito”ti. Tasmā idāni “ayaṃ so”ti ñatvā “Cakkavattirajjaṃ pahāya kilantosī”ti upārambhaṃ āropento evamāha. Apica tikkhapañño esa brāhmaṇo, na Bhagavantaṃ apasādentō bhaṇati, Bhagavato pana rūpasampattiṃ disvā puññasampattiṃ sambhāvayamāno kathāpavattanatthampi evamāha. Atha Bhagavā veneyyavasena sadevake loke aggakassakavappakabhāvaṃ attano dassento **ahampi kho brāhmaṇāti-ādimāha**.

Atha brāhmaṇo cintesi—“ayaṃ samaṇo ‘ahampi kasāmi ca vapāmi cā’ti bhaṇati, na cassa oḷārikāni yuganaṅgalādīni kasibhaṇḍāni passāmi, kiṃ nu kho musā bhaṇatī”ti Bhagavantaṃ pādatalato paṭṭhāya yāva kesaggā¹ olokayamāno āngavijjāya katādhikārattā dvattiṃsavaralakkhaṇasampattimassa ñatvā “aṭṭhānametaṃ, yaṃ evarūpo musā bhaṇeyyā”ti sañjātabahumāno Bhagavati samaṇavādaṃ pahāya gottena Bhagavantaṃ samudācaramāno **na kho pana mayaṃ passāma bhoto Gotamassāti-ādimāha**. Bhagavā pana yasmā pubbadhammasabhāgatāya kathanāṃ nāma Buddhānaṃ ānubhāvo, tasmā Buddhānubhāvaṃ dīpento **saddhā bījanti-ādimāha**.

Kā panettha pubbadhammasabhāgatā, nanu brāhmaṇena Bhagavā naṅgalādikasisambhārasamāyogaṃ puṭṭho apucchitassa² bījassa sabhāgatāya āha “saddhā bījan”ti, evañca satī kathāpi ananusandhikā hoti. Na hi Buddhānaṃ

1. Kesantā (Syā)

2. Atha ca pana apucchitassa (Sī)

anānūsandhikakathā nāma atthi, napi pubbadhammassa asabhāgatāya kathenti¹. Evaṃ panettha anusandhi veditabbā—brāhmaṇena hi Bhagavā yuganaṅgalādikasisambhāravasena kasim̐ pucchito, so tassa anukampāya “idaṃ apucchitaṃ”ti aparihāpetvā samulaṃ sa-upakāraṃ sasambhāraṃ saphalaṃ kasim̐ paññāpetuṃ mūlato paṭṭhāya dassento “saddhā bījan”ti-ādimāha. Tattha bījaṃ kasiyā mūlaṃ tasmim̐ sati kattabbato, asati akattabbato, tappamāṇena ca kattabbato. Bīje hi sati kasim̐ karonti, na asati. Bījappamāṇena ca kusalā kassakā khettaṃ kasanti, na ūnaṃ “mā no sassaṃ parihāyī”ti, na adhikaṃ “mā no mogho vāyāmo ahoṣī”ti. Yasmā ca bījameva mūlaṃ, tasmā Bhagavā mūlato paṭṭhāya kasisambhāraṃ dassento tassa brāhmaṇassa kasiyā pubbadhammassa bījassa sabhāgatāya attano kasiyā pubbadhammaṃ dassento āha “saddhā bījan”ti. Evamettha pubbadhammasabhāgatāpi veditabbā.

Pucchitaṃyeva vatvā apucchitaṃ pacchā kiṃ na vuttanti ce? Tassa upakārabhāvato ca dhammasambandhasamatthabhāvato ca. Ayaṃ hi brāhmaṇo paññavā, micchādiṭṭhikule² pana jātattā saddhārahito, saddhārahito ca paññavā paresaṃ saddhāya attano avisaye apaṭipajjamāno visesaṃ nādhigacchati, kilesakāḷussiyaparāmaṭṭhāpi³ cassa dubbalā saddhā balavatiyā paññāya sahasā vattamānā atthasiddhiṃ na karoti hatthinā saddhiṃ ekadhure yutto goṇo viya. Itissa saddhā upakārikāti taṃ brāhmaṇaṃ saddhāya patiṭṭhāpentena pacchāpi vattabbo ayamatto desanākusalatāya pubbe vutto. Bījassa ca upakārikā vuṭṭhi, sā tadanantaraṃyeva vuccamānā samatthā hoti. Evaṃ dhammasambandhasamatthabhāvato pacchāpi vattabbo ayamatto, añño ca evarūpo isāyottādi pubbe vuttoti veditabbo.

Tattha sampasādalakkhaṇā saddhā, okappanalakkhaṇā vā. **Bījanti** pañcavidhaṃ bījaṃ mūlabījaṃ khandhabījaṃ phalubījaṃ aggabījaṃ bījabījameva pañcamanti. Taṃ sabbampi viruhaṇaṭṭhena bījanteva⁴ saṅkhaṃ gacchati.

1. Kathentīti (?)

2. Aññataramicchādiṭṭhikule (Syā)

3. Kilesakāḷussiyāpagatamattā sampasādamattalakkhaṇāpi (Syā)

4. Bījabījanteveva (Sya)

Tattha yathā brāhmaṇassa kasiyā mūlabhūtaṃ bījaṃ dve kiccāni karoti, heṭṭhā mūlena patiṭṭhāti, upari aṅkuraṃ uṭṭhāpeti, evaṃ Bhagavato kasiyā mūlabhūtā saddhā heṭṭhā sīlamūlena patiṭṭhāti, upari samathavipassanaṅkuraṃ uṭṭhāpeti. Yathā ca taṃ mūlena pathavirasam āporasam gahetvā nālena dhaññaparipākagahaṇattham vaḍḍhati, evamayaṃ sīlamūlena samathavipassanārasam gahetvā ariyamaggaṇālena ariyaphaladhaññaparipākagahaṇattham vaḍḍhati. Yathā ca taṃ subhūmiyaṃ patiṭṭhahitvā mūlaṅkurapaṇṇanāḷakaṇḍapasavehi, vuddhiṃ virūḷiṃ vepullaṃ patvā khīraṃ janetvā anekasāliphalaḷabharitaṃ sālisīsam nipphādeti, evamesā cittasantāne patiṭṭhahitvā chahi visuddhīhi vuddhiṃ virūḷiṃ vepullaṃ patvā nānadassanavisuddhikhīraṃ janetvā anekapaṭisambhidābhiññābharitaṃ¹ arahattaphalaṃ nipphādeti. Tena vuttaṃ “saddhā bījan”ti.

Kasmā pana aññesu paropaññāsāya kusaladhammesu ekato uppajjamānesu saddhāva “bījan”ti vuttāti ce? Bījakiccakaraṇato. Yathā hi tesu viññāṇaṃyeva vijānanakiccaṃ karoti, evaṃ saddhā bījakiccaṃ. Sā ca sabbakusalānaṃ mūlabhūtā. Yathāha “saddhājāto upasaṅkamati, upasaṅkamanto payirupāsati -pa- paññāya ca naṃ ativijjha passatī”ti².

Akusaladhamme ceva kāyañca tapasīti **tapo**. Indriyaṃvaravīriyadhutaṅgaduḅkarakārikānaṃ etaṃ adhivacanaṃ, idha pana indriyaṃvarado adhippeto. **Vuṭṭhīti** vassavuṭṭhi vātavuṭṭhīti-ādi anekavidhā, idha vassavuṭṭhi adhippetā. Yathā hi brāhmaṇassa vassavuṭṭhisamanuggahitaṃ bījaṃ bījamūlakañca sassaṃ viruhati na milāyati nipphattiṃ gacchati, evaṃ Bhagavato indriyaṃvarasamanuggahitā saddhā, saddhāmūlā ca sīlādayo dhammā viruhanti na milāyanti nipphattiṃ gacchanti. Tenāha “tapo vuṭṭhī”ti.

Paññā meti ettha vutto me-saddo purimaḷadesupi yojetabbo “saddhā me bījaṃ, tapo me vuṭṭhī”ti. Tena kiṃ dīpeti? Yathā brāhmaṇa tayā vapite khette sace vuṭṭhi atthi, iccetaṃ kusalaṃ. No ce atthi, udakampi tāva dātappaṃ hoti. Tathā mayā hiri-īse paññāyuganaṅgale manoyottena ekābaddhe kate vīriyabalībadde yojetvā satipācanaṃ vijjhivā attano cittasantānakhettamhi saddhābīje

1. Anekapaṭisambhidāñābharitaṃ (Syā)

2. Ma 2. 145, 385 piṭṭhesu.

vapite vuṭṭhiyā abhāvo nāma natthi, ayaṃ pana me niccakālaṃ
indriyasamvaratapo vuṭṭhīti.

Paññāti kāmāvacarādibhedato anekavidhā, idha pana saha vipassanāya
maggapaññā adhippetā. **Yuganaṅgalanti** yugañca naṅgalañca yuganaṅgalaṃ.
Yathā hi brāhmaṇassa yuganaṅgalaṃ, evaṃ Bhagavato duvidhāpi vipassanā
paññā ca. Tattha yathā yugaṃ īsāya upanissāyaṃ hoti, purato¹ ca
īsābaddhaṃ hoti, yottānaṃ nissayaṃ hoti, balībaddhānaṃ ekato gamaṇaṃ
dhāreti², evaṃ paññā hirippamukhānaṃ dhammānaṃ upanissayā hoti.
Yathāha “paññuttarā sabbe kusalā dhammā”ti³ ca, “paññā hi seṭṭhā kusalā
vadanti, nakkhattarājāriya tārakānaṃ”ti⁴ ca. Kusalaṇaṃ dhammānaṃ
pubbaṅgamaṭṭhena purato ca hoti. Yathāha “sīlaṃ sirī cāpi⁵ satañca
dhammo, anvāyikā paññavato bhavanti”ti⁴. Hirivippayogena anuppattito
pana īsābaddhā hoti. Manosaṅkhātassa samādhiyottassa nissayapaccayato
yottānaṃ nissayā hoti. Accāraddhātīlīnabhāvapaṭisedhanato
vīriyabalībaddhānaṃ ekato gamaṇaṃ dhāreti, yathā ca naṅgalaṃ phālayuttam
kasanakāle pathavighanaṃ bhindati, mūlasantānakāni padāleti, evaṃ
satiyuttā paññā vipassanākāle dhammānaṃ
santatisamūhakkiccārammaṇaṅghanaṃ bhindati, sabbakilesamūlasantānakāni
padāleti. Sā ca kho lokuttarāva, itarā pana lokikāpi siyā. Tenāha “paññā me
yuganaṅgalaṃ”ti.

Hirīyati pāpakehi dhammehīti **hirī**. Taggahaṇena tāya avippayuttam
ottappampi gahitameva hoti. **Īsāti** yuganaṅgalasandhārikā rukkhalatṭhi.
Yathā hi brāhmaṇassa īsā yuganaṅgalaṃ dhāreti, evaṃ Bhagavatopi hirī
lokiyalokuttarapaññāsaṅkhātā yuganaṅgalaṃ dhāreti hiri-abhāve paññāya
abhāvato. Yathā ca īsāpaṭibaddhayuganaṅgalaṃ kiccakaraṃ hoti acalaṃ
asithilaṃ, evaṃ hiripaṭibaddhā ca paññā kiccakārī hoti acalā asithilā
abbokiṇṇā ahirikena. Tenāha “hirī īsā”ti. Munātīti mano, cittassetam nāmaṃ
. Idha pana manosīsenā taṃsampayutto samādhi adhippeto. **Yottanti**
rajjubandhanaṃ. Tam tividhaṃ īsāya saha

1. Dhurato (Ka)

2. Vāreti (Ka)

3. Am 3. 153, 341 piṭṭhesu.

4. Khu 6. 10 piṭṭhe Jātake.

5. Sīlaṃ hiriñcāpi (Sī)

yugassa bandhanam, yugena saha balibaddanam bandhanam, sarathina saha balibaddanam ekabandhananti. Tattha yathā brāhmaṇassa yottam isāyugabalibadde ekabaddhe katvā sakacicce paṭipādeti, evam Bhagavato samādhi sabbeva te hiripaṇṇāvīriyadhamme ekārammaṇe avikkhepasabhāvena bandhitvā sakacicce paṭipādeti. Tenāha “mano yottan”ti.

Cirakatādimattham saratīti **sati**. Phāletīti **phālo**. Pājenti etenāti **pājanam**. Tam ima “pācanan”ti vuttam. Patodassetam nāmam. Phālo ca pācanaṅca phālapācanam. Yathā hi brāhmaṇassa phasapācanam, evam Bhagavato vipassanāsampayuttā maggasampayuttā ca sati. Tattha yathā phālo naṅgalaṃ anurakkhati, purato cassa gacchati, evam sati kusalākusalānam¹ dhammānam gatiyo samanvesamānā ārammaṇe vā upaṭṭhāpayamānā paṇṇānaṅgalaṃ rakkhati. Tenevesā “satārakkhena cetassa viharatī”ti-ādīsu² viya ārakkhāti vuttā. Appamussanavasena cassā purato hoti. Satiparicite hi dhamme paṇṇā pajānāti, no pamuṭṭhe. Yathā ca pācanam balibaddanam vijjhanabhayaṃ dassentam saṃsīditum na deti, uppathagamanam vāreti, evam sati vīriyabalibaddanam apāyabhayaṃ dassentī kosajjasamsīdanam na deti, kāmaguṇasaṅkhāte agocare cāram nivāretvā kammaṭṭhāne niyojenti uppathagamanam vāreti. Tenāha “sati me phālapācanan”ti.

Kāyaguttoti tividhena kāyasucaritena gutto. **Vacīguttoti** catubbidhena vacīsucaritena gutto. Ettāvata pātīmokkhasamvarasīlam vuttam. **Āhāre udare yatoti** ettha āhāramukhena sabbapaccayānam gahitathā catubbidhepi paccaye yato saṃyato nirupakkilesoti attho. Iminā ājīvapārisuddhisīlam vuttam. **Udare yatoti** udare yato saṃyato mitabhojī, āhāre mattaṇṇūti vuttam hoti. Iminā bhojane mattaṇṇūtāmukhena paccayapaṭisevanasīlam vuttam. Tena kim dīpeti? Yathā tvaṃ brāhmaṇa bījam vāpitvā³ sassaparipālanattham kaṇṭakavatim vā rukkhavatim vā pākāraparikkhepaṃ vā karosi, tena te gomahimsamigagaṇā pavesam alabhantā sassam na vilumpanti, evamahampi tam saddhābījam vāpitvā nānappakārakusalasassaparipālanattham kāyavacī-āhāraguttimayaṃ tividham parikkhepaṃ

1. Kusalānam (Syā)

2. Am 3. 280 piṭṭhe atthato samānam.

3. Ṭhapetvā (Syā)

karomi, tena me rāgādi-akusaladhammagomahiṃsamigagaṇā pavesaṃ alabhantā nānappakāraṃ kusalasassaṃ na vilumpantīti.

Saccaṃ karomi niddānanti ettha dvīhākārehi avisaṃvādanāṃ **saccaṃ**. **Niddānanti** chedanāṃ lunanāṃ uppāṭanaṃ. Karaṇatthe cetam¹ upayogavacanāṃ veditabbaṃ. Ayaṃ hettha attho “saccena karomi niddānaṃ”ti. Kim² vuttaṃ hoti—yathā tvaṃ bāhiraṃ kasiṃ katvā sassadūsakānaṃ tiṇānaṃ hatthena vā asitena vā niddānaṃ karosi, evaṃ ahampi ajjhattikaṃ kasiṃ katvā kusalasassadūsakānaṃ visaṃvādanatiṇānaṃ saccena niddānaṃ karomīti. Yathābhūtaṇāṇaṃ vā ettha **saccanti** veditabbaṃ. Tena attasaññādīnaṃ tiṇānaṃ niddānaṃ karomīti dasseti. Atha vā niddānanti chedakaṃ lāvakaṃ uppāṭakanti attho. Yathā tvaṃ dāsaṃ vā kammakaraṃ vā niddānaṃ karosi, “niddehi tiṇāni”ti tiṇānaṃ chedakaṃ lāvakaṃ uppāṭakaṃ karosi, evamahaṃ saccaṃ karomīti dsseti, atha vā saccanti diṭṭhisaccaṃ. Tamahaṃ niddānaṃ karomi, chinditabbaṃ lunitabbaṃ uppāṭetabbaṃ karomīti. Iti imesu dvīsu vikappesu upayogenevattho yujjati.

Soraccaṃ me pamocananti ettha yaṃ taṃ “kāyiko avītikkamo vācasiko avītikkamo”ti sīlameva “soraccan”ti vuttaṃ, na taṃ adhippetam. “Kāyagutto”ti-ādinā hi taṃ vuttameva. Arahattaphalaṃ pana adhippetam. Taṃ hi sundare nibbāne ratattā “soraccan”ti vuccati. **Pamocananti** yogavissajjanaṃ. Idaṃ vuttaṃ hoti—yathā tava pamocanaṃ punapi sāyanhe vā dutiyadivase vā anāgatasamvacchare vā yojetabbato appamocanameva hoti, na mama evaṃ. Na hi mama antarā mocanaṃ nāma atthi. Ahaṃ hi Dīpaṅkaradasabalakālato paṭṭhāya paññānaṅgale vīriyabalībadde yojetvā kappasatasahassādhikāni cattāri asaṅkhyeyyāni mahākasiṃ kasanto tāva na muñcim, yāva na sammāsambodhiṃ abhisambujjhim. Yadā ca me sabbam taṃ kālaṃ khepetvā bodhimūle aparājitapallaṅke nisinnassa sabbaguṇaparivāraṃ arahattaphalaṃ udapādi, tadā mayā³ taṃ sabbussukkapaṭippassaddhiyā pamuttaṃ, na dāni puna yojetabbaṃ bhavissatīti. Etamatthaṃ sandhāyāha “soraccaṃ me pamocanan”ti.

1. Karaṇavacane cetam (Syā)

2. Idaṃ (Syā)

3. Mayham (Ka)

Vīriyaṃ me dhuradhorayhanti ettha **vīriyanti** kāyikacetasiko vīriyārambho. **Dhuradhorayhanti** dhurāyaṃ dhorayhaṃ, dhurāvahanti attho. Yathā hi brāhmaṇassa dhurāyaṃ dhorayhākaḍḍhitaṃ naṅgalaṃ bhūmigghanaṃ bhindati, mūlasantānakāni ca padāleti, evaṃ Bhagavato vīriyākaḍḍhitaṃ paññānaṅgalaṃ yathāvuttaṃ ghaṇaṃ bhindati, kilesasantānakāni ca padāleti. Tenāha “vīriyaṃ me dhuradhorayyan”ti. Atha vā purimadhurāvahattā dhurā, mūladhurāvahattā dhorayhā, dhurā ca dhorayhā ca dhuradhorayhā. Iti yathā brāhmaṇassa ekekasmim naṅgale catubalībaddapabhedāṃ dhuradhorayhaṃ vahantaṃ uppannuppannaṃ tiṇamūlaghātāñceva sassasampattiñca sādheti, evaṃ Bhagavato catusammappadhānavīriyabhedāṃ dhuradhorayhaṃ vahantaṃ uppannuppannaṃ akusalaghātāñceva kusalasampattiñca sādheti. Tenāha “vīriyaṃ me dhuradhorayhan”ti.

Yogakkhemādhivāhananti ettha yogehi khemattā nibbānaṃ yogakkhemāṃ nāma, taṃ adhikicca vāhīyati, abhimukhaṃ vā vāhīyatīti adhvāhanaṃ, yogakkhemassa adhvāhanaṃ yogakkhemādhivāhananti. Idaṃ vuttaṃ hoti—yathā tava dhuradhorayhaṃ puratthimādīsu aññataradisābhimukhaṃ vāhīyati, tathā mama dhuradhorayhaṃ nibbānābhimukhaṃ vāhīyatīti. Evaṃ vāhīyamānaṃva **gacchati anivattantaṃ**. Yathā tava naṅgalaṃ vahantaṃ dhuradhorayhaṃ khettaḷoṭṭim patvā puna nivattati, evaṃ anivattantaṃ dīpaṅkarakālato na paṭṭhāya gacchateva. Yasmā vā tena tena maggena pahīnā kilesā na punappunaṃ pahātabbā honti, yathā tava naṅgalena chinnāni tiṇāni puna aparasmim samaye chinditabbāni honti, tasmāpi evaṃ paṭṭhamamaggavasena ditṭhekaṭṭhe kilese, dutiyavasena oḷārike, tatiyavasena aṇusahagate, catutthavasena sabbakilese pajahantaṃ gacchati anivattantaṃ. Atha vā **gacchati anivattanti** nivattanarahitaṃ hutvā gacchatīti attho. **Tanti** taṃ dhuradhorayhaṃ. Evamettha attho veditabbo. Evaṃ gacchantañca yathā tava dhuradhorayhaṃ na taṃ ṭhānaṃ gacchati, yattha gantvā kassako asoko virajo hutvā na socati. Etaṃ pana taṃ ṭhānaṃ gacchati, **yattha gantvā na socati**. Yattha satipācanaena etaṃ vīriyadhuradhorayhaṃ codento gantvā mādiso¹ kassako asoko virajo hutvā na socati, taṃ sabbasokasallasamugghābhūtaṃ nibbānaṃ nāma asaṅkhataṃ ṭhānaṃ gacchatīti.

1. Tādiso (Ka), yadi so (Sī)

Idāni nigamanam karonto **evamesā kasīti** gāthamāha. Tassāyam saṅkhepattho—assa¹ brāhmaṇa esā saddhābījā tapovuṭṭhiyā anuggahitā kasī paññāmayam yuganaṅgalam hirimayaṅca īsam manomayena yottena ekābaddham katvā paññānaṅgalena² satiphālam ākoṭetvā satipācanaṅgahetvā kāyavacī-āhāraguttiyā gopetvā saccam niddānam katvā soraccapamocanam vīriyadhuraḥorayham yogakkhemābhimukham anivattantam vāhantena kaṭṭhā kasī kamma-pariyosānam catubbidham sāmāññaphalam pāpita³, **sā hoti amatapphalā**, sā esā kasī amatapphalā hoti. Amatam vuccati nibbānam, nibbānānisamsā hotīti attho. Sā kho panesā kasī na mamevekassa amatapphalā hoti, atha kho yo koci khattiyō vā brāhmaṇo vā vesso vā suddo vā gahaṭṭho vā pabbajito vā etaṃ kasim kasati, so sabbopi etaṃ kasitvāna sabbadukkhā pamuccatīti.

Evam Bhagavā brāhmaṇassa arahattanikūṭena nibbānapariyosānam katvā desanam niṭṭhāpesi. Tato brāhmaṇo gambhīrattham desanam sutvā “mama kasiphalam bhuñjitvā punapi divaseyeva chāto hoti, imassa pana kasī amatapphalā, tassa phalam bhuñjitvā sabbadukkhā pamuccatī”ti ñatvā pasanno pasannākāram karonto **bhuñjatu bhavam Gotamoti-ādimāha**. Tam sabbam tato paraṅca vuttatthamevāti. . Paṭhamam.

2. Udayasuttavaṇṇanā

198. Dutiye **odanena pūresīti** attano atthāya sampāditena sūpabyañjanena odanena pūretvā adāsi. Bhagavā kira paccūsasamaye lokam olokontova tam brāhmaṇam disvā pātova sarīrapaṭijagganam katvā Gandhakuṭim pavisitvā dvāram pidhāya nisinno tassa bhojanam upasamhariyamānam disvā ekakova pattam aṃsakūṭe laggetvā Gandhakuṭito nikkhamma nagaradvāre pattam nīharitvā antonagaram pavisitvā paṭipāṭiyā gacchanto brāhmaṇassa dvārakoṭṭhake aṭṭhāsi. Brāhmaṇo Bhagavantam disvā attano sajjitam bhojanam adāsi. Tam sandhāyetam vuttam. **Dutiyampīti** dutiyadiyasepi. **Tatīyampīti** tatiyadivasepi. Tāni kira tīṇi divasāni

1. Passa (Sī, Syā)

2. Paññānaṅgale (Sī)

3. Vāpitā (Syā, Ka)

nirantaram brāhmaṇassa gharadvāram gacchantassa Bhagavato antarā añño koci uṭṭhāya pattam gahetuṃ samattho nāma nāhosi, mahājano olokontova aṭṭhāsi.

Etadavocāti brāhmaṇo tīṇi divasāni pattam pūretvā dentopi na saddhāya adāsi, “gharadvāram āgantvā ṭhitassa pabbajitassa bhikkhāmattampi adavā bhujjati”ti upārambhabhayena adāsi. Dadanto ca dve divasāni datvā kiñci avatvāva nivatto. Bhagavāpi kiñci avatvāva pakkanto. Tatiyadivase pana adhivāsetuṃ asakkonto etaṃ “pakaṭṭhako”ti-ādivacanam avoca. Bhagavāpi etaṃ vacanam nicchārāpanatthameva yāva tatiyamagamāsi. Tatha **pakaṭṭhakoti** rasagiddho.

Punappunam ceva vapanti bījanti Satthā brāhmaṇassa vacanam sutvā “brāhmaṇa tvam tīṇi divasāni piṇḍapātam datvā osakkasi, punappunam kātabbā nāma lokasmiṃ soḷasa dhammā”ti vatvā te dhamme dassetuṃ imam desanam ārabhi. Tattha **punappunam ceva vapantīti** ekasmiṃ sassavāre vuttam. “Alamettāvata”ti anosakkivā aparāparesupi sassavāresu ca vapantiyeva. **Punappunam vassatīti** na ekadivasam vassivā tiṭṭhati, punappunadivasesupi punappunasamvaccharesupi vassatiyeva, evam janapadā iddhā honti. Etenupāyena sabbattha nayo veditabbo.

Yācakāti imasmim pade Satthā desanākusalatāya attānampi pakkhipitvā dasseti. **Khīranikāti** khīrakārakā¹ godohakā. Na hi te ekavārameva thanam añchanti, punappunam añchantā dhenum duhantīti attho. **Kilamati phandati cāti** ayam satto tena iriyāpathena kilamati ceva phandati ca. **Gabbhanti** soṇasiṅgālādīnampi tiracchānagatānam kucchim. **Sivathikanti** susānam, matam matam sattam tattha punappunam harantīti attho. **Maggañca laddhā apunabbhavāyāti** apunabbhavāya maggo nāma nibbānam, tam labhitvāti attho.

Evam vutteti evam Bhagavatā antaravīthiyam ṭhatvāva soḷasa punappunadhamme² desentena vutte. **Etadavocāti** desanāpariyosāne pasanno

1. Khīrakāraṇā (Sī, Syā)

2. Soḷasavidham punappunadhammam (Sī)

saddham puttadāramittañātivaggena Bhagavato pāde vanditvā etaṃ
“abhikkantaṃ bho”ti-ādivacanaṃ avoca. . Dutiyam.

3. Devahitasuttavaṇṇanā

199. Tatiye **vātehi**ti udaravātehi. Bhagavato kira chabbassāni dukkarakārikaṃ karontassa pasatamuggayūsādīni¹ āhārayato dubbhojanena ceva dukkhaseyyāya ca udaravāto kuppi. Aparabhāge sambodhiṃ patvā paṇītabhojanaṃ bhuñjantassāpi antarantarā so ābādho attānaṃ dassetiyeva. Taṃ sandhāyetaṃ vuttaṃ. **Upaṭṭhāko hoti**ti paṭhamabodhiyaṃ anibaddhupaṭṭhākakāle upaṭṭhāko hoti. Tasmīṃ kira kāle Satthu asītimahātheresu upaṭṭhāko abhūtapubbo nāma natthi. Nāgasamālo Upavāno Sunakkhatto Cundo samaṇuddeso Sāgato bodhi Meghiyoti ime pana Pāḷiyaṃ āgataupaṭṭhākā. Imasmīṃ pana kāle Upavānatthero pātova uṭṭhāya pariveṇasammajjanaṃ dantakaṭṭhadānaṃ nhānodakapariyādanam pattacīvaraṃ gahetvā anugamananti sabbaṃ Bhagavato upaṭṭhānamakāsi. **Upasaṅkamīti** paṭhamabodhiyaṃ kira vīsati vassāni niddhūmam² araṇṇameva hoti, bhikkhusaṃghassa udakatāpanampi na Bhagavatā anuññātaṃ. So ca brāhmaṇo uddhanapāḷiṃ bandhāpetvā mahācāṭiyo³ uddhanamāropetvā uṇhodakaṃ kāretvā nhānīyacuṇṇādīhi saddhiṃ taṃ vikkiṇanto jīvikam kappeti. Nhāyitukāmā tattha gantvā mūlaṃ datvā nhāyitvā gandhe⁴ vilimpitvā mālaṃ piḷandhitvā pakkamanti. Tasmā thero tattha upasaṅkami.

Kim patthayānoti kim icchānto. **Kim esanti** kim gavesanto. **Pūjito pūjaneyyānanti** idaṃ thero Dasabasassa vaṇṇaṃ kathetumārabhi. Gilānabhesajjattaṃ gatena kira gilānassa vaṇṇo kathetabboti vattametaṃ. Vaṇṇaṃ hi sutvā manussā sakkaccaṃ bhesajjaṃ dātappaṃ maññanti. Sappāyabhesajjaṃ laddhā gilāno khippameva vuṭṭhāti. Kathentena ca jhānavimokkhasamāpattimaggaphalāni ārabha kathetuṃ na vaṭṭati. “Sīlavā lajjī kukkuccako bahussuto āgamadharo vaṃsānurakkhako”ti evaṃ pana āgamanīyapaṭipadamīyeva kathetuṃ vaṭṭati. **Pūjaneyyānanti** asītimahātherā sadevakena

1. Pasatapasataṃ muggayūsādīni (Syā)

3. Mahāpāṭiyo (Syā)

2. Nibaddam (Sī)

4. Gandhehi (Syā)

lokena pūjetabbāti pūjaneyyā. Teyeva sakkātabbāti **sakkareyyā**. Tesāmyeva apaciti kātabbāti **apaceyyā**. Bhagavā tesam pūjito sakkato apacito ca, iccassa taṃ guṇaṃ pakāseṇo therō evamāha. **Hātaveti** haritum.

Phāṇitassa ca puṭanti mahantaṃ nicchārikaṃ guḷapiṇḍaṃ. So kira “kiṃ samaṇassa Gotamassa aphāsukaṃ”ti pucchitvā “udaravāto”ti sutvā “tena hi mayamettha bhesajjaṃ jānāma, ito thokena ukakena udakena idaṃ phāṇitaṃ āloḷetvā nhānapariyosāne pātuṃ detha, iti uṇhodakena bahi parisedo¹ bhavissati, iminā antoti evaṃ samaṇassa Gotamassa phāsukaṃ bhavissati”ti vatvā therassa patte pakkhipitvā adāsi.

Upasaṅkamīti tasmim kira ābādhe paṭippassaddhe “devahitena Tathāgatassa bhesajjaṃ dinnam, teneva rogo vūpasanto, aho dānaṃ paramadānaṃ brāhmaṇassā”ti kathā vitthārikā jātā. Taṃ sutvā kittikāmo brāhmaṇo “ettakenapi tāva me ayaṃ kittisaddo abbhuggato”ti somanassajāto attanā katabhāvaṃ jānāpetukāmo tāvatakeneva² dasabale vissāsaṃ āpajjitvā upasaṅkami.

Dajjāti dadeyya. **Kathaṃ hi yajamānassāti** kena kāraṇena yajantassa. **Ijjhatīti** samijjhati mahapphalo hoti. **Yovedīti** yo avedi aññāsi, viditaṃ pākaṭamakāsi “yoveti”tipi pāṭho, yo aveti jānātīti attho. **Passatīti** dībbacakkhunā passati. **Jātikkhayanti** arahattaṃ. **Abhiññāvositoti** jānitvā vosito vosānaṃ katakiccataṃ patto. **Evaṃ hi yajamānassāti** iminā khīṇāsava yajanākārena yajantassa. . Tatiyaṃ.

4. Mahāsālasuttavaṇṇanā

200. Catutthe **lūkho lūkhapāvuraṇoti**³ jiṇṇo jiṇṇapāvuraṇo⁴.

Upasaṅkamīti kasmā upasaṅkami? Tassa kira ghare aṭṭhasatasahassadhaṇaṃ ahoṣi. So catunnaṃ puttānaṃ āvāhaṃ katvā cattāri satasahassāni

1. Sarīrasedo (Ka)

2. Tāvadeva (Syā)

3. Lūkhapāvuraṇoti (Sī, Syā)

4. Jiṇṇapāvuraṇo (Sī, Syā)

adāsi. Athassa brāhmaṇiyā kālaṅkatāya puttā sammantayim̐su “sace aññaṃ brāhmaṇim̐ ānessati, tassā kucchiyaṃ nibbattavasena kulaṃ bhijjissati. Handa naṃ mayaṃ saṅgaṇhāmā”ti. Te cattāropi paṇitehi ghāsacchādanādīhi upaṭṭhahantā hatthapādasambādīni karontā saṅgaṇhitvā ekadivasam̐ divā niddāyitvā vuṭṭhitassa hatthapāde sambāhamānā pāṭiyekkam̐ gharāvāse ādīnavaṃ vatvā “mayaṃ tumhe iminā nīhārena yāvajīvaṃ upaṭṭhahissāma, sesadhanampi no dethā”ti yācimsu. Brāhmaṇo puna ekekassa satasahassam̐ satasahassam̐ datvā attano nivatthapārūpanamattam̐ ṭhapetvā sabbam̐ upabhogaparibhogam̐ cattāro koṭṭhāse katvā niyyādesi. Tam̐ jeṭṭhaputto katipāham̐ upaṭṭhahi.

Atha naṃ ekadivasam̐ nhatvā āgacchantam̐ dvārakoṭṭhake ṭhatvā suṇhā evamāha “kim̐ tayā jeṭṭhaputtassa satam̐ vā sahassam̐ vā atirekam̐ dinnamatthi, nanu sabbesam̐ dve dve satasahassāni dinnāni, kim̐ sesaputtānam̐ gharassa maggam̐ na jānāsī”ti. So “nassa¹ vasalī”ti kujjhitvā aññaṃsa gharam̐ agamāsi, tatopi katipāhaccayena imināva upāyena palāpito aññaṃsati evam̐ ekagharepi pavesanam̐ alabhamāno paṇḍaraṅgapabbajjam̐ pabbajitvā bhikkhāya caranto kālānamaccayena jarājīṇṇo dubbhojanadukkhaseyyāhi milātasarīro bhikkhācārato² āgamma pīṭhakāya nipanno niddam̐ okkamitvā vuṭṭhāya nisinno attānam̐ oloketvā puttesu paṭiṭṭham̐ apassanto cintesi “samaṇo kira Gotamo abbhākuṭiko uttānamukho sukhasambhāso paṭisanthārakusalo, sakkā samaṇam̐ Gotamam̐ upasaṅkamitvā paṭisanthāram̐ labhitun”ti nivāsanapāvuraṇam̐³ saṅṭhapetvā bhikkhābhājanamādāya yena Bhagavā tenupasaṅkami.

Dārehi saṃpuccha gharā nikkhāmentīti sabbam̐ mama santakam̐ gahetvā mayham̐ niddhanabhāvaṃ ñatvā attano bhariyāhi saddhim̐ mantayitvā maṃ gharā nikkāḍḍhāpentī.

Nandissanti nandijāto tuṭṭho pamudito ahoṣim̐. **Bhavamicchisanti** vuḍḍhim̐ patthayim̐. **Sāva vārenti sūkaranti** yathā sunakhā vaggavaggā hutvā

1. Vinassa (Syā)

2. Bhikkhāya caranto (Sī, Ka)

3. Nivāsanapārūpanam̐ (Sī, Syā)

bhussantā bhussantā¹ sūkaraṃ vārenti, punappunaṃ mahāraṃ ravāpentī, evaṃ dārehi saddhiṃ maṃ bahuṃ vatvā viravantaṃ palāpentī² attho.

Asantāti asappurisā. **Jammā**ti lāmakā. **Bhāsare**ti bhāsanti. **Puttarūpenā**ti puttevesena. **Vayogatanti** tayo vaye gataṃ atikkantaṃ pacchimavaye ʃhitaṃ maṃ. **Jahantī**ti pariccajanti.

Nibbhogoti nipparibhogo. **Khādanā apanīyatī**ti asso hi yāvadeva taruṇo hoti jivasampanno, tāvassa nānārasaṃ khādanaṃ dadanti, jiṇṇaṃ nibbhogaṃ tato apanenti antimavaye taṃ vattaṃ³ na labhati, gāvīhi saddhiṃ aṭaviyaṃ sukkhatiṇāni khādanto carati⁴. Yathā so asso, eva jiṇṇakāle viluttasabbadhanattā nibbhogo mādisopi bālakānaṃ pitā thero paragaresu bhikkhati.

Yañceti nipāto. Idaṃ vuttaṃ hoti—ye mama puttā anassavā appatissā avasavattino, tehi daṇḍova kira seyyo sundarataroti. Idānissa seyyabhāvaṃ dassetuṃ **caṇḍampī goṇanti**-ādi vuttaṃ.

Pure hotīti aggato hoti, taṃ purato katvā gantuṃ sukhaṃ hotīti attho. **Gādhamedhatī**ti udakaṃ otaraṇakāle gambhīre udake patiṭṭhaṃ labhati.

Pariyāpunitvāti uggaṇhitvā vācugatā katvā. **Sannisinnesū**ti tathārūpe brāhmaṇānaṃ samāgamadivase sabbālaṅkārapaṭimaṇḍitesu puttesu taṃ sabhaṃ ogāhetvā brāhmaṇānaṃ majjhe mahārahe āsane nisinnesu. **Abhāsī**ti “ayaṃ me kālo”ti sabhāya majjhe pavisitvā hatthaṃ ukkhipitvā “bho ahaṃ tumhākaṃ gāthā bhāsītukāmo, bhāsīte⁵ suṇissathā”tivatvā “bhāsa⁶ brāhmaṇa suṇomā”ti vutto ʃhitakova abhāsi. Tena ca samayena manussānaṃ vattaṃ hoti “yo mātāpitūnaṃ santakaṃ khādanto mātāpitāro na poseti, so māretabbo”ti. Tasmā te brāhmaṇaputtā pitupādesu nipatitvā “jivitaṃ no tāta dehī”ti yācīmsu. So pituhadayassa puttānaṃ muduttā “mā me bho bālake vināsayittha, posissanti maṃ”ti āha.

1. Bhassantā bhassantā (Ka)

3. Vuttim (Sī)

5. Bhāsāmi vo (Syā)

2. Palāpesunti (Sī, Ka)

4. Sukkhatiṇāni khādanti (Ka)

6. Bhāsa bhāsa (Syā)

Athassa putte manussā āhaṃsu “sace bho ajja paṭṭhāya pitaraṃ na sammā paṭijaggissatha, ghātesāma vo”ti. Te bhītā gharaṃ netvā paṭijaggimsu. Taṃ dassetuṃ **atha kho naṃ brāhmaṇamahāsālanti**-ādi vuttaṃ. Tattha **netvā**ti pīṭhe¹ nisīdāpetvā sayāṃ ukkhipitvā nayimsu. **Nhāpetvā**ti sarīraṃ telena abbhañjitvā ubbaṭṭetvā gandhacunṇādīhi nhāpesuṃ. Brāhmaṇiyopi pakkosāpetvā “ajja paṭṭhāya amhākaṃ pitaraṃ sammā paṭijaggatha, sace pamādaṃ āpajjissatha, gharato vo nikkadḍhissāmā”ti vatvā paṇītabhojanaṃ² bhojesuṃ.

Brāhmaṇo subhojanañca sukhaseyyaṃca āgamma katipāhaccayena³ sañjātabalo pīṇitindriyo attabhāvaṃ oloketvā “ayaṃ me sampatti samaṇaṃ Gotamaṃ nissāya laddhā”ti paṇṇākāraṃ ādāya Bhagavato santikaṃ agamāsi. Taṃ dassetuṃ **atha kho soti**-ādi vuttaṃ. Tattha **etadavocā**ti dussayugaṃ pādāmūle ṭhapetvā etaṃ avoca. Saraṇagamanāvasāne cāpi Bhagavantaṃ evamāha “bho Gotama mayhaṃ puttehi cattāri dhurabhattāni dinnāni, tato ahaṃ dve tumhākaṃ dammi, dve sayāṃ paribhuñjissāmi”ti. Kalyāṇaṃ brāhmaṇa, pāṭiyekkaṃ pana mā niyyādehi, amhākaṃ ruccanaṭṭhānameva gamissāmāti. “Evaṃ bho”ti kho brāhmaṇo Bhagavantaṃ vanditvā gharaṃ gantvā putte āmantesi “tātā samaṇo Gotamo mayhaṃ sahāyo, tassa dve dhurabhattāni dinnāni, tumhe tasmim sampatte mā pamajjathā”ti. Sādhu tātāti. Punadivase Bhagavā pubbaṇhasamaye pattacīvaraṃ ādāya jeṭṭhaputtassa nivesanadvāraṃ gato. So Satthāraṃ disvāva hatthato pattaṃ gahetvā gharaṃ pavesetvā mahārahe pallaṅke nisīdāpetvā paṇītabhojanamadāsi. Satthā punadivase itarassa, punadivase itarassāti paṭipāṭiyā sabbesaṃ gharāni agamāsi. Sabbe tatheva sakkāraṃ akāmsu.

Athekadivasāṃ jeṭṭhaputtassa ghare maṅgalaṃ paccupaṭṭhitaṃ. So pitaraṃ āha “tāta kassa maṅgalaṃ demā”ti. Amhe aññaṃ na jānāma, nanu samaṇo Gotamo mayhaṃ sahāyoti. Tena hi tumhe pañcahi bhikkhusatehi saddhim svātanāya samaṇaṃ Gotamaṃ nimantethāti. Brāhmaṇo tatthā

1. Pīṭhe āsane (Si)

2. Paṇītabhojanchi (Ka)

3. Katipāhamyeva (Syā), katipāhasseva (Ka)

akāsi. Bhagavā adhivāsetvā punadivase bhikkhusaṃghaparivuto tassa gehadvāraṃ agamāsi. So haritupalittam sabbālaṅkārapaṭimaṇḍitam geham Sathhāraṃ pavesetvā Buddhappamukham bhikkhusaṃgham paññattāsanesu nisīdāpetvā appodakapāyāsañceva khajjakavikatiñca adāsi.

Antarabhattasmim yeva brāhmaṇassa cattāropi puttā Satthu santike nisīditvā āhamsu “bho Gotama mayam amhākaṃ pitaram paṭijaggāma nappamajjāma, passathassa attabhāvan”ti. Sathhā “kalyāṇam vo kataṃ, mātāpituposakaṃ nāma porāṇakapaṇḍitānaṃ āciṇṇamevā”ti vatvā Mahānāgajātakam¹ nāma kathetvā cattāri saccāni dīpetvā dhammam desesi. Desanāpariyosāne brāhmaṇo saddhim catūhi ca puttehi catūhi ca suṇhāhi desanānusārena ñāṇam pesetvā sotāpattiphale paṭiṭṭhito. Tato paṭṭhāya Sathhā na sabbakālaṃ tesam geham agamāsīti. . Catuttham.

5. Mānatthaddhasuttavaṇṇanā

201. Pañcame **mānatthaddhoti** vātabharitabhastā viya mānena thaddho. **Ācariyanti** sippuggahaṇakāle ācariyo anabhivādentassa sippam na deti, aññasmim pana kāle tam na abhivādeti, atthībhāvampissa na jānāti. **Nāyam samaṇoti** evam kirassa ahosi “yasmā ayam samaṇo mādise jātisampannabrāhmaṇe sampatte paṭisanthāramattampi na karoti, tasmā na kiñci jānāti”ti.

Abbhutavittajātati abhūtapubbāya² tuṭṭhiyā samannāgatā. **Kesu cassāti** kesu bhaveyya. **Kyassāti** ke assa puggalassa. **Apacitā assūti** apacitim dassetum yuttā bhaveyyum. **Arahanteti** imāya gāthāya desanākusallattā attānaṃ antokatvā pūjaneyyam dasseti. . Pañcamam.

6. Paccanīkasuttavaṇṇanā

202. Chaṭṭhe “sabbam setan”ti vutte “sabbam kaṇhan”ti-ādinā nayena paccanīkam karontassevassa sātāṃ sukhāṃ hotīti **paccanīkasāto**.

1. Khu 5. 226; Khu 4. 399 piṭṭhesu.

2. Abhūtapubbāya bhūtāya (Sī, Syā)

Yo ca vineyya sārāmbhanti yo karaṇuttariyalakkhaṇaṃ sārāmbhaṃ vinetvā suṇātīti attho. . Chaṭṭhaṃ.

7. Navakammikasuttavaṇṇanā

203. Sattame **Navakammikabhāradvājoti** so kira araṇṇe rukkhaṃ chindāpetvā tattheva pāsādakūṭāgārādīni yojetvā nagaraṃ āharitvā vikkiṇāti, itī navakammaṃ nissāya jīvātīti navakammiko, gottena Bhāradvājoti **Navakammikabhāradvājo**. **Disvānassa etadagosīti** chabbaṇṇarasmiyo vissajjetvā nisinnaṃ Bhagavantaṃ disvāna assa etaṃ ahosi. **Vanasminti** imasmiṃ vanasaṇḍe. **Ucchinnamūlaṃ me vananti** mayhaṃ kilesavanaṃ ucchinnamūlaṃ. **Nibbanathoti** nikkilesavano. **Eko rameti** ekako abhiraṃmāmi. **Aratim vippahāyāti** pantasenāsanesu ceva bhāvanāya ca ukkaṇṭhitāṃ jahitvā. . Sattamaṃ.

8. Kaṭṭhahārasuttavaṇṇanā

204. Aṭṭhame **antevāsikāti** veyyāvaccam katvā sippuggaṇhanakā dhammantevāsikā. **Nisinnanti** chabbaṇṇarasmiyo vissajjetvā nisinnaṃ. **Gambhīrarūpeti** gambhīrasabhāve.

Bahubheraveti tatraṭṭhakasaviññānaka-aviññānakabheravehi bahubherave. **Vigāhiyāti** anupavisitvā. **Aniñjamānenāti**-ādīni kāyavisesanāni, evarūpena kāyenāti attho. **Sucārurūpaṃ vatāti** atisundaraṃ vata jhānaṃ jhāyasīti vadati.

Vanavassito munīti vanaṃ avassito Buddhamuni. **Idanti** idaṃ tumhākaṃ evaṃ vane nisinnakāraṇaṃ mayhaṃ accherarūpaṃ paṭibhāti. **Pītimanoti** tuṭṭhacitto. **Vane vaseti** vanamhi vasi.

Maññāmahanti maññāmi ahaṃ. **Lokādhipatisahabyatanti** lokādhipatimahābrahmunā sahabhāvaṃ. **Ākaṅkhamānoti** icchamāno. **Tidivaṃ anuttaranti** idaṃ brahmalokameva sandhāyāha. **Kasmā bhavaṃ vijanamaraṇṇamassitoti** ahaṃ tāva brahmalokaṃ ākaṅkhamānoti maññāmi. Yadi evaṃ na hoti, atha me ācikkha, kasmā bhavanti pucchati. **Brahmapattiyāti**

seṭṭhapattiyā. Idha idaṃ tapo kasmā karosīti aparenapi ākārena pucchati.

Kaṅkhāti taṇhā. **Abhinandanā**ti abhinandanavasena taṇhāva vuttā. **Anekadhātūsū**ti anekasabhāvesu ārammaṇesu. **Puthū**ti nānappakārā taṇhā sesakilesā vā. **Sadāsītā**ti niccakālaṃ avassitā¹. **Aññānamūlappabhavā**ti avijjāmūlā hutvā jātā. **Pajappitā**ti taṇhāva “idampi mayhaṃ, ikampi mayhaṃ”ti pajappāpanavasena pajappitā nāmāti vuttā. **Sabbā mayā byantikātā**ti sabbā taṇhā mayā aggamaggena vigatantā nirantā katā. **Samūlikā**ti saddhim aññānamūlena.

Anūpayoti anupagamano. **Sabbesu dhammesu visuddhadassanoti** iminā sabbaññutaññānaṃ dīpeti. **Sambodhimanuttaranti** arahattaṃ sandhāyāha. **Sivanti** seṭṭham. **Jhāyāmī**ti dvīhi jhānehi jhāyāmi. **Visāradoti** vigatasārajjō. . Aṭṭhamam.

9. Mātuposakasuttavaṇṇanā

205. Navame **peccā**ti ito paṭigantvā. . Navamam.

10. Bhikkhakasuttavaṇṇanā

206. Dasame **idhā**ti imasmim bhikkhubhāve. **Vissam dhammanti** duggandham akusaladhammam. **Bāhitvā**² aggamaggena jahitvā. **Saṅkhāyā**ti ñāṇena. **Save bhikkhūti vuccatī**ti so ve bhinnakilesattā bhikkhu nāma vuccati. . Dasamam.

11. Saṅgāravasuttavaṇṇanā

207. Ekādasame **paccetī**ti icchati pattheti. **Sādhu bhanteti** āyācamāno āha. Therassa kiresa gihisahāyo, tasmā thero “ayaṃ varāko maṃ sahāyaṃ labhitvāpi micchādīṭṭhim gahetvā mā apāyapūraako ahoṣī”ti āyācati. Apicesa mahāparivāro,

1. Vase avassitā (Syā)

2. Vāhetvāti (Syā)

tasmim pasanne pañcakulasatāni¹ anuvattissantīti maññamānopi āyācati.
Atthavasanti atthānisaṃsaṃ atthakāraṇaṃ. **Pāpanti** paṇātipātādi-akusalaṃ.
Pavāhemīti galappamāṇaṃ udakaṃ otarivā pavāhemi palāpemi.
Dhammoti gāthā vuttatthāva. . Ekādasamaṃ.

12. Khomadussasuttavaṇṇanā

208. Dvādasame **khomadussaṃ nāmāti** khomadussānaṃ ussannattā evaṃladdhanāmaṃ. **Sabhāyanti** sālāyaṃ. **Phusāyatīti** phusitāni muñcati vassati. Satthā kira taṃ sabhaṃ upasaṅkamitukāmo “mayi evamevaṃ upasaṅkamante aphāsukadhātukaṃ hoti, ekaṃ kāraṇaṃ paṭicca upasaṅkamissāmi”ti adhiṭṭhānavasena vuṭṭhim uppādesi. **Sabhādhammanti** sukhanisinne kira asaṅcāletvā ekapassena pavisaṇaṃ tesāṃ sabhādhammo nāma, na mahājanaṃ cāletvā ujukameva pavisaṇaṃ. Bhagavā ca ujukameva āgacchati, tena te kupitā Bhagavantaṃ hīlentā “ke ca muṇḍakā samaṇakā, ke ca sabhādhammaṃ jānissantī”ti āhaṃsu. **Santoti** paṇḍitā sappurisā. **Pahāyāti** ete rāgādayo jahitvā rāgādivinayāya dhammaṃ bhaṇanti, tasmā te santo nāmāti. . Dvādasamaṃ.

Upāsakavaggo dutiyo.

Brāhmaṇasaṃyuttavaṇṇanā niṭṭhitā.

1. Pañcakulasatāni ca (Sī), pañcakulasatāni sāsanaṃ (Syā), pañcakulasatānimaṃ (Ka)

8. Vaṅgīsasamyutta

1. Nikkhantasuttavaṅṅaṇā

209. Vaṅgīsasamyuttassa paṭhame **aggālave cetiyeti** Ālavīyaṃ aggacetiye. Anuppanne Buddhhe Aggālava¹ Gotamakādīni yakkhanāgādīnaṃ bhavanāni² cetiyāni ahesuṃ. Uppanne Buddhhe tāni apanetvā manussā vihāre karīmsu. Tesāṃ tāneva nāmāni jātāni. **Nigrodhakappenāti** nigrodharukkhamūlavāsīnā Kappattherena. **Ohiyyakoti** ohīnako. **Vihārapāloti** so kira tadā avassiko hoti pattacīvaraggahaṇe akovido. Atha naṃ therā bhikkhū “āvuso imāni chattupāhanakattarayaṭṭhi-ādīni olokeno nisīdā”ti vihārarakkhakaṃ katvā piṇḍāya pavisiṃsu. Tena vuttaṃ “vihārapālo”ti. **Samalaṅkaritvāti** attano vibhavānurūpena alaṅkārena alaṅkaritvā. **Cittam anuddhamsetīti** kusalacittam viddhamseti vināseti. **Tam kutettha labbhāti** etasmīṃ rāge uppanne tam kāraṇaṃ kuto labbhā. **Yaṃ me paroti** yena me kāraṇena añño puggalo vā dhammo vā anabhiratiṃ vinodetvā idāneva abhiratiṃ uppādeyya, ācariyupajjhāyāpi maṃ vihāre ohāya gatā.

Agārasmāti agārato nikkhantaṃ. **Anagāriyanti** pabbajjāṃ upagatanti attho. **Kaṇhatoti** kaṇhapakkhato mārapakkhato ādhāvanti. **Uggaputtāti** uggatānaṃ puttā mahesakkhā rājaññabhūtā. **Daḷhadhamminoti** daḷadhanuno, uttamappamāṇaṃ ācariyadhanuṃ dhārayamānā. **Sahassaṃ apalāyīnanti** ye te samantā sarehi parikireyyuṃ, tesāṃ apalāyīnaṃ saṅkhaṃ dassento “sahassan”ti āha. **Etato³ bhīyyoti** etasmā sahasā atīrekatarā. **Neva maṃ byādhayissantīti** maṃ cāletuṃ na sakkhissanti. **Dhamme samhi patiṭṭhitanti** anabhiratiṃ vinodetvā abhiratiṃ uppādanasamatthe sake sāsanaḍḍhamme patiṭṭhitaṃ. Idaṃ vuttaṃ hoti—issāsasahasā tāva samantā sarehi parikirante sikkhito puriso daṇḍakaṃ gahetvā sabbe sare sarīre apatamāne antarāva paharivā pādāmūle pāteṭi.

1. Ālavaka (Ka)

2. Bhavanāni anekāni (Syā)

3. Ettato (Sī), ettakā (Syā)

Tattha ekopi issāso dve sare ekato na khipati, imā pana itthiyo rūpārammaṇādivasena pañca pañca sare ekato khipanti. Evaṃ khipantiyo etā sacepi atirekasahassā honti, neva maṃ cāletuṃ sakkhissantīti.

Sakkhī hi me sutam etanti mayā hi sammukhā etaṃ sutam. **Nibbānagamanam magganti** vipassanam sandhāyāha. So hi nibbānassa pubbabhāgamaggo, liṅgavipallāsena na “maggan”ti āha. **Tattha meti** tasmim me attano taruṇavipassanāsankhāte nibbānagamanamagge¹ mano nirato. **Pāpimāti** kilesam ālapati. **Maccūtipi** tameva ālapati. **Na me maggampi dakkhasīti** yathā me bhavayoni-ādīsu gatamaggampi na passasi, tathā karissāmīti. . Paṭhamam.

2. Aratīsuttavaṇṇanā

210. Dutiye **nikkhamatīti** vihārā nikkhamati. **Aparajju vā kāleti** dutiyadivase vā bhikkhācārakāle. Vihāragaruko kiresa thero. **Aratiñca ratiñcāti** sāsane aratiṃ kāmaguṇesu ca ratiṃ. **Sabbaso gahasitañca vitakkanti** pañcakāmaguṇagehanissitam pāpavitakkañca sabbākārena pahāya. **Vanathanti** kilesamahāvanam. **Kuhiñcīti** kismiñci ārammaṇe. **Nibbanathoti** nikkilesavano. **Aratoti** taṇhāratirahito.

Pathaviñca vehāsanti pathaviṭṭhitañca itthipurisavatthālānkārādivaṇṇam, vehāsaṭṭhakañca candasūriyobhāsādi. **Rūpagatanti** rūpameva. **Jagatogadhanti** jagatiyā ogadham, antopathaviyam nāgabhanagatanti attho. **Parijyatīti** pariṭṭirati. **Sabbamaniccanti** sabbam tam aniccam. Ayam therassa mahāvipassanāti vadanti. **Evaṃ tamaccāti** evam samāgantvā. **Caranti mutattāti** viññātattabhāvā viharanti.

Upadhīsūti khandhakilēsābhisañkhāresu. **Gadhītāti** gidhā. **Diṭṭhasuteti** cakkhunā diṭṭhe rūpe, sotena sute sadde. **Paṭighe ca mute cāti** ettha paṭighapadena gandharasā gahitā, mutapadena phoṭṭhabbārammaṇam. **Yo ettha na limpatīti** yo etesu pañcakāmaguṇesu taṇhādiṭṭhilepehi² na limpati.

Atha saṭṭhinissitā savitakkā, puthū janatāya adhammā niviṭṭhāti atha cha-ārammaṇanissitā puthū adhammavitakkā janatāya niviṭṭhāti attho.

1. Nibbānādhigame magge (Sī, Ka)

2. Taṇhādiṭṭhikilesehi (Syā)

Na ca vaggagatassa kuhiñcīti tesam vasena na katthaci kilesavaggagato¹ bhaveyya. **No pana duṭṭhullabhāṇīti** duṭṭhullavacanabhāṇīpi na siyā. **Sa bhikkhūti** so evaṃvidho bhikkhu nāma hoti.

Dabboti dabbajātiko paṇḍito. **Cirarattasamāhitoti** dīgharattaṃ samāhitacitto. **Nipakoti** nepakkena samannāgato pariṇatapaṇṇo. **Apihālūti** nittaṇho. **Santaṃ padanti** nibbānaṃ. **Ajjhagamā munīti** adhigato muni. **Paṭicca parinibbuto kaṅkhati kālanti** nibbānaṃ paṭicca kilesaparinibbānena parinibbuto parinibbānakālaṃ āgameti. . Dutiyam.

3. Pesalasuttavaṇṇanā

211. Tatiye **atimaññatīti** “kiṃ ime mahallakā, na etesaṃ Pāḷi, na Aṭṭhakathā, na padabyañjanamadhuratā, amhākaṃ pana Pāḷipi Aṭṭhakathāpi nayasatena nayasahassena upaṭṭhātī”ti atikkamitvā maññati. **Gotamāti** Gotamabuddhasāvakaṭṭā attānaṃ ālapati. **Mānopathanti** mānārammaṇaṇceva mānasahabhuno ca dhamme. **Vipparisārīhuvāti** vipparisārī ahuvā, ahoṣīti attho. **Maggajinoti** maggena jitakilesa. **Kittiṅca sukhañcāti** vaṇṇabhaṇaṇaṇca kāyikacetasikasukhaṇca. **Akhilodha padhānavāti** akhilo idha padhānavā vīriyasampanno. **Visuddhoti** visuddho bhaveyya. **Asesanti** nissesam navavidham. **Vijjāyantakaroti** vijjāya kilesānaṃ antakaro. **Samitāvīti** rāgādīnaṃ samitatāya samitāvī. . Tatiyam.

4. Ānandasuttavaṇṇanā

212. Catutthe **rāgoti** āyasmā Ānando mahāpuṇṇo sambhāvito, taṃ rājarājamahāmattādayo nimantetvā antonivesane nisīdāpenti. Sabbālankārapaṭimaṇḍitāpi itthiyo theram upasaṅkamitvā vanditvā tālavaṇṇena bījenti², upanisīditvā paṇham pucchanti dhammaṃ suṇanti. Tattha āyasmato Vaṅgīsassa navapabbajitassa ārammaṇaṃ pariggahetuṃ asakkontassa itthirūpārammaṇe rāgo cittaṃ anuddhamseti. So saddhāpabbajitattā³ ujujātiko kulaputto “ayaṃ me rāgo vaḍḍhitvā diṭṭhadhammikasamparāyikaṃ atthaṃ

1. Kilesavaṭṭagato (Syā)

2. Tālavaṇṇena vījenti (Syā)

3. Saddhāya pabbajitattā (Syā)

nāseyyā”ti cintetvā anantaram nisinnova therassa attānaṃ āvikaronto **kāmarāgenāti**-ādimāha.

Tattha **nibbāpananti** rāganibbānakāraṇaṃ. **Vipariyesāti** vipallāsenā. **Subham rāgūpasāñhitanti** rāgaṭṭhāniyaṃ iṭṭhārammaṇaṃ. **Parato passāti** aniccatō passa. **Mā ca attatoti** attato mā passa. **Kāyagatā tyatthūti** kāyagatā te atthu. **Animittaṅca bhāvehīti** niccādīnaṃ nimittānaṃ ugghāṭitattā vipassanā animittā nāma, taṃ bhāvehīti vadati. **Mānābhisamayāti** mānassa dassanābhisamayā ceva pahānābhisamayā ca. **Upasantoti** rāgādisantatāya upasanto. . Catuttham.

5. Subhāsitasuttavaṇṇanā

213. Pañcame **aṅgehīti** kāraṇehi, avayavehi vā. Musāvādāveramaṇi-āḍḍini hi cattāri subhāsitaṅkāyā kāraṇāni, saccavacanādayo cattāro avayavā. Kāraṇatthe ca aṅgasadde¹ “catūhī”ti nissakkavacanaṃ hoti, avayavatthe kāraṇavacanaṃ. **Samannāgatāti** samanu-āgatā pavattā yuttā ca. **Vācāti** samullapanavācā, yā “vācā girā byapatho”ti² ca, “nelā kaṇṇasukhā”ti³ ca āgatā. “Yā pana vācāya ce kataṃ kamman”ti evaṃ viññattica, “yā catūhi vacīduccaritehi ārati -pa-. Ayaṃ vuccati sammāvācā”ti⁴ evaṃ virati ca, “pharusavācā bhikkhave āsevītā bhāvitā bahulīkatā nirayasamvattanikā hoti”ti⁵ evaṃ cetanā ca vācāti āgatā, na sā idha adhippetā. Kasmā? abhāsitaḍḍato. **Subhāsītāti** suṭṭhu bhāsītā. Tenassā atthāvahataṃ dīpeti. **No dubbhāsītāti** na duṭṭhu bhāsītā. Tenassā anattāvahanapahānataṃ dīpeti. **Anavajjāti** rāgādivajjarahitā. Imināssā kāraṇasuddhiṃ catudosābhavaṅca dīpeti. **Ananuvajjāti** anuvādavimuttā. Imināssā sabbākārasampattiṃ dīpeti. **Viññūnanti** paṇḍitānaṃ. Tena nindāpasamsāsu bālā appamāṇāti dīpeti.

1. Aṅgasaddo (Sī)

2. Abhi 1. 168 piṭṭhe.

3. Dī 1. 4 piṭṭhe.

4. Abhi 2. 113 piṭṭhe.

5. Am 3. 78 piṭṭhe.

Subhāsitaṃyeva bhāsatiti puggalādhiṭṭhānāya desanāya catūsu vācaṅgesu aññataraniddosavacanametam¹. **No dubbhāsitanti** tasseva vācaṅgassa paṭipakkhabhāsanānivāraṇam. **No dubbhāsitanti** iminā micchāvācappahānam dīpeti. **Subhāsitanti** iminā pahīnamicchāvācena bhāsitabbavacanalakkhaṇam. Aṅgaparidīparidīpanattham panettha abhāsitabbam pubbe avatvā bhāsitabbamevāha. Esa nayo **dhammaṃyevāti-**ādīsupi. Ettha ca paṭhamena piṣuṇadosarahitam samaggakaraṇam vacanam vuttam, dutiyena samphappalāpadosarahitam dhammato anapetaṃ mantāvacanam², itarehi dvīhi pharusālikarahitāni piyasaccavacanāni. **Imehi khoti-**ādinā tāni aṅgānipaccakkhato dassento tam vācam nigameti. Yañca aññe paṭiññādihi avayavehi, nāmādīhi padehi, liṅgavacanavibhattikālakārasampattīhi ca samannāgataṃ musāvādādivācampi subhāsitanti maññanti, tam paṭisedheti. Avayavādisamannāgatāpi hi tathārūpī vācā dubbhāsītāva hoti attano ca paresañca anattāhāvahattā. Imehi pana catūhaṅgehi samannāgatā sacepi milakkhu³ bhāsāpariyāpanā ghaṭaceṭikāgītikapariyāpanāpi⁴ hoti, tathāpi subhāsītāva lokiyalokuttarahitasukhāvahattā. Tathā hi maggapasse sassam rakkhantiyā Sīhaḷaceṭikāya⁵ Sīhaḷakeneva jātijarāmarāyuttam gītikam gāyantiyā saddam sutvā maggam gacchantā saṭṭhimattā vipassakā bhikkhū arahattam pāpuṇṇimsu. Tathā Tisso nāma āradhāvipassako bhikkhu padumasarasamīpena gacchanto padumasare padumāni bhañjivā—

“Pātova phullitakokanadam⁶,
Sūriyālokena bhijjiate⁷.
Evam manussattam gatā sattā,
Jarābhivegena maddiyanti”ti—

Imam gītikam gāyantiyā ceṭikāya sutvā arahattam patto.

Buddhantarepi aññataro puriso sattahi puttehi saddhim aṭavito āgamma aññatarāya itthiyā musalena taṇḍule koṭṭentiya—

1. Aññatarassa niddesavacanametam(Sī), aññataraṅganiddesavacanametam (Syā)

2. Mattāvacanam (Sī, Syā)

4. Ghaṭapetikāgītaka... (Syā)

6. Phullitakokanudam (Ka)

3. Milakkha (Sī, Syā)

5. Sīhaḷapetikāya (Syā)

7. Tajjiate (Sī), maddiyate (Syā)

“Jarāya parimadditaṃ etaṃ, milātachavichammanissitaṃ.

Maraṇena bhijjati etaṃ, maccussa ghāsamāmisāṃ.

Kimīnaṃ ālayaṃ etaṃ, nānākuṇapena pūritaṃ.

Asucissa bhājanaṃ etaṃ, kadalikkhandhasamaṃ idan”ti—

Imaṃ gītikaṃ sutvā paccavekkhanto saha puttehi paccekabodhiṃ patto.

Evaṃ imehi catūhi aṅgehi samannāgatā vācā sacepi

milakkhubhāsāpariyāpannā ghaṭaceṭṭikāgītikapariyāpannāpi hoti, tathāpi

subhāsītātī veditabbā. Subhāsītattā eva ca anavajjā ca ananuvajjā ca

viññūnaṃ atthathikānaṃ atthapaṭisaraṇānaṃ, no byañjanapaṭisaraṇānanti.

Sārūpāhīti anucchavikāhi. **Abhitthavīti** pasamsi. **Na tāpayeti** vipaṭisārena na tāpeyya na vibādheyya¹. **Pareti** parehi bhindanto nābhibhaveyya na bādheyya. Iti imāya gāthāya apisuṇavācāvasena Bhagavantāṃ thometi. **Paṭinanditāti** piyāyitā. **Yaṃ anādāyāti** yaṃ vācaṃ bhāsanto paresāṃ pāpāni appiyāni pharusavacanāni anādāya atthabyañjanamadhuraṃ piyameva bhāsati, taṃ vācaṃ bhāseyyāti piyavācāvasena abhitthavi.

Amatāti sādhubhāvena amatasadisā. Vuttampi hetāṃ “saccāṃ have sādutaraṃ rasānaṃ”ti². Nibbānāmatapaccayattā vā amatā. **Esa dhammo sanantanoti** yā ayaṃ saccavācā nāma, esa porāṇo dhammo cariyā paveṇī. Idameva hi porāṇānaṃ āciṇṇānaṃ, na te alikaṃ bhāsimsu. Tenevāha **sacce atthe ca dhamme ca, āhu santo paṭiṭṭhitāti**.

Tattha sacce paṭiṭṭhitattāva attano ca paresāṃca atthe paṭiṭṭhitā, atthe paṭiṭṭhitattā eva dhamme paṭiṭṭhitā hontīti veditabbā. Saccavisesanameva vā etaṃ. Idaṃ hi vuttaṃ hoti—sacce paṭiṭṭhitā, kīdise? Atthe ca dhamme ca, yaṃ paresāṃ atthato anapetattā atthaṃ anuparodhakaraṃ³, dhammato anapetattā dhammaṃ dhammikameva atthaṃ sādhetīti. Iti imāya gāthāya saccavacanavasena abhitthavi.

1. Na vihettheyya (Sī, Syā) 2. Saṃ 1. 216 piṭṭhe. 3. Atthānuparodhakaraṃ (Syā)

Khemanti abhayaṃ nirupaddavaṃ. Kena kāraṇeṇāti ce. **Nibbānapattiyā dukkhassanta kiriyāya**, yasmā kisesanibbānaṃ pāpeti, vaṭṭadukkhassa ca antakiriyāya saṃvattatīti attho. Atha vā yaṃ Buddho nibbānapattiyā dukkhassantakiriyāyāti dvinnaṃ nibbānadhātūnaṃ atthāya kemamaggappakāsanato¹ khemaṃ vācaṃ bhāsati, **sā ve vācānamuttamāti** sā vācā sabbavācānaṃ seṭṭhāti evamettha attho daṭṭhabbo. Iti imāya gāthāya mantāvacaṇavasena Bhagavantaṃ abhithavanto arahattanikūṭeṇa desanaṃ niṭṭhapesīti . Pañcamaṃ.

6. Sāriputtasuttavaṇṇanā

214. Chaṭṭhe **poriyāti** akkharādiparipuṇṇāya. **Vissatṭhāyāti** avibaddhāya apalibuddhāya. Dhammasenāpatissa hi kathentassa pittādīnaṃ vasena apalibuddhavacanaṃ hoti, ayadaṇḍena pahatakaṃsatālato saddo viya niccharati. **Anelagalāyāti** anelāya agalāya niddosāya ceva akkhalitapadabyañjanāya ca. Therassa hi kathayato padaṃ vā byañjanaṃ vā na parihāyati. **Atthassa viññāpaniyāti** atthassa viññāpanasamatthāya. **Bhikkhunanti** bhikkhūnaṃ.

Samkhittenapīti “cattārimāni āvuso ariyasaccāni. Katamāni cattāri. Dukkhaṃ ariyasaccaṃ -pa-. Imāni kho āvuso cattāri ariyasaccāni, tasmātiha āvuso idaṃ dukkhaṃ ariyasaccanti yogo karaṇīyo”² evaṃ samkhittenapi deseti. **Vitthārenapīti** “katamaṃ āvuso dukkhaṃ ariyasaccan”³ti-ādinā³ nayena tāneva vibhajanto vitthārenapi bhāsati. Khandhādidesanāsūpi eseva nayo. **Sālikāyiva nigghosoti** yathā madhuraṃ ambapakkaṃ sāyitvā pakkhehi vātaṃ⁴ datvā madhurassaraṃ nicchārentiyā sālikasakuṇiyā nigghoso, evaṃ therassa dhammaṃ kathentassa madhuro nigghoso hoti. **Paṭibhānaṃ udīrayāti** samuddato ūmiyo⁵ viya anantaṃ paṭibhānaṃ uṭṭhahati. **Odhentīti** odahantī⁶. . Chaṭṭhaṃ.

1. Khemassa maggassa pakāsanato (Syā)

3. Ma 2. 242; Ma 3. 292 piṭṭhesu.

5. Ummiyo (Syā)

2. Saṃ 3. 318 piṭṭhe tannissitapāli.

4. Tālaṃ (Syā)

6. Odahanti te (Syā)

7. Pavāraṇāsuttavaṇṇanā

215. Sattame **tadahūti** tasmim̄ ahu, tasmim̄ divaseti attho. Upavasanti etthāti **uposatho**. Upavasantīti ca sīlena vā anasanena vā upetā hutvā vasantīti attho. So panesa uposathadivaso aṭṭhamīcātuddasīpannarasībhedena tividho, tasmā sesadvayanivāraṇattham̄ **pannaraseti** vuttaṃ. **Pavāraṇāyāti** vassam̄vuṭṭhapavāraṇāya. Visuddhipavāraṇātipi etissāva nāmaṃ. **Nisinno hotīti** sāyanhasamaye sampattaparisāya kālayuttaṃ dhammaṃ desetvā udakakoṭṭhake gattāni parisīñcitvā nivatthanivāsano ekaṃsaṃ Sugatamahācīvaraṃ katvā majjhimatthambhaṃ nissāya paññatte varabuddhāsane puratthimadisāya uṭṭhahato candamaṇḍalassa sirim̄ siriya abhibhavamāno nisinno hoti. **Tuṇhībhūtaṃ tuṇhībhūtaṃ**¹ yato yato anuviloketi, tato tato tuṇhībhūtameva. Tattha hi ekabhikkhussāpi hatthakukkuccaṃ vā pādakukkuccaṃ vā natthi, sabbe niravā santena iriyāpathena nisīdim̄su. **Anuviloketvāti** dissamānapañcapasādehi nettehi anuviloketvā. **Handāti** vossaggatthe nipāto. **Na ca me kiñci garahathāti** ettha **na ca kiñcīti** pucchanatthe na-kāro. Kim̄ me kiñci garahatha, yadi garahatha, vadatha, icchāpemi² vo vattunti attho³. **Kāyikaṃ vā vācasikaṃ vāti** iminā kāyavacīdvārāneva pavāreti, na manodvāraṃ, kasmā? Apākaṭattā. Kāyavacīdvāresu hi doso pākaṭo hoti, na manodvāre. Ikamañce sayatopi hi “kim̄ cintesi”ti pucchitvā cittācāraṃ⁴ jānāti. Iti manodvāraṃ apākaṭattā na pavāreti, no aparisuddhattā. Bodhisattabhūtaṃsāpi hi tassa bhūridattachaddantasaṅkhapālādhamma-pālādikāle manodvāraṃ parisuddhaṃ, idānettha vattabbameva natthi.

Etadavocāti Dhammasenāpatiṭṭhāne ṭhitattā bhikkhusaṃghassa bhāraṃ vahanto etaṃ avoca. **Na kho mayaṃ bhanteti** bhante mayaṃ Bhagavato na kiñci garahāma. **Kāyikaṃ vā vācasikaṃ vāti** idaṃ catunnaṃ arakkhiyataṃ sandhāya thero āha. Bhagavato hi cattāri arakkhiyāni. Yathāha—

1. Tuṇhībhūtaṃ (Syā, Ka)

2. Icchāmi (Ka)

3. Vattumhīti atto (Syā)

4. Cittavāraṃ (Syā)

“Cattārimāni bhikkhave Tathāgatassa arakkhiyāni. Katamāni cattāri. Parisuddhakāyasamācāro bhikkhave Tathāgato, natthi Tathāgatassa kāyaduccaritaṃ, yaṃ Tathāgato rakkheyya ‘mā me idaṃ paro aññāsī’ti. Parisuddhavadāsamācāro bhikkhave Tathāgato, natthi Tathāgatassa vadāduccaritaṃ, yaṃ Tathāgato rakkheyya ‘mā me idaṃ paro aññāsī’ti. Parisuddhamanosamācāro bhikkhave Tathāgato, natthi Tathāgatassa manoduccaritaṃ, yaṃ Tathāgato rakkheyya ‘mā me idaṃ paro aññāsī’ti. Parisuddhājīvo bhikkhave Tathāgato, natthi Tathāgatassa micchā-ājīvo, yaṃ Tathāgato rakkheyya ‘mā me idaṃ paro aññāsī’ti”¹.

Idāni Bhagavato yathābhūtaguṇe kathento **Bhagavā hi bhanteti-** ādimāha. Tattha **anuppanassāti** Kassapasammāsambuddhato paṭṭhāya aññena samaṇena vā brāhmaṇena vā anuppāditapubbassa. **Asañjātassāti** idaṃ anuppannavacanameva. **Anakkhātassāti** aññena adesitassa. **Pacchā samannāgatāti** paṭhamagatassa Bhagavato pacchā samanū-āgatā. Iti thero yasmā sabbepi Bhagavato silādayo guṇā arahattamaggameva nissāya āgatā, tasmā arahattamaggameva nissāya guṇaṃ kathesi. Tena sabbaguṇā kathitāva honti. **Ahañca kho bhanteti** idaṃ thero sadevake loke aggapuggalassa attano ceva saṃghassa ca kāyikavācasikaṃ pavārento āha.

Pitarā pavattitanti cakkavattimhi kālaṅkate vā pabbajite vā sattāhaccayena cakkam antaradhāyati, tato dasavidham dvādasavidham cakkavattivattam pūretvā nisinnassa puttassa aññaṃ pātubhavati, taṃ so pavatteti. Ratanamayattā pana sadisaṭṭhena² tadeva vattam katvā “pitarā pavattitan”ti vuttam. Yasmā vā so “appossukko tvaṃ deva hohi, ahamanusāsissāmī”ti āha, tasmā pitarā pavattitam āṇācakkam anuppavatteti nāma. **Sammadeva anuppavattesīti** sammā nayena hetunā kāraṇeneva anuppavattesi. Bhagavā hi catusaccadhammam katheti, thero tameva anukatheti, tasmā evamāha. **Ubhatobhāgavimuttāti** dvīhi bhāgehi

1. Am 2. 459 piṭṭhe thokam visadisam.

2. Sadisattena (Ka)

vimuttā, arūpāvacarasamāpattiyā rūpakāyato vimuttā, aggamaggena nāmakāyatoti. **Paññāvimuttā**ti paññāya vimuttā tevijjādibhāvaṃ appattā khīṇāsavā.

Visuddhiyāti visuddhatthāya. **Samyojanabandhanacchidā**ti samyojanasaṅkhāte ceva bandhanasaṅkhāte ca kilese chinditvā ṭhitā. **Vijitasāṅgāma**nti vijitarāgadosamohasaṅgāmaṃ, mārabalassa vijitattāpi vijitasāṅgāmaṃ. **Satthavāhanti** aṭṭhaṅgikamaggarathe āropetvā veyyasattham vāheti saṃsārakantāram uttāretīti Bhagavā satthavāho, tam satthavāhaṃ. **Palāpoti** antotuccho dussīlo. **Ādiccabandhunanti**-ādiccabandhuṃ Satthāram Dasabalaṃ vandāmīti vadati.
. Sattamaṃ.

8. Parosahassasuttavaṇṇanā

216. Aṭṭhame **parosahassanti** atirekasahassam. **Akutobhayanti** nibbāne kutoci bhayaṃ natthi, nibbānappattassa vā kutoci bhayaṃ natthīti nibbānaṃ akutobhayaṃ nāma. **Isīnaṃ isisattamoti** Vipassito paṭṭhāya isīnaṃ sattamako isi.

Kiṃ nu te Vaṅgīsāti idaṃ Bhagavā atthupattivasena āha. Saṃghamajjhe kira kathā udapādi “Vaṅgīsatthero vissatṭhavatto, neva uddese, na paripucchāya, na yonisomanasikāre kammaṃ karoti, gāthā bandhanto cuṇṇiyapadāni karonto vicarati”ti. Atha Bhagavā cintesi “ime bhikkhū Vaṅgīsassa paṭibhānasampattiṃ na jānanti, cintetvā cintetvā vadatīti maññanti, paṭibhānasampattimassa jānāpessāmī”ti cintetvā “kiṃ nu te Vaṅgīsā”ti-ādimāha.

Ummaggapathanti¹ anekāni kilesummujjanasatāni, vaṭṭapathattā pana pathanti² vuttaṃ. **Pabhijja khilānī**ti rāgakhilādīni pañca bhinditvā carasi. **Tam passathā**ti tam evaṃ abhibhuyya bhinditvā carantaṃ Buddhaṃ passatha. **Bandhapamuñcakaranti** bandhanamocanakaram. **Asitanti** anissitaṃ. **Bhāgaso pavibhajanti** satipaṭṭhānādikoṭṭhāsavasena dhammaṃ vibhajantaṃ. Pavibhajjāti vā pāṭho, aṅgapaccaṅgakoṭṭhāsavasena vibhajitvā vibhajitvā passathāti attho.

1. Ummaggasatanti (Syā)

2. Satanti (Syā)

Oghassāti caturoghassa. **Anekavihitanti** satipaṭṭhānādivasena anekavidham. **Tasmim ca**¹ **amate akkhātetī** tasmim tena akkhāte amate. **Dhammaddasāti** dhammassa passitāro². **Ṭhitā asamhīrāti** asamhāriyā hutvā patiṭṭhitā.

Ativijjhāti ativijjhivā. **Sabbatṭhitinanti** sabbesaṃ diṭṭhiṭṭhānānaṃ viññāṇatṭhitīnaṃ vā. **Atikkamamaddasāti** atikkamabhūtaṃ nibbānamaddasa³. **Agganti** uttamadhammaṃ. Aggeti vā pāṭho, paṭhamataranti attho. **Dasaddhānanti** pañcannaṃ, aggadhammaṃ pañcavaggiyānaṃ, agge vā pañcavaggiyānaṃ dhammaṃ desesīti attho. **Tasmāti** yasmā esa dhammo sudesitoti jānantena ca pamādo na kātabbo, tasmā. **Anusikkheti** tisso sikkhā sikkheyya. . Aṭṭhamāṃ.

9. Koṇḍaññasuttavaṇṇanā

217. Navame **Aññāsikoṇḍaññoti**⁴ paṭhamāṃ dhammassa aññātattā evaṃgahitanāmo thero. **Sucirassevāti** kīvacirassa? Dvādasannaṃ saṃvaccharānaṃ. Ettakaṃ kālaṃ kattha vihāsīti. Chaddantabhavane Mandākinipokkharāṇiyā tīre Paccekabuddhānaṃ vasanaṭṭhāne. Kasmā? Vihāragarutāya. So hi paññavā⁵ mahāsāvako. Yatheva Bhagavato, evamassa dasasahassacakkavāle devamanussānaṃ abbhantare guṇā patthaṭṭava. Devamanussā Tathāgatassa santikaṃ gantvā gandhamālādīhi pūjāṃ katvā “aggadhammaṃ paṭividdhasāvako”ti anantaraṃ therāṃ upasaṅkamitvā pūjenti. Santikaṃ āgatānañca nāma tathārūpā dhammakathā vā paṭisanthāro vā kātabbo hoti. Thero ca vihāragaruko, tenassa so papañco viya upaṭṭhāti. Iti vihāragarutāya tattha gantvā vihāsi.

Aparampi kāraṇaṃ—bhikkhācāraṇelāyaṃ tāva sabbasāvakaṃ vassaggena gacchanti. Dhammadesanākāle pana majjhaṭṭhāne alaṅkatabuddhāsanamhi Satthari nisinne dakkhiṇahatthapasse Dhammasenāpati, vāmahatthapasse Mahāmoggallānatthero nisīdati, tesāṃ piṭṭhibhāge Aññāsikoṇḍaññattherassa āsanaṃ paññāpentī. Sesā bhikkhū taṃ parivāretvā nisīdanti. Dve aggasāvakaṃ aggadhammapaṭividdhattā ca mahallakattā ca there sagāravā therāṃ

1. Tasmim te (Sī), tasmim ce (Syā, Ka)

3. Nibbānamaddasaṃ (Sī)

4. Aññākoṇḍaññoti (Sī, Syā), Aññātaḥkoṇḍaññoti (Ka)

2. Passitā rocitā (Sī)

5. Puññavā (Syā)

mahābrahmaṇṇaṃ viya aggikkhandhaṃ viya āsivisaṃ viya ca maññaṃ mānā dhurāsane nisīdantā ottappanti harāyanti. Thero cintesi “imehi dhurāsanatthāya kappasatasahassādhikaṃ asaṅkhyeyyaṃ pāramiyo pūritā, te idāni dhurāsane nisīdantā mama ottappanti harāyanti, phāsuvihāraṃ nesam karissāmi”ti. So patirūpe kāle Tathāgataṃ upasaṅkamtivā “icchāmaṃ bhante janapade vasitun”ti āha, Satthā anujāni.

Thero senāsanaṃ saṃsāmetvā pattacīvaramādāya Chaddantabhavane Mandākinitīraṃ gato. Pubbe Paccekabuddhānaṃ pāricariyāya kataparicayā aṭṭhasahassā hatthināgā therāṃ disvāva “amhākaṃ puññakkhettaṃ āgatan”ti nakhehi caṅkamaṇaṃ nittiṇaṃ katvā āvaraṇasākhā haritvā therassa vasanaṭṭhānaṃ paṭijaggitvā vattaṃ katvā sabbe sannipatitvā mantayimsu “sace hi mayāṃ ‘ayaṃ therassa kattabbaṃ karissati, ayaṃ karissati’ti paṭipajjissāma¹, thero bahuñātikagāmaṃ gato viya yathāhoteneva pattena gamissati, vārena naṃ paṭijaggissāma, ekassa pana vāre patte sesehipi nappamajjitabbaṃ”ti vāraṃ ṭhapayimsu. Vārikanāgo pātova therassa mukhodakaṇca dantakaṭṭhaṇca ṭhapeti, vattaṃ karoti.

Mandākinipokkharāṇī nāma cesā paṇṇāsayaṇā hoti. Tassā pañcavīsatiyojanamate ṭhāne sevālo vā paṇakaṃ vā natthi, phalikavaṇṇaṃ udakameva hoti. Tato paraṃ pana kaṭippamaṇe udake aḍḍhayaṇavittataṃ sesapadumavanaṃ paṇṇāsayaṇaṃ saraṃ parikkhipitvā ṭhitaṃ. Tadanantaraṃ tāva mahantameva rattapadumavanaṃ, tadanantaraṃ rattakumudavanaṃ, tadanantaraṃ setakumudavanaṃ, tadanantaraṃ nīluppalavanaṃ, tadanantaraṃ rattuppalavanaṃ, tadanantaraṃ sugandharattasālivanaṃ, tadanantaraṃ eḷalukalābukumbhaṇḍādīni madhurasāni valliphalāni, tadanantaraṃ aḍḍhayaṇavittthārameva ucchuvanaṃ, tattha pūgarukkhakkhandhappamaṇā ucchū, tasanantaraṃ kadalivanaṃ, yato duve pakkāni khādantā kilamanti, tadanantaraṃ cāṭippamaṇaphalaṃ panasavanaṃ, tadanantaraṃ jambuvanaṃ, tadanantaraṃ ambavanaṃ, tadanantaraṃ kapitthavananti. Saṅkhepato tasmim dahe khāditaḍḍhayaṇavittataṃ phalaṃ nāma natthīti na vattabbaṃ. Kusumānaṃ pupphanasamaye vāto reṇuvaṭṭim utthāpetvā paduminipattesu ṭhapeti, tattha udakaphusitāni patanti. Tato ādiccapākena paccitvā pakkapayoghanikā² viya tiṭṭhati, etaṃ pokkhamadhu

1. Paṭijaggissāma (Sī), pariccajissāma (Syā)

2. Pakka-ayoghaṭikā (Sī, Syā)

nāma, taṃ therassa āharitvā denti. Muḷālaṃ naṅgalasīsamattaṃ hoti, tampi āharitvā denti. Bhisam mahābheripokkharappamāṇam hoti, tassa ekasmiṃ pabbe pādaghaṭakappamāṇam khīram hoti, taṃ āharitvā denti. Pokkharatṭhīni madhusakkharāya yojetvā denti. Ucchum pāsāṇapiṭṭhe ṭhapetvā pādena akkamanti. Tato raso paggharivā soṇḍi-āvāṭe pūretvā¹ ādiccapākena paccitvā khīrapāsāṇapiṇḍo viya tiṭṭhati, taṃ āharitvā denti. Panasakadali-ambapakkādīsu kathāva natthi.

Kelāsapabbate Nāgadatto² nāma devaputto vasati. Thero kālena kālam tassa vimānavāram gacchati. So navasappipokkharamadhucunṇayuttassa nirudakapāyāsassa pattaṃ pūretvā deti. So kira Kassapabuddhakāle vīsativassasahassāni sugandhasappinā khīrasalākam adāsi. Tenassetam bhojanam uppajjati. Evaṃ thero dvādasa vassāni vasitvā attano āyusaṅkhāram olokento parikkhīṇabhāvaṃ ñatvā “kattha parinibbāyissāmī”ti cintetvā “hatthināgehi maṃ dvādasa vassāni upaṭṭhahantehi dukkaram kataṃ, Satthāram anujānāpetvā etesaṃyeva santike parinibbāhissāmī”ti ākāseṇa Bhagavato santikam agamāsi. Tena vuttam “sucirasseva yena Bhagavā tenupasaṅkamī”ti.

Nāmañcāti kasmā nāmam sāveti? therañhi keci sañjānanti, keci na sañjānanti. Tattha thero cintesi “ye maṃ ajānantā ‘ko esa paṇḍarasīso obhaggo gopānasivaṅko mahallako Satthārā saddhim paṭisanthāram karotī’ti cittam padūsessanti, te apāyapūrakā bhavissanti. Ye pana maṃ jānantā ‘dasasahassacakkavāle Satthā viya paññāto pākaṭo mahāsāvako’ti cittam pasādessanti, te saggūpagā bhavissanti”ti sattānam apāyamaggaṃ pidahitvā saggamaggaṃ vivaranto nāmam sāveti.

BuddhānuBuddhoti paṭhamam Satthā³ catthāri saccāni bujji, pacchā thero, tasmā Buddhānubuddhoti vuccati. **Tibbanikkamoti** bālhavīriyo. **Vivekānanti** tiṇṇam vivekānam. **Tevijjo, cetopariyāyakovidoti** chasu abhiññāsu catasso vadati. Itarā dve kiñcāpi na vuttā, thero pana chaḷabhiññova. Imissā ca gāthāya pariyosāne parisā sannisīdi.

1. Pūreti (Syā)

2. Nāgadanto (Syā)

3. Satthā paṭhamam (Sī), Buddho paṭhamam (Syā)

Parisāya sannisinnabhāvaṃ ñatvā therō Satthārā saddhiṃ paṭisanthāraṃ katvā “parikkhīṇā me bhante āyusaṅkhārā, parinibbāyissāmī”ti parinibbānakālaṃ anujānāpesi. Kattha parinibbāyissasi Koṇḍaññāti. Upaṭṭhākehi me bhante hatthināgehi dukkaraṃ kataṃ, tesāṃ santiketi. Satthā anujāni.

Therō Dasabalaṃ padakkhiṇaṃ katvā “pubbaṃ taṃ me bhante paṭhamadassanaṃ, idaṃ pacchimadassanaṃ”ti paridevante mahājane Satthāraṃ vanditvā nikkhamitvā dvārakoṭṭhake ṭhito “mā socittha mā paridevittha, Buddhā vā hontu Buddhasāvaka vā, uppannā saṅkhārā abhijjanakā nāma natthī”ti mahājanaṃ ovaditvā passantasseva mahājanassa vehāsaṃ abbhuggamma Mandākinitīre otaritvā pokkharāṇiyaṃ nhatvā nivatthanivāsano katuttarāsaṅgo senāsanaṃ saṃsāmetvā phalasaṃpattiyā tayo yāme vītināmetvā balavapaccūsasamaye parinibbāyi. Therassa sahaparinibbānā Himavati sabbarukkhā pupphehi ca phalehi ca onatavinatā ahesuṃ. Vārikanāgo therassa vattaṃ katvā khādanīyaphalāni āharitvā caṅkamaṇaṇaṇaṃ aṭṭhāsi. So yāva sūriyuggamaṇā therassa nikkhamaṇaṃ apassanto “kinna kho etaṃ, pubbe ayyo pātova caṅkamati mukhaṃ dhovati, ajja pana paṇṇasālatopi na nikkhamatī”ti kuṭidvāraṃ kampaṭvā¹ olokeno therāṃ nisinnakameva disvā hatthaṃ pasāretvā parāmasitvā assāsapassāse pariyesanto tesāṃ appavattibhāvaṃ ñatvā “parinibbuto therō”ti soṇḍaṃ mukhe pakkhipitvā mahāravaṃ viravi. Sakalahimavanto ekaninnādo ahosi. Aṭṭhanāgasahassāni sannipatitvā therāṃ jeṭṭhakanāgassa kumbhe nisīdāpetvā supupphitarukkhasākhā gahetvā parivāretvā sakalahimavantaṃ anuvicaritvā sakaṭṭhānameva āgatā.

Sakko Vissakammaṃ² āmantesi “tāta amhākaṃ jeṭṭhabhātā parinibbuto, sakkāraṃ karissāma, navayojanikaṃ sabbaratanamayaṃ kūṭāgāraṃ māpehī”ti. So tathā katvā therāṃ tattha nipajjāpetvā³ hatthināgānaṃ adāsi. Te kūṭāgāraṃ ukkhigāraṃ ukkhipitvā tiyojanasahassaṃ Himavantaṃ punappunaṃ

1. Vivaritvā (Sī, Ka)

2. Vissukammaṃ (Syā), Visukammaṃ (Ka)

3. Nisajjāpetvā (Syā)

āvijjhimsu¹. Tesam hatthato ākāsaṭṭhakā devā gahetvā sādhuḷīṭam kīḷimsu. Tato vassavalāhakā sīvalāhakā uṇhavalāhakā² Cātumahārājikā Tāvatisāti etenupāyena yāvabrahmalokā kūṭāgāram agamāsi, pana brahmāno devānanti anupubbena hatthināgānamyeva kūṭāgāram adamsu. Ekekā devatā caturaṅgulamattam candanaghaṭikam āhari, citako navayojaniko ahoṣi. Kūṭāgāram citakam āropayimsu. Pañca bhikkhusatāni ākāsenāgantvā sabbarattim sajjhāyamakamsu. Anuruddhatthero dhammam kathesi, bahūnam devānam dhammābhisamayo ahoṣi. Punadivase aruṇuggamanavelāyameva citakam nibbāpetvā sumanamakuḷavaṇṇanam dhātūnam parisāvanam pūretvā Bhagavati nikkhamitvā Veḷuvanavihārakoṭṭhakam sampatte āharitvā Satthu hatthe ṭhapayimsu. Satthā dhātuparisāvantam gahetvā pathaviyā hattham pasāresi, mahāpathaviṃ bhinditvā rajatabbulasadisam cetiyam nikkhami. Satthā sahatthena cetiye dhātuyo nidhesi. Ajjāpi kira tam cetiyam dharatiyevāti. . Navamam.

10. Moggallānasuttavaṇṇanā

218. Dasame **samannesatī**³ pariyesati paccavekkhati. **Nagassāti** pabbatassa. **Muninti** Buddhamunim. **Dukkhassa pāragunti** dukkhapāram gataṃ. **Samannesanti**⁴ samannesanto. **Evam sabbaṅgasampannanti** evam sabbaguṇasampannam. **Anekākārasampannanti** anekhehi guṇehi samannāgataṃ. . Dasamam.

11. Gaggarāsuttavaṇṇanā

219. Ekādasame **tyāssudanti** te assudam. Assudanti nipātamattam. **Vaṇṇenāti** sarīravaṇṇena. **Yasasāti**⁵ parivārena. **Vigatamalova bhāṇumāti** vigatamalo ādicco viya. . Ekādasamam.

12. Vaṅgīsasuttavaṇṇanā

220. Dvādasame **āyasmāti** piyavacanam. **Vaṅgīsoti** tassa therassa nāmam. So kira pubbe Padumuttarakāle paṭibhānasampannam sāvakam dītvā

1. Anuvijjhimsu (Sī)

2. Sītabalāhakā vātabalāhakā (Syā)

3. Samanvesatīti (Syā)

4. Samanvesanti (Syā)

5. Yasenāti (Sī, Syā)

dānaṃ datvā patthanam katvā kappasatasahassam pāramiyo pūretvā amhākaṃ Bhagavato kāle sakalajambudīpe vādakāmatāya jambusākhaṃ pariharitvā¹ ekena paribbājakena saddhim vādam katvā vāde jayaparājayānubhāvena teneva paribbājakena saddhim saṃvāsam kappetvā vasamānāya ekissā paribbājikāya kucchimhi nibbatta vayan āgamma mātito pañcavādasatāni, pitito pañcavādasatānīti vādasahassam uggaṇhitvā vicarati. Ekañca vijjam jānāti, yaṃ vijjam parijappitvā matānam sīsam aṅguliya paharitvā “asukaṭṭhāne nibbatta”ti jānāti. So anupubbena gāmanigamādīsu vicaranto pañcahi māṇavakasatehi saddhim Sāvattim anupatto nagaradvāre sālāya nisīdati.

Tadā ca nagaravāsino purebhattam dānam datvā pacchābhattam suddhuttarāsaṅgā gandhamālādihathā dhammassavanāya vihāram gacchanti. Māṇavo disvā “kaḥam gacchathā”ti pucchi. Te “Dasabalassa santikaṃ dhammassavanāya”ti āhamsu. Sopi saparivāro tehi saddhim gantvā paṭisanthāram katvā ekamantam aṭṭhāsi. Atha nam Bhagavā āha “Vaṅgīsa bhaddakaṃ kira sippam jānāsī”ti. “Bho Gotama aham bahusippam jānāmi, tumhe kataram sandhāya vadathā”ti. Chavadūsakasippanti². Āma bho Gotamāti. Athassa Bhagavā attano ānubhāvena niraye nibbattassa sīsam dassetvā “Vaṅgīsa ayam kaḥam nibbatta”ti pucchi. So mantam jappitvā aṅguliya paharitvā “niraye”ti āha. “Sādhu Vaṅgīsa sukathitan”ti devaloke nibbattassa sīsam dassesi. Tampi so tatheva byākāsi. Athassa khīṇāsavassa sīsam dassesi. So punappunam mantam parivattetvāpi aṅguliya paharitvāpi nibbattaṭṭhānam na passati.

Atha nam Bhagavā “kilamasi Vaṅgīsā”ti āha. Āma bho Gotamāti. Punappunam upadhārehīti. Tathā karontopi adisvā “tumhe bho gotama jānāthā”ti āha. Āma Vaṅgīsa mam nissāya cesa gato³, ahamassa gatim jānāmīti. Mantena jānāsī bho Gotamāti. Āma Vaṅgīsa ekena manteneva jānāmīti. Bho Gotama mayham mantena imam mantam dethāti. Amūliko Vaṅgīsa mayham mantoti. Detha bho Gotamāti.

1. Parikkhipitvā (Syā)

2. Chavarūpakasippanti (Sī, Syā)

3. Mam nissāya cesa bhavo (Sī), anissāyeva sukato (Syā)

Na sakkā mayhaṃ santike apabbajitassa dātunti. So antevāsike āmantesi “tātā samaṇo Gotamo atirekasippanṃ jānāti, ahaṃ imassa santike pabbajitvā sippaṃ gaṇhāmi, tato Sakalajambudīpe amhehi bahutaraṃ jānanto nāma na bhavissati. Tumhe yāva ahaṃ āgacchāmi, tāva anukkaṇṭhitvā vicarathā”ti te uyyojetvā “pabbājetha¹ man”ti āha. Satthā Nigrodhakappaṃ paṭipādesi. Thero taṃ attano vasanaṭṭhānaṃ netvā pabbājesi. So pabbajitvā Satthu santikaṃ āgamma vanditvā ṭhito “sippaṃ dethā”ti yāci. Vaṅgīsa tumhe sippaṃ gaṇhantā aloṇabhojanathaṇḍilaseyyādīhi parikammaṃ katvā gaṇhatha, imassāpi sippassa parikammaṃ atthi, taṃ tāva karohīti . Sādhu bhanteti. Athassa Satthā dvattiṃsākāraṃ kammaṭṭhānaṃ ācikkhi. So taṃ anulomapaṭilomaṃ manasikaronto vipassanaṃ vaḍḍhetvā anukkamena arahattaṃ pāpuṇi.

Vimuttisukhaṃ paṭisaṃvedīti evaṃ arahattaṃ patvā vimuttisukhaṃ paṭisaṃvedento. **Kāveyyamattāti** kāveyyena kabbakaraṇena mattā. **Khandhāyatanaḍḍhātuyoti** imāni khandhādīni pakāsento dhammaṃ desesi. **Ye niyāmagataddasāti** ye niyāmagatā ceva niyāmadassā ca. **Svāgatanti** su-āgamaṇaṃ. **Iddhipattomhīti** iminā iddhividhaññaṇaṃ gahitaṃ. **Cetopariyāyakovidoti** iminā citopariyaññaṇaṃ. Dibbasotaṃ pana avuttampi gahitameva hoti. Evaṃ cha-abhiññāpatto eso mahāsāvakoti veditaḥ . . Dvādasamaṇaṃ.

Vaṅgīsasam̐yuttavaṇṇanā niṭṭhitā.

9. Vanasamyutta

1. Vivekasuttavaṇṇanā

221. Vanasamyuttassa paṭhame **Kosalesu viharatīti** Satthu santike kammaṭṭhānam gahetvā tassa janapadassa sulabbabhikkhatāya tattha gantvā viharati. **Samvejetukāmāti** vivekam paṭipajjāpetukāmā. **Vivekakāmoti** tayo viveke patthayanto. **Niccharatī bahiddhāti** bāhiresu puthuttārammaṇesu carati. **Jano janasminti** tvam jano aññasmim jane chandarāgam vinayassu. **Pajahāsīti** pajaha. **Bhavāsīti** bhava. **Satam tam sārāyāmaseti**¹ satimantam paṇḍitam tam mayampi sārāyāma², satam vā dhammam mayam tam sārāyāmāti³ attho. **Pātālarajoti** appatiṭṭhaṭṭhena pātālasaṅkhāto kilesarajo. **Mā tam kāmarajoti** ayam kāmarāgarajo tam mā avahari, apāyameva mā netūti attho. **Paṁsukunḍitoti**⁴ paṁsumakkhito. **Vidhunanti** vidhunanto. **Sitam rajanti** sarīralaggaṁ rajam. **Samvegamaṇāpādīti** devatāpi nāma mam evam sāretīti⁵ vivekamāpanno, uttamavīriyam vā paggayha paramavivekam maggameva paṭipannoti.
. Paṭhamam.

2. Upatṭhānasuttavaṇṇanā

222. Dutiye **supatīti** ayam kira khīṇāsavo, so dūre bhikkhācāragāmam gantvā āgato paṇṇasālāya pattacīvaram paṭisāmetvā avidūre jātassaram otarivā gattāni utum gāhāpetvā divāṭṭhānam sammajjitvā tattha nīcamañcakaṁ paññāpetvā niddam anokkamantovanipanno. Khīṇāsavassāpi hi kāyadaratho hotiyevāti tassa vinodanattam, tam sandhāya supatīti vuttam. **Ajjhabhāsīti** “ayam bhikkhu Satthu santike kammaṭṭhānam gahetvā divā supati, divāsoppaṇca nāmetam vaḍḍhitam diṭṭhadhammikasamparāyikam attham nāseti”ti maññamānā “codessāmi nan”ti cintetvā abhāsi.

Āturassāti jarāturo rogāturo kilesāturoti tayo aturā, tesu kilesāturam sandhāyevamāha. **Sallaviddhassāti**

1. Sādayāmaseti (Sī)

2. Sādayāma (Sī)

3. Sādayāmāti (Sī)

4. Paṁsukunḍitoti (Sī, Syā)

5. Sāvetīti (Sī, Ka)

savisena sattisallena viya avijjāvisaviṭṭhena¹ taṇhāsallena hadaye viddhassa. **Ruppatoti** ghaṭṭiyamānassa.

Idānissa kāmesu ādīnavam kathayanti **aniccāti**-ādimāha. Tattha **asitanti** taṇhādiṭṭhinissayena anissitam. **Kasmā pabbajitam tapeti** evarūpaṃ khīṇāsavaṃ divāsoppaṃ na tapati, tādisaṃ pana kasmā na tapessatīti vadati. Therasseva vā etaṃ vacanaṃ, tasmā ayamettha attho—baddhesu² muttam asitam mādisaṃ Khīṇāsavapabbajitam kasmā divāsoppaṃ tape, na tapessatīti³. Sesagāthāsupi eseva nayo. Devatāya hi vacanapakkhe “evarūpaṃ khīṇāsavapabbajitam divāsoppaṃ na tapati, tādisaṃ pana kasmā na tapessati, tapessatiyevā”ti attho. therassa vacanapakkhe “evarūpaṃ mādisaṃ khīṇāsavapabbajitam kasmā divāsoppaṃ tape, na tapatiyevā”ti attho. Ayaṃ panettha anuttānapadavaṇṇanā. **Vinayāti** vinayena. **Samatikkamāti** vaṭṭamūlikāya avijjāya samatikkamena. **Tam nāṇanti** tam catusaccañāṇaṃ. **Paramodānanti**⁴ paramaparisuddham. **Pabbajitanti** evarūpena nāṇena samannāgataṃ pabbajitam. **Vijjāyāti** catutthamaggavijjāya. **Āraddhavīriyanti** paggahitavīriyaṃ paripuṇṇavīriyaṃ. . Dutiyam.

3. Kassapagottasuttavaṇṇanā

223. Tatiye **chetanti**⁵ ekaṃ migaluddakaṃ. **Ovadatīti**⁶ so kira migaluddako pātova bhuñjitvā “mige vadhissāmī”ti araññaṃ pavitṭho ekaṃ rohitamigaṃ disvā “sattiyā naṃ paharissāmī”ti anubandhamāno therassa paṭhamasutte vuttanayeneva divāvihāraṃ nisinnassa avidūrena pakkamati. Atha naṃ thero “upāsaka paṇātipāto nāmesa apāyasaṃvattaniko appāyukasaṃvattaniko, sakkā aññenapi kasivaṇijjādikammaṃ dārabharaṇaṃ kātuṃ, mā evarūpaṃ kakkhaḷakammaṃ karohī”ti āha. Sopi “Mahāpaṃsukūlikatthero kathetī”ti gāravena ṭhatvā sotuṃ āraddho. Athassa sotukāmatam janessāmīti thero aṅguṭṭhakaṃ jālāpesi. So akkhīhipi passati, kaṇṇehipi suṇāti, cittaṃ panassa

1. Avijjāvisadiddhena (Sī)

2. Khandhesu (Sī), bandhesu (Ka)

3. Divāsoppaṃ tapessatīti (Sī), divātoppaṃ tape na tapatīti (Syā)

4. Paramavodānanti (Sī), paramodātanti (Syā)

5. Cetanti (Sī)

6. Ovatīti (Syā)

“asukaṭṭhānaṃ migo gato bhavissati, asukatitthaṃ otiṇṇo, tattha naṃ gantvā ghātetvā yāvadicchakaṃ maṃsaṃ khāditvā sesaṃ kājenādāya gantvā puttake tosessāmi”ti evaṃ migasseva anupadaṃ dhāvati. Evaṃ vikkhittacittassa dhammaṃ desentaṃ therāṃ sandhāya vuttaṃ “ovadatī”ti. **Ajjhabhāsīti** “ayaṃ thero adāruṃ tacchanto viya akhette vappanto viya attanopi kammaṃ nāseti, etassāpi, codessāmi naṃ”ti abhāsi.

Appapaññanti nippaññaṃ. **Acetasanti** kāraṇajānanasamatthena cittena rahitaṃ. **Mandovāti** andhabālo viya. **Suṇātīti** tava dhammakathaṃ suṇāti. **Na vijānātīti** atthamassa na jānāti. **Āloketīti** tava puthujjanika-iddhiyā jalantaṃ aṅguṭṭhakaṃ āloketi. **Na passatīti** ettha “neva telaṃ na vaṭṭi na dīpakapallikā, therassa pana ānubhāvenāyaṃ jalatī”ti imaṃ kāraṇaṃ na passati. **Dasa pajjoteti** dasasu aṅgulisu dasa paḍīpe. **Rūpānīti** kāraṇarūpāni. **Cakkhūti** paññācakkhu. **Samvegamāpādīti** kiṃ me imināti vīriyaṃ paggayha paramavivekaṃ arahattamaggāṃ paṭipajji. . Tatiyaṃ.

4. Sambahulasuttavaṇṇanā

224. Catutthe **sambahulāti** bahū suttantikā ābhidhammikā vinayadharā ca. **Viharantīti** Satthu santike kammaṭṭhānaṃ gahetvā viharanti. **Pakkamimsūti** te kira tasmim janapade aññataraṃ gāmaṃ upasaṅkamante disvā manussā pasannacittā āsanāsālāya kojavattharaṇādīni paññāpetvā yāgukhajjakāni datvā upanisīdimsu. Mahāthero ekaṃ dhammakathikaṃ “dhammaṃ kathehī”ti āha. So cittaṃ dhammakathaṃ kathesi. Manussā pasīditvā bhojanavelāyaṃ paṇītabhojanaṃ adamsu. Mahāthero manuññaṃ bhattānumodanamakāsi. Manussā bhiiyoso mattāya pasannā “idheva bhante temāsaṃ vasathā”ti paṭiññaṃ kāretvā gamanāgamanasampanne ṭhāne senāsanāni kāretvā catūhi paccayehi upaṭṭhahimsu. Mahāthero vassūpanāyikadivase bhikkhū ovadi “āvuso tumhehi garukassa Satthu santike kammaṭṭhānaṃ gahitaṃ, Buddhāpātubhāvo nāma dullabho, māsassa aṭṭha divase dhammassavanaṃ katvā gaṇasaṅgaṇikaṃ pahāya appamattā viharathā”ti. Te tato paṭṭhāya yuñjanti ghaṭenti. Kadāci sabbarattikaṃ¹

1. Sabbarattim (Sī)

dhammassāvanam karonti, kadāci pañham viṣṣajjenti, kadāci padhānam karonti. Tesam dhammassavanadivase dhammam kathentānamyeva aruṇo uggacchati. Pañhāvissajjanadivase byatto bhikkhu pañham pucchati, paṇḍito viṣṣajjētīti pucchanaṭṭhānam karontānamyeva. Padhānadivase sūriyatthaṅgamane gaṇḍim paharivāva caṅkamaṃ otarivā padhānam karontānamyeva. Te evaṃ vassam vassivā pavāretvā pakkamimsu. Tam sandhāyetaṃ vuttaṃ. **Paridevamānāti** “idāni tathārūpaṃ madhuraṃ dhammassavanam pañhākathanam kuto labhissāmī”ti-ādini vatvā rodamānā.

Khāyatīti paññāyati upaṭṭhāti. **Kometi** kham ime. **Vajjibhūmiyāti** Vajjiraṭṭhābhimukhā gatā. **Magā viyāti** yathā magā tasmim tasmim pabbatapāde vā vanasaṇḍe vā vicarantā “idaṃ amhākaṃ mātusantakaṃ pitusantakaṃ paveṇi-āgatan”ti agahetvā yattheva nesaṃ gocaphāsutā ca hoti paripanthābhāvo ca, tattha vicaranti. Evaṃ aniketā agehā bhikkhavopi “ayaṃ āvuso amhākaṃ ācariyupajjhāyānam santako paveṇi-āgato”ti agahetvā yattheva nesaṃ utusappāyam bhojanasappāyam puggalasappāyam senāsanasappāyam¹ dhammassavanasappāyaṅca sulabham hoti, tattha viharanti. . Catuttham.

5. Ānandasuttavaṇṇanā

225. Pañcame **Ānandoti** Dhammabhaṇḍāgārikatthero. **Ativelanti** atikkantaṃ velam. **Gihisaññattibahuloti** rattiṅca divā ca bahukālam gihi saññāpayanto. Bhagavati hi parinibbute Mahākassapatthero theram āha “āvuso mayam Rājagahe vassam upagantvā dhammam saṅgāyissāma, gaccha tvaṃ araṇṇam pavisitvā uparimagattayatthāya vāyāmaṃ karohī”ti. So Bhagavato pattacīvaramādāya Kosalaraṭṭham gantvā ekasmim araṇṇāvāse vasitvā punadivase ekaṃ gāmaṃ pāvīsi. Manussā theram disvā “bhante Ānanda tumhe pubbe Satthārā saddhim āgacchatha, ajja ekakāva āgatā, kham Satthāram ṭhapetvā āgatatha, idāni kassa pattacīvaram gahetvā vicaratha, kassa mukhodakaṃ dantakaṭṭham detha, pariveṇam sammajjatha, vattapaṭivattam karoṭhā”ti bahum vatvā paridevimsu. Thero “mā āvuso socittha,

1. Senāsanasappāyam puggalasappāyam (Syā)

mā paridevitta, aniccā saṅkhārā”ti-ādīni vatvā te saññāpetvā bhattakiccāvasāne¹vasanaṭṭhānameva gacchati. Manussā sāyampi tattha gantvā tatheva paridevanti. Theropi tatheva ovadati. Tam sandhāyetam vuttam. **Ajjhabhāsī**ti “ayam thero bhikkhusaṅghassa katham sutvā ‘samaṇadhammam karissāmī’ti araññaṃ pavisitvā idāni gihī saññāpentō viharati, Satthusāsanam asaṅgahitapuppharāsi viya ṭhitam, dhammasaṅgaham na karoti, codessāmi nan”ti cintetvā abhāsi.

Pasakkiyāti pavisitvā. **Hadayasmim opiyāti** kiccato ca ārammaṇato ca hadayamhi pakkhipitvā. “Nibbānam pāpuṇissāmī”ti vīriyam karonto nibbānam kiccato hadayamhi opeti nāma, nibbānārammaṇam pana samāpattim appetvā nisīdanto ārammaṇato. Tadubhayampi sandhāyesā bhāsati. **Jhāyāti** dvīhi jhānehi jhāyiko bhava. **Biḷibiḷikāti**² ayam gihīhi saddhim biḷibiḷikathā³. . Pañcamaṃ.

6. Anuruddhasuttavaṇṇanā

226. Chaṭṭhe **purānadutiyyikāti** anantare attabhāve aggamaheṣī. **Sobhasī**ti pubbepi sobhasi, idānipi sobhasi. **Duggatāti** na gatiduggatiyā⁴ duggatā. Tā hi sugatiyam ṭhitā sampattim anubhavanti, paṭipattiduggatiyā pana duggatā. Tato cutā hi tā nirayepi upapajjantīti duggatā. **Patitṭhitāti** sakkāyasmim hi patiṭṭhahanto aṭṭhahi kāraṇehi patiṭṭhāti—ratto rāgavasena patiṭṭhāti, duṭṭho dosavasena, mūḷho mohavasena, vinibaddho mānavasena, parāmaṭṭho ditṭhivasena, thāmagato anusayavasena, anitṭhaṅgato vicikicchāvasena, vikkhepagato uddhaccavasena patiṭṭhāti. Tāpi evam⁵ patiṭṭhitāva. **Naradevānanti** devanarānam.

Natthi dānīti sā kira devadhītā there balavasinehā ahoṣi, paṭigantum nāsakkhi. Kālena āgantvā pariveṇam sammajjati, mukhodakam dantakaṭṭham pānīyam paribhojanīyam upaṭṭhabeti. Thero anāvajjanena paribhuṅgati. Ekasmim divase therassa jīṇṇacīvarassa coḷakabhikkham carato saṅkārakūṭe dibbadussam ṭhapetvā pakkāmi. Thero tam disvā ukkhipitvā olokeno

1. Katabhattakicco (Syā)

2. Piḷipiḷikāti (Syā)

3. Piḷipiḷikathā (Syā)

4. Paṭipattiduggatiyā (Sī, Ka)

5. Evam (Sī)

dussantaṃ¹ disvā “dussametaṃ”ti ñatvā “alaṃ ettāvataṃ”ti aggahesi. Tenevassa cīvaraṃ niṭṭhāsi. Atha dve aggasāvaka Anuruddhatthero cāti tayo janā cīvaraṃ karimsu. Sathā sūciṃ yojetvā adāsi. Niṭṭhitacīvarassa piṇḍāya carato devatā piṇḍapātaṃ samādapeti. Sā kālena ekikā, kālena attadutiya therassa santikaṃ āgacchati. Tadā pana attatatiyā āgantvā divāṭṭhāne theram upasaṅkamtivā “mayaṃ manāpakāyikā nāma manasā icchiticchitarūpaṃ māpemaṃ”ti āha. Thero “etā evaṃ vadanti, vīmaṃsissāmi, sabbā nīlakā hontū”ti cintesi. Tā therassa manam ñatvā sabbāva nīlavaṇṇā ahesuṃ, evaṃ pītalohita-odātavaṇṇāti. Tato cintayimsu “thero amhākaṃ dassanaṃ assādeti”ti tā samajjaṃ kātum āraddhā, ekāpi gāyi, ekāpi nacci, ekāpi accharaṃ pahari. Thero indriyāni okkhipi. Tato “na amhākaṃ dassanaṃ thero assādeti”ti ñatvā sinehaṃ vā santhavaṃ vā alabhamānā nibbinditvā gantumāraddhā. Thero tāsam gamanabhāvaṃ ñatvā “mā punappunaṃ āgacchimsū”ti arahattaṃ byākaronto imaṃ gāthamāha. Tattha **vikkhīṇoti** khīṇo. **Jātiṃsāro**ti tattha tattha jātiṃsāro. . Chaṭṭhaṃ.

7. Nāgadattasuttavaṇṇanā

227. Sattame **atikālenā**ti sabbarattim niddāyivā balavapaccūse koṭisammañjaniyā² thokaṃ sammajjitvā mukhaṃ dhovitvā yāgubhikkhāya pātova pavisati. **Atidivā**ti yāguṃ ādāya āsanasālaṃ gantvā pivitvā ekasmiṃ ṭhāne nipanno niddāyivā “manussānaṃ bhojanavelāya paṇītaṃ bhikkhaṃ labhissāmi”ti upakaṭṭhe³ majjhanhike uṭṭhāya dhammakaraṇena⁴ udakaṃ gahetvā akkhīni pamajjitvā piṇḍāya caritvā yāvadatthaṃ bhuñjitvā majjhanhike vītivatte paṭikkamati. **Divā ca āgantvā**ti atikāle pavīṭṭhena nāma aññehi bhikkhūhi paṭhamataraṃ āgantabbaṃ hoti, tvaṃ pana ativiya divā āgantvā gatāsīti⁵ attho. **Bhāyāmi nāgadattanti** taṃ Nāgadattaṃ ahaṃ bhāyāmi. **Suppagabbhanti** suṭṭhu pagabbhaṃ **Kulesūti** khattiyakulādi-upaṭṭhākakulesu. . Sattamaṃ.

1. Pāsantaṃ (Syā)

2. Koṭisammajjaniyā (Sī,Syā)

3. Upagate (Syā)

4. Dhammakarakena (Sī)

5. Gatosīti (Sī), ahosīti (Syā)

8. Kulagharāṇīsuttavaṇṇanā

228. Aṭṭhame **ajjhogālhappattoti** ogāhappatto. So kira Satthu santike kammaṭṭhānaṃ gahetvā taṃ vanasaṇḍaṃ pavisitvā dutiyadivase gāmaṃ piṇḍāya pāvīsi pāsādikehi abhikkantādīhi. Aññataraṃ kulaṃ tassa iriyāpathe pasīditvā pañcapatiṭṭhitena vanditvā piṇḍapātaṃ adāsi. Bhattānumodanaṃ puna sutvā atirekataraṃ pasīditvā “bhante niccakālaṃ idheva bhikkhaṃ gaṇhathā”ti nimantesi. Thero adhivāsetvā tesāṃ āhāraṃ paribhuñjamāno vīriyaṃ paggayha ghaṭento arahattaṃ patvā cintesi “bahūpakāraṃ me etaṃ kulaṃ, aññattha gantvā kiṃ karissāmi”ti phalasaṃpattisukhaṃ anubhavanto tattheva vasi. **Ajjhabhāsīti** sā kira therassa khīṇāsavabhāvaṃ ajānantī cintesi “ayaṃ thero neva aññaṃ gāmaṃ gacchati, na aññaṃ gharaṃ, na rukkhamūla-āsanaśālādīsu nisīdati, niccakālaṃ gharaṃ pavisitvāva nisīdati, ubhopete ogādhappattā paṭigādhappattā, kadāci esa imaṃ kulaṃ dūseyya, codessāmi naṃ”ti. Tasmā abhāsi.

Sanṭhāneti nagaradvārassa āsanne¹ manussānaṃ bhaṇḍakaṃ otāretvā vissamanaṭṭhāne. **Saṅgammāti** samāgantvā. **Mantentīti** kathenti. **Mañca tañcāti** mañca kathenti tañca kathenti. **Kimantaranti** kiṃ kāraṇaṃ. **Bahū hi saddā paccūhāti** bahukā ete lokasmiṃ paṭilomasaddā. **Na tenāti** tena kāraṇena, tena vā tapassinā na maṅku hotabbaṃ. **Na hi tenāti** na hi tena parehi vuttavacanaṃ satto kilissati, attanā katena pana pāpakammeneva kilissatīti dasseti. **Vātamigo yathāti** yathā vane vātamigo vāteritānaṃ paṇṇādīnaṃ saddena paritassati, evaṃ yo² saddaparittāsī hotīti attho. **Nāssa sampajjate vatanti** tassa lahucittassa vataṃ³ na sampajjati. Thero pana khīṇāsavattā sampannavatoti veditabbo. . Aṭṭhamāṃ.

9. Vajjiputtasuttavaṇṇanā

229. Navame **Vajjiputtakoti** Vajjiraṭṭhe Rājaputto chattaṃ pahāya pabbajito. **Sabbaratticāroti** kattikanakkhattaṃ ghoṣetvā sakalanagaraṃ

1. Āsanne ṭhāne (Sī)

2. So (Syā)

3. Vattaṃ (Syā)

dhajapaṭākādīhi paṭimaṇḍetvā pavattito sabbaratticāro. Idam hi nakkhattam yāva Cātumahārājikehi ekābaddham hoti.

Tūriyatālitavāditanigghosāsaddanti bheri-āditūriyānam tālitānam vīṇādīnañca vāditānam nigghosāsaddam. **Abhāsīti** Vesāliyam kira satta rājasahassāni sattasatāni satta ca rājāno, tattakāva tesam uparājāsenāpati-ādayo, tesu alaṅkatapaṭiyattesu nakkhattakīlanatthāya vīthim otiṅṅesu saṭṭhihatthe mahācaṅkame caṅkamamāno nabhassa majjhe ṭhitam candam disvā caṅkamakoṭiyam phalakaṃ nissāya ṭhito abhāsī. **Apaviddhamva vanasmim**¹ **dārūkanti** vatthaveṭhanālaṅkārahittā vane chaḍḍitadārūkam viya jātam. **Pāpiyoti** lāmakataro amhehi añño koci atthi. **Pihayantīti** thero āraññiko paṃsukūliko piṇḍapātiko sapadānacāriko appiccho santuṭṭhoti bahū tuyham patthayantīti attho. **Saggagāminanti** saggam gacchantānam gatānampi. . Navamam.

10. Sajjhāyasuttavaṇṇanā

230. Dasame yaṃ sudanti nipātamattam. **Sajjhāyabahuloti** nissaraṇapariyattivasena sajjhāyanato bahutaram kālam sajjhāyanto. So kira ācariyassa divaṭṭhānam sammajjitvā ācariyam udikkhanto tiṭṭhati. Atha nam āgacchantam disvāva paccuggantvā pattacīvaram paṭiggahetvā paññattāsane nisinnassa tālavaṇṭavātam datvā pānīyam āpucchitvā pāde dhovivā telam makkhetvā vanditvā ṭhito uddesam gahetvā yāva sūriyatthaṅgamā sajjhāyam karoti. So nhānakoṭṭhake udakam upaṭṭhapetvā aṅgārapalle aggim karoti. Ācariyassa nhatvā āgatassa pādesu udakam puñchitvā piṭṭhiparikammaṃ kathā vanditvā uddesam gahetvā paṭhamayāme sajjhāyam katvā majjhimayāme sarīram samassāsetvā pacchimayāme² uddesam gahetvā yāva aruṇuggamanā sajjhāyam katvā niruddhasaddam khayato³ sammasati. Tato sesam upādāyarūpaṃ bhūtarūpaṃ nāmarūpanti pañcasu khandhesu vipassanam vaḍḍhetvā arahattam pāpuṇi. **Appossukkoti** uddesaggaṇe ca sajjhāyakaraṇīye ca nirussukko. **Saṅkasāyatīti** yassa dāni atthāya aham sajjhāyam kareyyam, so me attho

1. Vanasi (Syā)

2. Pacchimayāme uṭṭhāya (Syā)

3. Udayavayato (Sī, Ka)

matthakaṃ patto. Kiṃ me idāni sajjhāyenāti phalasaṃpattisukhena kālaṃ ativatteti. **Ajjhabhāsīti** “kinu kho assa therassa aphāsukaṃ jātaṃ, udāhussa ācariyassa, kena nu kho kāraṇena pubbe viya madhurassarena na sajjhāyati”ti āgantvā santike ʃhitā abhāsi.

Dhammapadānīti idha sabbampi Buddhavacanaṃ adhippetam. **Nādhīyasīti** na sajjhāyasi. Nādiyasīti vā pāṭho, na gaṇhāsīti attho. **Pasaṃsanti** dhammabhāṇako pasaṃsaṃ labhati, ābhidhammiko suttantiko vinayadharotissa pasaṃsitā bhavanti. **Virāgenāti** ariyamaggena. **Aññāyāti** jānitvā. **Nikkhepananti** tassa diṭṭhasutādino vissajjanaṃ santo vadantīti dīpeti, na Buddhavacanaṃ¹. Ettāvata “thero Buddhavacanaṃ na vissajjāpeti”ti na niccakālaṃ sajjhāyanteneva² bhavitabbaṃ, sajjhāyitvā pana “ettakassāhaṃ atthassa vā dhammassa vā ādhāro bhavituṃ samattho”ti ñatvā vaṭṭadukkhassa antakiriyāya paṭipajjitabbaṃ. . Dasamaṃ.

11. Akusalavitakkasuttavaṇṇanā

231. Ekādasame **akusale vitakke**ti kāmavitakkādayo tayo mahānitakke. **Ayoniso manasikārāti** anupāyamanasikārena. **Soti so tvaṃ. Ayoniso paṭinissajjāti** etaṃ anupāyamanasikāraṃ vajjehi. **Satthāranti** imāya gāthāya pāsādikakammaṭṭhānaṃ katheti. **Pṭisukhamasaṃsayanti** ekaseneva balavapītiṅca sukhaṅca adhigamissasi. . Ekādasamaṃ.

12. Majjhanhikasuttavaṇṇanā

232. Dvādasame yaṃ vattabbaṃ, taṃ Devatāsaṃyutte Nandanavagge vuttameva. . Dvādasamaṃ.

13. Pākatindriyasuttavaṇṇanā

233. Terasamaṃ Devaputtasaṃyutte Jantudevaputtasutte vitthāritameva. . Terasamaṃ.

1. Na buddhassa (Syā)

2. Sajjhāyanakeneva (Syā)

14. Gandhatthenasuttavaṇṇanā

234. Cuddasame **ajjhabhāsīti** taṃ bhikkhuṃ nāle gahetvā padumaṃ siṅghamānaṃ¹ disvāva “ayaṃ bhikkhu Satthu santike kammaṭṭhānaṃ gahetvā samaṇadhammaṃ kātuṃ araṇṇaṃ pavīṭṭho gandhārammaṇaṃ upanijjhāyati, svāyaṃ ajja upasiṅghaṃ² svepi punasivasepi upasiṅghissati, evamassa sā gandhataṇhā vadḍhitvā diṭṭhadhammikasamparāyikaṃ atthaṃ nāsessati, mā mayi passantiyā nassatu, codessāmi naṃ”ti upasaṅkamtivā abhāsi.

Ekaṅgamaṃ theyyānanti thenitabbānaṃ rūpārammaṇādīnaṃ pañcakoṭṭhāsānaṃ idaṃ ekaṅgaṃ, ekakoṭṭhāsoti attho. **Na haramīti** na gahetvā gacchāmi. **Ārāti** dūre, nāle gahetvā nāmetvā dūre ṭhito upasiṅghāmīti vadati. **Vaṇṇenāti** kāraṇena.

Yvāyanti yo ayaṃ. Tasmim kira devatāya saddhim kathenteyeva eko tāpaso otaritvā bhisakhananādīni kātuṃ āraddho, taṃ sandhāyevamāha. **Ākiṇṇakammantoti** evaṃ aparisuddhakammanto. Akkhīṇakammantotipi³ pāṭho, kakkhaḷakammantoti attho. **Na vuccatīti** gandhacoroti vā pupphacoroti vā kasmā na vuccati.

Ākiṇṇaluddoti bahupāpo gāḷhapāpo vā, tasmā na vuccati. **Dhāticelaṃva makkhitoti** yathā dhātiyā nivatthakiliṭṭhavatthaṃ uccārapassāvapaṃsumasikaddamādīhi makkhitaṃ, evamevaṃ rāgadosādīhi makkhito. **Arahāmi vattaveti** arahāmi vattum. Devatāya codanā kira Sugatānusiṭṭhisadisā, na taṃ lāmakā hīnādhimuttikā micchāpaṭipannakapuggalā labhanti. Tasmim pana attabhāve maggaphalānaṃ bhabbarūpā puggalā taṃ labhanti, tasmā evamāha.

Sucigavesinoti sucīni silasamādhiñāṇāni gavesantassa. **Abbhāmatamvāti** valāhakakūṭamattaṃ viya. **Jānāsīti** suddho ayanti jānāsi. **Vajjāsīti** vadeyyāsi. **Neva taṃ upajīvāmāti**⁴ devatā kira cintesi “ayaṃ bhikkhu atthi me hitakāmā devatā, sā maṃ codessati

1. Ghāyamānaṃ (Sī)

3. Akkhīṇakammantotipi (Sī)

2. Upasiṅghitvā (Syā), upasiṅghi (Ka)

4. Upajīvāmīti (Sī, Syā)

sāressatīti pamādampi anuyuñjeyya, nāssa vacanaṃ sampaṭicchissāmi”ti.
Tasmā evamāha. **Tvamevāti** tvaṃyeva. **Jāneyyāti** jāneyyāsi. **Yenāti** yena
kammena sugatiṃ gaccheyyāsi, taṃ kammaṃ tvaṃyeva jāneyyāsīti. .
Cuddasamaṃ.

Vanasamyuttavaṇṇanā niṭṭhitā.

10. Yakkhasamyutta

1. Indakasuttavaṇṇanā

235. Yakkhasamyuttassa paṭhame **Indakassāti** Indakūṭānivāsino yakkhassa. Yakkhato hi Kūṭena, Kūṭato ca yakkhena nāmaṃ laddhaṃ. **Rūpaṃ na jīvanti vadantīti** yadi Buddhā rūpaṃ jīvanti na vadanti, yadi rūpaṃ satto puggaloti evaṃ na vadantīti attho. **Kathaṃ nvayanti** kathaṃ nu ayaṃ. **Kutassa aṭṭhiyakapiṇḍametīti** assa sattassa aṭṭhiyakapiṇḍaṇca kuto āgacchati. Ettha ca aṭṭhiggaṇaṇena tīṇi aṭṭhisatāni, yakapiṇḍaggaṇaṇena nava maṃsapesisatāni gahitāni. Yadi rūpaṃ na jīvo, athassa imāni ca aṭṭhīni imā ca maṃsapesiyo kuto āgacchantīti pucchati. **Kathaṃ nvayaṃ sajjati gabbharasminti**¹ kena nu kāraṇena ayaṃ satto mātukucchismiṃ sajjati laggati tiṭṭhatīti². Puggalavādī kiresa yakkho, “ekappahārenea satto mātukucchismiṃ nibbattatī”ti gahetvā gabbhaseyyakasattassa mātā macchamaṃsādāni khādati, sabbāni ekarattivāseṇa pacitvā pheṇaṃ³ viya vilīyanti. Yadi rūpaṃ satto na bhaveyya, evameva vilīyeyyāti laddhiyā evamāha. Athassa Bhagavā “na mātukucchismiṃ ekappahārenea nibbattati, anupubbena pana vaḍḍhatī”ti dassento **paṭhamāṃ kalalāṃ hotīti**-ādimāha. Tattha **paṭhamanti** paṭhamena paṭisandhiviññāṇena saddhiṃ Tissoti vā Phussoti vā nāmaṃ natthi, atha kho tīhi jāti-uṇṇaṃsūhi katasuttagge saṅṅhitatelabinduppamāṇaṃ kalalāṃ hoti, yaṃ sandhāya vuttaṃ—

“Tilatelassa yathā bindu, sappimaṇḍo anāvilo.

Evaṃ vaṇṇappaṭibhāgaṃ, kalalāṃ sampavuccatī”ti.

Kalalā hoti abbudanti tasmā kalalā sattāhaccayena maṃsadhovana-udakavaṇṇaṃ abbudaṃ nāma hoti, kalalanti nāmaṃ antaradhāyati. Vuttampi cetam—

“Sattāhaṃ kalalāṃ hoti, paripakkaṃ samūhataṃ.

Vivaṭṭamānaṃ tabbhāvaṃ⁴, abbudaṃ nāma jāyatī”ti.

1. Gabbhasminti (Syā)

2. Nibbattatīti (Syā)

3. Pheṇuṃ (Syā)

4. Taṃ bhāvaṃ (Sī, Syā)

Abbudā jāyate pesīti tasmāpi abbudā sattāhaccayena vilīnatipusadisā kesi nāma sañjāyati. Sā maricaphāṇitena dīpetabbā. Gāmadārikā¹ hi supakkāni maricāni gahetvā sātakante bhaṇḍikam katvā piḷetvā maṇḍam ādāya kapāle pakkhipitvā ātape ṭhapenti, tam sukhamānam sabbabhāgehi muccati. Evarūpā pesi hoti, abbudanti nāmam antaradhāyati. Vuttampi cetam—

“Sattāham abbudam hoti, paripakkam samūhatam.
Vivaṭṭamānam tabbhāvam, pesi nāma pajāyati”²ti.

Pesi nibbattati ghanoti tato pesito sattāhaccayena kukkuṭaṇḍasaṅghāno ghano nāma maṁsapiṇḍo nibbattati, pesīti nāmam antaradhāyati. Vuttampi cetam—

“Sattāham pesi bhavati, paripakkam samūhatam.
Vivaṭṭamānam tabbhāvam, ghanoti nāma jāyati.
Yathā kukkuṭiyā aṇḍam, samantā parimaṇḍalam.
Evam ghanassa saṅghānam, nibbattam kammappaccayā”³ti.

Ghanā pasākhā³ jāyantīti pañcame sattāhe dvinnam hatthapādānam sisassa catthāya pañca piḷakā jāyanti, yam sandhāyetaṁ vuttam “pañcame bhikkhave sattāhe pañca piḷakā saṅghahanti kammato”⁴ti.

Ito param chaṭṭhasattamādīni sattāhāni atikkamma desanam saṅkhipitvā dvācattālīse⁴ sattāhe pariṇatakālam gahetvā dassento kesāti-ādimāha. Tattha **kesā lomā nakhāpi cāti⁵** dvācattālīse sattāhe etāni jāyanti.

Tena so tattha yāpetīti tassa hi nābhito uṭṭhito nāḷo mātu udarapaṭalena ekābaddho hoti, so uppaladaṇḍako viya chiddo, tena āhāraso saṁsaritvā āhārasamuṭṭhānarūpaṁ samuṭṭhāpeti. Evam so dasa māse yāpeti.

Mātukucchi gato naroti mātuyā tirokucchigato, kucchiyā abhantaragatoti attho. Iti

1. Gāmadārakā (Sī, Syā)

2. Pesi nāma ca jāyatīti (Sī), pesi ca nāma jāyatīti (Syā)

3. Ghanā ca sākhā (Syā)

4. Dvācattālīsame (Ka)

5. Nakhāni cāti (Sī, Syā)

Bhagavā “evaṃ kho yakkha ayaṃ satto anupubbena mātukucchiyaṃ vaddhati, na ekappahāreneva nibbattatī”ti dasseti. . Paṭhamam.

2. Sakkanāmasuttavaṇṇanā

236. Dutiye **Sakkanāmakoti** evaṃnāmakoti eko yakkho, so¹ kira mārapakkhikayakkho. **Vippamuttassāti** tīhi bhavehi vippamuttassa. **Yadaññanti** yaṃ aññaṃ. **Vaṇṇenāti** kāraṇena. **Sarivāsoti** ekato vāso, sakkhidhammo mittadhammoti attho. **Sappaññoti** supañño Sambuddho. . Dutiyaṃ.

3. Sūcilomasuttavaṇṇanā

237. Tatiye **gayāyanti** Gayāgāme, Gayāya avidūre nivittagāmaṃ upanissāyāti attho. **Ṭaṅkitamañceti** dīghamañce pādamañjhe² vijjhivā aṭaniyo pavesetvā katamañce. Tassa “idaṃ upari, idaṃ heṭṭhā”ti natthi, parivattetvā atthatopi tādisova hoti, taṃ devaṭṭhāne ṭhapenti. Catunnaṃ pāsāṇaṃ upari pāsāṇaṃ attharivā katagehampi “ṭaṅkitamañco”ti³ vuccati. **Sūcilomassāti** kathinasūcisadisalomassa. So kira Kassapassa Bhagavato sāsane pabbajitvā dūraṭṭhānato āgato sedamalaggahitena gattena supaññattaṃ Saṃghikamañcaṃ anādarena apaccattharivā nipajji, tassa parisuddhasīlassa taṃ kammaṃ suddhavatthe kāḷakaṃ viya ahoṣi. So tasmim attabhāve viṣesaṃ nibbattetuṃ asakkonto kāḷakatvā Gayāgāmadvāre saṅkāraṭṭhāne yakkho hutvā nibbatti. Nibbattamattasseva cassa sakalasarīraṃ kathinasūcīhi gavicchivijjhitaṃ⁴ viya jātaṃ.

Athekadivasam Bhagavā paccūsasamaye lokam olokento tam yakkham paṭhamāvajjanasseva⁵ āpātham āgataṃ disvā “ayaṃ ekaṃ Buddhantaram mahādukkham anubhavi, kinnu khvāssa maṃ āgamma sotthikāraṇam bhaveyyā”ti

1. Eso (Ka)

3. Katageham piṭhaṅkitamañcoti (Ka)

5. Paṭhamāvajjantasseva (Ka)

2. Dīghamañcapāde majjhe (Syā)

4. Āvijjhitaṃ (Sī), gavaccitaṃ(Syā)

āvajjento paṭhamamaggassa upanissayaṃ addasa. Athassa saṅgahaṃ kātukāmo surattadupaṭṭam¹ nivāsetvā Sugatamahācīvaraṃ pārupitvā devavimānakappaṃ Gandhakuṭim pahāya hatthigavāssamanussakukkurādikuṇapaduggandhaṃ saṅkāraṭṭhānaṃ gantvā tattha Mahāgandhakuṭiyaṃ viya nisīdi. Taṃ sandhāya vuttaṃ “sūcilomassa yakkhassa bhavane”ti.

Kharoti suṃsumārapitṭhi viya chadaniṭṭhakāhi visamacchadanapitṭhi viya ca kharasarīro. So kira Kassapasammāsambuddhakāle sīlasampanno upāsako ekadivase vihāre cittattharaṇādīhi atthatāya² bhūmiyā saṅghike attharaṇe attano uttarāsaṅgaṃ apaccattharivā nipajji. Saṅghikaṃ telam abhājetvā³ attano hatthehi sarīraṃ makkhesītipi vadanti. So tena kammaṃ sagge nibbattitum asakkonto tasseva gāmassa dvāre saṅkāraṭṭhāne yakkho⁴ hutvā nibbatti. Nibbattamattassa cassa sakalasarīraṃ vuttappakāraṃ ahosi. Te ubhopi sahāyā jātā. Iti kharassa kharabhāvo veditabbo.

Avidūre atikkamantīti gocaraṃ pariyesantā samāgamaṭṭhānaṃ vā gacchantā āsanne ṭhāne gacchanti. Tesu Sūcilomo Sattāraṃ na passati, Kharalomo⁵ paṭhamataraṃ disvā Sūcilomaṃ yakkhaṃ etadavoca “**eso samaṇo**”ti, samma esa tava bhavanaṃ pavisitvā nisinna eko samaṇoti. **Neso samaṇo, samaṇako esoti** so kira yo maṃ passitvā bhīto palāyati, taṃ samaṇakoti vadati. Yo na bhāyati, taṃ samaṇoti. Tasmā “ayaṃ maṃ disvā bhīto palāyissati”ti maññamāno evamāha.

Kāyaṃ upanāmesīti bheravarūpaṃ nimminivā mahāmukhaṃ vivaritvā sakalasarīre lomāni uṭṭhāpetvā kāyaṃ upanāmesi. **Apanāmesīti** ratanasatikam suvaṇṇagghanikam⁶ viya thokam apānāmesi. **Pāpakoti** lāmakko amanuñño. So gūtham viya aggi viya kaṇhasappo viya ca parivajjetabbo, na iminā suvaṇṇavaṇṇena sarīrena sampaṭicchitabbo. Evaṃ vutte pana sūcilomo “pāpako kira me samphasso”ti kuddho **pañham taṃ samaṇāti-ādimāha. Cittam vā te khipissāmīti** yesaṃhi amanussā

1. Rattadupaṭṭam (Sī, Syā, Ka)

2. Bhājetvā (Syā)

3. Kharo (Syā)

4. Santhatāya (Sī, Syā)

5. Saṅkārayakkho (Sī, Syā)

6. Suvaṇṇagghikam (Sī), suvaṇṇagghiyam (Syā)

cittam khipitukāmā honti, tesam setamukham nīlodaram surattahatthapādam mahāsīsam pajjalitanettaṃ bheravaṃ vā attabhāvaṃ nimminivā dassenti, bheravaṃ vā saddaṃ sāventi¹, kathentānaṃyeva vā mukhe hattham pakkhipitvā hadayaṃ maddanti, tena te sattā ummattakā honti khittacittā. Tam sandhāyevamāha. **Pāraṅgāyāti** dvīsu pādesu gahetvā tam āvinche tvā² yathā na punāgacchasi, evaṃ pāraṃ vā Gaṅgāya khipissāmīti vadati. **Sadevaketi**-ādi vuttatthameva. **Puccha yadākaṅkhasīti** yaṃkiñci ākaṅkhasi, tam sabbaṃ puccha, asesam te byākarissāmīti sabbaññupavāraṇaṃ pavāreti.

Kutonidānāti kiṃnidānā, kiṃpaccayāti attho. **Kumārakā dhaṅkamivossajantīti**³ yathā kumārakā kākaṃ gahetvā ossajanti khipanti, evaṃ pāpavitakkā kuto samuṭṭhāya cittam ossajantīti pucchati.

Itonidānāti ayaṃ attabhāvo nidānaṃ etesanti itonidānā. **Itojāti** ito attabhāvato jātā. **Ito samuṭṭhāya manovitakkāti** yathā dīghasuttakena pāde baddham kākaṃ kumārakā tassa suttapariyantam āṅguliyaṃ veṭhetvā ossajanti, so dūraṃ gantvāpi puna tesam pādamūleyeva patati, evameva ito attabhāvato samuṭṭhāya pāpavitakkā cittam ossajanti.

Snehajāti taṅhāsinehato jātā. **Attasambhūtāti** attani sambhūtā. **Nigrodhasseva khandhajāti** nigrodhakhandhe jātā pārohā viya. **Puthūti** bahū anekappakārā pāpavitakkā taṃsampayuttakilesā ca. **Visattāti** laggā⁴ laggitā. **Kāmesūti** vatthukāmesu. **Māluvāva vitatā vaneti** yathā vane māluvā latā yaṃ rukkham nissāya jāyati, tam mūlato yāva aggā, aggato yāva mūlā punappunaṃ saṃsibbitvā ajjhottharivā otatavitakā⁵ tiṭṭhati. Evaṃ vatthukāmesu puthū kilesakāmā visattā, puthū vā sattā tehi kilesakāmehi vatthukāmesu visattā. **Ye nam pajānantīti** ye⁶ “attasambhūtā”ti etta vuttam attabhavaṃ jānanti.

1. Vādenti (Syā)

2. Āvijjhivā (Sī, Syā)

3. Dhaṅkamivossajantīti (Syā)

4. Sattā laggā (Syā)

5. Otthatā vitthatā (Syā)

6. Ye nam (Sī), ye ca (Syā)

Yatonidānanti yaṃ nidānamassa attabhāvassa, tañca jānanti. **Te naṃ vinodentīti** te evaṃ attabhāvasaṅkhātassa dukkhasaccassa nidānabhūtaṃ samudayasaccaṃ maggasaccena vinodenti¹. **Te duttaranti** te samudayasaccaṃ nīharantā idaṃ duttaraṃ kilesoghaṃ taranti.

Atiṇṇapubbanti anamatagge saṃsāre supinantepi² na tiṇṇapubbaṃ.

Apunabbhavāyāti apunabbhavasāṅkhātassa nirodhasaccassatthāya. Iti imāya gāthāya cattāri saccāni³ pakāseto arahattanikūṭena desanaṃ niṭṭhapesi. Desanāvāsāne Sūcilomo tasmimyeva padese ṭhito desanānusārena ñāṇaṃ pesetvā sotāpattiphale patiṭṭhito. Sotāpannā ca nāma na kiliṭṭhattabhāve tiṭṭhantīti saha phalapaṭilābhenassa sarīre setakaṇḍupīlakasūciyo sabbā patitā. So dibbavatthanivattho dibbavaradukūluttarāsāṅgo dibbaveṭhanaveṭhito dibbābharanaḡandhamāladhāro suvaṇṇavaṇṇo hutvā bhummadevatāparihāraṃ paṭilabhīti. . Tatiyaṃ.

4. Maṇibhaddasuttavaṇṇanā

238. Catutthe **sukhamedhatīti** sukhaṃ paṭilabhāti. **Suve seyyoti** suve suve seyyo, niccaveva seyyoti attho. **Verā na parimuccatīti** ahaṃ satimāti ettakena verato na muccati. **Yassāti** yassa arahato. **Ahimsāyāti** karuṇāya ceva karuṇāpubbabhāge ca. **Mettaṃsoti** so mettañceva mettāpubbabhāgañca bhāveti. Atha vā **aṃsoti** koṭṭhāso vuccati. Mettā aṃso etassāti mettaṃso. Idaṃ vuttaṃ hoti—yassa arahato sabbakālaṃ ahim sāya rato mano, yassa ca sabbabhūtesu mettākoṭṭhāso atthi, tassa kenaci puggalena saddhiṃ veram nāma natthi yakkhāti. . Catutthaṃ.

5. Sānusuttavaṇṇanā

239. Pañcame **yakkhena gahito hotīti** so kira tassā upāsikāya ekaputtako. Atha naṃ sā daharakāleyeva pabbājesi. So pabbajitakālato paṭṭhāya silavā ahosi vattasampanno,

1. Vinodenti nīharanti (Syā)

2. Supinantenāpi (Si), supinantarepi (Syā)

3. Ariyasaccāni (Syā)

ācariyupajjhāya-āgantukādīnaṃ vattaṃ katameva hoti, māsassa aṭṭhamīdivase pāto vuṭṭhāya udakamaḷake udakaṃ upaṭṭhāpetvā dhammassavanaggaṃ sammajjitvā dīpaṃ jāletvā madhurassarena dhammassavanaṃ ghoṣeti. Bhikkhū tassa thāmaṃ ñatvā “sarabhāṇaṃ¹ bhāṇa sāmaṇera”ti ajjhesanti. So “mayhaṃ hadayavāto rujati, kāso vā bādhati”ti kiñci paccāhāraṃ akatvā dhammāsanaṃ abhiruhitvā ākāsaṅgaṃ otārento viya sarabhāṇaṃ vatvā otaranto “mayhaṃ mātāpitūnampi imasmiṃ sarabhāṇe pattī”ti vadati. Tassa manussā mātāpitaro pattiyā dinnabhāvaṃ na jānanti. Anantarattabhāve paṇassa mātā yakkhinī jātā, sā devatāhi saddhiṃ āgatā dhammaṃ sutvā “sāmaṇereṇa dinnapattim anumodāmi tātā”ti vadati. Silasampannā ca nāma bhikkhū sadevakassa lokassa piyā hontīti tasmim sāmaṇere devatā salajjā sagāravā mahābrahmaṃ viya aggikkhandhaṃ viya ca naṃ maññanti. Sāmaṇere gāravena taṃ yakkhiniṃ garuṃ katvā passanti. Dhammassavanayakkhasamāgamādīsu “Sānumātā sānumātā”ti yakkhiniyā aggāsanaṃ aggodakaṃ aggaṇḍaṃ denti. Mahesakkhāpi yakkhā taṃ disvā maggā okkamanti, āsanā vuṭṭhahanti.

Atha kho sāmaṇero vuḍḍhimanvāya paripakkindriyo anabhiratipīlito anabhiratiṃ vinodetuṃ asakkonto parūḷhakesanakho kiliṭṭhanivāsanapārurupano kassaci anārocetvā pattacīvaramādāya ekakova mātu gharaṃ² gato. Upāsikā puttaṃ disvā vanditvā āha “tāta tvaṃ pubbe ācariyupajjhāyehi vā daharasāmaṇerehi vā saddhiṃ idhāgacchasi, kasmā ekakova ajja āgato”ti. So ukkaṇṭhitabhāvaṃ ārocesi. Saddhā upāsikā nānappakāreṇa gharāvāse ādinavaṃ dassetvā puttaṃ ovadamānāpi taṃ saññāpetuṃ asakkonti “appeva nāma attano dhammatāyapi sallakkhessatī”ti anuyojetvāva “tiṭṭha tāta, yāva te yāgubhattaṃ sampādemī, yāguṃ pivitvā katabhattakicassa te manāpāni vatthāni nīharitvā dassāmī”ti vatvā āsanaṃ paññāpetvā adāsi. Nisīdi sāmaṇero. Upāsikā muhutteneva yāgukhajjakaṃ sampādetvā adāsi. Tato “bhattaṃ sampādessāmī”ti avidūre nisinnā taṇḍule dhovati. Tasmim samaye sā yakkhinī “kahaṃ nu kho sāmaṇero kiñci bhikkhāhāraṃ

1. Padabhāṇaṃ (Syā)

2. Mātu gharadvāraṃ (Syā)

labhati, udāhu no”ti āvajjamānā tassa vibbhamitukāmatāya nisinnabhāvaṃ
ñatvā “mā heva kho me devatānaṃ antare lajjaṃ uppādeyya, gacchāmi
vibbhamane antarāyaṃ karomī”ti āgantvā sarīre adhimuccitvā gīvaṃ
parivattetvā bhūmiyaṃ pātesi. So akkhīhi viparivattehi kheḷena
paggharantena bhūmiyaṃ vipphandati. Tena vuttaṃ “yakkhena gahito
hotī”ti.

Abhāsīti upāsikā puttassa taṃ vippekāraṃ disvā vegena gantvā puttam
āliṅgetvā ūrusu nipajjāpesi. Sakalagāmaṃvāsino āgantvā balikammādīni
karonti. Upāsikā paridevamānā imā gāthāyo abhāsi.

Pāṭihāriyapakkhañcāti manussā “aṭṭhamī-uposathassa paccuggamaṇaṅca
anuggamaṇaṅca karissāmā”ti sattamiyāpi navamiyāpi uposathaṅgāni
samādiyanti, cātuddasīpannarasīnaṃ paccuggamaṇānuggamaṇaṃ karontā
terasīyāpi pāṭipadepi samādiyanti, “vassāvāsassa anuggamaṇaṃ karissāmā”ti
dvinnāṃ pavāraṇānaṃ antare aḍḍhamāsaṃ nibaddhuposathikā bhavanti.
Idaṃ sandhāya vuttaṃ “pāṭihāriyapakkhañcā”ti. **Aṭṭhaṅgasusamāgatanti**
aṭṭhaṅgehi suṭṭhu samāgataṃ, sampayuttanti attho. **Brahmacariyanti**
seṭṭhacariyaṃ. **Na te hi yakkhā kilāntī**ti na te gahetvā yakkhā kilamenti.

Puna **cātuddasīnti** imāya gāthāya sāmaṇerassa kāye adhimuttā yakkhīni
āha. **Āvi vā yadī vā rahoti** kassaci sammukhe vā parammukhe vā.
Pamutyatthīti pamutti atti. **Uppaccāpī**ti uppatitvāpi. Sacepi sakuṇo viya
uppatitvā palāyasi, tathāpi te makkho natthīti vadati. Evaṅca pana vatvā
sāmaṇeraṃ muñci. Sāmaṇero akkhīni ummīlesi, mātā kese pakiriya
assasanti passasanti rodanti. So “amanussena gahitomi”ti na jānāti. Olokento
pana “ahaṃ pubbe pīṭhe nisinno, mātā me avidūre nisīditvā taṇḍule dhovati,
idāni panamhi bhūmiyaṃ nisinno, mātāpi me assasanti passasanti rodanti,
sakalagāmaṃvāsīnopi sannipatitā, kinu kho etan”ti nipannakova **matam vā**
ammāti gāthamāha.

Kāme cajitvānāti duvidhepi kāme pahāya. **Punarāgacchateti** vibbhamanavasena āgacchati. **Puna jīvaṃ mato hi soti** uppabbajitvā puna jīvantopi so matakova, tasmā tampi rodantīti vadati.

Idānissa gharāvāse ādīnavam dassenti **kukkuḷāti**-ādimāha. Tattha **kukkuḷāti** gharāvāso kira uṇhaṭṭhena kukkuḷā nāma hoti. **Kassa ujjhāpayāmeti** “abhidhāvatha, bhaddam te hotū”ti evam vatvā “yam tvam vibbhamitukāmo yakkhena pāpito, imam vippakāram kassa mayam ujjhāpayāma nijjhāpayāma ārocayāmā”ti vadati. **Puna dayhitumicchasīti**-ādittagharato nihaṭabhaṇḍam¹ viya gharā nīharitvā Buddhasāsane pabbajito² pana mahāḍāhasadise gharāvāse dayhitum icchasīti attho. So mātari kathentiya kathentiya sallakkhetvā hirottappam paṭilabhivā “natthi mayham gihibhāvena attho”ti āha. Athassa mātā “sādhu tātā”ti tuṭṭhā paṇītabhojanam bhojetvā “kati vassosi tātā”ti pucchi. Paripuṇṇavassomhi upāsiketi. “Tena hi tāta upasampadam karohī”ti cīvarasātake adāsi. So ticīvaram kārapetvā upasampanno Buddhavacanam uggaṇhanto Tepiṭako hutvā silādīnam āgataṭṭhāne tam tam pūrento nacirasseva arahattam patvā mahādhammakathiko hutvā vīsavassasatam ṭhatvā sakalajambudīpam khobhetvā parinibbāyi. . Pañcamam.

6. Piyaṅkarasuttavaṇṇanā

240. Chaṭṭhe **jetavaneti** Jetavanassa paccante Kosambakakuṭi nāma³ atthi, tattha viharati. **Dhammapadānīti** idha pāṭiyekkam saṅgaham āruḷhā chabbīsativaggā tanti adhippetā. Tatrā thero tasmim samaye antovihāre nisinnō madhurassarena sarabhaññam katvā Appamādavaggaṃ bhāsati. **Evam tosesīti** sā kira puttam piyaṅkaram ankenādāya Jetavanassa pacchimabhagato paṭṭhāya gocaram pariyesantī anupubbena nagarābhimukhī hutvā uccārapassāvakheḷasiṅghāṇīkadubbhojanāni pariyesamānā therassa vasanaṭṭhānam patvā madhurassaram assosi. Tassā so saddo chavi-ādīni⁴

1. Nibbhatam bhaṇḍam (Syā)

3. Kosambakuṭikā nāma (Sī, Syā)

2. Pabbajitvā (Syā)

4. Chavicammādīni (Syā)

chetvā aṭṭhimiñjaṃ āhacca hadayaṅgamanīyo hutvā aṭṭhāsi. Athassā gocarapariyesane cittampi na uppajji, ohitasotā Dhammameva suṇantī ṭhitā. Yakkhadārakassa pana daharatāya Dhammassavane cittaṃ natthi. So jighacchāya pīlitattā “kasmā ammā gatagataṭṭhāne khāṇuko viya tiṭṭhasi, na mayhaṃ khādanīyaṃ vā bhojanīyaṃ vā pariyesasī”ti punappunaṃ mātaraṃ codeti. Sā “Dhammassavanassa me antarāyaṃ karotī”ti puttakaṃ “mā saddaṃ kari piyaṅkarā”ti evaṃ tosesi. Tattha **mā saddaṃ karīti** saddaṃ mā kari.

Pānesu cāti gāthāya sā attano dhammatāya samādiṇṇaṃ pañcasīlaṃ dasseti. Tattha **saṃyamāmaseti** saṃyamāma saṃyatā homa. Iminā pāṇātipātā virati gahitā, dutiyapadena musāvādā virati, tatiyapadena sesā tisso viratiyo. **Api muccema pisācayoniyāti** api nāma yakkhaloke uppannāni pañca verāni pahāya yoniso paṭipajjitvā imāya chātakadubbhikkhāya pisācayakkhayoniyā muccema tātāti vadati. . Chaṭṭhaṃ.

7. Punabbasusuttavaṇṇanā

241. Sattame **tena kho pana samayenāti** katarasamayena? Sūriyassa atthaṅgamanasamayena. Tadā kira Bhagavā pacchābhatte mahājanassa dhammaṃ desetvā mahājanaṃ uyyojetvā nhānakoṭṭhake nhatvā Gandhakuṭipariveṇe paññattavarabuddhāsane puratthimalokadhātum olokayamāno nisīdi. Athekacārikadvicārikādayo paṃsukūlikapiṇḍapātikabhikkhū attano attano vasanaṭṭhānechi¹ nikkhamitvā āgamma Dasabalaṃ vanditvā rattasāṇiyā parikkhipamānā viya nisīdīmsu. Atha nesam ajjhāsayaṃ viditvā Satthā nibbānapaṭisaṃyuttaṃ dhammakathaṃ² kathesi.

Evaṃ tosesīti sā kira dhītaraṃ ankenādāya puttaṃ aṅguliyaṃ gahetvā Jetavanapiṭṭhiyaṃ pākāraparikkhepasamīpe uccārapassāvakheḷasiṅghāṇikaṃ pariyesamānā anupubbena Jetavanadvāraakoṭṭhakaṃ sampattā. Bhagavato ca “Ānanda pattaṃ āhara, cīvaraṃ āhāra, vighāsādānaṃ dānaṃ dehī”ti kathentassa saddo samantā dvādasahatthamattameva gaṇhāti. Dhammaṃ

1. Divāṭṭhānavasanaṭṭhānechi (Syā)

2. Dhammikathaṃ (Syā)

desentassa sacepi cakkavāḷapariyantam katvā parisā nisīdati, yathāparisaṃ gacchati, bahiparisāya ekaṅgulimattampi na niggacchati “mā akāraṇā madhurasaddo nassī”ti. Tatrāyaṃ yakkhinī bahiparisāya ṭhitā saddamṇa suṇāti, dvārakoṭṭhake ṭhitāya panassā mahatiyā Buddhavīthiyā abhimukhe ṭhitā Gandhakuṭi paññāyi. Sā nivāte dīpasikhā viya Buddhagāravena hatthakukkuccādirahitam niccalaṃ parisam disvā “nūna mettha¹ kiñci bhājanīyabhaṇḍam² bhavissati, yato aham sappitelamadhuphāṇitādīsu kiñciveva pattato vā hatthato vā paggharantaṃ bhūmiyaṃ vā pana patitaṃ labhissāmī”ti antovihāraṃ pāvīsi. Dvārakoṭṭhake avaruddhakānaṃ nivāraṇatthāya ṭhitā ārakkhadevatā yakkhiniyā upanissāyaṃ disvā na nivāresi. Tassā saha parisāya ekībhāvagamanena madhurassaro chavi-ādīni chinditvā aṭṭhimiñjaṃ āhacca aṭṭhāsi. Tam dhammassavanatthāya niccalaṃ ṭhitaṃ purimanayeneva puttakā codayimsu. Sā “dhammassavanassa me antarāyaṃ karonti”ti puttake **tuṇhī uttarike hohīti** evaṃ tosesi.

Tattha **yāvāti** yāva dhammaṃ suṇāmi, tāva tuṇhī hohīti³ attho. **Sabbaganthappamocananti** nibbānaṃ āgamma sabbe ganthā pamuccanti, tasmā taṃ sabbaganthappamocananti vuccati. **Ativelāti** velātikantā pamāṇātikkantā. **Piyāyanāti** magganā patthanā. **Tato piyataranti** yā ayaṃ assa dhammassa magganā patthanā, idaṃ mayham tato piyataranti attho. Piyatarāti vā pāṭho. **Pāṇinanti** yathā pāṇinaṃ dukkhā moceti. Ke mocetīti. Pāṇineti āharitvā vattabbaṃ . **Yaṃ dhammaṃ abhisambudhanti** yaṃ dhammaṃ Bhagavā abhisambuddho. **Tuṇhībhūtāyamuttarāti** na kevalaṃ ahameva, ayaṃ me bhaginī uttarāpi tuṇhībhūtāti vadati⁴. **Saddhammassa anaññāyāti** amma mayaṃ pubbepi imaṃ saddhammameva ajānitvā idāni idaṃ khuppipāsādiddukkhāṃ anubhavatā dukkhāṃ carāma viharāma⁵.

Cakkhumāti pañcahi cakkhūhi cakkhumā. Dhammaṃ desentoyeva Bhagavā parisam sallakkhayamāno tassā yakkhiniyā ceva yakkhadārakassa ca sotāpattiphalassa upanissayaṃ disvā desanaṃ vinivaṭṭetvā catusaccakathaṃ dīpeti, taṃ sutvā tasmīyeva dese ṭhitā yakkhinī saddhim

1. Nūna cettha (Syā)

2. Bhaṇḍabhājanīyaṃ (Syā)

3. Hothāti (Sī, Syā)

4. Tuṇhībhūtā tiṭṭhati (Sī)

5. Dukkhaṃ carāmase dukkhaṃ viharāma (Syā)

puttena sotāpattiphale patiṭṭhitā. Dhītuyāpi panassā upanissayo atthi, atidharattā pana desanam sampaṭicchitum nāsakkhi.

Idāni sā yakkhinī puttassa anumodanam karontī **sādhū kho paṇḍito nāmāti**-ādimāha. **Ajjāhamhi samuggatāti** ahamhi¹ ajja vaṭṭato uggatā samuggatā, sāsane vā uggatā samuggatā, tvampi sukhī hohīti. **Diṭṭhānīti** mayā ca tayā ca diṭṭhāni. **Uttarāpi suṇātu meti** “amhākaṃ catusaccapaṭivedhabhāvaṃ dhītā me uttarāpi suṇātu”ti vadati. Saha saccapaṭivedheneva sāpi sūcilomo viya sabbaṃ setakaṇḍukacchu-ādibhāvaṃ² pahāya dibbasampattim paṭilabhati saddhim puttana. Dhītā panassā yathā nāma loke mātāpitūhi issariye laddhe puttānampi taṃ hoti, evaṃ mātu ānubhāvene va sampattam labhi. Tato paṭṭhāya ca sā saddhim puttakehi Gandhakuṭṭisamīparukkheveva nivāsarukkham labhitvā sāyaṃ pātāṃ Buddhadassanam labhamānā dhammam suṇamānā dīgharattim tattheva vasi. . Sattamaṃ.

8. Sudattasuttavaṇṇanā

242. Aṭṭhame **kenacideva karaṇīyenāhi** vāṇijjakammaṃ adhippetam. Anāthapiṇḍiko ca Rājagahaseṭṭhi ca aññamaññam bhaginipatikā honti. Yadā Rājagahe utṭhānabhaṇḍakaṃ mahaggham³ hoti, tadā Rājagahaseṭṭhi taṃ gahetvā pañcasakaṭasatehi Sāvattim gantvā yojanamatte ṭhito attano āgatabhāvaṃ jānāpeti. Anāthapiṇḍiko paccuggantvā tassa mahāsakkāram katvā ekayānam āropetvā Sāvattim pavisati. So sace bhaṇḍam lahukam vikkīyati, vikkiṇāti. No ce, bhaginighare ṭhapetvā pakkamati. Anāthapiṇḍikopi tattheva karoti. Svāyaṃ tadāpi teneva karaṇīyena agamāsi. Taṃ sandhāyetam vuttam.

Taṃdivasaṃ pana Rājagahaseṭṭhi yojanamatte ṭhitena Anāthapiṇḍikena āgatabhāvajānanattham pesitam paṇṇam na suṇi, dhammassavanatthāya vihāram agamāsi. So dhammakatham sutvā svātanāya Buddhappamukham bhikkhusamgham nimantetvā attano ghare uddhanakhaṇāpanadāruruphālanādīni kāresi. Anāthapiṇḍikopi “idāni mayham paccuggamanam karissati, idāni karissati”ti gharadvārepi paccuggamanam

1. Aham hi (Si) 2. Sabbapeta kaṇḍukacchu-ādibhāvaṃ (Syā) 3. Samaggham (Syā)

alabhitvā antogharaṃ pavitt̃ho paṭisanthāraṃpi na bahuṃ alattha. “Kiṃ mahāseṭṭhi kusalaṃ dārakarūpanaṃ, nasi magge kilanto”¹ti ettakova paṭisanthāro ahosi, so tassa mahābyāpāraṃ disvā “kinno te gahapati āvāho vā bhavissatī”ti khandhake² āgatanayeneva kathaṃ pavattetvā tassa mukhato Buddhasaddaṃ sutvā pañcavaṇṇaṃ pītiṃ paṭilabhi. Sā tassa sīsena uṭṭhāya yāva pādapiṭṭhiyā, pādapiṭṭhiyā uṭṭhāya yāva sīsā gacchati, ubhato uṭṭhāya majjhe osarati, majjhe uṭṭhāya ubhato gacchati. So pītiyā nirantaraṃ phuṭṭho “Buddhoti tvaṃ gahapati vadesi, Buddho tāhaṃ gahapati vadāmi”ti evaṃ tikkhattuṃ pucchitvā “ghosopi kho eso dullabho lokasmiṃ yadidaṃ Buddho”ti āha. Idaṃ sandhāya vuttaṃ “assosi kho Anāthapiṇḍiko gahapati Buddho kira loke uppanno”ti.

Etadahosi akālo kho ajjāti so kira taṃ seṭṭhiṃ pucchi “kuhiṃ gahapati Satthā viharatī”ti. Athassa so “Buddhā nāma durāsadā āsīvisasadisā honti, Satthā sivathikāya³ vasati, na sakkā tattha tumhādisehi imāya velāya gantun”ti ācikkhi. Athassa etadahosi. **Buddhagatāya satiyā nipajjīti** taṃdivasaṃ kirassa bhaṇḍasakaṭesu vā upaṭṭhākesu vā cittampi na uppajji, sāyamāsampi na akāsi, sattabhūmikaṃ pana pāsādaṃ āruyha supaññattālaṅkatavarasayane “Buddho Buddho”ti sajjhāyaṃ karontova nipajjitvā niddaṃ okkami. Tena vuttaṃ “Buddhagatāya satiyā nipajjī”ti.

Rattiyā sudaraṃ tikkhattuṃ uṭṭhāsi pabhātanti maññaṃānoti paṭṭhamayāme tāva vītivatte uṭṭhāya Buddhaṃ anussari, athassa balavappasādo udapādi, pīti-āloko ahosi, sabbatamaṃ vigacchi, dīpasahassujjalaṃ viya canduṭṭhānaṃ sūriyuṭṭhānaṃ viya ca jātaṃ. So “pamādaṃ āpanno vatamhi⁴, sūriyo uggato”ti uṭṭhāya ākāsatale ṭhitaṃ candaṃ ulloketvā “ekova yāmo gato, aññe dve atthī”ti puna pavisitvā nipajji. Etenupāyena majjhimayāmāvasānepi pacchimayāmāvasānepīti tikkhattuṃ uṭṭhāsi. Pacchimayāmāvasāne pana balavapaccūseyeva uṭṭhāya ākāsatalaṃ

1. Kilamantoti (Syā)

3. Sītavane (Sī)

2. Vi 4. 302 piṭṭhe.

4. Pasādaṃ āpannomhi vañcitomi (Sī, Syā)

āgantvā¹ mahādvārābhimukhova ahoṣi, sattabhūmikadvāraṃ sayameva vivaṭaṃ ahoṣi. So pāsādā oruḃha antaravīthiṃ paṭipajji.

Vivarim̃ sūti “ayaṃ mahāseṭṭhi ‘Buddhupaṭṭhānaṃ gamissāmi’ti nikkhanto, paṭhamadassaneneva sotāpattiṭṭhale paṭiṭṭhāya tiṇṇaṃ ratanānaṃ agguppaṭṭhāko hutvā asadisāṃ saṃghārāmaṃ katvā cātuddisassa ariyagaṇassa anāvaṭadvāro bhavissati, na yuttamassa dvāraṃ pidahitun”ti cintetvā vivarimsu. **Antaradhāyīti** Rājagahaṃ kira ākiṇṇamanussaṃ antonagare nava koṭiyo, bahinagare navāti taṃ upanissāya aṭṭhārasa manussakoṭiyo vasanti. Avelāya matamanusse bahi nīharitum asakkontā aṭṭālake² ṭhatvā bahidvāre khipanti. Mahāseṭṭhi nagarato bahinikkhantamattova allasārāraṃ pādena akkamaṃ, aparampi piṭṭhipādena pahari. Makkhikā uppatitvā parikirimsu. Duggandho nāsapuṭaṃ abhiani. Buddhappasādo tanuttaṃ gato³. Tenassa āloko antaradhāyi, andhakāro pāturaḃhoṣi. **Saddamanussāvesīti** “seṭṭhissa ussāhaṃ jaṇessāmi”ti suvaṇṇakiṇṇikaṃ ghaṭṭento viya madhurassarena saddaṃ anussāvesi.

Sataṃ kañṇāsahassāniti purimapadānipi imināva saḃassapadena saddhiṃ sambandhanīyāni. Yatheva hi sataṃ kañṇāsahassāni, sataṃ saḃassāni hatthī, sataṃ saḃassāni assā, sataṃ saḃassāni rathāti ayamettha attho. Iti ekekasatasahassameva dīpitaṃ. **Padavītiḃhārassāti** padavītiḃhāro nāma samagamane dvinnāṃ padānaṃ antare muṭṭhiratanamattaṃ. **Kalam̃ nāgghanti soḃasinti** taṃ ekaṃ padavītiḃhāraṃ soḃasabhāge katvā tato eko koṭṭhāso puna soḃasadhā, tato eko soḃasadhāti evaṃ soḃasa vāre soḃasadhā bhinnassa eko koṭṭhāso soḃasikalā nāma, taṃ soḃasikalāṃ etāni cattāri sataḃassāni na agghanti. Idaṃ vuttaṃ hoti—sataṃ hatthisaḃassāni sataṃ assasaḃassāni sataṃ rathasaḃassāni sataṃ kañṇāsahassāni, tā ca kho āmukkamaṇikuṇḃalā sakalajambudīparājadhītarō vāti imasmā ettakā lābhā vihāraṃ gaḃchantassa tasmīṃ soḃasikalasaṅkhāte padese pavattacetanāva uttaritarāti. Idaṃ pana vihāragamaṃ kassa vasena gaḃhanti? Vihāraṃ gantvā anantarāyena sotāpattiṭṭhale paṭiṭṭhahantassa. “Gandhamālādīhi pūjāṃ

1. Gantvā (Sī)

2. Addhālake (Syā)

3. Tanubhūto (Sī), tanukaṃ gato (Ka)

karissāmi, cetiyam vandissāmi, dhammam sossāmi, dīpapūjam karissāmi, saṅgham nimantetvā dānam dassāmi, sikkhāpadesu vā saraṇesu vā paṭiṭṭhahissāmi”ti gacchatopi vasena vaṭṭatiyeva.

Andhakāro antaradhāyīti so kira cintesi “aham ekakoti saññam karomi, anuyuttāpi me atthi, kasmā bhāyāmī”ti sūro ahosi. Athassa balavā Buddhappasādo udapādi. Tasmā andhakāro antaradhāyīti. Sesavāresupi eseva nayo. Apica purato purato gacchanto¹ bhimsanake susānamagge aṭṭhikasankhalikasamaṃsalohitanti-ādīni anekavidhāni kuṇapāni addasa. Soṇasiṅgālādīnam saddam assosi. Tam sabbam parissayam punappunam Buddhagatam pasadam vaḍḍhetvā maddanto agamasiyeva.

Ehi Sudattāti so kira seṭṭhi gacchamānova cintesi “imasmiṃ loke bahū Pūraṇakassapādayo titthiyā ‘mayam Buddhā mayam Buddhā’ti vadanti, katham nu kho aham Satthu Buddhabhāvam jāneyyam”ti. Athassa etadahosi “mayham guṇavasena uppannam nāmam mahājāno jānāti, kuladattiyam pana me nāmam aññatra mayā na koci jānāti. Sace Buddho bhavissati, kuladattikanāmena mam ālapissati”ti. Sathā tassa cittam ṇatvā evamāha.

Parinibbutoti kilesaparinibbānena parinibbuto. **Āsattiyoti** taṇhāyo. **Santinti** kilesavūpasamam. **Pappuyyāti** patvā. Idañca pana vatvā Sathā tassa anupubbikatham kathetvā matthake cattāri saccāni pakāsesi. Seṭṭhi dhammadesanam sutvā sotāpattiphale paṭiṭṭhāya Buddhappamukham bhikkhusaṅgham nimantetvā punadivasato paṭṭhāya mahādānam dātum ārabhi. Bimbisārādayo seṭṭhissa sāsanam pesenti “tvam āgantuko, yam nappahoti, tam ito āhārāpehī”ti. So “alam tumhe bahukiccā”ti sabbe paṭikkhipitvā pañcahi sakaṭasatehi ānītavibhavena sattāham mahādānam adāsi. Dānapariyosāne ca Bhagavantam Sāvatthiyam vassāvāsam paṭijānāpetvā Rājagahassa ca

1. Parato parato gacchanto (Sī, Syā)

Sāvattiyā ca antare yojane yojane satahassam datvā pañcacattālīsa vihāre kārento Sāvattim gantvā Jetavanamahāvihāram kāretvā Buddhappamukhassa bhikkhusamghassa niyyādesīti. . Aṭṭhamam.

9. Paṭhamasukkāsaṭṭavaṇṇanā

243. Navame **rathikāya rathikanti** ekaṃ rathikaṃ gahetvā tato aparaṃ gacchanto rathikāya rathikaṃ upasaṅkamanto nāma hoti. Singhātakepi eseva nayo. Ettha ca **rathikāti** racchā. **Singhātakanti** catukkaṃ. **Kim me katāti** kim ime katā, kim karontīti attho. **Madhupītāva seyareti** gandhamadhupānaṃ pītā viya sayanti. Gandhamadhupānaṃ pīto kira sīsam ukkhipitum na sakkoti, asaṅṅī hutvā sayateva. Tasmā evamāha.

Taṅca pana appaṭivānīyanti taṅca pana dhammaṃ appaṭivānīyaṃ deseti. Bāhirakaṅhi sumadhurampi bhojanaṃ punappunaṃ bhuñjantassa na ruccati, “apanetha, kim iminā”ti paṭivānetabbaṃ apanetabbaṃ hoti, na evamayaṃ dhammo. Imaṃ hi dhammaṃ paṇḍitā vassasatampi vassasahascampi suṇantā tittim na gacchanti. Tenāha “appaṭivānīyan”ti. **Asecanakamojavanti** anāsittakaṃ ojavantaṃ. Yathā hi bāhirāni asambhinnaṃ pāyāsādīnīpi sappimadhusakkharāhi āsittāni yojitāneva madhurāni ojavantāni honti, na evamayaṃ dhammo. Ayaṃ hi attano dhammatāya madhuro ceva ojavā ca, na aṅṅena upasitto. Tenāha “asecanakamojavan”ti. **Pivanti maṅṅe sappaññāti** paṇḍitapurisā pivanti viya. **Valāhakamiva panthagūti**¹ valāhakantarato nikkhantarakamā ghammābhitattā pathikā viya. . Navamaṃ.

10-11. Dutiyasukkāsaṭṭadivaṇṇanā

244. 245. Dasame **puññaṃ vata pasavi bahunti** bahuṃ vata puññaṃ pasavatīti². Ekādasamaṃ uttānameva. . Ekādasamaṃ.

12. Ālavakasuttavaṇṇanā

246. Dvādasame **Ālavīyanti** Ālavīti taṃ raṭṭhampi nagarampi. Taṅca bhavanaṃ nagarassa avidūre gāvutamatte ṭhitam, Bhagavā tattha viharanto taṃ nagaraṃ

1. Valāhakamivaddhagūti (Sī)

2. Pasavīti (Sī)

upanissāya Āḷaviyaṃ viharatīti vutto. **Āḷavakassa yakkhassa bhavaneti** ettha pana ayaṃanupubbikathā—Āḷavako kira rājā vividhanāṭakūpabhogaṃ chaḍḍetvā corapaṭibāhanatthaṃ paṭirājanisedhanatthaṃ byāyāmakaraṇatthañca sattame sattame divase migavaṃ gacchanto ekadivasaṃ balakāyena saddhiṃ katikaṃ akāsi “yassa passena migo palāyati, tasseva so bhāro”ti. Atha tasseva passena migo palāyi, javasampanno rājā dhanuṃ gahetvā pattikova tiyojanaṃ taṃ migam anubandhi. Eṇimigā ca tiyojanavegā eva honti. Atha parikkhīṇajavaṃ taṃ udakaṃ viya pavisitvā ṭhitam vadhitvā dvidhā chetvā anathhikopi maṃsena “nāsakkhi migam gahetun”ti apavādamocanatthaṃ kājenādāya āvacchanto nagarassāvidūre bahalapattapalāsaṃ mahānigrodham disvā pariṣsamavinodanatthaṃ tassa mūlamupagato. Tasmiṃca nigrodhe Āḷavako yakkho mahārājasantikā bhavanaṃ labhitvā majjhanhikasamaye tassa rukkhasa chāyāya phuṭṭhokāsaṃ pavitṭhe pāṇino khādanto paṭivasati. So taṃ disvā khāditaṃ upagato. Rājā tena saddhiṃ katikaṃ akāsi “muñca maṃ, ahaṃ te divase divase manussaṃca thālīpākañca pesessāmi”ti. Yakkho “tvam rājūpabhogena pamatto na sarissasi, ahaṃ pana bhavanaṃ anupagatañca ananuññātañca khāditaṃ na labhāmi, svāham bhavantampi jīyeyyan”ti¹ na muñci. Rājā “yam divasaṃ na pesemi, taṃ divasaṃ maṃ gahetvā khādā”ti attānaṃ anujānitvā tena mutto nagarābhimukho agamāsi.

Balakāyo magge khandhāvāraṃ bandhitvā ṭhito rājānaṃ disvā “kiṃ mahārāja ayasamattabhayā² evaṃ kilantosī”ti vadanto paccuggantvā paṭiggahesi. Rājā taṃ pavattim anārocetvā nagaraṃ gantvā katapātarāso nagaraguttikaṃ āmantetvā etamatthaṃ ārocesi. Nagaraguttiko “kiṃ deva kālaparicchedo kato”ti āha. Na kato bhaṇeti. Duṭṭhu kataṃ deva, amanussā hi paricchinnamattameva labhanti, aparicchinne pana janapadassābādho bhavissati, hotu deva, kiñcāpi evamakāsi, appossukko tvam rajjasukhamanubhoḥi, ahamettha kātabbam karissāmīti. So kālasseva vuṭṭhāya bandhanāgāradvāre ṭhatvā ye ye vajjhā honti, te te sandhāya “yo jīvitatthiko, so

1. Jaheyyanti (Sī), jīyeyyanti (Syā, Ka)

2. Ayasapattabhayā (Syā)

nikkhamatū”ti bhaṇāti. Yo paṭhamam nikkhamati, tam geham netvā nhāpetvā bhojetvā ca “imam thālipākam yakkhassa dehī”ti peseti. Tam rukkhamūlam pavīṭṭhamattamyeva yakkho bheravam attabhāvam nimminivā mūlakandaṃ viya khādi. Yakkhānubhāvena kira manussānam kesādīni upādāya sakalasarīram navanītapinḍam viya hoti, yakkhassa bhattam gāhāpetum gatapurisā tam disvā bhītā yathāmittam ārocesum. Tato pabhuti “rājā core gahetvā yakkhassa detī”ti manussā corakammato paṭiviratā. Tato aparena samayena navacorānam abhāvena purāṇacorānañca parikkhayena bandhanāgarāni suññāni ahesum.

Atha nagaraguttiko rañño ārocesi. Rājā attano dhanam nagararacchāsu chaḍḍāpesi “appeva nāma koci lobhena gaṇheyyā”ti. Tam pādenapi koci nacchupi. So core alabhanto amaccānam ārocesi. Amaccā “kulapaṭipāṭiyā ekamekam jiṇṇakam pesema, so pakatiyāpi maccupathe vattatī”ti āhamsu. Rājā “amhākam pitaram amhākam pitāmaham pesetīti manussā khobham karissanti, mā vo etam rucī”ti¹ vāresi. “Tena hi deva dārakam pesema uttānaseyyakam, tathāvidhassa hi ‘mātā me’ti ‘pitā me’ti sineho natthī”ti āhamsu. Rājā anujāni. Te tathā akamsu. Nagare dārakamātaro ca dārake gahetvā gabbhiniyo ca palāyivā parajanapade dārake samvaḍḍhetvā ānenti. Evaṃ dvādasa vassāni gatāni.

Tato ekadivasaṃ sakalanagaraṃ vicinitvā ekampi dārakam alabhitvā amaccā rañño ārocesum “natthi deva nagare dārako ṭhapetvā antepure tava puttam Āḷavakakumāran”ti. Rājā “yathā mama putto piyo, evaṃ sabbalokassa, attanā pana piyataram natthi, gacchatha² tampi datvā mama jīvitam rakkhathā”ti. Tena ca samayena Āḷavakassa mātā puttam nhāpetvā maṇḍetvā dukūlacumbaṭake katvā anke sayāpetvā nisinnā hoti. Rājapurisā rañño āṇāya tattha gantvā vippalapantiyā³ tassa soḷasannañca devisahassānam saddhim dhāṭiyā tam ādāya pakkamimsu “sveva yakkhabhakkho bhavissatī”ti. Tamdivasañca Bhagavā paccūsasamayam

1. Ruccatīti (Ka)

2. Gacchatha re (Ka)

3. Vilapantiyā (Sī)

paccuṭṭhāya Jetavanavihāre Gandhakuṭṭiyam¹ mahākaruṇāsamāpattim samāpajjitvā Buddhacakkhunā lokam olokeno addasa Āḷavakassa kumārassa anāgāmiphaluppattiyā upanissayam yakkhassa ca sotāpatiphaluppattiyā, desanāpariyosāne ca caturāsītīpāṇasahassānam dhammacakkhupaṭilābhassāti. So vibhātāya rattiyā purimabhattakiccam katvā suniṭṭhitapacchābhattakicco kāḷapakkhūposathadivase vattamāne oggate² sūriye eko adutiyo pattacīvaramādāya pādamaggeneva³ Sāvattthito timsa yojanāni gantvā tassa yakkhassa bhavanam pāvīsi. Tena vuttam “Āḷavakassa yakkhassa bhavane”ti.

Kim pana Bhagavā yasmiṃ nigrodhe Āḷavakassa bhavanam, tassa mūle vihāsi, udāhu bhavaneyevāti? Bhavaneyeva. Yatheva hi yakkhā attano bhavanam passanti, tathā Bhagavāpi. So tattha gantvā bhavanadvāre aṭṭhāsi. Tadā Āḷavako Himavante yakkhasamāgamam gato hoti. Tato Āḷavakassa dvārapālo Gadrabho nāma yakkho Bhagavantam upasaṅkamtivā vanditvā “kim bhante Bhagavā vikāle āgato”ti āha. Āma Gadrabha āgatomi, sace te agaru, vihareyyāmekarattam⁴ Āḷavakassa bhavaneti. Na me bhante garu, apica kho so yakkho kakkhaḷo pharuso, mātāpitūnampi abhivādanādīni na karoti, mā rucci Bhagavato idha vāsoti. Jānāmi Gadrabha tassa sabhāvam, na koci mamantarāyo bhavissati. Sace te agaru, vihareyyāmekarattanti.

Dutiyampi Gadrabho yakkho Bhagavantam etadvoca “aggitattakapālasadiso⁵ bhante Āḷavako, mātāpitaroti vā samaṇabrāhmaṇāti vā dhammoti vā na jānāti, idhāgatānam pana cittakkhepampi karoti, hadayampi phāleti, pādepi gahetvā parasamuddam vā paracakkavālam vā khipatī”ti. Dutiyampi Bhagavā āha “jānāmi Gadrabha, sacepi te agaru, vihareyyāmekarattan”ti. Na me bhante garu, apica kho so yakkho attano anārocetvā anujānantam mam jīvitāpi voropeyya, ārocemi bhante tassāti.

1. Mahāgandhakuṭṭiyam (Sī, Syā)

3. Pādamatteneva (Syā)

5. Abhitattakapālasadiso (Syā)

2. Ogate (Sī), okkante (Syā), uggate (Ka)

4. Rattim (Syā)

Yathāsukhaṃ Gadrabha ārochēhīti. “Tena hi bhante tvameva jānāhī”ti Bhagavantam abhivādetvā Himavantābhimukho pakkāmi. Bhavanadvārampi sayameva Bhagavato vivaramadāsi. Bhagavā antobhavanam pavisitvā yattha abhilakkhitesu maṅgaladivasādīsu nisīditvā Āḷavako siriṃ anubhoti, tasmim yeva dibbaratanamaye pallaṅke nisīditvā suvaṇṇātāṃ muñci. Tam disvā yakkhassa itthiyo āgantvā Bhaganantam vanditvā samparivāretvā nisīdīmsu. Bhagavā “pubbe tumhe dānam datvā sīlam samādiyitvā pūjaneyyam pūjetvā imam sampattim pattā, idānipi tatheva karotha, mā aññamaññam issāmacchariyābhibhūtā viharathā”ti-ādinā nayena tāsam pakiṇṇakadhammakatham kathesi. Tā Bhagavato madhuranigghosam sutvā sādhu-kārasahassāni datvā Bhagavantam samparivāretvā nisīdīmsuyeva. Gadrabhopi Himavantam gantvā Āḷavakassārocesi “yagghe mārīsa jāneyyāsi, vimāne te Bhagavā nisinnō”ti. So Gadrabhassa saññam akāsi¹ “tuṇhī² hohi, gantvā kattabbam karissāmī”ti. Purisamānena kira lajjito ahoṣi, tasmā “mā koci parisamajjhe suṇeyyā”ti evamakāsi.

Tadā Sātāgīrahemavatā³ Bhagavantam Jetavaneyeva vanditvā “yakkhasamāgamaṃ gamissāmā”ti sapaṇivārā nānāyānchi ākāsena gacchanti. Ākāse ca yakkhānam sabbattha maggo natthi⁴, ākāsaṭṭhāni vimānāni pariharitvā maggaṭṭhānena maggo hoti. Āḷavakassa pana vimānam bhūmaṭṭham suguttam pākāraparikkhittam susamvihitadvāra-aṭṭālakagopuram upari kaṃsajālasañchannam mañjūśasadisam tiyojanam ubbedhena, tassa upari maggo hoti. Te tam padesamāgamma gantum nāsakkhīmsu. Buddhānam hi nisinnokāsassa uparibhāgena yāva Bhavaggā koci gantum na sakkoti. Te “kimidan”ti āvajjetvā Bhagavantam disvā ākāse khittaleḍḍu viya oruyha vanditvā dhammam sutvā padakkhiṇam katvā “yakkhasamāgamaṃ gacchāma Bhagavā”ti tīṇi vatthūni pasamsantā yakkhasamāgamaṃ agamaṃsu. Āḷavako te disvā “idha nisīdathā”ti paṭikkamma okāsamadāsi⁵. Te Āḷavakassa nivedesum “lābhā te Āḷavaka, yassa te bhavane Bhagavā viharati, gacchāvuso Bhagavantam payirupāsassū”ti. Evam Bhagavā bhavaneyeva vihāsi, na yasmim

1. Saññamadāsi (Ka)

2. Tuṇhibhūto (Ka)

3. Sātāgīrahemavatā (Syā)

4. Neva yakkhānam sabbatta maggo atthi (Sī)

5. Okāsamakāsi (Syā)

nigrodhe Āḷavakassa bhavanam, tassa mūleti. Tena vuttam “ekam samayam Bhagavā Āḷaviyam viharati Āḷavakassa yakkhassa bhavane”ti.

Atha kho Āḷavako -pa- etadavoca “nikkhama samaṇā”ti kasmā panāyam etadavoca? Rosetukāmatāya. Tatrevam ādito pabhuti sambandho veditabbo—ayam hi yasmā assaddhassa saddhākathā dukkathā hoti dussilādīnam silādīkathā viya, tasmā tesam yakkhānam santikā Bhagavato pasamsam sutvāyeva aggimhi pakkhittaloṇasakkharā viya abbhantare kopena taṭataṭāyamānahadayo hutvā “ko so Bhagavā nāma, yo mama bhavanam pavitṭho”ti āha. Te āhamsu “na tvaṃ āvuso jānāsi Bhagavantam amhākam Satthāram, yo Tusitabhavane ṭhito pañcamahāvīlokitam viloketvā”ti-ādīnā nayena yāva dhammacakkapavattanā kathentā paṭisandhi-ādīsu dvattimsa pubbanimittāni vatvā “imānipi tvaṃ āvuso acchariyāni nāddasā”ti codesum. So disvāpi kodhavasena “nāddasan”ti āha. Āvuso Āḷavaka passeyyāsi vā tvaṃ, na vā, ko tayā attho passatā vā apassatā vā, kiṃ tvaṃ karissasi amhākam Satthuno, yo tvaṃ tam upanidhāya calakkakudha¹ mahā-usabhasamīpe tadahujātavacchako viya, tidhā pabhinnamattavāraṇasamīpe bhīṅkapotako viya, bhāsuravilambitakesarasobhitakkhandhassa migarañño samīpe jarasiṅgālo viya, diyadḍhajojanasatapavaḍḍhakāyasupaṇṇarājasamīpe chinnapakkhakākapotako viya khāyasi, gaccha yaṃ te karaṇīyam, tam karohīti. Evam vutte dutṭho Āḷavako utṭhahitvā manosilātale vāmapādena ṭhatvā “passatha dāni tumhākam vā Satthā mahānubhāvo, aham vā”ti dakkhiṇapādena satṭhiyojanamattam Kelāsapabbatakūṭam akkami, tam ayokūṭapahaṭo viya niddhanta-ayopiṇḍo papaṭikāyo muñci, so tatra ṭhatvā “aham Āḷavako”ti ugghosesi. Sakalajambudīpam saddo phari.

Cattāro kira saddā sakalajambudīpe sūyimsu²—yañca Puṇṇako Yakkhasenāpati Dhanañjayakorabyarājānam jūtam jinitvā apphotethvā “aham jinin”ti ugghosesi, yañca Sakko Devānamindo Kassapabhagavato sāsane osakkante Vissakammadevaputtam sunakham karitvā “aham pāpabhikkhū

1. Palakkakudha (Syā), calakakudha (Ka)

2. Pharimsu (Ka)

ca pāpabhikkhuniyo ca upāsake ca upāsikāyo ca sabbeva ca adhammavādino khādāmī”ti ugghosāpesi, yañca Kusajātake Pabhāvati hetu sattaḥi rājūhi nagare uparuddhe Pabhāvatiṃ attanā saha hatthikkhandhe āropetvā nagarā nikkhamma “ahaṃ Siḥassaramahākusarājā”ti mahāpuriso ugghosesi, yañca Kelāsamuddhani ṭhatvā Ālavakoti. Tadā hi Sakalajambudīpe dvāre ṭhatvā ugghositasadisam ahoṣi. Tiyojanasahassavitthato ca Himavāpi saṅkampi yakkhassānubhāvena.

So **vātamaṇḍalaṃ** samuṭṭhāpesi “eteneva samaṇaṃ palāpessāmī”ti. Te puratthimādibhedā vātā samuṭṭhahitvā aḍḍhajojanayojanadvīyojanatiyojanappamāṇāni pabbatakūṭāni padāletvā vanagaccharukkhādīni ummūlaṃ katvā¹ Ālavinagaraṃ pakkhantā² jīṇṇahatthisālādīni cuṇṇentā chadaniṭṭhakā ākāse vidhamentā³. Bhagavā “mā kassaci uparodho hotū”ti adhiṭṭhāsi. Te vātā Dasabalaṃ patvā cīvarakaṇṇamattampi cāletuṃ nāsakkhimsu. Tato **mahāvassaraṃ** samuṭṭhāpesi “udakena ajjhottharivā samaṇaṃ māressāmī”ti. Tassānubhāvena uparūpari satapaṭalasaḥassapaṭalādibhedā valāhakā uṭṭhahitvā pavassimsu. Vuṭṭhidhārāvegena pathavī chiddā ahoṣi. Vanarukkhādīnaṃ upari mahogho āgantvā Dasabalassa cīvare ussāvabindu mattampi temetuṃ nāsakkhi. Tato **pāsānavassaraṃ** samuṭṭhāpesi. Mahantāni mahantāni pabbatakūṭāni dhūmāyantāni pajjalantāni ākāsenāgantvā Dasabalaṃ patvā dibbamālāguḷāni sampajjimsu. Tato **paharaṇavassaraṃ** samuṭṭhāpesi. Ekatothārā-ubhatodhārā-asisattikhurappādayo dhūmāyantā pajjalantā ākāsenāgantvā Dasabalaṃ patvā dibbapupphāni ahesuṃ. Tato **aṅgāravassaraṃ** samuṭṭhāpesi. Kiṃ suka vaṇṇā aṅgārā ākāsenāgantvā Dasabalassa pādāmūle dibbapupphāni hutvā vikīrayimsu⁴. Tato **kukkulavassaraṃ** samuṭṭhāpesi. Accuṇhā kukkulā ākāsenāgantvā Dasabalassa pādāmūle candanacuṇṇaṃ hutvā nipatimsu. Tato **vālikavassaraṃ** samuṭṭhāpesi. Atisukhumavālikā dhūmāyantā pajjalantā ākāsenāgantvā Dasabalassa pādāmūle dibbapupphāni hutvā nipatimsu. Tato **kalalavassaraṃ** samuṭṭhāpesi. Taṃ kalalavassaraṃ dhū māyantā pajjalantāni ākāsenāgantvā Dasabalassa pādāmūle dibbagandhaṃ hutvā nipati.

1. Uppīletvā (Sī, Syā)

3. Bhamantā (Syā), dhamenti (Ka)

2. Pakkhantā (Ka)

4. Nipatimsu (Ka)

Tato **andhakāraṃ** samuṭṭhāpesi “bhimsetvā samaṇaṃ palāpessāmi”ti. Taṃ caturaṅgasamannāgataṃ andhakārasadisāṃ hutvā Dasabalaṃ patvā sūriyappabhāvihatamiva andhakāraṃ antaradhāyi.

Evāṃ yakkho imāhi navahi
vātavassapāsāṇapaharaṇaṅgārakukkulavālikakalalandhakāravuṭṭhihi
Bhagavantaṃ palāpetuṃ asakkonto nānāvidhapaharaṇahatthāya
anekappakārarūpabhūtagaṇasamākulāya caturaṅginīyā senāya sayameva
Bhagavantaṃ abhigato. Te bhūtagaṇā anekappakāre vikāre katvā “gaṇhatha
hanathā”ti Bhagavato upari āgacchantā viya honti. Apica kho
niddhantalohapiṇḍaṃ viya makkhikā, Bhagavantaṃ allīyituṃ asamatthāva
ahesuṃ. Evaṃ santepi yathā Bodhimaṇḍe māro āgatavelāyameva nivatto,
tathā anivattetvā upaḍḍharattimattaṃ byākulamakaṃsu. Evaṃ
upaḍḍharattimattaṃ anekappakāravibhimsanakadassanēnapi Bhagavantaṃ
cāletuṃ asakkonto Āḷavako cintesi “yaṃnūnāhaṃ kenaci ajeyyaṃ
dussāvudhaṃ muñceyyaṃ”ti.

Cattāri kira āvudhāni loke seṭṭhāni—Sakkassa vajirāvudhaṃ,
Vessavaṇassa gadāvudhaṃ, yamassa nayanāvudhaṃ, Āḷavakassa
dussāvudhanti. Yadi hi Sakko duṭṭho¹ vajirāvudhaṃ Sinerumatthake
pahareyya, aṭṭhasaṭṭhisahassādhikayojanasatasahassaṃ vinivijjhivā heṭṭhato
gaccheyya. Vessavaṇena kujjhanakāle² vissajjitaṃ gadāvudhaṃ bahūnaṃ
yakkhasahassānaṃ sīsaṃ pātetvā puna hatthapāsāṃ āgantvā tiṭṭhati. Yamena
duṭṭhena nayanāvudhena olokitamate anekāni kumbhaṇḍasahassāni
tattakapāle kilā³ viya pharantāni⁴ vinassanti. Āḷavako duṭṭho sace ākāse
dussāvudhaṃ muñceyya, dvādasa vassāni devo na vasseyya. Sace
pathaviyaṃ muñceyya, sabbarukkhatiṇḍāni sussitvā dvādasavassantare na
puna viruheyyuṃ. Sace samudde muñceyya, tattakapāle udakabindu viya
sabbamudakaṃ susseyya. Sace Sinerusadisepi pabbate muñceyya,
khaṇḍākhaṇḍaṃ hutvā vikireyya, so evāṃ mahānubhāvaṃ dussāvudhaṃ
uttarisāṭakaṃ⁵ muñcivā aggahesi. Yebhuyyena dasasahasilokadhātudevataṃ
vegena sannipatiṃsu

1. Ruṭṭho (Sī), ruddho (Syā)

4. Phurantāni (Sī)

2. Puthujjanakāle (Sī)

5. Utkariyakataṃ (Syā)

3. Tiṇaṃ (Syā)

“ajja Bhagavā Āḷavakaṃ damessati, tattha dhammaṃ sossāmā”ti.
Yuddhadassanakāmāpi devatā sannipatiṃsu. Evaṃ sakalampi ākāsaṃ
devatāhi paripuṇṇamahosi.

Atha Āḷavako Bhagavato samīpe uparūpari vicarivā vatthāvudhaṃ
muñci. Taṃ asanivicakkaṃ viya ākāse bheravasaddaṃ karontaṃ
dhūmāyantaṃ pajjalantaṃ Bhagavantaṃ patvā yakkhamānamaddanattaṃ
pādapuñcha nacoḷaṃ hutvā pādāmūle nipati. Āḷavakotaṃ disvā
chinnavisāṇo viya usabho uddhatadāṭho viya sappo nittejo nimmado
nipatitamānaddhajo¹ hutvā cintesi “dussāvudhampi me samaṇaṃ
nābhibhosi², kinu kho kāraṇaṃ”ti. “Idaṃ kāraṇaṃ, mettāvihārayutto
samaṇo, handa naṃ rosetvā mettāya viyojemi”ti iminā sambandhentaṃ
vuttaṃ—atha kho Āḷavako yakkho yena Bhagavā -pa- nikkhama samaṇāti.
Tatthāyamadhippāyo—kasmā mayā ananuññāto mama bhavanaṃ pavisitvā
gharasāmiko viya itthāgārassa majjhe nisinnosi, ananuyuttametaṃ
samaṇassa yadidaṃ adinnaparibhogo itthisaṃsaggo ca. Tasmā yadi tvaṃ
samaṇadhamme ṭhito, nikkhama samaṇāti. Eke pana “etāni aññāni ca
pharusavacanāni vatvā evāyaṃ etadavocā”ti bhaṇanti.

Atha Bhagavā “yasmā thaddho paṭithaddhabhāvena vinetuṃ na sakkā,
so hi paṭithaddhabhāve kayiramāne seyyathāpi caṇḍassa kukkurassa nāsāya
pittaṃ bhindeyya, so bhiiyoso mattāya caṇḍataro assa, evaṃ thaddhataro
hoti, mudunā pana so sakkā vinetuṃ”ti ṇatvā **sādhāvusoti** piyavacanena tassa
vacanaṃ³ sampaṭicchitvā nikkhami. Tena vuttaṃ **sādhāvusoti Bhagavā
nikkhamīti**.

Tato Āḷavako “subbaco vatāyaṃ samaṇo ekavacaneneva nikkhanto,
evaṃ nāma nikkhametuṃ sukhaṃ samaṇaṃ akāraṇenevāhaṃ sakalarattim
yuddhena abbhuyyāsīn”ti muducitto hutvā puna cintesi “idānipi na sakkā
jānituṃ, kinu kho subbacatāya nikkhanto udāhu kodhano⁴, handāhaṃ
vīmaṃsāmī”ti. Tato **pavisa samaṇāti** āha. Atha subbacoti
mudubhūtacittavavatthānakaraṇatthaṃ⁵ puna piyavacanaṃ vadanto
sādhāvusoti

1. Nipati tamānathaddho (Syā)

2. Piyavacanaṃ (Syā)

3. Mudubhūtacittassa cittavavatthānakaraṇatthaṃ (Sī, Syā)

4. Nādhībhosī (Ka)

4. Todhena (Sī)

Bhagavā pāvisi. Āḷavako punappunam̐ tameva subbacabhāvaṃ vīmaṃsanto dutiyampi tatiyampi **nikkhama pavisāti** āha. Bhagavāpi tathā akāsi. Yadi na kareyya, pakatīyāpi thaddhayakkhassa¹ cittaṃ thaddhataraṃ hutvā dhammakathāya bhājanaṃ na bhaveyya. Tasmā yathā nāma mātā rodantaṃ puttakaṃ yaṃ so icchati, taṃ datvā vā katvā vā saññāpesi, tathā Bhagavā kilesarodanena rodantaṃ yakkhaṃ saññāpetuṃ yaṃ so bhaṇati, taṃ akāsi. Yathā ca dhātī thaññaṃ apivantaṃ dāraṃ kiñci datvā upalāletvā pāyeti, tathā Bhagavā yakkhaṃ lokuttaradhammakhīraṃ pāyetuṃ tassa patthitavacanakaṇṇena upalālento evamakāsi. Yathā ca puriso lābumhi catumadhuraṃ pūretukāmo tassabbhantaraṃ sodheti, evaṃ Bhagavā yakkhassa citte lokuttaracatumadhuraṃ pūretukāmo tassabbhantare kodhamalaṃ sodhetuṃ yāva tatiyaṃ nikkhamanapavisanaṃ akāsi.

Atha Āḷavako “subbaco ayaṃ samaṇo, ‘nikkhamā’ti vutto nikkhamati, ‘pavisā’ti vutto pavisati, yannūnāhaṃ imaṃ samaṇaṃ evameva sakalarattīṃ kilametvā pāde gahetvā pāragaṅgāya khippeyyaṃ”ti pāpakaṃ cittaṃ uppādetvā catutthavāraṃ āha **nikkhama samaṇāti**. Taṃ ñatvā Bhagavā **na khvāhaṃ tanti** āha. Evaṃ vā vutte taduttarikaṇṇīyaṃ pariyesamāno pañhaṃ pucchitabbaṃ maññissati, taṃ dhammakathāya sukhaṃ³ bhavissatīti ñatvā **na khvāhaṃ tanti** āha. Tattha **na**-iti paṭikkhepe. **Khoti** avadhāraṇe. **Ahanti** attanidassanaṃ. Tanti hetuvacanaṃ. Tenevettha “yasmā tvaṃ evaṃ cintesi, tasmā ahaṃ āvuso neva nikkhamissāmi, yaṃ te karaṇīyaṃ, taṃ karohī”ti evamattho daṭṭhabbo.

Tato Āḷavako yasmā pubbepi ākāseṇa gamanavelāya “kinu kho etaṃ suvaṇṇavimānaṃ, udāhu rajatamaṇivimānaṃ aññataraṃ, handa naṃ passāmā”ti⁴ evaṃ attano vimānaṃ āgate iddhimante tāpasaparibbājake pañhaṃ pucchitvā vissajjetuṃ asakkonte cittakkhepādīhi viheṭṭheti, tasmā Bhagavantampi tathā viheṭṭhessāmīti maññamāno **pañhaṃ tanti**-ādimāha.

1. Thaddhaṃ yakkhassa (Syā)

3. Mukhaṃ (Syā)

2. Kathita (Syā)

4. Passissāmāti (Ka)

Kuto panassa pañhāti? Tassa kira mātāpitaro Kassapaṃ Bhagavantaṃ payirupāsivā aṭṭha pañhe saha vissajjanena uggahesum, te daharakāle Āḷavakaṃ pariyāpuṇāpesum, so kālaccayena vissajjanaṃ sammussi. Tato “ime pañhāpi mā vinassantū”ti suvaṇṇapaṭṭe jātihiṅgulakena lekhāpetvā vimāne nikkhipi. Evamete puṭṭhapañhā¹ Buddhavisayāva honti. Bhagavā taṃ sutvā yasmā Buddhānaṃ pariccattalābhantarāyo vā jīvitantarāyo vā sabbaññutaññābyāmapabbhādipaṭighāto vā² na sakkā kenaci kātum, tasmā naṃ loke asādhāraṇaṃ Buddhānubhāvaṃ dassento **na khvāhaṃ taṃ āvuso passāmi sadevake loketi-ādimāha.**

Evam Bhagavā tassa bādhanacittaṃ³ paṭisedhetvā pañhāpucchane ussāhaṃ janento āha **apica tvaṃ āvuso puccha, yadākaṅkhasīti.** Tassattho— puccha, yadi ākaṅkhasi, na me pañhāvissajjane bhāro atthi. Atha vā puccha yaṃ ākaṅkhasi, sabbaṃ⁴ te vissajjessāmīti sabbaññupavāraṇaṃ pavāresi asādhāraṇaṃ Paccekabuddha-aggasāvaka mahāsāvakehi. Evam Bhagavatā sabbaññupavāraṇāya pavāritāya **atha kho Āḷavako yakkho Bhagavantaṃ gāthāya ajjhabhāsi.**

Tattha **kiṃ sūda vittanti** kiṃ su idha vittaṃ. **Vittanti** dhanam. Tam hi pītisaṅkhātāṃ vittim karoti, tasmā “vittan”ti vuccati. **Suciṇṇanti** sukataṃ. **Sukhanti** kāyikacetasaṃ sātāṃ. **Āvahātīti** āvahati āneti deti appeti. **Have-** itī daḷhatthe nipāto. **Sādutaranti** atisayena sādu. “Sādhutaran”tipi pāṭho. **Rasānanti** rasasaññitānaṃ dhammānaṃ. **Kathanti** kena pakārena. Kathaṃjīvino jīvitaṃ **kathaṃjīvimjīvitaṃ.** Gāthābandhasukhatthaṃ pana sānunaṣikaṃ vuccati. Kathaṃjīvim jīvantaṃ⁵ vā pāṭho, tassa “jīvantaṃ kathaṃjīvin”ti attho. Evam imāya gāthāya “kiṃ su idha loke purisassa vittaṃ seṭṭhaṃ, kiṃ su suciṇṇaṃ sukhamāvahāti, kiṃ rasānaṃ sādutaraṃ, kathaṃjīvim jīvitaṃ seṭṭhamāhū”ti ime cattāro pañhe pucchi.

Athassa Bhagavā Kassapadasabalena vissajjitanayeneva vissajjento imaṃ gāthamāha **saddhīdha vittanti.** Tattha yathā hiraññasuvaṇṇādi vittaṃ

1. Buddhapañhā (Sī, Syā) Ṭikā passitabbā.

2. Sabbaññutaññābyāmapabbhānaṃ paṭighāto vā (Syā)

3. Bādhanā cittaṃ (Ka)

4. Sabbantaṃ (Syā)

5. Kathaṃjīvī jīvitaṃ (Syā)

upabhogasukhaṃ āvahati, khuppipāsādidukkaṃ paṭibāhati, dāliddiyaṃ vūpasameti, muttādiratanapaṭilābhahetu hoti, lokasantatiṅca āvahati, evaṃ lokiyalokuttarā saddhāpi yathāsambhavaṃ lokiyalokuttaraṃ vipākaṃ sukhamāvahati, saddhādhurena paṭipannānaṃ jātijarādidukkaṃ paṭibāhati, gūṇadāliddiyaṃ vūpasameti, satisambojjhaṅgādiratanapaṭilābhahetu hoti.

“Saddho sīlena sampanno, yaso bhogasamappito.

Yaṃ yaṃ padesaṃ bhajati, tattha tattheva pūjito”ti¹—

Vacanato lokasantatiṅca āvahatīti katvā “vittan”ti vuttaṃ. Yasmā pana tesāṃ saddhāvittaṃ anugāmikaṃ anaññasādhāraṇaṃ sabbasampattihetu, lokiyassa hiraññasuvaṇṇādivittassāpi nidānaṃ. Saddhoyeva hi dānādīni puññāni katvā vittaṃ adhigacchati, assaddhassa pana vittaṃ yāvadeva anattāya hoti, tasmā seṭṭhanti vuttaṃ. **Purisassāti** ukkaṭṭhaparicchadesanā. Tasmā na kevalaṃ purisassa, itthi-ādīnampi saddhāvittameva seṭṭhanti veditabbaṃ.

Dhammoti dasakusaladhammo, dānasīlabhāvanādhammo² vā. **Suciṇṇoti** sukato sucarito. **Sukhamāvahātīti** Soṇasetṭhiputtaraṭṭhapālādīnaṃ viya manussasukhaṃ, Sakkādīnaṃ viya dibbasukhaṃ, pariyoṣāne Mahāpadumādīnaṃ viya nibbānasukhaṅca āvahati.

Saccanti ayaṃ saccasaddo anekesu atthesu dissati. Seyyathidaṃ? “saccaṃ bhaṇe na kujjheyyā”ti-ādīsu³ vācāsacce. “Sacce ṭhitā samaṇabrāhmaṇā cā”ti-ādīsu⁴ viratisacce. “Kasmā nu saccāni vadanti nānā, pavādiyāse kusalāvadānā”ti-ādīsu⁵ diṭṭhisacce. “Cattārimāni bhikkhave brāhmaṇasaccāni”ti-ādīsu⁶ brāhmaṇasacce. “Ekaṃ hi saccaṃ na dutīyamattī”ti-ādīsu⁷ paramatthasacce. “Catunnaṃ saccānaṃ kati kusalā”ti-ādīsu⁸ ariyasacce. Idha pana paramatthasaccaṃ nibbānaṃ viratisaccaṅca abbhantaraṃ

1. Khu 1. 56 piṭṭhe.

3. Khu 1. 46 piṭṭhe.

5. Khu 1. 416 piṭṭhe Suttanipāte.

7. Khu 1. 416; Khu 7. 226 piṭṭhesu.

2. Dānasīlādīdhammo (Syā)

4. Khu 6. 140 piṭṭhe Jātaka.

6. Aṃ 1. 496 piṭṭhe.

8. Abhi 2. 118 piṭṭhe.

katvā vācāsaccaṃ adhippetam, yassānubhāvena udakādīni vase vattenti,
jātijarāmarañapāraṃ taranti. Yathāha—

“Saccena vācenudakamhi¹ dhāvati²,
Visampi saccena hananti paṇḍitā.
Saccena devo thanayaṃ pavassati,
Sacce ʈhitā nibbutim patthayanti.
Ye kecime atthi rasā pathabyā,
Saccaṃ tesam sādutaram rasānam.
Sacce ʈhitā samañabrāhmaṇā ca,
Taranti jātimaraṇassa pāraṃ”ti³.

Sādutaranti madhurataram paṇitataram. **Rasānanti** ye ime “mūlaraso khandharaso”ti-ādinā⁴ nayena sāyanīyadhammā, yecime⁵ “anujānāmi bhikkhave sabbam phalarasam⁶, arasarūpo bhavam Gotamo, ye te brāhmaṇa rūparasā saddarasā⁷, anāpatti rasarase⁸, ayam dhammavinayo ekaraso vimuttiraso⁹, bhāgī vā Bhagavā attharasassa dhammarasassā”ti-ādinā¹⁰ nayena rūpācārarasupavajjā avasesā byañjanādayo “dhammarasā”ti vuccanti, tesam rasānam saccam have sādutaram saccameva sādutaram. Sādutaram vā seṭṭhataram uttamataram. Mūlarasādayo hi sarīramupabrūhenti, saṃkilesikaṅca sukhamāvahanti. Saccarase¹¹ viratisaccavācāsaccaraso samathavipassanādīhi cittaṃ upabrūheti, asaṃkilesikaṅca sukhamāvahati. Vimuttiraso paramatthasaccarasaparibhāvitattā sādū, attharasadhammarasā ca tadadhigamūpāyabhūtam atthaṅca dhammaṅca nissāya pavattitoti.

Paññājīvimjīvanti ettha pana yvāyam andhekacakkhudvicakkhukesu dvicakkhupuggalo gahaṭṭho vā kammantānuṭṭhānasaraṇagamana-dānasamvibhāgasīlasamādānuposathakammādi gahaṭṭhapaṭipadam, pabbajito vā avippaṭisārakasīlasaṅkhātam taduttaricittavisuddhi-ādibhedampi pabbajitapaṭipadam paññāya ārādhettvā jīvati,

1. Saccavādena udakam (Syā), saccena vādenudakampi (Ka)
3. Khu 6. 140 piṭṭhe.
5. Ye kecime (Syā)
7. Vi 1. 2; Am 3. 19 piṭṭhesu.
9. Vi 4. 423; Am 3. 42 piṭṭhesu.
10. Khu 7. 262; Khu 8. 26 piṭṭhesu.

2. Gādhati (Sī)
4. Abhi 1. 167 piṭṭhe.
6. Vi 3. 344 piṭṭhe.
8. Vi 2. 251 piṭṭhe.
11. Saccaraso (Sī, Syā)

tassa paññāya jīvino jīvitam, tam vā paññājīvitam seṭṭhamāhūti evamattho datṭhabbo.

Evam Bhagavatā vissajjite cattāropi pañhe sutvā attamano yakkho avasesepi cattāro pañhe pucchanto **kathamsu tarati oghanti** gāthamāha. Athassa Bhagavā purimanayeneva vissajjento **saddhāya taratīti** gāthamāha. Tattha kiñcāpi yo catubbidhamogham tarati, so saṃsāraṇṇavampi tarati, vaṭṭadukkhampi acceti, kilesamalāpi parisujjhati, evam santepi pana yasmā assaddho oghataraṇam asaddahanto na pakkhandati, pañcasu kāmaguṇesu cittavossaggena pamatto tattheva visattattā¹ saṃsāraṇṇavam na tarati, kusīto dukkham viharati vokiṇṇo akusalehi dhammehi, appañño suddhimaggaṃ ajānanto na parisujjhati, tasmā tappaṭipakkaṃ dassentena Bhagavatā ayaṃ gāthā vuttā.

Evam vuttāya cetāya yasmā sotāpattiyaṅgapadaṭṭhānam saddhindriyam, tasmā **saddhāya tarati oghanti** iminā padena diṭṭhoghataṇam sotāpattimaggaṃ sotāpannañca pakāseti. Yasmā pana sotāpanno kusalānam dhammānam bhāvanāya sātaccakiriyasaṅkhātena appamādena samannāgato dutiyamaggaṃ ārādhelvā ṭhapetvā sakidevimaṃ lokam āgamanamaggaṃ avasesam sotāpattimaggena atinṇam bhavoghavatthum saṃsāraṇṇavam tarati, tasmā **appamādena aṇṇavanti** iminā padena bhavoghataṇam sakadāgāmimaggaṃ sakadāgāmiñca pakāseti. Yasmā ca sakadāgāmī vīriyena tatiyamaggaṃ ārādhelvā sakadāgāmimaggena anatītam kāmoghavatthum kāmogasaññitañca kāmadukkhamacceṭi, tasmā **vīriyena dukkhamacceṭīti** iminā² padena kāmoghataṇam anāgāmimaggaṃ anāgāmiñca pakāseti. Yasmā pana anāgāmī vigakakāmasaññāya³ parisuddhāya paññāya ekantaparisuddham catutthamaggapaññam ārādhelvā anāgāmimaggena appahīnam avijjasaṅkhātam paramamalam pajahati, tasmā **paññāya parisujjhatīti** iminā padena avijjoghataṇam arahattamaggañca arahattañca pakāseti. Imāya ca arahattanikūṭena kathitāya gāthāya pariyoṣāne yakkho sotāpattiphale patiṭṭhāsi.

1. Sattatāya (Syā)

2. Imināpi (Sī)

3. Vigatakāmapaññāya (Syā)

Idāni tameva “paññāya parisujjhatī”ti ettha vuttaṃ paññāpadaṃ gahetvā attano paṭibhānena lokiyalokuttaramissakaṃ pañhaṃ pucchanto **kathaṃsu labhate paññanti** imaṃ chappadaṃ gāthamāha. Tattha **kathaṃsūti** sabbattheva atthayuttipucchā hoti. Ayaṃ hi paññādi-atthaṃ ñatvā tassa yuttim pucchati “kathaṃ kāya yuttiyā kena kāraṇena paññaṃ labhati”ti. Esa nayo dhanādīsu.

Athassa Bhagavā catūhi kāraṇehi paññālābhaṃ dassento **saddahānoti-** ādimāha. Tassattho—yena pubbhāge kāyasucaritādibhedena aparabhāge ca sattatimsabodhipakkhiyabhedena dhammena arahanto Buddhapaccekabuddhasāvakaṃ nibbānaṃ pattā, taṃ saddahāno arahataṃ dhammaṃ nibbānapattiyā lokiyalokuttarapaññaṃ labhati, tañca kho na saddhāmatkenaeva. Yasmā pana saddhājāto upasaṅkamati, upasaṅkamanto payirupāsati, payirupāsanto sotaṃ odahati, ohitasoto dhammaṃ suṇāti, tasmā upasaṅkamanato pabhuti yāva dhammassavanena sussūsaṃ labhati. Kiṃ vuttaṃ hoti—taṃ dhammaṃ saddahitvāpi ācariyupajjhāye kālena upasaṅkamitvā vattakaraṇena payirupāsitvā yadā payirupāsānāya ārādhitacittā kiñci vattukāmā honti, atha adhigatāya sotukāmatāya sotaṃ odahitvā suṇanto labhatīti. Evaṃ sussūsampi ca sati-avippavāsena appamatto subhāsitaḍḍbhāsitaññutāya vicakkhaṇo eva labhati, na itaro. Tenāha “appamatto vicakkhaṇo”ti.

Evaṃ yasmā saddhāya paññālābhasaṃvattanikaṃ paṭipadaṃ paṭipajjati, sussūsāya sakkaccaṃ paññādhigamūpāyaṃ suṇāti, appamādena gahitaṃ na pamussati, vicakkhaṇatāya anūnādhikaṃ aviparītañca gahetvā vitthārikaṃ karoti. Sussūsāya vā ohitasoto paññāpaṭilābhahetuṃ dhammaṃ suṇāti, appamādena sutadhammaṃ¹ dhāreti, vicakkhaṇatāya dhatānaṃ dhammānaṃ atthamupaparikkhati, athānupubbena paramatthasaccaṃ sacchikaroti, tasmāssa Bhagavā “kathaṃsu labhate paññaṃ”ti puṭṭho imāni cattāri kāraṇāni dassento imaṃ gāthamāha.

1. Sutvā dhammaṃ (Sī, Syā)

Idāni tato pare tayo pañhe vissajjento **patirūpakārī**ti imaṃ gāthamāha. Tattha desakālādīni ahāpetvā lokiyassa lokuttarassa vā dhanassa patirūpaṃ adhigamūpāyaṃ karotīti **patirūpakārī**. **Dhuravā**ti cetasikavīriyavasena anikkhittadhuro. **Uṭṭhātā**ti “yo ca sītañca uṇhañca, tiṇā bhiyyo na maññati”ti-ādīnā¹ nayena kāyikavīriyavasena uṭṭhānasampanno asithilaparakkamo. **Vindate dhananti** ekamūsikāyanacirasseva catusatasahassasaṅkhaṃ cūḷantevāsī viya lokiyadhanañca, Mahallakamahātissatthero² viya lokuttaradhanañca labhati. So “tīhiyeva iriyāpathehi viharissāmī”ti vattaṃ katvā thinamiddhāgamanaṇṇāya palālacumbaṭakaṃ temetvā sīse katvā galappamaṇṇaṃ udakaṃ pavisitvā thinamiddhaṃ paṭibāhanto dasahi vassehi arahattaṃ pāpuṇi. **Saccenā**ti vacīsaccenāpi “saccavādī bhūtavādī”ti, paramatthasaccenāpi “Buddho Paccekabuddho ariyasāvako”ti evaṃ kittāṃ pappoti. **Dadanti** yaṃkiñci icchi tapatthitaṃ dadanto mittāni ganthati, sampādeti karotīti attho. Duddadaṃ vādadaṃ taṃ ganthati. Dānamukhena vā cattāripi saṅgahavatthūni gahitānīti veditabbāni, tehi mittāni karotīti vuttaṃ hoti.

Evaṃ gahaṭṭhapabbajitānaṃ sādharmaṇena lokiyalokuttaramissakena nayena cattāro pañhe vissajjjetvā idāni “kathaṃ pecca na socatī”ti imaṃ pañcamaṃ pañhaṃ gahaṭṭhasena vissajjento **yasseteti**-ādīmāha. Tassattho—yassa “saddahāno arahataṃ”ti ettha vuttāya sabbakalyāṇadhammuppādikāya saddhāya samannāgatattā **saddhassa**, **gharamesinoti**³ gharāvāsaṃ pañca vā kāmaguṇe esantassa gavesantassa kāmahogino gahaṭṭhassa “saccena kittiṃ pappoti”ti ettha vuttappakāraṃ **saccaṃ**, “sussūsaṃ lahate paññaṃ”ti ettha sussūsapaññānāmena vuttova **dammo**, “dhuravā uṭṭhātā”ti ettha dhuraṇāmena uṭṭhānaṇṇāmena ca vuttā **dhiti**, “dadaṃ mittāni ganthati”ti etta vuttappakāro **cāgo** cāti ete caturo dhammā santi, **sa ve pecca na socatī**ti idhalokā paralokaṃ gantvā sa ve⁴ na socatīti.

1. Khu 2. 264 Theragāthāyaṃ.

2. Mallakamahātissatthero (Ka)

3. Gharamesinoti ettha (Syā)

4. Sa ve pecca (Sī, Syā)

Evam Bhagavā pañcamampi pañham viṣṣajjivā taṃ yakkham codento **inṅha aññepī**ti-ādimāha. Tattha **inṅhā**ti codanatthe nipāto. **Aññepī**ti aññepi dhamme puthū samaṇabrāhmaṇe pucchassu. Aññepi vā pūraṇādayo sabbaññupaṭiññe puthū samaṇabrāhmaṇe pucchassu, yadi amhehi “saccena kittam pappoti”ti ettha vuttappakārā saccābhiyyo kittippattikāraṇam vā, “sussūsam labhate paññan”ti ettha sussūsāti paññāpadesena vuttā dammā¹ bhiyyo lokiyalokuttarapaññāpaṭilābhakāraṇam vā, “dadam mittāni ganthati”ti ettha vuttappakārā cāgā bhiyyo mittaganthanakāraṇam vā, “dhuravā uṭṭhātā”ti ettha taṃ taṃ atthavasam paṭicca dhuranāmena uṭṭhānāmena ca vuttāya mahābhārasahanatthena² ussoḥhibhāvappattāya vīriyasaṅkhātāya khantiyā bhiyyo lokiyalokuttaradhanavindanakāraṇam vā, “saccam dammo dhiti cāgo”ti evam vuttehi imeheva catūhi dhammehi bhiyyo asmā lokā param lokam pecca³ asocnakāraṇam vā idha vijjatīti ayamettha saddhim saṅkhepayo janāya atthavaṇṇanā. Vitthārato pana ekamekam padam atthuddhārapaduddhārapadavaṇṇanāyehi vibhajivā veditabbā.

Evam vutte yakkho yena saṃsayena aññe puccheyya, tassa pahinattā **katham nu dāni puccheyyam, puthū samaṇabrāhmaṇeti** vatvā yepissa apucchanakāraṇam na jānanti, tepi jānāpento **yoham**⁴ **ajjapajānāmi, yo attho samparāyikoti** āha. Tattha **ajjāti** ajjādim⁵ katvāti adhippāyo. **Pajānāmīti** yathāvuttena pakārena jānāmi. **Yo atthoti** ettāvatā “sussūsam labhate paññan”ti-ādinā nayena vuttam diṭṭhadhammikam dasseti. **Sampirāyikoti** iminā “yassete caturō dhammā”ti vuttam pecca sokābhāvākāraṇam⁶ samparāyikam. **Atthoti** ca kāraṇassetam adhivacanam. Ayam hi atthasaddo “sāttham sabyañjanam”ti evamādīsu⁷ pāṭhatthe⁸ vattati. “Atthe me gahapati hiraññasuvaṇṇanā”ti-ādīsu⁹ vicakkhaṇe¹⁰. “Hoti sīlavatam attho”ti-ādīsu¹¹ vadḍhimhi. “Bahujano bhajate atthahetū”ti-ādīsu dhane. “Ubhinna mattham caratī”ti-ādīsu¹²

1. Damā (Syā)

2. Mahābhāraharaṇatthena (Syā)

3. Gantvā pecca (Syā)

4. Soham (Sī)

5. Ajjādikam (Syā)

6. Sokābhāvākaram (Sī, Syā)

7. Vi 1. 1; Dī 1. 82 piṭṭhādīsu.

8. Padatthe (Sī)

9. Dī 2. 144; Ma 3. 213 piṭṭhesu.

10. Cikkhaṇe (Sī, Syā), kiccattthe (Suttanipāte Āḷavakasuttavaṇṇanāyam).

11. Khu 5. 3 piṭṭhe Jātake.

12. Khu 5. 163; Saṃ 1. 224; Khu 2. 288 piṭṭhesu.

hite. “Atthe jāte ca paṇḍitaṇ”ti-ādīsu¹ kāraṇe. Idha pana kāraṇe. Tasmā yaṃ paññādīlābhādīnaṃ² kāraṇaṃ diṭṭhadhammikaṃ, yañca pecca sokābhāvassa kāraṇaṃ samparāyikaṃ, taṃ yohaṃ ajja Bhagavatā vuttanayena sāmaṇyeva pajānāmi, so kathaṃ nu dāni puccheyyaṃ puthū samaṇabrāhmaṇeti evamettha saṅkhepato attho veditabbo.

Evam yakkho “pajānāmi yo attho samparāyiko”ti vatvā tassa ñāṇassa Bhagavaṇmūlakattaṃ dassento **atthāya vata me Buddhoti** āha. Tatha **atthāyāti** hitāya vuḍḍhiyāca. **Yattha dinnāṃ mahapphalanti** “yassete caturo dhammā”ti ettha vuttacāgena yattha dinnāṃ mahapphalaṃ, taṃ aggadakkhiṇeyyaṃ Buddhaṃ pajānāmīti attho. Keci pana “saṅghaṃ sandhāya evamāhā”ti bhaṇanti.

Evam imāya gāthāya attano hitādhigamaṃ dassetvā idāni sahitapaṭipattim³ dīpento **so ahaṃ vicarissāmī**”ti-ādīmāha. Tatha **gāmā gāmanti** devagāmā devagāmaṃ. **Purā puranti** devanagaraṭo devanagaraṃ. **Namassamāno Sambuddhaṃ, dhammassa ca sudhammatanti** “Sammāsambuddho vata Bhagavā, svākkhāto vata Bhagavatā dhammo”ti-ādinā nayena Buddhasubodhitañca, dhammasudhammatañca, ca-saddena “suppaṭipanno vata Bhagavato sāvakaṣaṅgho”ti-ādinā saṅghasuppaṭipattiñca⁴ abhitthavitvā⁵ namassamāno dhammaghosako hutvā vicarissāmīti vuttaṃ hoti.

Evamimāya gāthāya pariyosānañca rattivibhāvanañca sādhu-kārasadduṭṭhānañca Ālavakakumārassa yakkhabhavanaṃ ānayaṇañca ekakkhaṇeyeva ahoṣi. Rājapurisā sādhu-kārasaddaṃ sutvā “evarūpo sādhu-kārasaddo ṭhapetvā Buddhe na aññesaṃ abhuggacchati, āgato nu kho Bhagavā”ti āvajjentā Bhagavato sarīrapabhaṃ disvā pubbe viya bahi aṭṭhatvā nibbisaṅkā⁶ antoyeva pavisitvā addasaṃsu Bhagavantaṃ yakkhassa bhavane nisinnaṃ, yakkhañca añjaliṃ paggahevā ṭhitaṃ. Disvāna yakkhaṃ āhaṃsu “ayaṃ te mahāyakkha rājakumāro balikammāya ānīto, handa naṃ khāda vā bhuñja vā, yathāpaccayaṃ vā karohī”ti. So sotāpannattā lajjito

1. Khu 5. 22 piṭṭhe.

2. Paññāya lābhādīnaṃ (Ka)

3. Parahitapaṭipattim (Sī, Suttanipātaṭṭhakathāya ca), parahitāya paṭipattim (Syā)

4. Saṅghasuppaṭipannatañca (Sī)

5. Abhitthavitvā abhitthavitvā (Syā)

6. Nirāsaṅkā (Ka)

visesena ca Bhagavato purato evaṃ vuccamāno atha taṃ kumāraṃ ubho hi hatthehi paṭiggahetvā Bhagavato upanāmesi “ayaṃ bhante kumāro mayhaṃ pesito, imāhaṃ Bhagavato dammi, hitānukampakā Buddhā, paṭiggaṇhātu bhante Bhagavā imaṃ dāraṃ imassa hitatthāya sukhatthāyā”ti. Imañca gāthamāha—

“Imaṃ kumāraṃ satapuññalakkhaṇaṃ,
Sabbāṅgupetaṃ paripuṇṇabyañjanaṃ.
Udaggacitto sumano dadāmi te,
Paṭiggaha lokahitāya cakkhumā”ti.

Paṭiggahesi Bhagavā kumāraṃ. Paṭiggaṇhanto ca yakkhassa ca kumārassa ca maṅgalakaraṇatthaṃ pādūnagāthaṃ abhāsi. Taṃ yakkho kumāraṃ saraṇaṃ gamento tikkhattuṃ catutthapādena pūreso. Seyyathidaṃ—

“Dīghāyuko hotu ayaṃ kumāro,
Tuvañca¹ yakkha sukhito bhavāhi.
Abyādhitā lokahitāya tiṭṭhatha²,
Ayaṃ kumāro saraṇamupeti Buddhaṃ -pa- dhammaṃ -pa- saṅghaṃ”ti.

Atha Bhagavā kumāraṃ rājapurisānaṃ adāsi “imaṃ vaḍḍhetvā puna mameva dethā”ti. Evaṃ so kumāro rājapurisānaṃ hatthato yakkhassa hatthaṃ, yakkhassa hatthato Bhagavato hatthaṃ, Bhagavato hatthato puna rājapurisānaṃ hatthaṃ gatattā nāmato “Hatthako Āḷavako”ti jāto. Taṃ ādāya paṭinivatte rājapurise disvā kassakavanakammikādayo “kiṃ yakkho kumāraṃ atidharattā na icchī”ti bhītā pucchimsu. Rājapurisā “mā bhāyatha, khemaṃ kataṃ Bhagavatā”ti sabbamārocesuṃ. Tato “sādhu sādhu”ti sakalaṃ Āḷavinagaraṃ ekakolāhalena yakkhābhimukhaṃ ahosi. Yakkhopi Bhagavato bhikkhācārakāle anuppatte pattacīvaraṃ gahetvā upaḍḍhamaggaṃ anugantvā nivatti.

Atha Bhagavā nagare piṇḍāya caritvā katabhattakicco nagaradvāre aññatarasmim vivitte rukkhamūle paññattavarabuddhāsane nisīdi. Tato mahājanakāyena saddhaṃ rājā ca nāgarā ca ekato sampiṇḍitvā Bhagavantaṃ

1. Bhavañca (Syā)

2. Tiṭṭhatu (Syā)

supasaṅkamma vanditvā parivāretvā nisinnā “kathaṃ bhante evaṃ dāruṇaṃ yakkhaṃ damayitthā”ti pucchimsu. Tesāṃ Bhagavā yuddhamādiṃ katvā “evaṃ navavidhaṃ vassaṃ vassetvā evaṃ vibhimsanakaṃ akāsi, evaṃ pañhaṃ pucchi, tassāhaṃ evaṃ vissajjesin”ti Tamevāḷavakasuttaṃ kathesi. Kathāpariyosāne caturāsītipāṇasahassānaṃ dhammābhisamayo ahosi. Tato rājā ceva nāgarā ca Vessavaṇamahārājassa bhavanasamīpe yakkhassa bhavanaṃ katvā pupphagandhādisakkārūpetāṃ niccabalīṃ pavattesuṃ. Tañca kumāraṃ viññutaṃ pattāṃ “tvaṃ Bhagavantaṃ nissāya jīvitaṃ labhi, gaccha Bhagavantaṃyeva payirupāsassu bhikkhusaṃghañcā”ti vissajjesuṃ. So Bhagavantañca bhikkhusaṃghañca payirupāsamāno nacirasseva anāgāmiphale patiṭṭhāya sabbaṃ Buddhavacanaṃ uggahetvā pañcasata-upāsakaparivāro ahosi. Bhagavā ca naṃ etadagge niddisi “etadaggaṃ bhikkhave mama sāvakānaṃ upāsakānaṃ catūhi saṅgahavatthūhi parisāṃ saṅgaṇhantānaṃ yadidaṃ Hatthako Āḷavako”ti¹.
. Dvādasamaṃ.

Yakkhasaṃyuttavaṇṇanā niṭṭhitā.

1. Am 1. 27 piṭṭhe.

11. Sakkasaṃyutta

1. Paṭhamavagga

1. Suvīrasuttavaṇṇanā

247. Sakkasaṃyuttassa¹ paṭhame **abhiyaṃsūti** kadā abhiyaṃsu? Yadā balavanto ahesuṃ, tadā. Tatrāyaṃ anupubbikathā—Sakko kira Magadharaṭṭhe Macalagāmake² Magho nāma māṇavo hutvā tettimsa purise gahetvā kalyāṇakammaṃ karonto satta vatapadāni³ pūretvā tatha kālaṅkato devaloke nibbatti. Taṃ balavakammānubhāvena sapaṇisaṃ sesadevatā dasahi ṭhānehi adhigaṇhantaṃ⁴ disvā “āgantukadevaputtā āgatā”ti nevāsikā gandhapānaṃ⁵ sajjayiṃsu. Sakko sakapaṇisaṃ saññaṃ adāsi “mārisā mā gandhapānaṃ pivittha, pivanākāramattameva dassethā”ti. Te tathā akaṃsu. Nevāsikadevatā⁶ suvaṇṇasarahehi upanītaṃ gandhapānaṃ yāvadatthaṃ pivitvā mattā tatha tatha suvaṇṇapathaviyaṃ patitvā sayiṃsu. Sakko “gaṇhatha putthahatāya putte”ti⁷ te pādesu gahetvā Sinerupāde khipāpesi. Sakkassa puññatejena tadanuvattakāpi sabbe tattheva patiṃsu. Te sineruvemajjhakāle saññaṃ labhitvā “tātā na suraṃ pivimha, na suraṃ pivimhā”ti āhaṃsu. Tato paṭṭhāya Asurā nāma jātā. Atha nesaṃ kammappaccaya-utusamuṭṭhānaṃ Sinerussa heṭṭhimatale dasayojanasahassaṃ Asurabhavanaṃ nibbatti. Sakko tesāṃ nivattetvā anāgamanatthāya ārakkhaṃ ṭhapesi, yaṃ sandhāya vuttaṃ—

“Antarā dvinnaṃ ayujjhapurānaṃ,

Pañcavidhā ṭhapitā abhirakkhā.

Udakaṃ⁸ karoṭi payassa ca hārī⁹,

Madanayutā¹⁰ caturo ca mahatthā”ti¹¹.

-
- | | | |
|---|---|----------------------------|
| 1. Paṭhamavaggassa (Syā) | 2. Acalagāmake (Syā) | 3. Vattapadāni (Syā, Ka) |
| 4. Adhigayhantaṃ (Syā) | 5. Gaṇḍapānaṃ (Sī) | 6. Nevāsikadevaputtā (Syā) |
| 7. Puttamatāya putteti (Syā), dhuttahatāya suddeti (Ka) | | |
| 8. Uraga (Sī, Ka) | 9. Payassa ca bhārī (Sī), payassukarī (Syā) | |
| 10. Damanayuddhā (Syā) | 11. Mahantāti (Sī) | |

Dve nagarāni hi yuddhena gahetuṃ asakkuṇeyyatāya ayujjhapurāni nāma jātāni devanagarañca Asuranagarañca. Yadā hi Asurā balavanto honti, atha devehi palāyitvā devanagaraṃ pavisitvā dvāre pidahite Asurānaṃ sataśahassampi kiñci kātuṃ na sakkoti. Yadā devā balavanto honti, athāsurehi palāyitvā Asuranagarassa dvāre pidahite Sakkānaṃ sataśahassampi kiñci kātuṃ na sakkoti. Iti imāni dve nagarāni ayujjhapurāni nāma. Tesāṃ antarā etesu udakādīsu¹ pañcasu ṭhānesu Sakkena āraṅkhā ṭhapitā. Tattha **udaka**saddena² nāgā gahitā. Te hi uduke balavanto honti. Tasmā³ Sinerussa paṭhamālinde tesāṃ⁴ āraṅkhā. **Karoṭi**saddena supañṇā gahitā. Tesāṃ kira karoṭi nāma pānabhojanam⁵, tena taṃ nāmaṃ labhiṃsu. Dutiyālinde tesāṃ⁴ āraṅkhā. **Payassahāri**saddena kumbhaṇḍā gahitā. Dānavarakkhasā kira te. Tatiyālinde tesāṃ āraṅkhā. **Madanayuta**saddena yakkhā gahitā. Visamacārino kira te yujjhasonḍā⁶. Catutthālinde tesāṃ āraṅkhā. **Caturo ca mahatthā**ti cattāro mahārājāno vuttā. Pañcamālinde tesāṃ āraṅkhā. Tasmā yadi Asurā kupitāvilacittā devapuraṃ upayanti yuddhesū⁷, yaṃ girino paṭhamam paribhaṇḍam, taṃ uragā paṭibāhanti. Evaṃ sesesu sesā.

Te pana Asurā āyuvanṇarasa-issariyasampattīhi Tāvatiṃsasadisāva. Tasmā antarā attānaṃ ajānitvā pāṭaliyā pupphitāya “na idaṃ devanagaraṃ, tattha pāricchattako pupphati, idha pana cittapāṭali, jarasakkenāmhākaṃ suram pāyevtvā vañcitā, Devanagarañca no gahitaṃ, gacchāma tena saddhim yujjhissāmā”ti hatthi-assarathe āruyha suvaṇṇarajatamaṇiphalakāni gahetvā yuddhasajjā hutvā asurabheriyo vādentā Mahāsamudde udakaṃ dvidhā bhavā uṭṭhāhanti. Te deve vuṭṭhe vammikamakkhikā vammikaṃ viya Sineruṃ abhiruhituṃ ārabhanti. Atha nesāṃ paṭhamam nāgehi saddhim yuddham hoti. Tasmim kho pana yuddhe na kassaci chavi vā camam vā chijjati, na lohitaṃ uppajjati, kevalam kumārakānaṃ dārumeṇḍakayuddham viya aññamaññaṃ

1. Urakādīsu (Sī, Ka)

2. Urakasaddena (Sī, Ka)

3. Tassa (Syā, Ka)

4. Etesam (Syā, Ka)

5. Pānabhojanam (Sī, Ka)

6. Yuddhasonḍā (Sī)

7. Yuddhepi (Sī)

santāsanamattameva¹ hoti. Koṭṭisatāpi koṭṭisahassāpi nāgā tehi saddhim yujjhivā te asurapurameva pavesetvā nivattanti.

Yadā² pana Asurā balavanto honti, atha Nāgā osakkivā dutiye ālinde supaṇṇehi saddhim ekatova hutvā yujjhanti. Esa nayo Supaṇṇādīsipi. Yadā pana tāni pañcapi ṭhānāni Asurā maddanti, tadā ekato sampiṇḍitanipi pañca balāni osakkanti. Atha cattāro mahārājāno gantvā Sakkassa taṃ pavattim ārocenti. Sakko tesam vacanam sutvā diyaḍḍhajojanasatikam Vejyantaram āruyya sayam vā nikkhamati, ekam vā puttam peseti. Imasmim pana kāle puttam pesetukāmo **tāta suvīrāti**-ādimāha.

Evam bhaddantavāti khoti evam hotu bhaddam tava iti kho. **Pamādam āpādesīti** pamādam akāsi. Accharāsaṅghaparivuto³ saṭṭhiyojanam vitthārena suvaṇṇamahāvīthim⁴ otarivā nakkhattam kīlanto Nandanavanādīsū vicaratīti attho.

Anuṭṭhahanti anuṭṭhahanto. **Avāyāmantī** avāyamanto. **Alasvassāti** alaso assa⁵. **Na ca kiccāni kārayeti** kiñci kiccam nāma na kareyya. **Sabbakāmasamiddhassāti** sabbakāmehi samiddho assa. **Tam me sakka varam disāti** Sakka devaseṭṭha tam me varam uttamam ṭhānam okāsam disa ācikkha kathehīti vadati. **Nibbānassa hi so maggoti** kammam akatvā jīvitatṭhānam nāma nibbānassa maggo. . Paṭhamam.

2. Susīmasuttavaṇṇanā

248. Dutīye **Susīmanti** attano puttahassassa antare evam nāmakam ekam puttameva. . Dutiyam.

3. Dhajaggasuttavaṇṇanā

249. Tatiye **samupabyūḥ**hoti sampiṇḍito rāsibhūto. **Dhajaggam ullokeyyāthāti** Sakkassa kira diyaḍḍhajojanasatāyāmo

1. Santāpanamattameva (Syā) 2. Sace (Sī, Ka) 3. Accharāsaṅghaparivuto (Syā)
4. Saṭṭhiyojanasuvāṇṇamahāvīthim (Syā), saṭṭhiyojanavitthāram
suvāṇṇamahāvīthim(Ka)
5. Alasvāyanti alaso ayam (Syā)

ratho. Tassa hi pacchimanto paṇṇāsayojo, majjhe rathapañjaro paṇṇāsayojo, rathasandhito yāva rathasīsā paṇṇāsayojanāni. Tadeva pamāṇaṃ diguṇaṃ katvā tiyojanasatāyāmotipi vadantiyeva. Tasmim̐ yojanikapallaṅko atthato, tiyojanikaṃ setacchattaṃ matthake ṭhapitaṃ, ekasmim̐ yeva yuge sahassa-ājaññā yuttā, sesālaṅkāraṃ pamāṇaṃ natthi. Dhajo panassa aḍḍhatiyāni yojanasatāni uggato, yassa vātāhatassa pañcaṅgikatūriyasēva saddo niccharati, taṃ ullokeyyāthāti vadati. Kasmā? taṃ passantānañhi rājā no āgantvā parisapariyante nikhātathambho viya ṭhito, kassa mayaṃ bhāyāmāti bhayaṃ na hoti. **Pajāpatissāti** so kira Sakkena samānavanno samānāyuko dutiyaṃ āsanaṃ labhati. Tathā **Varuṇo Īsāno** ca. Varuṇo pana tatiyaṃ āsanaṃ labhati, Īsāno catutthaṃ. **Palāyīti** asurehi parājito tasmim̐ rathe ṭhito appamattakampi rajadhajam¹ disvā palāyanadhammo.

Itipi so Bhagavāti—ādini Visuddhimagge vitthāritāneva. **Idamavocāti** idaṃ Dhajaggaparittaṃ nāma Bhagavā avoca, yassa āṇākhette koṭisatasahassacakkavāle ānubhāvo vattati. Idaṃ āvajjtvā hi yakkhabhayacirabhayādīhi dukkhehi muttānaṃ anto natthi. Tiṭṭhatu aññadukkhavūpasamo, idaṃ āvajjamāno² hi pasannacitto ākāsepi patiṭṭhaṃ labhati.

Tatridaṃ vatthu—Dīghavāpicetiyamhi kira sudhākamme kayiramāne eko daharo muddhavedikāpādato³ patitvā cetiyakucchiyā bhassati. Heṭṭhā ṭhito bhikkhusaṅgho “Dhajaggaparittaṃ āvuso āvajjāhī”ti āha. So maraṇabhayena tajjito “Dhajaggaparittaṃ maṃ rakkhatū”ti āha. Tāvadevassa cetiyakucchito dve iṭṭhakā nikkhamitvā sopānaṃ hutvā aṭṭhaṃsu, upariṭṭhitā vallinisseṇim̐ otāresum̐. Tasmim̐ nisseṇiyaṃ ṭhite iṭṭhakā yathāṭṭhāneyeva aṭṭhaṃsu. . Tatiyaṃ.

1. Rajam̐ vā dhajam̐ (Sī), rajam̐ vā (Syā)

2. Āvajjento (Syā)

3. Mūlavedikāpādato (Sī), muddhavedikāpārato (Ka)

4. Vepacittisuttavaṇṇanā

250. Catutthe **Vepacittī** so kira Asurānaṃ sabbajeṭṭhako. **Yenā**ti nipātamattaṃ **nanti** ca¹. **Kaṇṭhapañcamehī**ti dvīsu hatthesu pādesu kaṇṭhe cāti evaṃ pañcahi bandhanehi. Tāni pana naḷinasuttaṃ viya makkaṭasuttaṃ viya ca cakkhussāpāthaṃ āgacchanti, iriyāpathaṃ rujjhanti². Tehi pana citteneva bajjhati, citteneva muccati. **Akkosatī**ti corosi bālosi mūlhosi thenosi oṭṭhosi goṇosi gadrabhosi nerayikosi tiracchānagatosi, natthi tuyhaṃ sugati, duggatiyeva tuyhaṃ pāṭikaṅkhāti imehi dasahi akkosavatthūhi akkosati. **Paribhāsātī**ti jarasakka na tvaṃ sabbakālaṃ jinissasi, yadā asurānaṃ jayo bhavissati, tadā tampi evaṃ bandhitvā Asurabhavanassa dvāre nipajjāpetvā pothāpessāmīti³ ādīni vatvā tajjeti. Sakko vijitavijayo na taṃ manasi karoti, mahāpaṭiggahaṇaṃ panassa matthake vidhunanto Sudhammadevasabhaṃ pavisati ceva nikkhamati ca. **Ajjhabhāsī**ti “kiṃ nu kho esa Sakko imāni pharusavacanāni bhayena titikkhati, udāhu adhivāsanakhantiyā samannāgatattā”ti vīmamsanto abhāsi.

Dubbalyā noti dubbalabhāvena nu. **Paṭisaṃyujeti** paṭisaṃyujeyya paṭipphareyya. **Pabhijjeyyunti** virajjeyuṃ. Pakujjheyuntipi pāṭho. Paranti paccatthikaṃ. **Yo sato upasammatī**ti yo satimā hutvā upasammati, tassa upasamaṃyevāhaṃ bālassa paṭisedhanaṃ maññeti attho. **Yadā nam maññatī**ti yasmā taṃ maññati. **Ajjhāruhatī**ti ajjhottharati. **Gova bhiyyo palāyinti** yathā goyuddhe⁴ tāvadeva dve gāvo yujjhante gogaṇo olokento tiṭṭhati, yadā⁵ pana eko palāyati, atha nam palāyantaṃ sabbo gogaṇo bhiyyo ajjhottharati, evaṃ dummedho khamantaṃ bhiyyo ajjhottharatīti attho.

Sadatthaparamāti sakatthaparamā. **Khantiyā bhiyyo na vijjatī**ti tesu saka-atthaparamesu atthesu khantito uttaritaro añño attho na vijjati. **Tamāhu paramaṃ khantinti** yo balavā titikkhati, tassa taṃ khantiṃ paramaṃ āhu. **Bālabalaṃ** nāma aññāṇabalaṃ. Taṃ yassa balaṃ,

1. Nanti taṃ (Syā) 2. Rundhanti (Sī), rumhanti (Syā) 3. Ṭhapessāmīti (Ka)
4. Goyūthe (Sī, Syā) 5. Yāva na eko palāyati, yadā (Syā)

abalameva taṃ balanti āhu kathentīti dīpeti. **Dhammaguttassāti** dhammena rakkhitassa, dhammaṃ vā rakkhantassa. **Paṭivattāti** paṭippharivā vattā, paṭippharivā vā bālabalanti vadeyyāpi¹, dhammatṭhaṃ pana cāletum samattho nāma natthi. **Tasseva tena pāpiyoti** tena kodhena tasseva puggalassa pāpaṃ, katarassa? **Yo kuddhaṃ paṭikujjhati**. **Tikicchantānanti** ekavacane bahuvacanaṃ, tikicchantanti attho. **Janā maññantīti** evarūpaṃ attano ca parassa cāti ubhinnāṃ atthaṃ tikicchantaṃnipphādentāṃ puggalaṃ “andhabālo ayan”ti andhabālaputhujjanāva evaṃ maññanti. **Dhammassa akovidāti** catusaccadhamme achekā. **Idhāti** imasmiṃ sāsane. **Khoti**² nipātamattaṃ. . Catutthaṃ.

5. Subhāsitaḥayasuttavaṇṇanā

251. Pañcame **Asurindaṃ etadavocāti** chekatāya etaṃ avoca. Evaṃ kirassa ahoṣi “parassa nāma gāhaṃ mocetvā paṭhamaṃ vattum garu, parassa vacanaṃ anugantvā pana pacchā sukhaṃ vattun”ti. **Pubbadevāti** devaloke ciranivāsino pubbasāmikā, tumhākaṃ tāva paveṇi-āgataṃ bhaṇathāti. **Adaṇḍāvacarāti** daṇḍāvacaraṇarahitā, daṇḍaṃ vā satthaṃ vā gahetabbanti evamettha natthīti attho. . Pañcamaṃ.

6. Kulāvakasuttavaṇṇanā

252. Chaṭṭhe **ajjhabhāsīti** tassa kira Simbalivanābhimukhassa jātassa rathasaddo ca ājānīyasaddo ca dhajasaddo ca samantā asanipātasaddo viya ahoṣi. Taṃ sutvā simbalivane balavasupaṇṇā palāyimsu, jarājiṇṇā ceva rogaḍubbalā ca asaṅjātapakkhapotakā ca palāyitum asakkontā maraṇabhayena tajjitā ekappahāreneva mahāviraṃ viravimsu. Sakko taṃ sutvā “kassa saddo tātā”ti Mātaliṃ pucchi. Rathasaddaṃ te deva sutvā supaṇṇā palāyitum asakkontā viravantīti. Taṃ sutvā karuṇāsamāvajjitahadayo³ abhāsi. **Īsāmukhenāti** rathassa īsāmukhena. Yathā kulāvake īsāmukhaṃ na saṅcuṇṇeti, evaṃ iminā īsāmukhena te parivajjaya. So hi ratho puññapaccayanibbatto

1. Paṭippharivā yaṃ vā taṃ vā vadeyyāpi (Sī), paṭippharivā vā yaṃ vā taṃ vāti vadeyyāpi (Syā)

2. Kho tanti (Syā) 3. Karuṇāsamappitahadayo (Sī), karuṇāsamāpajjitahadayo (Syā)

cakkavāḷapabbatepi Sinerumhipi sammukhībhūte vinivijjhitvāva gacchati na sajjati, ākāśagatasadiseneva gacchati. Sace tena simbalivanena gato bhaveyya, yathā mahāsakaṭe kadalivanamajjhena¹ vā eraṇḍavanamajjhena vā gacchante sabbavanam vibhaggaṃ nimmathitaṃ hoti, evaṃ tampi simbalivanam bhaveyya. . Chaṭṭham.

7. Nadubbhiyasuttavaṇṇanā

253. Sattame **upasaṅkamīti** “ayaṃ Sakko ‘yopi me assa supaccatthiko, tassapāham na dubbheyyan’ti cinteti, mayā tassa paccatthikataro nāma natthi, vīmaṃsissāmi tāvanam, kinnu kho maṃ passitvā dubbhati, na dubbhatī”ti cintetvā upasaṅkami. **Titṭha vepacitti gahitosīti** vepacitti ettheva² titṭha, gahito tvaṃ mayāti vadati. Saha vacanenevassa so kaṇṭhapañcamehi bandhanehi baddhova ahosi. **Sapassu ca meti** mayi adubbhatthāya³ sapatham karohīti vadati. **Yaṃ musā bhaṇato pāpanti** imasmim kappe paṭhamakappikesu cetiyarañño pāpam sandhāyāha. **Ariyūpavādinoti** kokālikassa viya pāpam. **Mittadduno ca yaṃ pāpanti** mahākapijātake mahāsatte duṭṭhacittassa pāpam. **Akataññunoti** devadattasadisassa akataññuno pāpam. Imāni kira imasmim kappe cattāri mahāpāpāni. . Sattamaṃ.

8. Verocana-asurindasuttavaṇṇanā

254. Aṭṭhame **aṭṭhamsūti** dvārapālarūpakāni viya ṭhitā. **Nipphadāti** nipphatti, yāva attho nipphajjati, tāva vāyamethevāti vadati. Dutiyagāthā Sakkassa. Tattha **khantiyā bhiyyoti** nipphannasobhanesu atthesu khantito uttaritaro attho nāma natthi. **Atthajātāti** kiccajātā. Soṇasiṅgālādayopi hi upādāya akiccajāto satto nāma natthi, ito etto gamanamattampi kiccameva hoti. **Samyogaparamā tveva, sambhogā sabbapāṇinanti** pārivāsika-odanādīni hi asambhogārahāni honti, tāni puna uṇhāpetvā bhajjitvā⁴ sappimadhuphāṇitādīhi samyojitāni sabhogārahāni honti. Tenāha “samyogaparamā tveva, sambhogā

1. Tilavanamajjhena (Syā)

2. Ettova (Sī)

3. Adubbhanatāya (Sī), adubbhattāya (Ka)

4. Uṇhāpetvā dhupetvā bhijjitvā (Syā)

sabbapāṇinan”ti. **Nipphannasobhano atthoti**¹ ime atthā nāma nipphannāva sobhanti. Puna catutthagāthā Sakkassa. Tatthāpi vuttanayeneva attho veditabbo. . Aṭṭhamam.

9. Araññāyatana-isisuttavaṇṇanā

255. Navame **paṇṇakuṭṭisu sammantīti** Himavantapadese ramaṇīye araññāyatane rattitṭhānadivāṭṭhānacāṅkamanādīhi sampannāsu paṇṇasālāsu vasanti. **Sakko ca Devānamindo Vepacitti cāti** ime dve janā jāmātikasasurā kālena kalahaṃ karonti, kālena ekato caranti, imasmim̐ pana kāle ekato caranti. **Paṭaliyoti**² gaṇaṅgaṇūpāhanā. **Khaggaṃ olaggetvāti** khaggaṃ aṃse olaggetvā. **Chattenāti** dibbasetacchattena matthake dhārayamānena. **Apabyāmato**³ karitvāti byāmato akatvā⁴. **Ciradikkhitānanti** cirasamādiṇṇavatānaṃ. **Ito paṭikkamāti** “ito pakkama parivajjaya, mā uparivāte tiṭṭhā”ti vadanti. **Na hettha devāti** etasmim̐ silavantānaṃ gandhe devā na paṭikkūlasaṇṇino, iṭṭhakantamanāpasaṇṇinoyevāti dīpeti. . Navamam.

10. Samuddakasuttavaṇṇanā

256. Dasame **samuddatīre paṇṇakuṭṭisūti** cakkavāḷamahāsamuddapiṭṭhiyaṃ rajatapaṭṭavaṇṇe vālukapuḷine vuttappakārāsu paṇṇasālāsu vasanti. **Siyāpi noti** siyāpi amhākaṃ. **Abhayadakkhiṇaṃ yāceyyāmāti** abhayadānaṃ yāceyyāma. Yebhuyyena kira devāsurasāṅgāmo mahāsamuddapiṭṭhe hoti. Asurānaṃ na sabbakālaṃ jayo hoti, bahuvāre parājayova hoti. Te devehi parājītā palāyantā isīnaṃ assamapadena gacchantā “Sakko imehi saddhiṃ mantetvā amhe nāseti, gaṇhatha puttahatāya putte”ti⁵ kupitā assamapade pāṇiyaghaṭacaṅkamanasālādīni viddhaṃsenti. Isayo araññato phalāphalaṃ ādāya āgatā naṃ disvā puna dukkhena paṭipāka-

1. Nipphannasobhino atthāti (Sī, Syā) 2. Aṭaliyoti (Sī, Syā) 3. Abyāmato (Ka)

4. Byāmato katvā (Sī), byāmato karitvā (Ka), Khu 1. 136 piṭṭhe Udāne “apasabyato karitvā”ti padassa saṃvaṇṇanāya saddhiṃ sāmsandetabbaṃ.

5. Dhuttahatāya sutteti (Ka)

tikaṃ karonti. Tepi punappunaṃ tatheva vināsenti. Tasmā “idāni tesāṃ saṅgāmo paccupaṭṭhito”ti sutvā evaṃ cintayimsu.

Kāmaṅkaroti icchitakaro. **Bhayassa-abhayassa vāti** bhayaṃ vā abhayaṃ vā. Idaṃ vuttaṃ hoti—sace tvaṃ abhayaṃ dātukāmo, abhayaṃ dātuṃ pahosi. Sace bhayaṃ dātukāmo. Bhayaṃ dātuṃ pahosi. Amhākaṃ pana abhayadānaṃ dehīti. **Duṭṭhānanti** viruddhānaṃ¹. **Pavuttanti** khette patiṭṭhāpitaṃ.

Tikkhattuṃ ubbijjīti sāyamāsabhattaṃ bhuñjitvā sayanaṃ abhiruyha nipanno niddāya okkantamattāya samantā ṭhatvā sattisatena pahaṭo viya viravanto uṭṭhahati, dasayojanasahassaṃ asurabhavanaṃ “kimidan”ti saṅkhobhaṃ āpajjati. Atha naṃ āgantvā “kimidan”ti pucchanti. So “na kiñci”ti vadati. Dutiyayāmādīsupi eseva nayo. Iti Asurānaṃ “mā bhāyi mahārājā”ti taṃ assāsentaṇṇāmyeva aruṇaṃ uggacchati. Evamassa tato paṭṭhāya gelaṅṅajātaṃ cittaṃ vepati. Teneva cassa “vepacitti”ti aparāṃ nāmaṃ udapādīti. . Dasamaṃ.

Paṭhamo vaggo.

2. Dutiyavagga

1. Vatapadasuttavaṇṇanā

257. Dutiyavaggassa paṭhame **vatapadānīti** vatakoṭṭhāsāni². **Samattānīti** paripuṇṇāni. **Samādinnānīti** gahitāni. **Kule jeṭṭhāpacāyīti** kulejeṭṭhakānaṃ mahāpitā mahāmātā cūlapitā³ cūlamātā mātulo mātulanīti-ādīnaṃ apacitikāraṅko. **Sanhavācoti** piyamudumadhuravāco. **Muttacāgoti** vissaṭṭhacāgo. **Payatapānīti** deyyadhammadānatthāya sadā dhotahattho. **Vossaggaratoti** vossajjane rato. **Yācayogoti** parehi yācitabbāraho, **yācayogoti** vā yācayogeneva yutto. **Dānasaṃvibhāgaratoti** dāne ca saṃvibhāge ca rato. . Paṭhamam.

1. Duṭṭhānanti duṭṭhānaṃ viruddhānaṃ (Syā)

2. Vattapadānīti vattakoṭṭhāsāni (Syā)

3. Cullapitā (Syā)

2. Sakkanāmasuttavaṇṇanā

258. Dutiye **manussabhūtoti** Magadharatṭhe Macalagāme manussabhūto. **Āvasatham adāsīti** catumahāpathe mahājanassa āvasatham kāretvā adāsī. **Sahassampi atthānanti** sahasampi kāraṇānam, janasahassena vā vacanasahassena vā osārite “ayaṃ imassa attho, ayaṃ imassa attho”^{ti} ekapade ṭhitova vinicchinati. . Dutiyaṃ.

3. Mahālisuttavaṇṇanā

259. Tatiye **upasaṅkamīti** “Sakko devarājāti kathenti, atthi nu kho so Sakko, yena so diṭṭhapubboti imamattam Dasabalam pucchissāmī”^{ti} upasaṅkami. **Taṅca pajānāmīti** bahuvacane ekavacanam, te ca dhamme pajānāmīti attho. Sakko kira anantare attabhāve Magadharatṭhe Macalagāme Magho nāma māṇavo ahosi paṇḍito byatto. Bodhisattacariyā viya ca tassa cariyā ahosi. So tettiṃsa purise gahetvā kalyāṇamakāsi. Ekadivasam attanova paññāya upaparikkhitvā gāmamajjhe mahājanassa sannipatitaṭṭhāne kacavaram ubhatopassesu apabyūhitvā tam ṭhānam ramaṇīyaṃ akāsi. Puna tattheva maṇḍapaṃ kāresi. Puna gacchante kāle sālam kāresi. Gāmato ca nikkhamitvā gāvutampi aḍḍhajojanampi tigāvutampi yojanampi vicaritvā tehi sahāyehi saddhim visamaṃ samaṃ akāsi. Te sabbeva ekacchandā tattha tattha setuyuttaṭṭhāne setum, maṇḍapasālāpokkharāṇimālāvaccharopanapādīnam yuttaṭṭhānesu maṇḍapasālāpokkharāṇimālāvaccharopanādīni¹ karontā bahuṃ puññamakāmsu. Magho satta vatapādāni pūretvā kāyassa bhedaṃ saddhim sahāyehi Tāvatiṃsabhavane nibbatti. Tam sabbam Bhagavā jānāti. Tenāha **yesam² dhammānam samādinnattā sakko sakkattam ajjhagā, taṅca pajānāmīti**. Ayaṃ Sakkassa sakkattādhigame saṅkhepakathā, vitthāro pana Sumaṅgavilāsiniyā Dīghanikāyaṭṭhakathāya Sakkapañhavaṇṇanāyaṃ³ vutto. . Tatiyaṃ.

1. Maṇḍapādīni (Sī, Syā)

2. Yesañca (Sī, Syā, Ka)

3. Dī 2. 302 piṭṭhe.

4. Daliddasuttavaṇṇanā

260. Catutthe **manussadaliddoti** manussa-adhano. **Manussakapaṇoti** manussakāruññataṃ patto. **Manussavarākoti** manussalāmako. **Tatrāti** tasmim̐ ṭhāne, tasmim̐ vā atirocane. **Ujjhāyantīti** avajjhāyanti lāmakato cintenti. **Khiyyantīti** kathenti pakāsentī. **Vipācentīti** tattha tattha kathenti vitthārentī. **Eso kho mārisāti** ettha ayamanupubbikathā—so kira anuppanne Buddhe Kāsiraṭṭhe Bārāṇasirājā hutvā samussitaddhajapaṭākanānālānkārena¹ suṭṭhu alaṅkataṃ nagaraṃ padakkhiṇaṃ akāsi attano sirisampattiyā samākaḍḍhitanettena janakāyena samullokiamāno. Tasmim̐ ca samaye eko Paccekabuddho Gandhamādanapabbatā āgamma tasmim̐ nagare piṇḍāya carati santindriyo santamānaso uttamadamathasamannāgato. Mahājanopi rājagataṃ² cittikāraṃ pahāya Paccekabuddhameva olokesi. Rājā “idāni imasmim̐ janakāye ekopi maṃ na oloketi, kinnu kho etan”ti olokeno Paccekabuddhaṃ addasa. Sopi Paccekabuddho mahallako hoti pacchimavaye ṭhito. Cīvarānipissa jīṇṇāni, tato tato suttāni gaḷanti³. Rañño satahassādhikāni dve asaṅkhyeyyāni pūritapāramim̐ Paccekabuddhaṃ disvā cittappasādamattaṃ vā hatthaṃ pasāretvā vandanamattaṃ vā nāhosi. So rājā “pabbajito maññe esa usūyāya maṃ na oloketi”ti kujjhivā “kvāyaṃ kuṭṭhicīvarāni⁴ pāruto”ti niṭṭhubhitvā⁵ pakkāmi. Tassa kammaṃ vipākena Mahāniraye nibbattivā vipākāvasesena manussalokaṃ āgacchanto Rājagahe paramakapaṇāya itthiyā kucchimhi paṭisandhim̐ gaṇhi. Gahitakālato paṭṭhāya sā itthi kaṅṅikamattampi udarapūraṃ nālattha. Tassa kucchigatasseva kaṅṅanāsā vilīnā, saṅkhalitakuṭṭhi⁶ hutvā mātukucchito nikkhanto. Mātāpitāro nāma dukkarakārikā honti, tenassa mātā yāva kapālaṃ gahetvā caritum̐ na sakkoti, tāvassa kaṅṅikampi udakampi āharitvā adāsi. Bhikkhāya caritum̐ samatthakāle panassa kapālaṃ hatthe datvā “paññāyissasi sakena kammenā”ti pakkāmi.

1. Samussitaddhajapaṭākaṃ nagarālānkārehi (Syā)

2. Avalambanti (Ṭīkā)

3. Nuṭṭhubhitvā (Sī), nuṭṭhāhitvā (Syā)

4. Rājānaṃ taṃ (Syā)

5. Kuṭṭhi cīvarāni (Sī)

6. Saṅkhasadisakuṭṭhi (Syā)

Athassa tato paṭṭhāya sakalasarīrato maṃsāni chijjivā chijjivā patanti, yūsaṃ paggharati, mahāvedanā vattanti. Yaṃ yaṃ racchaṃ nissāya sayati, sabbarattim mahāravena ravati. Tassa kāruṇṇaparidevitasaddena sakalavīthiyaṃ manussā sabbarattim niddaṃ na labhanti. Tassa tato paṭṭhāya sukhasayite pabodhetīti **Suppabuddho**veva nāmaṃ udapādi. Athāparena samayena Bhagavati Rājagahaṃ sampatte nāgarā Satthāraṃ nimantetvā nagaramajjhe mahāmaṇḍapaṃ katvā dānaṃ adaṃsu. Suppabuddhopi kuṭṭhī gantvā dānaggamaṇḍapassa avidūre nisīdi. Nāgarā Buddhappamukhaṃ bhikkhusaṃghaṃ paṇītena khādanīyena bhojanīyena¹ parivisaṇṭā tassāpi yāgubhattaṃ adaṃsu. Tassa paṇītabhojanaṃ bhuttassa cittaṃ ekaggaṃ ahosi. Satthā bhattakiccāvasāne anumodanaṃ katvā saccāni dīpesi, Suppabuddho nisinnaṭṭhāne nisinnova desanānusārena ñāṇaṃ pesetvā sotāpattiphale paṭiṭṭhito. Satthā uṭṭhāya vihāraṃ gato. Sopi cumbaṭaṃ āruya kapālamādāya daṇḍamolubbha attano vasanaṭṭhānaṃ gacchanto vibbhantāya gāvīyā jīvitā voropito mattikapātim² bhinditvā suvaṇṇapātim paṭilabhanto viya dutiyacittavāre devaloke nibbato attono puññaṃ nissāya aññe deve atikkamma virocittha. Taṃ kāraṇaṃ dassento Sakko Devānamindo **eso kho mārisāti**-ādimāha.

Saddhāti maggenāgatasaddhā. **Sīlañca yassa kalyāṇanti** kalyāṇasīlaṃ nāma ariyasāvakassa ariyakantasīlaṃ vuccati. Tattha kiñcāpi ariyasāvakassa ekasīlampi akantaṃ nāma natthi, imasmiṃ panatthe bhavantarepi appahīnaṃ pañcasīlaṃ adhippetāṃ. . Catutthaṃ.

5. Rāmaṇeyyakasuttavaṇṇanā

261. Pañcame **ārāmacetyāti** ārāmacetiyaṇi. **Vanacetyāti** vanacetiyaṇi. Ubhayatthāpi cittikataṭṭhena cetyaṃ³ veditabbaṃ. **Manussarāmaṇeyyassāti** manussaramaṇīyabhāvassa. Idāni manussaramaṇīyakavasena bhūmiramaṇīyakaṃ dassento **gāme vāti**-ādimāha. . Pañcamaṃ.

1. Paṇītehi khādanīyabhojanīyehi (Sī) 2. Mattikacātim (Syā) 3. Cetyanti (Syā)

6. Yajamānasuttavaṇṇanā

262. Chaṭṭhe **yajamānānanti** yajantānam. Tadā kira Aṅgamagadhavāsikā manussā anusaṁvaccharaṁ sappimadhuphāṇitādīsu aggaṁ gahetvā ekasmim ṭhāne dārūnaṁ saṭṭhimatte sakaṭabhāre rāsīm katvā aggaṁ datvā pajjalitakāle “mahābrahmuno yajāmā”ti taṁ sabbaṁ pakkhipanti. “Ekavāraṁ pakkhittaṁ saḥassaguṇaphalaṁ detī”ti nesaṁ laddhi. Sakko devarājā “sabbepime sabba-aggāni gahetvā ‘mahābrahmuno yajāmā’ti aggaṁ jhāpenti, aphalaṁ karonti, mayi passante mā nassantu, yathā Buddhassa ceva saṁghassa ca datvā bahuṁ puññaṁ pasavanti, evaṁ karissāmi”ti dārurāsīm jalāpetvā olokentesu manussesu puṇṇamadivase¹ brahmattabhāvaṁ māpetvā mahājanassa passantasseva candamaṇḍalaṁ bhinditvā nikkhanto viya ahoṣi. Mahājano disvā “imaṁ yaññaṁ paṭiggahetuṁ mahābrahmā āgacchatī”ti jaṇṇukehi bhūmiyaṁ patiṭṭhāya añjaliṁ paggayha namassamāno aṭṭhāsi. Brāhmaṇā āhaṁsu “tumhe ‘mayāṁ takkena kathamā’ti maññatha, idāni passatha, ayaṁ vo brahmā saḥatthā yaññaṁ paṭiggahetuṁ āgacchatī”ti. Sakko āgantvā dārucitakamatthake ākāse ṭhatvā “kassāyaṁ sakkāro”ti pucchi. Tumhākaṁ bhante, paṭiggaṇhatha no yaññanti. Tena hi āgaccha tha, mā tulaṁ² chaḍḍetvā hatthena tulayittha, ayaṁ Satthā dhuravihāre vasati, taṁ pucchissāma “kassa dinnāṁ mahapphalaṁ hotī”ti ubhayaṭṭhavāsino gahetvā Satthu santikaṁ gantvā pucchanto evamāha.

Tattha **puññapekkhānanti** puññaṁ icchantānaṁ puññatthikānaṁ. **Opadhikaṁ puññanti** upadhivipākaṁ puññaṁ. **Samghe dinnāṁ mahapphalanti** ariyasamghe dinnāṁ vipphāravantaṁ hoti. Desanāvasāne caturāsītipāṇasahassāni amatapānaṁ pivimsu. Tato paṭṭhāya manussā sabbāni aggadānāni bhikkhusaṁghassa adaṁsu. . Chaṭṭhaṁ.

7. Buddhavandanāsuttavaṇṇanā

263. Sattame **uṭṭhehīti** uṭṭhaha ghaṭa vāyama. **Vijitasāṅgāmāti** rāgādīnañceva dvādasayojanikassa ca mārabalassa jitattā Bhagavantaṁ evaṁ

1. Puṇṇamādivase (Syā)

2. Mahātulaṁ (Sī)

ālapati. **Pannabhārāti** oropitakhandhakilesābhisaṅkhārabhāra. **Pannarasāya rattinti** pannarasāya puṇṇamāya rattim. . Sattamaṃ.

8. Gahaṭṭhavandanāsuttavaṇṇanā

264. Aṭṭhame **puṭhuddisāti** catasso disā catasso anudisā ca. **Bhummāti** bhūmivāsino. **Cīrarattasamāhiteti** upacārappanāhi cīrarattasamāhitacitte. **Vandeti** vandāmi. **Brahmacariyaparāyaṇeti** dasapi vassāni vīsati vassāni -pa- saṭṭhipi vassāni āpāṇakoṭīkam ekaseyyaṃ ekabhattanti-ādīkam seṭṭhacariyaṃ brahmacariyaṃ caramāneti attho. **Puññakarāti** catupaccayadānaṃ kusumbhasumanapūjā dīpasahassajālanti evamādipuññakārakā. **Sīlavantoti** upāsakatte paṭiṭṭhāya pañcahipi dasahipi sīlehi samannāgatā. **Dhammena dāraṃ posentīti** umaṅgabhindanādīni¹ akatvā dhammikehi kasigorakkhavaṇijjādīhi puttadāraṃ posenti. **Pamukho rathamāruhīti** devānaṃ pamukho seṭṭho rathaṃ āruhi. . Aṭṭhamaṃ.

9. Sattāravandanāsuttavaṇṇanā

265. Navame **Bhagavantaṃ namassatīti** ekaṃsaṃ uttariyaṃ dukulaṃ katvā brahmajāṇuko hutvā sirasi añjaliṃ ṭhapetvā namassati. **So yakkhoti** so Sakko. **Anomanāmaṃti** sabbagaṇehi omakabhāvassa natthitāya sabbagaṇanemittakehi nāmehi anomanāmaṃ. **Avijjāsamatikkamāti** catusaccapaṭicchādīkāya vaṭṭamūlaka-avijjāya samatikkamena. **Sekkhāti** satta sekkhā. **Apacayārāmāti** vaṭṭavidhamānsane ratā. **Sikkharetīti** sikkhanti. . Navamaṃ.

10. Saṃghavandanāsuttavaṇṇanā

266. Dasame **ajjhabhāsīti** kasmā esa punappunaṃ evaṃ bhāsati? Sakkassa kira devaraṇṇo saddo madhuro, suphusitaṃ dantāvaraṇaṃ, kathanakāle suvaṇṇakiṅkiṇikasaddo viya niccharati. Taṃ punappunaṃ sotuṃ labhissāmīti bhāsati. **Pūtidehasayāti** pūtimhi mātusarīre vā, attanoyeva vā sarīraṃ avattharivā sayanato pūtidehasayā.

1. Ummaggabhindanādīni (Sī)

Nimuggā kuṇapamheteti dasamāse mātukucchisaṅkhāte kuṇapasmim̄ ete nimuggā. **Etam̄ tesam̄ pihayāmīti** etesam̄ etam̄ pihayāmi patthayāmi. **Na te sam̄ koṭṭhe opentīti** na te sam̄ santakam̄ dhaññam̄ koṭṭhe pakkhipanti. Na hi etesam̄ dhaññam̄ atthi. **Na kumbhīti** na kumbhiyam̄. **Na kaḷopiyan̄ti** na pacchiyam̄. **Paraniṭṭhitamesānāti** paresam̄ niṭṭhitam̄ paraghare pakkam̄ bhikkhācāravattena esamānā gavesamānā. **Tenāti** evam̄¹ pariyaṭṭhena. **Subbatāti** dasapi -pa- saṭṭhipi vassāni susamādinnasundaravatā.

Sumantamantinoti dhammam̄ sajjhāyissāma, dhutaṅgam̄ samādiyissāma, amatam̄ paribhuñjissāma, samaṇadhammam̄ karissāmāti evam̄ subhāsitaḥāsino. **Tuṇhībūtā samañcarāti** tiyāmarattim̄ asanighosena ghoṣitā² viya dhammam̄ kathentāpi tuṇhībūtā samam̄ carantiyeva nāma. Kasmā? Niratthakavacanassābhāvā. **Puthumaccā cāti** bahusattā ca aññamaññam̄ viruddhā. **Attadaṇḍesu nibbutāti** paraviheṭhanattham̄ gahitadaṇḍesu sattesu nibbutā vissatṭhadaṇḍā. **Sādānesu anādānāti** sagahaṇesu sattesu ca bhavayoni-ādīnam̄ ekakoṭṭhāsassāpi agahitattā agahaṇā. . Dasamam̄.

Dutiyo vaggo.

3. Tatiyavagga

1. Chetvāsuttavaṇṇanā

267. Tatiyavaggassa paṭhamam̄³ vuttatthameva. . Paṭhamam̄.

2. Dubbaṇṇiyasuttavaṇṇanā

268. Dutiye⁴ **dubbaṇṇoti** jhāmakhāṇuvaṇṇo. **Okotimakoti** lakuṇḍako mahodaro. **Āsaneti** Paṇḍukambalasilāyam̄. **Kodhabhakkhoti** Sakkena gahitanāmamevetam̄. So pana eko rūpāvacarabrahmā, “Sakko kira khantibalena samannāgato”ti sutvā vīmaṁsanattham̄

1. Tena evam̄ (Syā)

3. Ekādasamam̄ (Sī)

2. Asanighosaghoṣitā (Ka)

4. Dvādasame (Sī)

āgato. Avaruddhakayakkhā pana evarūpaṃ saṃvihitārakkhaṃ ṭhānaṃ pavisitum na sakkonti. **Upasaṅkamīti** devānaṃ sutvā “na sakkā esa pharusena cāletum, nīcavuttinā pana khantiyaṃ ṭhitena sakkā palāpetun”ti tathā palāpetukāmo upasaṅkami. **Antaradhāyīti** khantiyaṃ ṭhatvā balavacittikāraṃ paccupaṭṭhapetvā nīcavuttiyā dassiyamānaya sakkāsane¹ ṭhātum asakkonto antaradhāyi. **Na sūpahatacittomhīti** ettha sūti nipātamattaṃ, upahatacittomhīti āha². **Nāvattena suvānayo**ti na kodhāvattena su-ānayo, kodhavase³ vattetum na sukaromhīti vadati. **Na vo cirdāhanti voti** nipātamattaṃ, ahaṃ ciraṃ na kujjhāmīti⁴ vadati. . Dutiyam.

3. Sambarimāyāsuttavaṇṇanā

269. Tatiye **ābādhikoti** isigaṇena abhisapakāle⁵ uppannābādhena ābādhiko. **Vācehi manti**⁶ sace maṃ sambarimāyaṃ vācesi, evamahaṃ tampi tikicchissāmīti vadati. **Mā kho tvaṃ mārisa vācesīti** vināpi tāva sambarimāyaṃ Sakko amhe bādhati, yadi pana taṃ jānissati, naṭṭhā mayaṃ, mā attano ekassa atthāya amhe nāsehīti vatvā nivārayimisu. **Sambarova sataṃ samanti** yathā sambaro Asurindo māyāvī māyaṃ payojetvā vassasataṃ niraye pakko, evaṃ paccati. Tumhe dhammikāva, alaṃ vo māyāyāti vadati. Kim pana Sakko tassa kodhaṃ tikicchitum sakkuṇeyyāti. Āma sakkuṇeyya. Kathaṃ? Tadā kira so isigaṇo dharatiyeva, tasmā naṃ isīnaṃ santikaṃ netvā khamāpeyya, evamassa phāsu bhavēyya. Tena pana vañcitattā tathā akatvā pakkantova. . Tatiyam.

4. Accayasuttavaṇṇanā

270. Catutthe **sampayojesunti** kalaham akamsu. **Accasarāti** atikkami, eko bhikkhu ekaṃ bhikkhum atikkamma vacanaṃ avocāti attho.

1. Dassiyamānāya pana āsane (Sī)

2. Upahatacittomhi ahaṃ (Sī), na upahatacittomhīti āha (Syā)

3. Kodhena vase (Syā), kodhavasena (Ka) 4. Na kujjhāmi na upanayyāmīti (Ṭikā)

5. Abhisattakāle (Sī, Syā)

6. Vāccmahanti (Ka)

Yathādhammaṃ nappaṭiggaṇhātī na khamati. **Kodho vo vasamāyātūti** kodho tumhākaṃ vasaṃ āgacchatu, mā tumhe kodhavasamā gamitthāti dīpeti. **Mā ca mitte hi vo jarāti** ettha hīti nipātamattaṃ, tumhākaṃ mittadhamme jarā nāma mā nibbatti. Bhummatthe vā karaṇavacanaṃ, mittesu vo jarā ma nibbatti, mittabhāvato aññathābhāvo mā hotūti attho. **Agarahiyaṃ mā garahitthāti** agārayhaṃ khīṇāsavapuggalaṃ mā garahittha. . Catuttham.

5. Akkodhasuttavaṇṇanā

271. Pañcame¹ **mā vo kodho ajjhabhavīti** kodho tumhe mā abhibhavi, tumheva kodhaṃ abhibhavatha. **Mā ca kujjhittha kujjhitanti** kujjhantānaṃ mā paṭikujjhittha. **Akkodhoti** mettā ca mettāpubbabhāgo ca. **Avihimsāti** karuṇā ca karuṇāpubbabhāgo ca. **Atha pāpajanaṃ kodho, pabbatovābhimaddatīti** lāmakajanaṃ pabbato viya kodho abhimaddatīti. . Pañcamaṃ².

Tatiyo vaggo.

Sakkasaṃyuttavaṇṇanā niṭṭhitā.

Iti Sāratthappakāsiniyā Saṃyuttanikāyaṭṭhakathāya

Sagāthāvaggavaṇṇanā niṭṭhitā.

Saṃyuttanikāyaṭṭhakathāya paṭhamo bhāgo.

1. Pannarasame (Sī)

2. Pannarasamaṃ (Sī)

Sagāthāvaggasaṃyuttaṭṭhakathāya

Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akatañño	315	Acavanadhammaṃ	190
Akatayoggo	152	Acetasāṃ	265
Akatahattho	152	Accayo	62
Akatūpāsano	152	Accayaṃ	63
Akāliko	42	Accasarā	324
Akiñcanaṃ	60	Accādhāya	75
Akissavaṃ	197	Accenti	22
Akovidā	210	Accharā	28
Akkodho	325	Accharāgaṇasaṅghuṭṭhaṃ	80
Akkosakabhāradvājo	209	Accharāsaṅghaparivutā	28
Akkosati	150, 210	Accheccchi	45
Akkhātāraṃ	43	Acchejja nessati	173
Akhilodha padhānavā	248	Ajarasā	87
Akkheyyasañño	43	Ajito	120
Agarahiyaṃ mā garahittha	325	Ajinakkhipanivattho	166
Agāravo	186	Ajinaṃ ajāpayaṃ	166
Agāraṃ	51	Ajjasatṭhiṃ	219
Aggālave cetiye	246	Ajjhattamevujjalayāmi	217
Aggikabhāradvājo	212	Ajjhāruhati	313
Aggihuttaṃ	214	Ajjhesanaṃ	183
Aggiṃ juhati	214	Ajjhogāḷhappatto	269
Angāni	35	Aññatarā devatā	12
Angāravassaṃ	295	Aññathā santaṃ	61
Angīrasaṃ	139	Aññamaññābhigijjhanti	51
Aghagāminaṃ	118	Aññāṇamūlappabhavā	244
Aghaṃ	60, 104	Aññāsikoṇḍaṇṇo	256

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Aññaṃ kho etaṃ	152	Anāvaṭaṃ	102
Aṭṭiyāmi	176	Anāvilo	217
Aṭṭhaṅgasusamāgatam	281	Anāsavo jhāyāmi	170
Aṭṭhiṃ katvā	163	Anikkīlitāvī	41
Aḍḍhā	126	Aniccā vata saṅkhārā	29
Atakkāvacarō	179	Aniñjamānena	243
Atari	17	Anīghaṃ	45
Atikālena	268	Anujīvino	148
Atiṇṇapubbaṃ	279	Anuṭṭhahaṃ	311
Atipāteyya	108	Anuṭṭhānaṃ	93
Atidivā	268	Anuṭṭhitā	166
Atidevapatto	189	Anuppattasadatthā	127
Atiracchānagāmino	203	Anurodhavirodhesu	162
Ativelā	284	Anuviloketvā	253
Ativelam	266	Anusāsaṃ	96
Attadaṇḍesu nibbutā	323	Anussukā	51
Attasambhūtā	126	Anūpayo	244
Atthavatī	77	Anūpalitto	190
Atthavaṣaṃ	245	Anekākārasampannaṃ	260
Atthābhisamayā	146	Anejo	190, 206
Athettha dhīrā	60	Anelagalāya	252
Adaṇḍāvacarā	314	Anoko	172
Adhimucceyya	166	Anomanāmaṃ	80, 322
Anacchariyā	180	Antaradhāyi	19, 186
Anaññaṃposī	190	Antalikkhacaro	163
Anadhivāṣento	196	Antena	78
Anantadassī Bhagavāhamasmi	192	Antevāsikā	243
Analaṅkatā	51	Antokasambu	212
Anāgatappajappāya	27	Antojaṭā	48
Anāthapiṇḍikassa	12	Antonimuggaposīni	184

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Andhakavindaṁ	202	Appāṇake	216
Andhavanaṁ	174	Appāhāraṁ	52
Annado	78	Appiccho	113
Anvāviṭṭhā	164	Appossukkatāya	181
Anvāvisitvā	117	Appossukko	270
Anvesaṁ	163	Appaṁ	20
Apacayārāmā	322	Appaṁ vā bhiyyo	161
Apacitā	242	Abbudā jāyate pesi	275
Apaceyā	238	Abbudo nirayo	200
Apanāmesi	277	Abbuyha	51
Apabodhati	36	Abbhasamaṁ	154
Apabyāmato	316	Abbhutavittajātā	242
Aparaddho	155	Abbhuyyāsi	142
Apaviddhā	107	Abbhokāse	156, 163
Apāpuretaṁ	182	Abyaggamanaso	150
Apārutā	185	Abyattena	35
Apihālu	248	Abhayadakkhiṇaṁ	316
Apunabbhavāya	279	Abhayā nāma sā disā	82
Apehi	170	Abhassatha	170
Appaṭipuggalo	206	Abhikkantavaṇṇā	13
Appatisso	186	Abhikkantāya rattiyā	12
Appattamānaso	168	Abhiññāvosito	212
Appamādena aṇṇavaṁ	302	Abhitthavi	251
Appamādena sampādeṭṭha	204	Abhinandaṇā	244
Appamādo	142	Abhinandanti	79
Appameyyaṁ paminanto	196	Abhibhūsambhavaṁ	203
Apparajakkhajātikā	158	Abhivande	76
Apparajakkhā	183	Abhisāṅkhacca	152
Appasmeke	56	Abhojaneyyaṁ	212
Appaharite	216	Amaccudheyyaṁ	170

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Amatassa dvāraṃ	182	Asammuṭṭhā	25
Amataṃdado	79	Assamedho	134
Amanāpā	74	Assavanatā	158, 182
Ambujo	102	Asallīnena	206
Araṇā	95	Asātā	74
Arati	34	Asito	177
Arato	247	Asitaṃ	254
Arahatam	188	Assumukhā	58
Arahante	242	Asurindakabhāradvājo	210
Arahanto	127	Asekkhena sīlakkhandhena	152
Ariṭṭhako	156	Asecanakamojvaṃ	289
Ariyamaggo	34	Asocaṃ	166
Ariyā	91	Asocāpayam	166
Ariyūpavādino	315	Ahanam	166
Alattha	220	Ahuva	86
Aladdhā	172	Ahimsakabhāradvājo	211
Alolupaṃ	52	Ahimsakāyam	211
Avahananaṭṭhena	16	Aheṭṭhayāno	35
Avāyāmaṃ	311	Aheṭṭhayaṃ	59
Avikampamāno	44	Aṃso	279
Avijjāsamatikkamā	322	[Ā]	
Avitakkajhāyī	172	Ākaṅkhamāno	243
Avihaññamāno	74	Ākiṇṇakammanto	272
Avihimsā	325	Ākiṇṇaluddo	272
Avītagandham	139	Āgañchum	173
Avamsirā	99	Āgum	170
Asaṅkharāno	172	Ācariyaṃ	242
Assatarim	201	Ājānīyo	32, 251
Asappuriso	146	Ātāpī	48
Asmābhijappanti janā	191		

Padānukkamo	Piṭṭhaṅko	Padānukkamo	Piṭṭhaṅko
[Ā]		[I]	
Āturassa	263	Īṅgha	305
Ādikalyāṇaṃ	157	Icchāgataṃ	108
Ādiccabandhunaṃ	255	Icchādhūpāyito	89
Ādibrahmacariyikā	100	Icchā lobhaṃ	51
Ādīnava ettha	41	Ijjhati	238
Ānando	266	Īṇāyikā	220
Ābādhiko	324	Itipi so Bhagavā	312
Ābhassarā	165	Iti vidvā	166
Āmodamāno	153	Itojā	278
Āyatim saṃvarāya	63	Ito bahiddhā	177
Āraddhavīriyo	113, 264	Ittaradassanena	138
Ārambhatha	203	Itthāgārassa	106
Ārā	272	Itthī malaṃ	88
Ārāmacetyā	320	Idappaccayatā-	
Ārāmaropā	83	paṭiccasamuppādo	179
Ālayaratā	179	Iddhipādā	166
Ālayarāmā	179	Iddho	196
Ālayasammuditā	179	Idha vā huraṃ vā	45
Ālasyaṃ	93	Indakassa	274
Āloketi	265	Indakhīlaṃ	72
Āvasathaṃ	318	Iriyāpathasamasīsī	169
Āvi vā yadi vā raho	281	Issattaṃ (Issatthaṃ)	152
Āsajja	123	Isigilipasse	168
Āsayo	89	Isisaṃghanisevitaṃ	84
Āsādetabbaṃ	62	Isīnaṃ isisattamo	255
Āsattiyo	288		
Āhutiṃ	188	[Ī]	
Āhuneyyo	190	Īsā	231
Āḷavikā	174	Īsāmukhena	314
Āḷaviyaṃ	289		

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Ukkujjeyya	125	Upassayaṃ	83
Uggaputtā	246	Uppaccāpi	281
Ugghaṭṭitaññū	184	Uppajjitvā nirujjhanti	29
Uccāvacā	115	Uppaliniyaṃ	184
Ucchinnamūlaṃ me vanam	243	Uppātakehi sañchanno	219
Ujjhānasaññikā	61	Uppādavayadhammino	29
Ujjhāpayāmaṣe	282	Ubhatobhāgavimuttā	254
Ujjhāyanti	203, 319	Ubhinnaṃ tikicchantaṇaṃ	210
Ujuko	82	Ummaggapathaṃ	255
Ujuṃ kāyaṃ paṇidhāya	219	Urago	121
Uññātabbā	121	Ussukkajātesu	51
Uṭṭhānavīriyādhiḡatassa	59	Ussukkamaṅpanno	153
Uṭṭhehi	321	Ussolḡhikāya	219
Udadhinaṃ	118	Uḡāre uḡāre	128
Udapānaṃ	83		
Udāhu kāveyyamatto	162	[Ū]	
Udumbaradaṇḡaṃ	167	Ūhacca maneḡā	72
Uddhaggikā	146	[E]	
Unnaḡā	106	Ekam	8
Upako	86	Ekamantaṃ aṭṭhāsi	15, 227
Upaccaguṃ	86	Ekaṅgamaṃ theyyānaṃ	272
Upaḡḡhamidaṃ	143	Ekacīvaro aṭṭhāsi	38
Upadhi	30	Ekanāḡāyaṃ brāhmaṅaḡāme	222
Upadhisaṅkhaye	177	Ekamāsi	175
Upadhīsu	159	Ekamūlaṃ	79
Upadhiṃ viditvā	166	Ekasataṃ ekasataṃ	171
Upanīyati	20	Eko	187
Upalāpetuṃ	154	Ekohaṃ jhāyaṃ	172
Upavattane	204	Eṅikūlasmiṃ	193
Upasameṃa	84	Eṅijaṅghaṃ	52

Padānukkamo	Piṭṭhaṅko	Padānukkamo	Piṭṭhaṅko
[E]		[Ka]	
Etato bhiyyo	246	Kakudho devaputto	104
Etāva paramo	84	Kaṅkhā	244
Etthesā chijjate jaṭā	49	Kaccāyano	120
Evaṁ	3	Kacci te kuṭikā	36
Evaṁ jarā ca maccu ca	154	Kacche	101
Esa dhammo sanantano	56	Kaṭukā	74
Esā ābhā	50	Kaṇājakaṁ	146
Ehipassiko	42	Kaṇṭhapaṇcamehi	313
Enti māravasaṁ	177	Katāvī	50
[O]		Katūpāsano	108
Okampetvā	167	Kataṁ karaṇīyaṁ	188
Okoṭimako	149	Kathaṁ jānemu	50
Oghatiṇṇoti	23	Kathaṁ nameyya	166
Oghatiṇṇaṁ	190	Kathaṁ nvayaṁ sajjati	
Oghamatari	16	gabbharasmiṁ	274
Ocarakā	138	Kathaṁ yātrā bhavissati	51
Ocaritvā	138	Kathaṁvihārībahulo	172
Otārāpekkho	170	Kathaṁsu tarati oghaṁ	302
Odhenti	252	Kathaṁsu labhate paññaṁ	303
Opadhikaṁ puññaṁ	321	Kadariyā	85
Opaneyyiko	42	Kappa	14
Opilāpesi	216	Kamaṇīyāni	60
Openti	323	Kamamānaṁ	80
Obhāsetvā	15	Kammaṁ	84
Omaṭṭho	46	Kammāragaggariyā	159
Ovadati	264	Kayirā ce kayirāthenaṁ	100
Ohāriṇaṁ	135	Karassu rūpāni	167
Ohitabhārā	127	Karoṭi	310
Ohitasotā	163	Kalalavassaṁ	295
Ohiyako	246	Kalalā hoti abbudaṁ	274
		Kalāyamattiyo	200

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kalinā	197	Kimiva carasi momūhā	177
Kalam	57, 287	Kimidaṃ soppase vā	162
Kalyāṇaṃ	94	Kilamati phandati ca	236
Kassaccayā	63	Kilesasīsāṃ	169
Kasibhāradvājassa	222	Kismiṃ loko samuppanno	98
Kasiravuttike	149	Kissa cābhirato	88
Kahāpaṇasataṃ	140	Kisāgotamī	174
Kaḷevare	109	Kisaṃ	52
Kaḷopiyaṃ	323	Kiñcanaṃ	165
Kāṇo	149	Kiñci vā pana aññasmi	174
Kāmagadhāpariyuṭṭhitānaṃ	153	Kim tavettha mārā	160
Kāmacchando	152	Kintāhaṃ	37
Kāmānaṃ aggaṃ	138	Kim nu soppasi	160
Kāmarajo	263	Kim me purāṇaṃ	192
Kāmālaye asattaṃ	80	Kimsu samyojano	89
Kāmaṅkaro	317	Kimsu harantaṃ vārenti	94
Kālikā	41	Kimsūdha bhītā	92
Kālena	215	Kimsūdha vittaṃ	299
Kālaṃ kaṅkhati	116	Kim soppasi	160
Kāveyyamattā	262	Kukkuccavūpasantaṃ	213
Kāsikacandaṃ	137	Kukkulavassaṃ	295
Kāḷakeso	40	Kukkuḷā	282
Kāḷasilāyaṃ	168	Kuṭṭhārī	197
Kiccakaro	147	Kuṇī	149
Kicchena	180	Kutassa aṭṭhīyakapiṇḍameti	274
Kim jīyittha	104	Kuto sarā nivattanti	51
Kitavasseva	61	Kupito	210
Kitti	64	Kupito anattamano	209
Kibbisī	117	Kubbetha	53
Kimantaraṃ	269	Kumārakā dhaṅkamivossajanti	278

Padānukkamo	Piṭṭhaṅko	Padānukkamo	Piṭṭhaṅko
[Ka]		[Kha]	
Kumārivaṇṇasataṃ	171	Kodho satthamalaṃ	94
Kumbhī	323	Ko nu kho imaṃ habyasesaṃ	214
Kummova	35	Ko nu taṃ idamādapayi	176
Kulaputtā	187	Ko pana vādo rūpiyassa	146
Kule jeṭṭhāpacāyī	317	Kopantaro	63
Kulesu	268	Komārī	32
Kusalo	50	Kome	266
Kusalī bhāsasi	86	Kosalikā kamsapāti	158
Kuhiñci	247	Kharo	277
Kuhiñci netave	160	Khāṇuṃva urasāsajja	173
Kūṭaṃ	128	Khādanā apanīyati	240
Kena	57	Khāyati	266
Kena vaṇṇo pasīdati	26	Khīṇāsavā	127
Kenassubbhāhato	89	Khīranikā	236
Kenidaṃ pakataṃ	177	Khīramattova	161
Kenīdha kusalo	63	Khemaṃ	252
Kevalakappaṃ	14	Khomadussaṃ nāma	245
Kevalaparipuṇṇaṃ	158	Khaggaṃ olaggetvā	316
Kevalaṃ	190	Khañjo	149
Kesakambalo	120	Khattiyamahāsālā	126
Kesā lomā nakhāpi ca	275	Khanti	152
Ko imaṃ vijaṭṭaye jaṭaṃ	48	Khantiyā upasamena upetā	77
Kokanadaṃ	139	Khattiyo dvipadaṃ	32
Koci lokasmim	36	Khantisoraccaṃ	152
Kotthuko	117	Khantyā bhiiyo na vijjati	313
Kodhabhakkho	323	Khandhāsaṃ adhikuṭṭanā	174
Kodha vidvā vikappaye	196	Khandhesu santesu	178
Kodho dhumo	217	Khiddā	85
Kodho vā vasamāyātu	325	Khippaṃva oḍḍitaṃ	128

Padānukkamo	Piṭṭhaṅko	Padānukkamo	Piṭṭhaṅko
[Kha]		[Gha]	
Khiyyanti	209, 319	Ghanā pasākhā	275
Khettam̐ hi tam̐		Ghāsesanam̐ iriyati	190
puññaṅpekkhassa	213	Ghoram̐	77
Khemattam̐	163		
[Ga]		[Ca]	
Gaṇasaṃghacārī	172	Cakkhudo	78
Gaṇācariyā	120	Cakkhumatā	73
Gaṇino	120	Catucakkaṃ	51
Gatāse	73	Caturaṅginim̐	141
Gati	39, 154	Candanaṅgaliko	139
Gadhitā	247	Candimā	100
Gayāyam̐	276	Capalā	106
Gahapatimahāsālā	126	Carakā	159
Gaḷagaḷāyante	159	Caraṇam̐	211
Gāthābhigītam̐	212	Careyyādittasīsova	161
Gādhamedhati	240	Caram̐	76
Gādham̐	98	Caleyya	159
Gāmavaro	150	Cātuyāmasusam̐vuto	116
Gāvo kamme saḷvānam̐	94	Cicciṭṭāyati ciṭṭāciṭṭāyati	216
Gihisaññattibahulo	266	Cittam̐ paññaṅca bhāvayam̐	48
Gotama	102, 248	Cittam̐ vā te khipissāmi	277
Gova bhiyyo palāyīnam̐	313	Ciradikkhitānam̐	316
Gosamītam̐ dhanam̐	31	Cirarattasamāhite	322
Gosālo	120	Cirassam̐	18
Gohi tatheva	30	Cetopariyāyakovido	262
Gattāni parisīñcītuṃ	37	Codako	114
Gattāni pubbāpayamāno	38		
Gabbham̐	236		
Gammani	193		
Gambhīrarūpe	243		
Gayhakam̐ nīyamānam̐	193		

Padānukkamo	Piṭṭhaṅko	Padānukkamo	Piṭṭhaṅko
[Cha]		[Ja]	
Chandajam	60	Jātimā	212
Chandavinayā aghavinayo	60	Jātisamsāro	268
Channo kālo	40	Jātihīnaṃ	95
Chambhī	152	Jātu me diṭṭham	202
Chavo	117	Jālinī	160
Chasu kubbati	90	Jiṇṇā	150
Chinda sotam	100	Jivham nillāletvā	167
Chinditamārite	116	Jīranti	127
Chinnagantham	45	Jīvitamuttamaṃ	84
Chetam	264	Jīvitasamasīsī	169
Chetvā khīlam	72	Jutindharā	168
[Ja]		Juhati	215
Jagatogadham	247	Jegucchī	116
Jaṭaṇḍuvena	166	Jetavane	12, 282
Jaṭābhāradvājo	211	Jetāram labhate jayam	142
Jaṭāya jaṭitā pajā	48	Jotiparāyaṇo	149
Janapadatthāvariyaṇṇānam	153	Jaggam	162
Janādhipa	142	Jantu	107
Janā maññanti	314	Jammā	240
Jayañcevassa tam	210	Jambonadam	115
Jayam veram pasavati	141	[Jha]	
Jarūpanītassa	21	Jhāya	267
Jalā	168	Jhāyāmi	244
Javanapaññā	112	Jhāyino	196
Jahanti	240	Jhāyī	97
Jāgaratam	23	Jhāyanto	64
Jāgaro	94	Jhāyasi	170
Jātikkhayam	212	[Ña]	
Jātidhammā	146	Ñātapariññā	43
		Ñātā	120

Padānukkamo	Piṭṭhaṅko	Padānukkamo	Piṭṭhaṅko
[Da]		[Da]	
Dakkhitāye aparājitasaṁghaṁ	72	Dugge	152
Dajjā dānaṁ malābhibhū	56	Duṭṭhānaṁ	317
Dadaṁ appakasmim	57	Duttitikkhaṁ	35
Daddallamānā	173	Duddasiko	149
Dantassa	210	Duddaso	179
Danto	76	Duppamuñcaṁ	135
Damasā upeto	215	Dupposam	107
Damo	25	Dubbaṇṇo	149
Dalidde	149	Dubbalyā no	313
Dasa pajjote	265	Dubbhago	160
Daharo tvaṁ	40	Duranubodho	179
Daḷhadhammo	108	Duranvayo	57
Daḷhamenaṁ parakkame	100	Durabhisambhavaṁ	174
Dātāraṁ abhivassati	153	Dūre ito	189
Dānasamvibhāgarato	317	Devakāyā	72
Dāyako	105	Devaputto	96
Dāyādā vindare dhanam	123	Devalokābhinandino	117
Dārañca posam	57	Dehanikkhepanam	39
Dāru samādahāno	217	Doṇapākakuraṁ	140
Diṭṭhe dhamme savipāko	85	Dosagaru	63
Dibbayogaṁ	86	Dvaṅgulapaññāya	174
Disampati	142	Dvādasavaṭṭā	80
Dīghamaddhānaṁ	156	Dvittā vā	166
Dīghalaṭṭhi	102	Dvirāvaṭṭā	79
Dukkarakārikāya	155		
Dukkaraṁ	98	[Dha]	
Dukkhamaticca iriyati	102	Dhajaggaṁ ullokeyyātha	311
Dukkhasa pāraguṁ	260	Dhanañjāni	207
Duggatā	267	Dhanuggaho	108
Duggamo	99	Dhanam setṭhamva rakkhati	64

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhamamānāya	159	Nalāṭikaṃ	167
Dhammaguttassa	314	Na ve dhīrā pakubbanti	62
Dhammacakkehi samyuto	82	Navo	42
Dhammaṭṭhā	83	Nassati vata bho	182
Dhammapadāni	271	Na santi tāṇā	21
Dhammena dāraṃ posenti	322	Naḷova harito luto	27
Dhamme samhi patiṭṭhitam	246	Nājjhagā	163
Dhammo rahado	217	Nāññatra bojjhā tapasā	104
Dhāticelaṃva makkhito	272	Nāṭaputto	120
Dhiti	304	Nādhīyasi	271
Dhitimā	215	Nānātitthiyasāvakā	116
Dhuravā	304	Nānupatanti dukkhā	60
Dhorayho	76	Nānupatanti saṅgā	64
[Na]		Nāparam itthattāya	188
Nagassa	260	Nāmagottaṃ na jīrati	93
Na gādhati	51	Nāmasannissitā	89
Natṭhā	218	Nāmaṃ sabbaṃ addhabhavī	89
Na te māraṣṣa baddhagū	157	Nāsīsati	109
Natthi puttasaṃam pemaṃ	31	Nāsūraṃ jātipaccayā	152
Naddhiṃ	51	Nāḷikodanaparamatāya	141
Nandane vane	28	Nikacca	61
Nandasi	104	Nikkamatha	203
Nandījātassa	104	Nikkujjitaṃ	125
Nandībhavaparikkhayā	20	Nikkhittadaṇḍo	190
Nandīrāgaparikkhīṇo	103	Nikkhepanadhammo	127
Na naṃ hīḷe	161	Nikkham	115
Nabham āhacca	154	Nigaṇṭho	117
Namuci	118	Nigrodhasseva khandhajā	278
Naradevānaṃ	29	Niccagginī	217
Naruttamaṃ atthacaraṃ	61	Niccasaṃāhitatto	217

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Niccharatī bahiddhā	263	Neyyo	185
Niddā	34	Nevajjhagā	129
Nipatatam	92	Nesādakule	149
Nippadā	315	[Pa]	
Nippannasobhano	316	Pakireti	153
Nippalaṃ	165	Pakudho kātiyāno	117
Nipuṇatthadassim	80	Pakkhandanavossaggo	145
Nipuṇo	179	Pakkhahato	149
Nippoṭhento	154	Pakhumantarikāyaṃ	176
Nibbanatho	243	Paccattaṃ veditabbo viññūhi	42
Nibbānapaṭisaṃyuttāya	165	Paccabhāsi	29
Nibbuyhāmi	18	Paccayiko	154
Nibbejanīyā	171	Paccalatthaṃsu	99
Nibbedhikapaññā	113	Pacceti	244
Nibbhogo	240	Pajappitā	244
Nimuggā kuṇapamhete	323	Pajāpatissa	312
Nimokkho	19	Pajjunnassa dhītā	76
Niyyātayāmi	176	Pajjoto	94
Niraggaḷo	134	Pañcaṅgikena	176
Nirabbudā	200	Pañcapattharā	80
Nirārambhā	134	Pañcavedā	76
Nirāsaṃ	45	Pañcoghatiṇṇo	172
Nirūpadhiko	189	Paññājīviṃ jīvitamāhu seṭṭhaṃ	91
Nirodhaṃ appajānantā	177	Paññāṇaṃ	91
Nisabho	76	Paññā narānaṃ ratanaṃ	87
Nissaraṇaṃ	174	Paṭaliyo	316
Nihato	156	Paṭikacceva	105
Nīyare	24	Paṭighaṃ rūpasaññā ca	49
Nūpavadeyya kiñci	35	Paṭinanditā	251
Nemīva rathakubbaram	161		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭibhānaṃ udīrayi	252	Payatapāṇi	317
Paṭibhaṃsu	180	Payassahāri	310
Paṭilīnānisabho	99	Payirupāsīyā	102
Paṭivattā	314	Paramodānaṃ	264
Paṭisallīnassa	128	Paramaṃ	64, 156
Paṭisaṃyuje	313	Paralokavajjabhaya-	
Paṭisotagāmiṃ	180	dassāvino	183
Paṭhamābhisambuddho	155	Paravādesu	24
Paṇidhāya	92	Parikassati	94
Paṇḍito	110	Pariklesam	176
Paṇīto	179	Pariccāgavossaggo	145
Padaparamo	185	Paricitā	166
Padālito	176	Parinibbuto	35, 206
Padālesi	161	Parinibbutam	19
Padumaṃ nirayaṃ	200	Paribbaje	47
Pade pade	35	Paribbājo	100
Padhūpito	177	Parihāyi	168
Panudā	100	Parūpavādā	59
Panudi	173	Parūḷhakacchanakhalomā	136
Pantāni	202	Parosahassaṃ	255
Pannabhāra	322	Palāpo	255
Papaṃ	83	Palāyi	312
Pappuyya	36	Palikhāya	170
Pabhijja khilāni	255	Palighaṃ	72
Pabhijjeyyūṃ	313	Pallaṅkaṃ	218
Pamattabandhu	170	Pavaḷamaṇānaṃ	92
Pamuñcasi	100	Pavadataṃ	92
Pamutyatthi	281	Pavattisīsaṃ	169
Pamokkho	19	Pavanaṃ	72
Pamocanaṃ	233	Pavāraṇāya	253

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pavāhemi	245	Pāsaṇḍā	177
Pavivitto	113	Pāsāṇavassaṃ	295
Pavuttaṃ	317	Pāso	163
Paveccanti	57	Pāhunakāni	164
Paveditā	52	Piṅgalā	220
Pasakkiya	267	Pitarā pavattitaṃ	254
Passaddhakāyo	172	Piyāyanā	284
Pasamsaṃ	271	Pisācagaṇasevitaṃ	81
Paharaṇavassaṃ	295	Pihayanti	270
Pahānapariññā	43	Pukkusakule	149
Pahāsi saṅkhaṃ	45	Puṇṇaṃ	51
Pahitatto	103	Puttimā	30
Pahūtajātarūparajātā	126	Puthupaññā	111
Pahūtabhakkhaṃ	123	Puthumaccā	323
Pahūtavittūpakaraṇā	126	Punarāgacchate	282
Pākatindriyā	107	Pubbajo	32
Pāṭikaṅkhaṃ	144	Pubbadevā	314
Pāṭihāriyapakkhaṇca	281	Purāṇatitthakaro	99
Pāṇupetaṃ	125	Purāṇadutiyyikā	267
Pātālarajo	263	Purisamedhaṃ	133
Pāto	139	Pūjito pūjaneyyānaṃ	237
Pātheyyaṃ	94	Pūtidehasayā	322
Pāpamitto	141	Pūraṇo	120
Pāpasampavaṅko	141	Pacceti	244
Pāraṅgāya	278	Pesalā	197
Pārihāriyapaññā	48	Pesi nibbattatī ghano	275
Pāraṃ	102	Poriyā	252
Pālayaṃ pavivekiyaṃ	117	Posa	142
Pāvakaṃ	123	Paṃsukunthito	263

Padānukkamo	Piṭṭhaṅko	Padānukkamo	Piṭṭhaṅko
[Pha]		[Ba]	
Phaleyya	159	Brahmacārī nirāmisō	86
Phassāyatanānaṃ	163	Brahmapārisajjaṃ	195
Phāṇitassa ca puṭaṃ	238	Brāhmaṇo	212
Phiyārittaṃva dhammaṇī	155	Brāhmaṇaṃ	19
Phīto	196	[Bha]	
Phusi	168	Bhagavā	11
[Ba]		Bhare	152
Baddhacaro	194	Bhavalobhajappaṃ	170
Bandhapamuñcakaraṃ	255	Bhavasotānusārīsu	51
Bahijaṭā	48	Bhattasammado	34
Bahudukkhā	41	Bhattābhīhāre sudaraṃ	
Bahupāyāsā	41	bhāsati	140
Bahulīkatā	166	Bhadramukho	128
Bahūhi tattha sambādā	35	Bhavamicchisaṃ	239
Bimbaṃ	177	Bhasmani mosavajjaṃ	217
Billamattiyo	200	Bhāgasō pavibhajjaṃ	255
Bilaṅgadutiyaṃ	146	Bhāsare	240
Bilaṅgikabhāradvājo	211	Bhikkhasi	39
Biḷibiḷikā	267	Bhindaṇa	176
Bijaṃ	92	Bhuttāvī	140
Buddhacakkhunā	183	Bhusā	74
Buddhānubuddho	258	Bhūtā	206
Belatṭhaputto	120	Bhūripaṇṇā	92
Beluvapaṇḍuvīṇaṃ	169	Bhedanadhammo	127
Beluvasalāṭukamattiyo	200	Bheravā	159
Byagghinīsā	196	Bho	76
Brahmacariyaparāyaṇe	322	Bhojissiyaṃ	95
Brahmacariyapariyosānaṃ	187	[Ma]	
Brahmapattiyā	243	Makkhali	120
Brahmapathaṃ	189	Maggajino	248

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Maccu	247	Mahallikā	150
Maccudheyyassa	25	Mahassāsī	140
Maccuno senaṁ	203	Mahābhogā	51, 126
Maccharino	84	Mahārajakkhā	183
Maccharā ca pamādā ca	56	Mahārambhā	134
Majjhositā	218	Mahāvane	64
Maññataṁ	50	Mahāvassaṁ	295
Maññāmahaṁ	243	Mahāsamayo	72
Maṇḍalī	100	Mahesakkhāhi	42
Maṇi	156	Mahesiṁ	80
Maddakucchismiṁ	73	Māgho	97
Madhupītāva seyare	289	Mā ca kujjhittha kujjhataṁ	315
Madhuraggassa	91	Mā jātiṁ puccha	215
Manāpapariyantāṁ	138	Māṇavagāmiyo	118
Mantino mahāmattā	154	Mātiyā	117
Mandākinipokkharāṇī	257	Mātukucchigato naro	275
Mandiyā nu	162	Mā taṁ kālo upaccagā	39
Manujassa	140	Mānakāmassa	25
Manujindo	122	Mānaganthassa	51
Manussakapaṇo	319	Mānatthaddho	242
Manussavarāko	319	Mānapathāṁ	248
Manussadaliddo	319	Mānaso	163
Manussakamyā	194	Mānābhisamayā	249
Manussabhūto	318	Mānusaṁ dehaṁ	86
Mandova	265	Mā maṁ kālo upaccagā	40
Mahaggato	57	Māradheyyaṁ	171
Mahattamabhikaṅkhatā	187	Māranudo	177
Mahatthā	310	Mārapāsena	157
Mahaddhanā	51, 126	Mārabandhanabaddho	157
		Mārisa	16

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Māro pāpimā	155	Yasassinam	29
Mālāgandhavilepanam	137	Yassāhutim	189
Māluvāva vitatā vane	278	Yācakā	236
Mā vo kodho ajjhabhavi	325	Yācayogo	317
Mā sajjittho tadācaram	162	Yānado	78
Mā saddam kari	283	Yāyam paṭipadā dalhā	62
Migadāyo	73	Yuganaṅgalam	231
Mittadduno	315	Yuñjatha	203
Mittam	87	Ye dibbā ye ca mānūsā	157
Mukharā	106	Yena Bhagavā	15
Mucchitā	107	Yo kuddham paṭikujjhati	314
Muṭṭhassatino	106	Yogamāyanti maccuno	43
Muṇḍāpi	214	Yogakkhemādhivāhanam	234
Muttāham	157	Yo dhammamanūsāsati	79
Muddhāvasittānam	153	Yottam	231
Mudindriyā	183	Yoniso vicine dhammam	84
Muni	215	Yoniso sammappadhānā	157
Me	3, 5	Yopi samuñjakam care	57
Mettamso	279	Yovedi	238
Monam	25	Yam musā bhaṇato pāpam	315
[Ya]		[Ra]	
Yakkhena gahito	279	Rakkham jīvitamattano	123
Yakkho	322	Rajojallam	138
Yajanti anukulam	134	Raṭṭham	91
Yajamānānam	321	Raṇaṅjahā	102
Yaññopanīto	215	Rati	85
Yattha dinnam mahapphalam	306	Rattandhakāratimisāyam	156
Yadaññamanūsāsati	162	Rattindivakkhayo	88
Yadāsvāham	18	Rathakārakule	149

Padānukkamo	Piṭṭhaṅko	Padānukkamo	Piṭṭhaṅko
[Ra]		[Va]	
Ratho akūjano	82	Vacanakkhamo	113
Rasānaṃ	299	Vacīgutto	232
Rāgarattā	180	Vajjāsi	272
Rāgo uppatho	88	Vajjiputtako	269
Rājakaraṇīyāni	153	Vajjibhūmiyā	266
Rājarathā	127	Vaṇṇa	13
Rāsaṭṭhena	16	Vatapadāni	317
Rudammukhī	175	Vatasīlabaddhā	76
Ruppato	264	Vatasīlavattam	192
Rūpagataṃ	247	Vatthado	78
Rūpāni	265	Vatthukatā	166
Rūpe nivīṭṭhā	117	Vatrabhū	97
Rūpaṃ na jīvanti vadanti	274	Vanacetyā	320
Rogasamasīsī	169	Vanatham	247
Rosako	142	Vanaropā	83
Rosetāraṃ	142	Vanavassito muni	243
Roruvaṃ	77	Vanaṃ	81
[La]		Vayo-anuppattā	150
Lakkhaṇūpanijjhānaṃ	64	Vayogataṃ	240
Lapayissāmi	77	Vayogaṇā	22
Lābhā vata me	167	Varattam	51
Lūkhaṃ tapaṃ	76	Varuṇo	312
Lokanirodhaṃ	109	Vasībhūtamhi	176
Lokāmisam	21	Vaso	94
Lokasamudayaṃ	109	Vācā	249
Lokādhīpatisahabyataṃ	243	Vājapeyyo	134
Lohaḍḍhamāso	138	Vātamaṇḍalam	295
[Va]		Vānaṃ	180
Vakkhati	191	Vālikavassaṃ	296
Vaṅgīso	260	Vigatamalova bhāṇumā	260

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vigarahantā	77	Vippasannena	152
Vikiṇṇavācā	106	Vippamuttassa	276
Vikkhīṇo	268	Vipphanditāni	171
Vicāraṇaṃ	89	Vibbhantacittā	107
Viceyya dānaṃ	59	Vimalā	73
Vicakkhukammāya	161	Vimuttā	86
Vigāhiyā	243	Vimutti	157
Vijambhitā	34	Vimuttisukhaṃ paṭisaṃvedī	262
Vijjā	92	Viyañjana	138
Vijjā uppatataṃ seṭṭhā	92	Viyañjanaṃ	89
Vijjācaraṇasampanno	211	Virājiya	51
Vijjāyantakaro	248	Viluppati	142
Vijitasāṅgāma	321	Vilumpanti	142
Vijitāvī	162	Vivane	152
Viññāṇaṃ samanvesati	169	Vivattakkhandhaṃ	169
Vittaṃ	299	Vivekakāmo	263
Vittaṃ nu jīno	170	Vivekanissitaṃ	145
Viddhe	115	Viveko	19, 145
Vidhavā	220	Visattā	278
Vidhāvati	88	Visattikaṃ	19
Vidhāsu	44	Visayo	154
Vidhunaṃ	263	Vissaṭṭhāya	252
Vidhūpitā	50	Vissaṃ dhammaṃ	244
Vidhūmo	190	Visārado	244
Vinayā	264	Visuddho	248
Vineyya maccheraṃ	56	Visūkāyikāni	171
Vindate dhaṇaṃ	304	Visenibhūto	190
Vipañcitaññū	185	Visevitāni	171
Vipariyesā	249	Vihaññati	90
Vipācenti	203	Viharati	11

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vihārapālo	246	Saṅkapparāgo	60
Vītiharati	210	Saṅkassarācāro	117
Vīraṁ	52	Saṅkassaraṁ	100
Vīsatikhāriko	200	Saṅkasāyati	270
Vuḍḍhā	150	Sakkhi	77
Vusitabrahmacariyo	215	Saṅkhāya	244
Vusitavanto	127	Saggagāmināṁ	270
Vusitaṁ na nassati	95	Saggamupeti	78
Vūpakaṭṭho	187	Saggasaṁvattanikā	146
Veṇḍū	102	Saggāpāyaṁ	212
Vetaraṇiṁ	59	Saṅgamma	269
Vedagū	190	Saṅgātigā	61
Vedantagū	215	Saṅgātigo	23
Vedi	212	Saṅgāmesuṁ	141
Vedehiputto	141	Saccena danto	215
Venakule	149	Sajjhāyabahulo	270
Vepacitti	313	Saṇateva	33
Verocano	100	Saṇṭhāne	269
Vehāsaṭṭham	154	Saṇhavāco	317
Vo	39	Satakkaku	152
Vossaggapariṇāmiṁ	146	Sati paññā ca me Buddhā	167
Vossaggarato	317	Sa tujjubhūtesu namo karoḥi	218
Vossajja	159	Satullapakāyikā	52
Vohāramattena	50	Satthamalaṁ	94
[Sa]		Satthavāham	255
Sakkanāmakko	276	Sattiyā	46
Sake ghare	87	Sattisūlūpamā	174
Sakkesu	64	Satthuvaṇṇābhato	116
Saṅkamanāni	152	Sattho	87

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sadaṇḍā	58	Sabbanivesanesu	45
Sadatthaparamā	313	Sabbaratticāro	269
Sadāsata	36	Sabbavāridhuto	117
Sadāsita	244	Sabbavāriphuṭo	117
Saddhammaṃ	53	Sabbākāravaruṇpete	206
Saddhā bandhati	94	Sabbābhībhū	177
Saddhāya tarati oghaṃ	302	Sabbā mayā byantikatā	244
Saddhāyiko	154	Sabbireva	53
Saddhīdha vittaṃ	91	Sabbhi sataṃ pasattho	218
Sanaṅkumāro	201	Sabbūpadhiparikkhayā	160
Santānaṃ	26	Sabbeheva arahantehi	64
Santaṃ padaṃ	248	Sabhāddhammaṃ	245
Santhavaṃ	53	Sabhāyaṃ	245
Sandasseti	163	Samaṇā	95
Sandiṭṭhiko	42	Samaṇī	177
Sannayhitvā	141	Samaṇūpāsana	96
Sannisīvesu	33	Samadhiggayha	142
Sapañño	48	Samanuñño	19
Sapadānaṃ	188	Samappitā	29
Sapassu	315	Samayaṃ	8
Sappinīṭire	201	Samasīsī	168
Sabbakammakkhayaṃ patto	177	Samādahaṃsu	72
Sabbaganthappamocanaṃ	284	Samādhina	156
Sabbaṅgasampannaṃ	260	Samiddhi	37
Sabbaṭṭhitinaṃ	256	Samuttejeti	163
Sabbatthamaparājito	177	Samuddaparamā	31
Sabbattha mutto	177	Samupabyūḷho	311
Sabbattha vihatā nandī	176	Samūlaṃ taṇhamabbuyha	169
Sabbadado	78	Samannesam	260
Sabbadhi vippamutto	26	Sampayojesum	324

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sammadaññā	24	Sāraṇīyaṃ	119
Sammadaññāvimuttā	127	Sā rati paṭibhāti maṃ	34
Sammādiṭṭhipurejvaṃ	83	Sārathīva nettāni gahetvā	72
Sammāpāso	134	Sāruppāhi	251
Sambuddhā	24	Sāvattīyaṃ	11
Sambuddho dvipadaṃ seṭṭho	32	Sāhu te	37
Sambodhimanuttaraṃ	244	Sālikāyiva nigghoso	252
Sambhuñjati	210	Sikkhare	322
Sammodanīyaṃ	119	Singhāṭakaṃ	289
Samodahaṃ	35	Sitaṃ pātvākāsi	63
Sayaṃ abhiññā sacchikatvā	187	Sitaṃ rajaṃ	263
Sarīraṃ sapariggahaṃ	78	Sithilo	100
Sarīsapā	202	Sivaṃ	244
Saraṃ Buddhāna sāsaṇaṃ	187	Sīlaṅca yassa kalyāṇaṃ	320
Sallaviddhassa	263	Sīlatittho	217
Sallaṃ	162	Sīlavanto	322
Sassamedhaṃ	133	Sīlavā	102
Sassudevā	142	Sīlasampannataraṃ	186
Sahassayāgināṃ	57	Sīlaṃ jīvitamuttamaṃ	84
Sahassena samaṃ mitā	57	Sīlaṃ yāva jarā	86
Sahāyo atthajātassa	87	Sīhaseyyaṃ	74
Sātataṃ	55	Sukhajīvino	107
Sātodakā	146	Sukhado	78
Sādānesu anādānā	323	Sukhamanubodhiṃ	172
Sādutaraṃ	91	Sukhamāyatikaṃ	190
Sādhāvuso	297	Sukhamedhati	279
Sādhu	44	Sukhaṃ seti	90
Sāpateyyaṃ	146	Sugatappasatthaṃ	59
Sāmaññaṃ	35	Sucigavesino	272
Sāmayikaṃ	168	Suciṇṇo	300

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sucetaso	25	Sūcilomassa	276
Suññagehāni	159	Sūpahatacittomhi	324
Sutaṃ	5	Sūriyasamā ābhā	31
Sudantā	73	Sūriye uggate	160
Sudaṃ	74	Sūriyo	100
Suddhā	73	Sekkhā	322
Suddhāvāsakāyikānaṃ	71	Setukārakā	83
Suddhikabhāradvājo	211	Senānigamo	158
Sundarikabhāradvājo	213	Senāsanāni	152
Sundarikāya	213	Semānaṃ	169
Sunīhataṃ	77	Snehajā	278
Suppagabbhaṃ	268	Sele yathā	
Supupphitaggaṃ	176	pabbatamuddhaniṭṭhito	182
Subbatā	323	Sokaparetassa	170
Subrahmā	103	Sokamajjhe	53
Subhāsubhaṃ	156	Socayitvā	57
Subho	115	Socasi	171
Sumantamantino	323	Soṇḍikākilañjaṃ	158
Suvānayo	324	Sotasamāpannā	203
Suṃmuttacitto	190	So muni attasaññato	159
Suve seyyo	279	Somaṃ bhuñjeyya	212
Susamāradhā	166	Soraccaṃ	152
Susamāhitatto	25	Soraccaṃ me pamocanaṃ	233
Susammutṭhā	25	Sovaggikā	146
Susīmaṃ	311	So vilutto viluppati	142
Susīlo	190	Saṃkiliṭṭho	212
Susu	40	Saṃkiliṭṭhaṃ	100
Susunāgā	73	Saṃghe dinnāṃ mahapphalaṃ	321
Sussūsā	33	Saṃyamāmase	283
Susaṃvutā	157	Saṃyamo	218

Padānukkamo	Piṭṭhaṅko	Padānukkamo	Piṭṭhaṅko
[Sa]		[Ha]	
Samyuttāgamo	3	Hadayassānupattim	97
Samvāsena	137	Habyasesam	216
Samvāso	276	Haranto	94
Samvegamāpādi	263	Harāyāmi	176
Samvejeyyam	189	Halaṃ	180
Samvohārena	137	Have	299
Samsaram	156	Hātave	238
Samsīdāmi	18	Hāsapaññā	111
Svākārā	183	Hirīnisedho	36
Svāgataṃ	262	Hīnattarūpā	76
[Ha]		Heṭṭhimena upaḍḍhakāyena	203
Haṭṭhaṭṭakeso	165	Hetubhaṅgā	177
Hadayasmiṃ opiya	267	Hatthiyuddhāni	154
		Handa	146

Sagāthāvaggasaṃyuttaṭṭhakathāya

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kaṃ = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho.

Sagāthāvaggasaṃyuttaṭṭhakathāya

Nānāpāṭhā

Piṭṭhāṅkā

[A]

Akīḷitakīḷo = Akatakīḷo (Sī)	41
Akkuṭṭhassa = Akkosassa (Ka)	91
Akhīṇakammantotipi = Akkhīṇakammantotipi (Sī)	272
Aggāḷava = Āḷavaka (Ka)	246
Āṅgārāva jātaṃ = Āṅgāraṃva jātaṃ (Syā)	174
Aggitattakapālasadiso = Abhitattakapālasadiso (Syā)	292
Agginā gatamaggo = So (Ka)	123
Acaritvā = Avasitvā (Syā)	202
Accharāsaṅghaparivuto = Accharāsaṅghaparivuto (Syā)	311
Ajjādiṃ = Ajjādikaṃ (Syā)	305
Ajjesā = Ajjeva (Syā)	129
Ajjhāvasissa = Ajjhāvasissati (Ka)	67
Aññataraniddosavacanametam = Aññatarassa niddesavacanametam (Sī), Aññataraṅganiddesa- vacanametam (Syā)	250
Aññataramayā yāgayajanatthāya = Aññatarā mahāyāgamā yajanatthāya (Sī)	217
Aññato = Amuto (Ka)	61
Aññā nāmikā = Aññāṇamigā (Ka)	212
Aññāsikoṇḍaññoti = Aññākoṇḍaññoti (Sī, Syā) Aññātaḷaṅḍaññoti (Ka)	256
Añjanavaṇṇā = Ajjinaṇṇā (Ka)	223

Nānāpāṭhā

Piṭṭhānkā

[A]

Atṭālake = Addhālake (Syā)	287
Aḍḍakarāṇe = Atthakarāṇe (Sī, Syā)	128
Atikkantoti = Atīto atikkamantoti (Syā)	23
Aticchātātīsītādikālesu = Aticchātātīsītavātādikālesu (Sī)	34
Atisallikhateva = Atisallakkhateva (Syā), Atisallekhateva (Ka)	82
Atthatāya = Santhatāya (Sī, Syā)	277
Atthaṃ vuḍḍhivisesaṃ = Atthavuḍḍhivisesaṃ (Sī), Atthavisesaṃ (Syā), Atthaṃ vuḍḍhiṃ vivesaṃ (Ṭikā)	187
Addhabhavīti = Anvabhavīti (Sī), Andhabhavīti (Syā)	89
Addhavaggassa = Anvavaggassa (Sī), Andhavaggassa (Syā), Anvabhūvaggassa (Ka)	89
Adubbhatthāya = Adubbhanatāya (Sī), Adrubbhattāya (Ka)	315
Adhigaṇhantaṃ = Adhigayhantaṃ (Syā)	309
Adhigamissa = Addhā gamissa (Syā)	142
Adhiṭṭhānabalena = Adhiṭṭhānavasena (Sī)	216
Anaṭṭhā = Amuṭṭhā (Syā)	25
Antadvayavajjanaṃ = Antadvayavajjaṃ (Sī, Syā)	46
Antarā = Maggassa anantarā (Sī)	41
Anāgatatthāya vāsanā = Anāgate vāsanatthāya (Dī-Ṭṭha 2. 60; Ma-Ṭṭha 2. 86 piṭṭhesu) Ṭikā pana passitabbā.	185
Anāvaṭṭanti = Anāvaṭṭanti (Syā)	102
Anālambane = Anālambe (Syā)	102
Anīharitvā = Āharitvā (Sī)	175
Anupabrūhitasarīrantipi = Supabrūhitasarīrantipi (Sī)	52
Anekapaṭisambhidābhiññābharitaṃ = Anekapaṭisambhidā- ññābharitaṃ (Syā)	230
Antosattāhasmimīveva = Antosattasattāhasmimīveva (Sī, Syā)	155

Nānāpāṭhā

Piṭṭhānkā

[A]

Anvayapaññādhigamāya = Paññādhigamāya (Sī, Syā)	80
Apabodhatīti = Appabodhetīti (Syā)	36
Aparacetanaṃ muñcacetanañca = Muñcacetanañca aparacetanañca (Syā)	21
Apariyattajātā = Apariyantajātā (Sī)	51
Apabyāmato = Abyāmato (Ka)	316
Apārutagharadvārā = Apārutagharā (Syā, Ka)	134
Appicchalakkaṇanti = Appicchātālakkhaṇanti (Ka)	113
Appitappitakkhaṇe = Appitakkhaṇe (Syā)	168
Abhikantaṃ = Atikantaṃ (Syā)	124
Abhitthavitvā = Abhitthavitvā abhitthavitvā (Syā)	306
Abhisapakāle = Abhisattakāle (Sī, Syā)	324
Abhājetvā = Bhājetvā (Syā)	277
Abhāsavitvātipi pāṭho = Bhāsivitvātipi pāṭho (Syā)	171
Abhuñjitabbaṃ = Na bhuñjitabbaṃ (Syā, Ka)	213
Amatanti = Amaranti (Syā)	127
Amaratapaṃ = Amaraṇatapaṃ (Sī)	155
Aropimavane = Aropitavane (Syā)	83
Alasvassāti alaso assa = Alasvāyanti alaso ayaṃ (Syā)	311
Avajjhāyanto = Apajjhāyanto (Sī)	170
Avadhāraṇavacanaṃ = Avaṭṭhānavacanaṃ (Syā)	84
Avasesakoti = Avasekoti (Sī)	58
Avicarissa = Vicarissati (Syā)	67
Avijjāvisaviṭṭhena = Avijjāvisadiddhena (Sī)	264
Avinibhuttadhamme = Avinimuttadhamme (Sī)	52
Avītagandhaṃ = Avītagandhaṃ sugandhaṃ (Syā)	139
Avekkhassu = Apekkhassu (Syā)	183
Asaṅkuṭitena = Asaṅkucitena (Sī)	206
Asaṅgaho nāma saṅgahavipanno = Asaṅgato nāma saṅgatavipanno (Syā)	162

Nānāpāṭhā

Piṭṭhāṅkā

[A]

Asaññī arūpāvacaradevatā samāpannadevatāyo ca =

Asaññārūpāvacaradevatāyeva (Syā) 70

Asabbhivādaṃ = Asabbhavācaṃ (Sī) 62

Ahimsakāhanti = Ahimsakvāhanti (Sī) Ṭikāyaṃ ca. 211

Ahu ñātaññatarassa = Āhutaṃyeva aññatarassa (Sī),

Ahunaṃyeva aññatarassa (Syā) 12

[Ā]

Ākaro = Āgamakaro (Sī, Syā) Am-Ṭṭha 3, Dasakanipāta-
vaṇṇanāyaṃ ca. 199

Ānubhāvasaṅkhātāṃ = Ānubhāvasambhūtāṃ (Syā) 30

Ānesi = Abhinesi (Sī), Atiharati (Ka) 175

Āmeḍitaṃ = Āmeḍitaṃ (Sī) 43

Āyatapaggaho = Āyatipaggaho (Sī), Āyattapaggāho (Syā) 97

Ālambanattambhaṃ = Ālambaṅakkhandhaṃ (Ka) 80

Ālokībhūtoti = Ālokabhūtoti (Syā) 149

Āvajjamāno = Āvajjento (Syā) 312

Āviñchetvā = Āvijjhivā (Sī, Syā) 278

Āvijjhimsu = Anuvijjhimsu (Sī) 260

Āhunapiṇḍaṃ = Āhunapiṇḍaṃ pāhunapiṇḍaṃ (Syā) 190

[I]

Icchādhūpāyitoti = Icchādhūmāyitoti (Sī, Syā) 89

Imā devatā = Ime devaputtā (Syā) 115

Iminā maṅḍalaggena = Iminā pana khaggena (Syā) 208

Issattanti = Issatthanti (Sī), Issatṭhanti (Syā) 152

[U]

Ukkāsivāpi = Kāsivāpi (Sī, Ka) 207

Uggacchimsu = Ummujjimsu (Syā), Uppajjimsu (Ka) 132

Nānāpāṭhā

Piṭṭhaṅkā

[U]

Uccattanaṃ = Uccataraṃ (Syā, Ka)	70
Uṭṭhāyāsanā sarīraṃ utuṃ gāhāpetvā = Uṭṭhāya senāsaṇaṃ utuṃ gāhāpetvā (Syā)	37
Uṭṭhita-āyena = Uṭṭhitadāyena (Syā)	106
Uṇhāpetvā bhajjitvā = Uṇhāpetvā dhupetvā bhijjitvā (Syā)	315
Uttarisāṭakaṃ = Uttariyakataṃ (Syā)	296
Udakasaddena = Uragasaddena (Sī, Ka)	310
Udakādīsu = Uragādīsu (Sī, Ka)	310
Udakaṃ = Uraga (Sī, Ka)	309
Uddhaṃmukhaṃ = Uparimukhaṃ (Ka)	46
Upakaṭṭhe = Upagate (Syā)	268
Upakkavipakkaṃ = Opakkavipakkaṃ (Sī)	165
Uppajjamānaṃ vā uppannaṃ vā = Upapajjamānaṃ vā upapannaṃ vā (Syā)	45
Upaṭṭhahituṃ = Upaṭṭhātuṃ (Sī, Syā)	130
Uppatamānā = Uppajjamānā (Syā)	92
Upanayaṃ = Upanayanaṃ (Sī), Upaneyyaṃ (Syā)	42
Upasiṅghaṃ = Upasiṅghitvā (Syā), Upasiṅghi (Ka)	272
Upaharivā = Upari harivā (Syā)	224
Uppātitaṃ = Ugghāṭikaṃ (Sī)	52
Upāsanampi = Upasaṅkamaṇaṃ (Syā, Ka)	97
Upāsitabbaṃ = Upāsevitabbaṃ (Syā)	96
Umaṅgabhindanādīni = Ummaggabhindanādīni (Sī)	322
Ummaggapathanti = Ummaggasatanti (Syā)	255
Uraṃ = Udaraṃ (Syā)	167

[Ū]

Ūmiyo = Ummiyo (Syā, Ka)	252
--------------------------	-----

[E]

Ekakassa = Ekekassa (Syā)	34
Ekaggacittā = Ekaggacittena (Syā)	101

Nānāpāṭhā

Piṭṭhaṅkā

[E]

Etato = Ettato (Sī), Ettakā (Syā)	246
Ettheva = Ettova (Sī)	315
Eva = Ekaṃ (Syā)	227
Eva = Evaṃ (Syā)	195
Evañca pana = Evaṃ vacanaṃ (Syā)	151

[O]

Oggate = Ogate (Sī), Okkante (Syā), Uggate (Ka)	292
Otatavitatā = Otthatā vitthatā (Syā)	278
Obhaggena = Obhaggavibhaggena (Ka)	39
Ovuto nivuto = Ophuto niphuto (Syā, Ka)	29
Osaṭamatte = Uṭṭhānamatte (Syā), Osīdamatte (Dī-Ṭṭha 2. 270 piṭṭhe)	69
Ohaditāpi = Ohānitāpi (Sī, Syā)	31

[Ka]

Kacchepi nadikacchepi = Kaccho hi pabbatakacchopi nadikacchopi (Sī), Kacchopi pabbatakacchopi nadikacchopi (Syā)	101
Kacchevāti kacche viya = Kuñjevāti kuñje viya (Ka)	101
Katagehampi “ṭaṅkitamañco”ti = Katagehaṃ piṭṭhaṅkitamañcoti (Syā)	276
Kattuvīsaye gahaṇasanniṭṭhānaṃ = Kattuvīsayaggahaṇa- sanniṭṭhānaṃ (Ka)	6
Kathāvavattthānaṃ = Tiṇavattthāraṃ (Syā)	113
Kathaṃjīvaṃ jīvatanti = Kathaṃjīvī jīvitanti (Syā)	299
Kadalivanamajjhena = Tilavanamajjhena (Syā)	315
Kampetvā = Vivaritvā (Sī, Ka)	259
Karassu = Kāmaṃ karassu (Syā)	167
Karuṇāsamāvajjitahadayo = Karuṇāsamappitahadayo (Sī), Karuṇāsamāpajjitahadayo (Syā)	314
Karoto kariyati = Kārako kayirati (Sī)	47
Karontiyo = Alaṅkarontiyo (Ka)	224
Kalambanadītiraṃ = Kadambanadītiraṃ (Sī)	32

Nānāpāṭhā

Piṭṭhaṅkā

[Ka]

Kavi kabbaṃ = Kathitabbaṃ (Syā)	162
Kāmapariḷāhābhībūtā = Kāmūpanītā lokabhībūtā (Syā)	38
Kāyavivekatthinī = Āḷavikā vivekatthikinī (Syā), Kāyavivekatthikinī (Ka)	174
Kārāpitā = Kārāpikā (Sī)	48
Kālaṅkato = Āgato (Sī, Syā)	199
Kicchenāti dukkhena, na dukkhāya paṭipadāya = Kicchenāti dukkhāya paṭipadāya (Sī, Syā)	180
Kilissamānā = Pīḷiyamānā (Sī)	192
Kilesakāḷussiyaparāmaṭṭhāpi = Kilesakāḷussiyāpagatamattā sampasādamattalakkhaṇāpi (Syā)	229
Kilesavaggagato = Kilesavaṭṭagato (Syā)	248
Kujjhanakāle = Puthujjanakāle (Sī)	296
Kuṭṭhicīvarāni = Kuṭṭhī cīvarāni (Sī)	319
Kubbeyyāti = Kappeyyāti (Sī, Syā)	53
Kulasatike = Kulasantake (Sī, Ka)	207
Kulasampattiyo = Kusalasampattiyo (Sī, Syā)	124
Kusalākusalānaṃ = Kusalānaṃ (Syā)	232
Kūjati = Kujjati (Syā)	82
Kesaggā = Kesantā (Syā)	228
Kodhavināsenā = Kopachedanena (Ka)	90
Kosambakakuṭi nāma = Kosambakuṭikā nāma (Sī, Syā)	282
Kosalikā = Kosalakā (Ka)	158
Kaṃsapātīti = Kaṃsacāṭīti (Syā)	158

[Kha]

Kharalomo = Kharo (Syā)	277
Khalamaṇḍalādi- sodhanapalālapoṭhanādivasena = ...sodhanādivasena (Ka)	57
Khemībhūtaṃ = Khemabhūtaṃ (Ka)	163

Nānāpāṭhā

Piṭṭhāṅkā

[Ga]

Gajjantī = Tajjantī (Syā)	208
Gaṇaka = Gaṇika (Syā)	138
Gaṇhitum̐ = Uggaṇhitum̐ (Sī, Syā)	40
Gatagataṭṭhāne niddhamitabbova = Gatagataṭṭhānena damitabbova (Syā)	87
Gatiduggatiyā = Paṭipattiduggatiyā (Sī, Ka)	267
Gandhakuṭiyam̐ = Mahāgandhakuṭiyam̐ (Sī, Syā)	292
Gandhapānam̐ = Gaṇḍapānam̐ (Sī)	309
Gabbharasminti = Gabbhasminti (Syā)	274
Gabbhokkantisamayo = Gabbhavokkantisamayo (Ka)	9
Garubhāvena = Garugāravena (Sī), Garukabhāvena (Syā)	81
Gavicchivijjhitaṃ = Āvijjhitaṃ (Sī), Gavaccitaṃ (Syā)	276
Gahetvā = Gantvā (Syā)	116
Gaḷanti = Avalambanti (Ṭikā)	319
Gāmadārikā = Gāmadārakā (Sī, Syā)	275
Gumbantarakandarādīni = Guyhantarakuṭāntarādīni (Syā)	159
Gulham̐ = Guyham̐ (Syā)	17
Goyuddhe = Goyūthe (Sī, Syā)	313

[Gha]

Ghaṭṭetabbam̐ = Ghaṭetabbam̐ (Syā, Ka)	76
Ghanakatassa = Ghanakassa (Sī)	146
Ghanā pasākhā = Ghanā ca sākhā (Syā)	275
Ghaṭaceṭikāgītikapariyāpannāpi = Ghaṭapetikāgītaka... (Syā)	250

[Ca]

Caṇakamattiyo = Valākamattiyo (Syā), Calākamattiyo (Ka)	200
Catubhūmakā = Catubhūmikā (Syā)	142
Caturaṅge tame = Caturaṅgatamasi (Ka)	125
Ca ne = Jane (Sī), Nesaṃ (Ka)	17
Candanaṅgalikoti = Candanaṅgaliyo (Syā)	139

Nānāpāṭhā

Piṭṭhaṅkā

[Ca]

Carapuriso = Corapuriso (Sī, Syā)	54
Carā = Corā (Sī), Cārā (Syā)	138
Calakkakudha = Palakkakudha (Syā), Calakakudha (Ka)	294
Cārayeyyumaṃ = Dhāreyyumaṃ (Syā)	159
Cāriyamāne = Dhārayamāne (Syā)	159
Cittarucitaṃ = Cittarucikaṃ (Sī)	80
Cittācāre = Cittavāre (Syā)	195
Cittācāraṃ = Cittavāraṃ (Syā)	253
Cittitā = Cittā (Syā)	127
Cintayimsu = Mantayimsu (Sī)	153
Cīvarādivatthu jīṇṇaṃ = Cīvarādivatthu jīṇṇo (Sī), Cīvarādivatthum jino (Syā)	104
Cūḷapitā = Cullapitā (Syā)	317

[Cha]

Chaṇapūvaṃ = Mandapuvaṃ (Syā)	164
Chamāsikaṃ bhata = Chamāsikabhata (Syā)	133
Chavadūsakasippanti = Chavarūpakasippanti (Sī, Syā)	261
Chavi-ādīni = Chavicammādīni (Syā)	282
Chetanti = Cetanti (Sī)	264
Chetvāti = Jhatvāti (Sī), Ghatvāti (Syā)	90
Chetvā vaggassa = Jhatvā vaggassa (Sī), Ghatvā vaggassa (Syā)	90

[Ja]

Jaṭacumbaṭakena = Jaṭacumbiṭena (Syā)	166
Janādhibhumā rājānaṃ = Janābhībhumaṃ rājānaṃ (Sī), Janādhiparājānaṃ (Syā)	142
Jalāti jalamāna = Jalanti jalamānaṃ (Sī, Syā)	168
Jāgarantesu = Jaggantesu (Syā)	23
Jāgarabrāhmaṇo = Jāgarikabrāhmaṇo (Syā)	94
Jāgarāni nāma = Jāgaranti nāma (Ka), Jagganti nāma (Syā)	23

Nānāpāṭhā

Piṭṭhāṅkā

[Ja]

Jāni = Jātim (Sī)	212
Jiṇṇapāvuraṇo = Jiṇṇapāpuraṇo (Sī, Syā)	238
Jīyeyyanti = Jaheyyanti (Sī), Jiyeyyanti (Syā, Ka)	290

[Da]

Ḍayhamāno = Dayhamāno (Ka)	47
Ḍentīti = Oḍdentīti (Sī)	177

[Ta]

Taṇhādiṭṭhilepehi = Taṇhādiṭṭhikilesehi (Syā)	247
Taṇhādīhi lepehi = ...kilesehi (Sī)	190
Tatrāssa = Tatrāyaṃ (Syā)	195
Tadantarā vemajjhaṭṭhānaṃ = Tadanantaraṭṭhānaṃ (Sī), Tadantaraṃ ṭhānaṃ (Syā)	29
Tanuttaṃ gato = Tanubhūto (Sī), Tanukaṃ gato (Ka)	287
Tappaṭibhāgo = Sappaṭibhāgo (Syā)	77
Tālavaṇṇena bījenti = Tālapaṇṇena vījenti (Syā)	248
Tāvatakeneva = Tāvadeva (Syā)	238
Tikicchantaṃ = Tikicchataṃ (Syā)	210
Tikhiṇe salle = Tiṇhasallaṃ (Syā)	159
Tilabījāni = Tīṇi bijāni (Syā)	216
Tiṇhībhūtaṃ tuṇhībhūtanti = Tuṇhībhūtanti (Syā, Ka)	253
Tuvaṅca = Bhavaṅca (Syā)	307
Tele paccissathāti = Leṇe pavisathāti (Ka)	167
Telepi uttarante ṭhitim = Telepi uttarante uṭṭhitim (Sī), Kesepi uttarante tinte (Syā)	93

[Tha]

Thullaphusitake = Phullaphusitake (Syā)	21
Theravaṃsadīpānaṃ = Theravaṃsappadīpānaṃ (Syā), Theravaṃsapadīpānaṃ (Ka)	2

Nānāpāṭhā

Piṭṭhaṅkā

[Da]

Dante abhidantamādhāya = Dantehi dantamādhāya (Sī)	35
Dammā = Damā (Syā)	305
Davaḍāhakādayo = Chavaḍāhakādayo (Sī)	217
Dassiyamānāya sakkāsane = Dassiyamānāya pana āsane (Sī)	324
Divasasaṅkhepaṃ = Divase divase (Sī)	116
Divase divase = Divasaṃ (Sī, Syā)	157
Divase divase sammaṃ = Yugacchiggale pavesanadaṇḍasaṅkhātāṃ sammaṃ (Syā)	134
Duṭṭho = Ruṭṭho (Sī), Ruddho (Syā)	296
Dubbhago = Dubbhato (Syā)	160
Dussantaṃ = Pāsantaṃ (Syā)	268
Devatā = Nāgā (Syā)	115
Desanāmattametaṃ = Desanāsīsametaṃ (Syā)	203
Dvācattālise = Dvācattālīsame (Ka)	275
Dvirāvaṭṭā = Dvāvaṭṭā (Sī, Syā)	79

[Dha]

Dhaṅkamivossajantīti = Dhaṅkamivossajantīti (Syā)	278
Dhanañcayaseṭṭhino = Dhanañjayaseṭṭhino (Sī, Syā)	136
Dhanañjānigajjitaṃ nāma = Dhanañjānitajjitaṃ nāma (Syā)	208
Dhammakathaṃ = Dhammīkathaṃ (Syā)	283
Dhammakaraṇena = Dhammakarakena (Sī)	268
Dhātā = Dhatā (Sī, Syā)	7

[Na]

Na vibādheyya = Na viheṭheyya (Sī, Syā)	251
Nassa = Vinassa (Syā)	239
Na saṅketi = Na saṅkemīti (Syā)	162
Nākaroto kariyati = Nākārako kayirati (Sī), Nākaronto kariyati (Ka)	47

Nānāpāṭhā

Piṭṭhāṅkā

[Na]

Nāgadatto = Nāgadanto (Syā)	258
Nāññatra bojjhā tapasāti = Bojjhaṅgatapasā (Sī, Syā), Bojjhaṅgatapā (Ka)	104
Nābhibhosi = Nādhībhosī (Ka)	297
Nāyare = Nāyare (Sī)	39
Niggamaṇaṃ = Nikkamaṇaṃ (Sī, Syā, Ka)	82
Niggaṇṇaṇaṃ = Nigaṇṇhāṇaṃ (Syā)	121
Nijjhāpessāmīti = Nirujjhāpessāmīti (Sī), Nijjhattim labhissāmīti (Ka)	151
Nijjhattim = Niruddhaṃ (Sī), Nijjhaggiṃ (Syā)	151
Niṭṭhubhitvā = Nuṭṭhubhitvā (Sī), Nuṭṭhahitvā (Syā)	319
Niddhamitum = Nibbāpetum (Sī, Syā)	103
Niddhūmaṃ = Nibaddhaṃ (Sī)	237
Nipajjāpetvā = Nisajjāpetvā (Syā)	259
Nibbisaṅkā = Nirāsaṅkā (Ka)	306
Niyāmaḥhūmiyaṃ = Padhānaḥhūmiyaṃ (Sī)	159
Nirojjaṭṭhena = Nijotaṭṭhena (Ka)	217
Nisinnavaseneva = Sanniveseneva (Syā)	139
Nissayitvāva = Sannissitvāva (Syā)	89
Nīhaṭṭhaṇḍaṃ = Nibbhaṭṭhaṇḍaṃ (Syā)	282

[Pa]

Patthaṇaṃ = Vitthataṃ (Syā)	17
Pattharaṇaṭṭhānā = Patthanā (Sī), Pattharā (Syā)	80
Patthita = Kathita (Syā)	298
Pattiyāyasīti = Paṭiyāyasīti (Syā)	154
Patissayaṃ = Upassayaṃ (Ka)	78
Pattuṇḍadukūla = Cinapaṭadukūla (Syā)	61
Patvā = Bhattarāva (Syā)	91

Nānāpāṭhā

Piṭṭhaṅkā

[Pa]

Pathanti = Satanti (Syā)	255
Padabhāṇa... = Sarabhāṇa... (Sī, Ka)	40
Padālesīti = Paggalesīti (Syā)	161
Payassa ca hārī = Payassa ca bhārī (Sī), Payassukarī (Syā)	309
Paramodānanti = Paramavodānanti (Sī), Paramodātanti (Syā)	264
Paradārikakammaṃ = Paradārakammaṃ (Sī), Paradārakakammaṃ (Syā)	131
Parasaddhāya = Paraṃ sandhāya (Syā)	41
Paripuṇṇapañcaṅgā = Paripuṇṇaṅgapaccaṅgā (Sī)	223
Paribāhirā = Paribāhirā aparikkhārā (Syā)	172
Pariyāpuṭaṃ = Pariyāpuṇiṭaṃ (Syā)	77
Parivattakkhandhaṃ = Parivaṭṭakkhandhaṃ (Sī)	169
Parisedo = Sarīrasedo (Ka)	238
Pariharitvā = Parikkhipitvā (Syā)	261
Pakkapayoghanikā = Pakka-ayoghaṭikā (Sī, Syā)	257
Pakkhantā = Pakkhandā (Ka)	295
Pakāsanti = Pakāsenti (Syā, Ka)	2
Pakudho = Pakuddho (Syā)	117
Pañca kāmaguṇopadhīpi = Pañcakāmaguṇopadhīhi (Sī, Ka)	31
Pañcanavuttipāsaṇḍabhede = Chanavuttipāsaṇḍabhede (Syā)	59
Pañcame = Pannarasame (Sī)	325
Paññāsaṅkalananicchayo = Paññāsakalananicchayo (Syā), Paññāsaṅgahavinicchayo (Ka)	2
Paṭaliyoti = Aṭaliyoti (Sī, Syā)	316
Paṭicchannoti = Paṭipannoti (Syā)	218
Paṭipajjissāma = Paṭijaggissāma (Sī), Pariccajissāma (Syā)	257
Paṭhamāvajjanasseva = Paṭhamāvajjantasseva (Ka)	276
Paṭṭhapesi = Patthesi (Sī, Syā)	111
Paṇītabhojanaṃ = Paṇītabhojanehi (Ka)	241
Pavuttatālapphalaṃ = Pamuttatālapphalaṃ (Sī, Syā)	38
Pāṭim = Cāṭim (Syā)	140

Nānāpāṭhā

Piṭṭhāṅkā

[Pa]

Pādamaggeneva = Pādamatteneva (Syā)	292
Pāyāsapāṭim = Pāyāsacāṭim (Syā)	208
Pisanto = Pimsanto (Syā)	154
Pihitamatte = Pidahitamatte (Sī)	130
Pīṭhe = Pīṭhe āsane (Sī)	241
Puttagāvo = Puttagohi (Ka)	31
Puttahaṭāya putte’ti = Dhuttahaṭāya sutteti (Ka)	316
Puthusattānampi = Puthuttānaṃ (Syā)	129
Purato = Dhurato (Ka)	231
Porāṇā pana = Porāṇanāmassa (Ka)	93
Pamsukunthitoti = Pamsukuṇḍitoti (Sī, Syā)	263

[Pha]

Pharantāni = Phurantāni (Sī)	296
Pharivā pharivā = Pasāritvā pasāritvā (Sī), Harivā (Syā)	165
Phalakkhaṇaṃ = Phalalakkhaṇaṃ (Sī)	163
Phalikavaṇṇā = Balākavaṇṇā (Sī), Balāhakavaṇṇā (Syā)	223
Phassitā = Phusitā (Sī, Syā)	112
Phullitakokanaṃ = Phullitakokanaṃ (Ka)	250
Pheṇaṃ = Pheṇuṃ (Syā)	274

[Ba]

Baddhesu = Khandhesu (Sī), Bandhesu (Ka)	264
Balavacintanaṃ = Balavacittaṃ (Syā)	105
Bahalattena = Bahalantena (Ka)	101
Bāhitvāti = Vāhetvāti (Syā)	244
Bīḷibīḷikathā = Pīḷipīḷikathā (Syā)	267
Bījanteva = Bījabījantveva (Syā)	229
Byattaparicayaṭṭhena = Bhattuparicariyaṭṭhena (Sī), Byattuparicaraṇaṭṭhena (Ṭikā)	76

Nānāpāṭhā

Piṭṭhaṅkā

[Bha]

Bhañjissatīti = Bhajjissatīti (Syā)	151
Bhattakiccāvasāne = Katabhattakicco (Syā)	267
Bhayaṃ = Mahabbhayaṃ (Sī), Sāpabhayaṃ (Syā)	210
Bhavatu = Bhava, taṃ (Syā)	98
Bhastavātena = Tassā vātena (Sī)	159
Bhasmakhārādīhi = Osaṅkhārādīhi (Syā), Usakhārādīhi (Ka)	88
Bhājanīyabhaṇḍaṃ = Bhaṇḍabhājanīyaṃ (Syā)	284
Bhikkhācārato = Bhikkhāya caranto (Sī, Ka)	239
Bhikkhaṃ = Bhakkhaṃ (Syā)	131
Bhijjīyate = Tajjīyate (Sī), Maddiyate (Syā)	250
Bhindāpeyya = Chindāpeyya (Syā)	148
Bhussantā bhussantā = Bhassantā bhassantā (Ka)	240

[Ma]

Maggakāle = Maggakkhaṇe (Ka)	145
Maggacoro = Magge coro (Sī, Syā, Ka)	191
Maghena = Māghena (Ka)	28
Macalagāmake = Acalagāmake (Syā)	309
Macchariyena = Maccharena (Ka)	56
Majjha = Majjhima (Syā)	157
Maññatanti = Mānanti (Sī)	50
Maññati = Paññapeti (Syā)	155
Maññanāya = Maññamānā (Sī)	135
Maññi = Maññasi (Syā)	165
Maṇimayena = Nimmalena (Ka)	37
Maṇipaṭisāmakānaṃ = Sāṇiyā parikkhipāpetvā paṭisāmakānaṃ (Syā)	135
Maṇivammaṃ = Maṇicammaṃ (Syā)	71
Mattikapātiṃ = Mattikacāṭiṃ (Syā)	320

Nānāpāṭhā

Piṭṭhānkā

[Ma]

Mataṃ = Vadhaṃ (Ka)	54
Madanayutā = Damanayuddhā (Syā)	309
Mantāvacaṇaṃ = Mattāvacaṇaṃ (Sī, Syā)	250
Mandiyā nūti = Mandiyā nusesīti (Syā)	162
Maraṇavasāṃ = Māravasāṃ (Sī)	43
Mahagghaṃ = Samagghaṃ (Syā)	285
Mahantataro = Mahattataro (Ka)	198
Mahapphalataranti = Mahagghataranti (Sī)	57
Mahā-ūmiyo = Mahā-ummiyo (Syā)	52
Mahākaṇṭho = Mahākaṇṭho (Sī), Mahāgaṇḍo (Syā)	122
Mahācāṭiyo = Mahāpāṭiyo (Syā)	237
Mahābhārasahanatthena = Mahābhāraharaṇatthena (Syā)	305
Mātiṭṭhāne = Mātuṭṭhāne (Sī)	136
Mā tulaṃ = Mahātulaṃ (Sī)	321
Mādiso = Tādiso (Ka), Yadi so (Sī)	234
Mā sajjittho = Mā sajjittha (Syā)	162
Migāramātuyā = Migāramātāya (Syā)	136
Mitāhāraṃ = Mattāhāraṃ (Sī)	52
Milakkhu = Milakkha (Sī, Syā)	250
Mukhappamāṇe = Pamāṇena (Sī, Syā)	83
Mukhādhānaṃ = Mukhadvāraṃ (Sī)	101
Muddhavedikāpādato = Mūlavedikāpādato (Sī), Muddhavedikāpārato (Ka)	312
Mūlakammaṭṭhānaṃ = Lakkhaṇakammaṭṭhānaṃ (Syā)	27
Maṃ nissāya cesa gato = Maṃ nissāya cesa bhavo (Sī), Anissāyeva Sugato (Syā)	261

[Ya]

Yattha katthaci = Yattha vā tattha vā (Syā)	38
Yatāyaṃ = Yatoyaṃ (Sī), Yadāyaṃ (Ka)	37

Nānāpāṭhā

Piṭṭhaṅkā

[Ya]

Yadā = Sace (Sī, Ka)	311
Yassa = Passa (Sī, Syā)	235
Yujjhasoṇḍā = Yuddhasoṇḍā (Sī)	310
Yujjhitabbayuddhāni = Yujjhitabbayuttāni (Syā, Ka)	154
Yojanamatte = Yojanamagge (Syā), Yojanamattake (Ka)	130

[Ra]

Rajadhajam̄ = Rajam̄ vā dhajam̄ vā (Sī), Rajam̄ vā (Syā)	312
Rattabandhikāyo = Rattabaddhakāyo (Syā)	223
Ratīkaranti = Ratīkatanti (Sī)	87
Rattidivesu vā khīyati = Rattīhi divehi ca khiyati (Syā)	88
Rattindivā = Ratti vā divā vā (Ka)	162
Rathareṇumattampi = Rajareṇumattampi (Syā)	170
Rāgapariḷāhena = Balavapariḷāhena (Sī, Syā)	130
Rājagataṁ = Rājānaṁ taṁ (Syā)	319
Ruccīti = Ruccatīti (Ka)	291
Rujjhanti = Rundhanti (Sī), Rumhanti (Syā)	313
Rosakoti ghaṭṭako = Rosetīti ghaṭṭeti (Sī, Syā)	150

[La]

Lakuṇḍako = Lakuṇṭako (Sī)	149
...lañjanujjalagattā = ...añjanujjalagattā (Tīkā)	223
Laddhāsā = Laddhassādā (Sī)	19
Lāletvā = Palāpetvā (Syā), Cāletvā (Ka)	167
Lūkhapāvuraṇoti = Lūkhapāpuraṇoti (Sī, Syā)	238
Lomacalanamattakampi = Lomahaṁsanamattakampi (Syā)	159
Lohaḍḍhamāsako = Lohamāsako (Sī, Syā)	138
Vacanaṁ = Piyavacanaṁ (Syā)	297

Nānāpāṭhā

Piṭṭhānkā

[Va]

Vaccho = Maccho (Syā, Ka)	99
Vaṭṭati = Vattum vaṭṭati (Syā, Ka)	20
Vaḍḍhetvā = Vaṭṭhapetvā (Sī, Syā)	68
Vaṇṇagandhatthāya = Vaṇṇagahaṇatthāya (Sī)	137
Vaṇṇanibhā = Vaṇṇā ca vaṇṇanibhā (Syā)	115
Vatakoṭṭhāsāni = Vattapadānīti vattakoṭṭhāsāni (Syā)	317
Vatapadāni = Vattapadāni (Syā, Ka)	309
Vatte = Katavatte (Syā)	129
Vattena = Vatena (Ṭikā)	97
Vataṃ = Vattaṃ (Syā)	269
Vanasmim̐ = Vanasi (Syā)	270
Vapitvā = Ṭhapetvā (Syā)	232
Vayhamāno = Vuyhamāno (Sī, Syā)	217
Valāhakamiva panthagūti = Valāhakamivaddhagūti (Sī)	289
Vavassaggatthe = Vacasāyatthe (Ka)	146
Vasanaṭṭhānehi = Divāṭṭhānavasanaṭṭhānehi (Syā)	283
Vasisatehi = Vasīsatehi (Syā)	1
Vācākammantājivā = Vācākammantājivāti (Syā)	218
Vātaṃ = Tālaṃ (Syā)	252
Vāritavataṃ = Vāritvā vataṃ (Syā), Vāretvā adhigataṃ (?)	76
Vikīrayimsu = Nipatimsu (Ka)	295
Vicarantā = Viravantā (Sī)	219
Viṭaṭṭubho = Viṭaṭṭa bho (Sī), Viḍḍubho (Syā)	128
...vidhammanavasena = ...viddhammanavasena (Sī)	144
Vidhamitā = Vidhamitā (Syā), Viddhamitā (Ka)	50
Vidhamentā = Bhamantā (Syā), Dhamentā (Ka)	295
Vinodenti = Vinodenti nīharanti (Syā)	279
Vippalapantiyā = Vilapantiyā (Sī)	291
Vipphanditānīti = Vipphanditāni kānīci kānīcīti (Sī, Ka)	171

Nānāpāṭhā

Piṭṭhaṅkā

[Va]

Vibhavamattā = Vibhavappattā (Ka)	220
Vimatiṃ pakkhantā = Vimatipakkhandā (Ka)	17
Vimucchitoti = Dhimucchitoti (Sī)	164
Visattāti laggā = Sattā laggā (Syā)	278
Visattatāya = Vissajjatāya (Syā)	160
Vissaramakāsi = Vivaramakāsi (Sī)	193
Veṇḍūti = Veṇḍoti (Syā)	102
Vetaraṇinti = Vettaraṇīti (Ka)	59

[Sa]

Sakalikā = Sakkhalikā (Ka)	74
Saṅkhalitakuṭṭhī = Saṅkhasadisakuṭṭhī (Syā)	319
Saṅkharīti = Saṅgharīti (Syā)	211
Saccena vācenudakamhi = Saccavādena udakam (Syā), Saccena vādenudakampi (Ka)	301
Sañchādiyamānā dhūmakaṭacchu = Sañchādiyamānadhūmakaṭacchu (Sī) Sandhāriyamānā dhūmakapacchi (Syā)	188
Sattakūṭāgārasamo = Pabbatakūṭāgārasamo (Syā), Sattamakūṭāgārasamo (Sī, Ka)	70
Santāsanamattameva = Santāpanamattameva (Syā)	311
Santhambhitum = Saṅkhambhitum (Syā), Saṅṭhambhitum (Ka)	153
Sabbapañcasatam = Sabbapañcapañcasatam (Syā)	131
Sabbam setakaṇḍukacchu-ādibhāvam = Sabbapetakaṇḍukacchu- ādibhāvam (Syā)	285
Samalaṅkaritvā = Alaṅkaritvā (Sī, Syā)	147
Samphalanti = Vaṅsaphalanti (Syā)	126
Sammuṭṭham = Pammuṭṭham (Sī), Pamuṭṭham (Syā, Ka)	6
Sayamcaraṇadivase = Sayam jānitvā chaṇadivaso kireso (Sī), Sayam caraṇadivaso kira so (Syā)	164
Sarabhāṇam = Padabhāṇam (Syā)	280

Nānāpāṭhā

Piṭṭhānkā

[Sa]

Saroga-uppalādīni = Saroja-uppalādīni (Syā)	184
Sa ve = Sa ve pecca (Sī, Syā)	304
Sasakaṃ = Campakaṃ (Syā), Pampakaṃ (Ka)	54
Sahassa = Parosahassa (Syā)	120
Sātāgīrahemavatā = Sātāgīrihemavatā (Syā)	293
Sāmāyikaṃ = Sāmāyikaṃ (Syā)	168
Sārayāma = Sādayāma (Sī)	263
Sāventi = Vāventi (Syā)	278
Siṅgālassa = Sigālassa (Sī, Syā)	35
Sīhaḷaceṭṭikāya = Sīhaḷapetikāya (Syā)	250
Sukatakāraṇaṃ = Sukāraṇaṃ (Sī)	134
Sukhaviparināmena = Sukhapariṇāme pana (Syā)	105
Sukhaṃ = Mukhaṃ (Syā)	298
Sunaṭṭhā = Sammuṭṭhā (Syā)	25
Subhagiyāti = Subhariyāti (Syā)	142
Suvaṇṇapaṭaṃ = Suvaṇṇapaṭṭaṃ (Ṭīkā)	81
Suvaṇṇagghanikaṃ = Suvaṇṇagghikaṃ (Sī), Suvaṇṇagghiyaṃ (Syā)	277
Suvaṇṇapāṭiyaṃ pāyāsaṃ = Suvaṇṇacāṭim pāyāsassa (Syā)	189
Suvaṇṇarasasiṅcanāni = Suvaṇṇarasapiṅjarāni (Sī, Syā)	224
Susammaṭṭhakaṅcanaṃ = Susampahaṭṭhakaṅcanaṃ (Syā)	75
Susukāraṃ = Sūsūkāraṃ (Sī), Sussukāraṃ (Syā)	193
Susunāgabhāvasampattim = Nāgabhāvasampattim (Syā)	73
Sūtiḡharaṃ = Pasūtiḡharaṃ (Syā)	142
Sūyimsu = Pharimsu (Ka)	294
Sokābhāvakāraṇaṃ = Sokābhāvakaraṃ (Sī, Syā)	305
Somānanti = Soppamānanti (Sī), Seyyamānanti (Syā)	169
Sodhivākaraṭṭhanti = Sovīrakraṭṭhanti (Syā), Sodhikaraṭṭhanti (Ka)	105
Samkaddheyyum ceva uppīleyyum ca = Ākaddheyya ceva uppīleyya ca (Sī)	155
Samghasuppaṭṭipattiṅca = Samghasuppaṭṭipannataṅca (Sī)	306

Nānāpāṭhā

Piṭṭhaṅkā

[Ha]

Hatthakukkuccādīnaṃ = Akukkuccādīnaṃ (Sī)	213
Hatthighaṭā = Hatthighaṭo (Ka)	128
Hotu adiṭṭhapubbo vā = Hotu diṭṭhapubbo vā na vā (Syā)	19
Hohīti = Hothāti (Sī, Syā)	284